



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



ANTONII
ALVAREZ

IN COMPLUTENSI, ET

*Pintiana Scholæ medicinæ Doctoris, &
olim publici professoris,*

ATQ; ILLVSTRISSIMI, ET EXCELLENTISS

DOMINI PETRI GIRONIS OSSVNAE DVCIS,
ET NEAPOLIS PROROGIS,


Medici præstantissimi;

Epistolarum, & Consiliorum Medicinalium

PARS PRIMA

OMNIBVS, NON MEDICIS MODO, SED
etiam philosophia studiosis, utilissima.

CVM PRIVILEGIO.



NEAPOLI,

Apud Horatium Saluiarum. MDLXXXV.

ILLVSTRISSIMO AC EXCELLENTISS.

DOMINO PETRO GIRONI,
OSSVNAE DVCI, ET NEAPOLIS

PRO REGI,

ANTONIVS ALVAREZ FOELICITATEM.



X virtutum generibus ab antiquis philosophis, præcipuèque ab Aristotele celebratis, ea DVX MAXIME reliquas lōgè superat, quæ liberalitas nuncupatur, non solum enim nos alijs hominibus admirabiles, verum si quæ alia Deo maximè similes reddit, qui ob eam potissimum causam (si Platoni credimus) mundum creavit, ut bonus cum esset, bona sua reliquis impartiretur. Hac tam eximia, raraq; hoc seculo virtute maiores tui ornati cum esset, immortalẽ sibi, atque posteris gloriam, summũq; apud reges honorem compararunt. Quid enim liberalius excogitari potuit, quàm comitem Dominum Rodericum cū magno suæ vitæ periculo regi Alfonso sexto inter medios hostes debellanti, equoq; destituto, suum tribuisse? (cuius beneficio rex ab hostiũ manu euasit) elegisseq; , aut mortem potius subire,

aut ab inimicis capi, quàm regem summum in tanto discrimine periclitari; unde perpetuam sibi gloriam, ac suis posteris Gironum nomē praeclarissimum fuit adeptus. Hac eadem liberalitas fecit, Dominum Rodericum Gundisalum Gironem aui-vestigia insequētem, pro regeq; Alfonso octavo fortiter se gerentem, & in bello Alarci pugnantem, cecidisse magno cum sui nominis splendore. Quid referam de Domino Gundisalo Roderico Girone? qui sui temporis regum summus domorum praefectus tāta liberalitate erga omnes, domi, militiaq; , usus fuit, ut libenter militum turba eum insequeretur; sicq; forti manu insignem uictoriā apud Nauas Tolosanas fuerit cōsequutus, et reginam Dominam Berenguetā à manu regis Enrici eius fratris liberauerit, & Domino Ferdinando (quem sanctum etiam uocarunt) inuitorege Alfonso eius patre, regnū Castella tribuerit, posteaq; mortuo parente, in regnum Leonis admitti fecerit, suaq; ingenti ui, etiam exterarum gentes subiiciens, regisq; regna magno cū honore augens, & misericordia, atq; charitate animi motus pauperibus magnam diuitiarum copiam distribuens, insigneq; hospitium iuxta oppidum Carrionis magno cum dispendio adificare faciens, quò exteri, qui ad visitandam sacram Diui Iacobi domum per eam uiam cōtinuò profisciscuntur, et recipi, & à superueniētibus agri-

agritudinibus curari possent : cuius memoria in hūc
extat diem, & in posteros permanebit. Hac eadē vir-
tus Dominū Rodericum Gironem parētem suum,
atq; maiores imitari fecit, & mortuo rege Enrico,
Dominum Ferdinandum nomine sanctum Castella
regem constituere, eiusq; inimicos subigere, & re-
gis regna augere : qui regis domus etiā summus præ-
fectus, propriaq; manu mille ducentos quinquagin-
taquinq; militaris ordinis equites constituens, &
liberaliter maximam opum portionem monasterio
Dni Bernardi, Sancta Maria de benevides nuncu-
pato, impartiens, tandem glorioso nomine vitam fi-
nivit. Quid dicam de alio Domino Gundifalo Ro-
derico Gironē, cui etiā celeberrima facta imitari
te? qui vivente adhuc sancto rege Ferdinando, po-
steaq; sapientissimo Alfonso eius filio regnante, cum
regni Murtie summus esset præfectus, nobilissimā,
fortunatissimamque Gironum familiam sanguino-
lenta cruce, altaque dignitate magni magistri or-
dinis militum Dni Iacobi illustravit, post multas
victorias sanguinem inter Dei, atq; regis inimicos
inuito animo effundens, & vitam immortalī glo-
riæ cum morte commutans. Hunc Dominus Gun-
disalus Rodericus Giron nihil ab avi fortissimo
animo degenerans ita est insequutus, ut fortissi-
mè pro rege Alfonso undecimo adversus Navarros,

&

Et Aragonenses se gesserit, Et alijs strenuis militibus adiutus eos à Castella finibus ablegauerit, posteaque sanctæ fidei inimicos sæpius pro regis sui defensione expugnauerit, et liberaliter magnis periculis se exposuerit, eiusq; regna auxerit. Non minori virtute Dominus Ferdinandus Rodericus Giron regem Petrum insequutus, Et pro eo apud fluvium Durium cū regis inimicis fortissimè pugnans, cecidit: Et Dominus Alfonsus Tellus Giron iustas reginae Mariae partes sequens mortem contempsit. Quibus laudibus efferam Alfonsum Tellum Gironem Comitis Martini Vasci de Acuna clarissimi et genere, et armis viri, Et Illustrissima Domina Teresa Tellæ Gironis filium? qui inter præcipuos sui temporis pro Ioanne secundo multis periculis se exposuit, Et idem, licet patris cognomine posset gloriari, matris tamen cognomen propter clarissimam Gironum familiam fuit adeptus. A quo duo filij, unus, Ioannes Pachecus, alter, Petrus Giron, tanquam duo Hispania lucentia lumina, generati, sic pace, Et bello valere, Et pro rege Enrico ita strenuè se gessere, ut unus, regis domus summus præfectus, Marchioq; Viltena, Et magnus magister equitum ordinis Diui Iacobi fuerit constitutus, alter verò, Vrenia Comes, et magnus equitum Calatraue magister effectus, ad honorem, status, Et diuitiarum culmen fuerit deductus:

cum

cum enim magnis, et continuis periculis se exposuisset, & in regni Granatæ bello militum summus dux effectus privato duello Albaialdum inimicorum fortissimum occidisset, proprijsq; sumptibus, effuso etiā sanguine ex vulnere capiti illato, Archidona debellasset, regisq; dominio subiecisset, Enricus rex non tantum dictum oppidum, sed et alia quamplurima, propter res in bello gestas, illi, & suis in posterum successoribus præstitit, & pro bonis proprijs, atq; acquisitis, iure maioratus primo eius filia Domino Alfonso Tellio Gironi regia facultate concessit, & apostolica confirmari fecit, simul cum regijs officijs magni camerarij, & notarij maioris regni Castellæ, & titulo Comitis Vreniæ: tandem ad tantum status, & honoris altitudinem devenit, ut rex sororem Dominam Isabellam illi in uxorem fuerit pollicitus, Pontifice Pio secundo annuente, & illius loco Dominus Rodericum Tellium Gironem secundum eius filium in magni magistratus Calatravæ sedē succedere fecerit, & nisi dira, & immatura mors illum præoccupasset, proculdubio Dominæ Isabellæ maritus, & multorum regnorum rex fuisset effectus. Neq; silentio prætereundum est, quanta fuerit fortitudo Domini Roderici Tellij Gironis magni magistri Calatravæ, & Ioānis Tellij Gironis eius fratris, qui, post obitū Domini Alfonsi Tellij Gironis, secundus Vre-

214 Comes fuit cōfirmatus; ambo enim parentis magnanimitatem, in rebus bellicis audaciam, & erga milites liberalitatem ita fuere imitati, ut in catholici regis Ferdinandi gratiam fuerint recepti: quorū forti manu rex plurimas obtinuit victorias. Neque minori gloria Dominus Rodericus Giron magnus Calatravæ magister privato duello Alatarum fortissimum regis Granatæ militem interfecit, quā eius pater Albaialdum occidit. Tandemq; in Loxa assedio cum immortalis nomine inter medios hostes fortissimè pugnans, sagittis percussus vitā finiuit. Neq; ob id eius frater Ioannes Tellus Giron à bello destitit, quinimo magis inimicorum odio persitus, & regis amore inductus, per decē annos magnis sumptibus strenuè adeo se gessit, ut suis viribus, inter alios precipuos duces, Granatæ regnum regis Ferdinandi dominio subiecerit; liber aliq; manu tandē pauperibus magnā bonorum suorum partem impartiens gloriose vitā finiuit. Quē eius filius Dominus Petrus Giron tertius Vrenia Comes insequutus, contra inimicos fortissimū adeo virum se præbuit, ut gravissimā pericula subire non dubitauerit: effusoq; sanguine, cum alijs strenuis ducibus, & militibus, Navarræ regnum recuperaverit, & in Africa, propter res gestas, fortissimi viri nomen fuerit adeptus: tandemq; subditos pace, & iustitia conservans, liberaliterq;

terq; montiū sui status partitione ditiores efficiens,
cum magno omnium marore obiit. Cui successit Do-
minus Ioannes Tellus Giron eius frater, quartus
Vrenia Comes, tuusque dignissimus pater, qui sali-
cipace, incredibilique liberalitate utens, in Ossuna
oppido insigne erexit templum supremis adificijs el-
aboratum, idque magna diuitiarum copia dotauit,
Et innumerabili vasorum auri, Et argenti: nume-
ro, atque insignium ornamentorum ditauit, con-
stituitque supremum Abbatem, aliasque dignita-
tes, canonicos, rationarios, atque capellanos, qui
continuo horas canonicas solemniter, deuotēque in
diuini cultus honorem profitentur. Insuper in eadē
collegiali Ecclesia sub maiori eius altari sepulchrum
miro erexit artificio, eximiaque arte elaboratum,
Et magnis sumptibus fabrefactum, particularique
Ecclesia contentum, quæ sub maiori templo adifica-
ta, priuatos, atque proprios continet capellanos, qui
quotidie diuina officia magna cum quiete decantā-
tes, atque celebrantes, asistentium animos ad di-
uinam contemplationem erigunt. Sub hoc templo,
aliud non minus admiranda continetur arte, ubi
defunctorum ossa in excauato parietum congruo lo-
co continentur, ibique statutis septimana diebus ca-
pellani missas etiam decantantes celebrant. Summa
etiam liberalitate Septem monasteria eodem in oppi-

do edificauit, atque dotauit, quibus diuinus cultus assidue celebratur, sacraque Dei euangelia interpretantur, & docentur. Erexit praterea aliud templi vinculo Diui Petri dicatum, in quo priuatim constituti capellani cum suo preside preces Deo fundunt. In Moronis oppido monasterium etiam unum Diuo Francisco erexit, & in Arabale alterum minimorum fratrum, & in oppido Puebla dicto illis insignē praeiuit domum, qua collegij loco deservit, in eaque artium studia profitentur. In Archidona etiam insignē Diui Dominici monasterium struxit, & dotauit, Deum gratum habere cupiens, quem cōtinuis precibus, ut filium heredem sibi concederet, deprecabatur: sicque intra annum te obtinuit principem excellentissimum, Deoq; reddens gratias pro tātō beneficio, eodem in oppido aliud instituit monasteriū minimorum fratrum, et in Valle formosa aliud pro fratribus tertij ordinis Diui Francisci, simul impartiens argenteos, & auratos calices, cruces, & ornamenta serica, & filo aureo, & argenteo constructa, atque elaborata, nō modo suorum statuum Ecclesijs, verū quamplurimis alijs vicinis, quae tātū viri magnificētiam erga diuinum cultum saepius experiebantur. Tādem Christiana etiam pietate erga proximū inductus, charitatis opera exercens egenis subueniebat; pauperum etiā gratia hospitium in oppido

vido Ossuna erigens, ubi mederi, et ab aegritudinibus
leuari, liberariue possent. Neq; excelsus eius animus
quieuit, donec ad maiora ascendēs, quæ ad reges ma-
ximè attinere videtur, in signe literarum collegium
construxerit ad Complutensis similitudinem, ita fa-
brefactum, in perpetuumq; dotatum, ut nunquam
desicere possit: inter omnes enim seculares Hispania
principes, literas, & earum studiosos mira benigni-
tate, & haud vulgari beneuolentia in tantum fuit
prosequutus, ut primus dictum collegium in studio-
rum utilitatem, & gloriam erigere, cōstituereq;
decreuerit, grammatices, rhetorices, logices, philo-
sophia, medicina, utriusq; iuris, sacraq; theologia
institutores creans, et ab insignibus scholis adducēs,
qui easdem sciētias publicè docere, & disputare va-
lerēt, et hominum animos à tenebris in lucem redi-
gere possent, sanè ut prudentissimus vir intelligens,
quātus christiana religioni, optimaq; reipublica gu-
bernationi in posterum prouētus fieri debuisset; un-
de christianissimi, catholiciq; principis nomen opti-
mo iure illi debetur. Id testantur inter reliqua, solē-
nia festa Sanctissimi Eucharistia Sacramenti, pu-
raq; Cōceptionis Dine Mariae, magno apparatu, so-
lennibusq; sacrificijs quotannis celebrata, donaq; li-
berali manu illis diebus pauperibus impartita; con-
firmantque, eius probitas, morum integritas, san-

Et imonia, et christianissimus, catholicusq; vitæ finis.
Inter reliquas DVX EXCELLENTISSIME fortuna, & animi dotes, quibus natura te ipsum insigniuit, potissimum gloriari potes, quòd tali parente dignum filium te referas, non modò animi magnitudine, sublimitate ingenij, naturali eloquentia, innumerisq; alijs virtutibus, verum summa liberalitate, quam maiores tui semper professi sunt: quam excellentissimus pater in Dei gloriam, & honorem, reipublicaq; utilitatem erexit, non modò conservare, verum maximo, quod facis, studio colere, et amplecti curas, in tuamq; tutelam, ac fidem suscipis, et literarum collegium magis, ac magis exornare, et in dies nova liberalitate augere, cumulareq; non cessas, de nouo etiam promouialibus D. Hieronymi in oppido Moronis monasterium reedificans, atq; tui status pauperibus, & egenis, liberaliter subueniens. Eandem tuam liberalitatem comprobat magnum diuitiarum factum dispendium, quando à Francia finibus comitabaris Reginam Dominam Isabellam simul cum Illustrissima matre tua eius maiori cameraria, dum eam catholicus Rex Philippus in uxorem suscepit; unde tui status magnitudo, non modò nostris, sed etiam exteris nationibus, quæ tuam eximia experiebantur liberalitatem, cum magna tui gloria, & admiratione, cognita fuit. Neq; minori sumptu
usus

us es, dum simul cum excellentissima matre eandem reginam ad Francia regnum proficiscentem comitatus magno splendore matris, atque tuam domum toto illo itinere illustrasti. Tuae etiam liberalitatis manifestissima testimonia sunt res in bello Granatae gestae per plurimos fortissimos viros, atque milites tui status, quos proprijs expensis, ut Regi inseruirent, per totum illius belli tempus conduxisti. Tuae quoque liberalitatis, fidelitatis, & amoris erga Regem (cuius servitio totus semper deditus es) exemplo esse possunt res à te factae in Portugaliae regno, dum à Catholica Maiestate missus ad Regem Enricum, de illius regni successionem pertractans, non modo per duos fere annos magnam divitiarum copiam splendide consumens, & Lusitanorum primarijs ditissima munera tribuens, eosque summis honoribus afficiens, simul pollicitus regis gratitudinem, & gratiam, tuo prudentissimo consilio, & acerrimo iudicio, duos precipuorum lusitanorum animos lenieris, sed iustam catholici Regis causam comprobare feceris, non sine magno tuae vitae periculo; nullum magno Principe, immortalitatemque merituro impendij genus dignius existimans, quam quod in Regum servitia erogatur. Ideoque eadem animi promptitudine catholico Regi fuisti obsequentiissimus, dum regni Neapolis proregem
te con-

te constituit, & in longo adeo itinere, Illustrissimo
Comite de Haro, totq; Illustribus Hispania viris co
mitatus, tam liberalem te praeuisti, ut omnes splē
didissimam domum tuam, ac verè regiam admira
rentur. Quod quidem ad eximias, & raras illas vir
tutes (quas sibi quisque de tua Illustrissima natura
pollicetur) adiungentes, nomen illud Gironis ingēti
gloria, ac fama, maximaq; cum omnium beniuolē
tia uno ore ad sydera usq; eleuant, teq; tanquā quid
diuinam manu missum celebrant. Gaudet Neapolis se
natus egregius suae reipublicae commoditatem expe
riens, & quantus in ea quotidie proventus fiat cōsi
derans. Latatur regnum uniuersum, quod Iustitia,
pace, & abundantia tuo tempore potiatur. Quam
obrem maximè delector, quod ad tātī Principis ser
uitium fuerim aduocatus, oblatq; sit occasio, qua
medici cubicularij locum apud te habere liceat, &
unus ex varijs Hispaniae locis cōquisitus, idoneus vi
sus fuerim ad id muneris obeūdum. Neq; unquam
difficile mihi visum fuit his priuari commodis, quae
Burgensi Hispaniae insigni ciuitate, dum per multos
annos medendi artem exercerem, mihi paraueram,
aut quod in singulos annos eiusdē ciuitatis senatus
egregius pollicebatur liberalissimum stipendium, ut
apud eum permanerem, animum unquam immis
tauit meum, vel longi itineris cum uxore, filijs, uber
apud

rimaq; familiā, non contemnenda difficultas. Quæ
omnia superavit magna quedam prospera fortuna
concepta fiducia, quod te optimum, piū, gratissi-
mum, liberalissimumq; patronum habeam, & tuæ
munificentia munera quotidie experiar. Proinde,
cū exoptarem, meam hanc spem apud omnes no-
tissimam fieri, volui nostram primam epistolarum,
atq; cōsiliorum medicinalium partem in lucem pro-
deuntem nomini tuo dicare, ut ea, quæ soles, liberali-
tate protegas, & tuo splendore invidetium tenebras
diluas, animumq; ad maiora perficienda excites:
spero enim, bonarum literarum studiosis utilitatē,
& propter rerum uarietatem, delectationem alla-
turam. Accipe igitur Heroum maxime benignissi-
mo uultu tuo nostras has lucubrationes, tanquam
meæ erga te obseruantia, & fidelis seruitutis, atque
amoris certissimum signum.

PHILIPPVS DEI GRATIA REX. &c.



OMINVS PETRVS GIRON Dux Ossunę, dominus domus, & status Vrenię, Maior Camerarius sue Regię Maiestatis, & in presentĩ regno prefatę Regię, & Catholicę Maiestatis Vicerex, Locumtenens, & Capitaneus generalis, &c.

Magnifico viro Ar.me: do: Antonio Aluarez regio fideli dilecto gratiam regiam, & bonam voluntatem. Nuper pro vestri parte fuit nobis presentatum memoriale cum quibusdam relationibus de nostri ordine factis Reuerendi Bartholomei Perez de aueros de Societate Iesus, & magnifici Ar.me: do: Cesaris Scannapecci tenoris sequentis, videlicet.

Illustrissimo, y Excellentissimo Señor. El doctor Anton Aluarez supplica a V. E. mande ver por vn medico docto desta Ciudad de Napoles, y por vn Theologo, vn libro por el compuesto intitulado la primera parte de las Epistolas, y consejos medicinales dirigido a V. E. para que constando le ser util, y provechoso, y no auer en el cosa erronea le haga merced de dar licencia para que se pueda imprimir, que la recibira muy grande de V. E. vt Deus. Sequitur tenor dictarum relationum, videlicet. Cum quę in hoc libro sapientissimę disputata attentę cõsideraui, nihil a fide, aut religione catholica alienũ inueni. Reperi preterea multa ex his, quę ad philosophiam pertinent, magna cum subtilitate, & eruditione tractata; quęq; philosophię disciplinę studiosis ingen. i vi spero utilitati erũt. In Collegio Societatis Iesu 6. Calen. Octo. 1584. Bartholomeus Perez de aueros, Illustriss. ac Excellentiss. D. D. Petro Gironi Ossunę Duci, regniq; Neapolitani Proregi. Antonij Aluarez medici, ac Philosophi peritissimi, Excell. Princeps, Epistolarum, & consiliorum medicinalium partem primam te imperante perlegi, opus quidem omnibus gratum, atque perutile non medicis modò, sed & philosophis, cui profecto nec adijci quicquam, nec ab eo demĩ potest, secus ac in medicina, quę appositio est, & ablatio Hippocrate auctore libello de flatibus, ob idque in lucem edi opinione mea, ac imprimi, & potest, & debet: Viue semper felix, Neapoli die quintodecimo Septēbris 1584. Cæsar Scānapecus medicus. Et viso per nos tenore preinserti memorialis, & relationum predictarum, considerantes opus predictum esse perutile huic regno, vestris propterea supplicationibus inclinati, tenore presentium de certa nostra sciētia cum deliberatione, & assistentia Regij Collateralis Consilij penes nos assistentis Statuimus, quod nemini liceat per annos decem a die datę presentium in antea numerandos opus predictum imprimi facere, seu ordinare, absque speciali permissione, & licentia vestri prædicti magnifici Antonij Aluarez, vel vestrorum heredum, & successorum dicto tempore perdurante: qđ si quis contra hanc nostram ordinationem facere attētare, ipso facto opus predictũ taliter impressum in hoc regno, aut quomodo-

modolibet ex qualibet parte inductum deuolatur, & sit vestrum, vel dictorum vestrorum hæredum, & successorum ultra pœnam vntiarum auri quinquaginta, in quam incurrere intelligantur contrafacientes, medietatem v3. vobis, dictisq; vestris hæredibus, & successoribus applicandam, & aliam medietatem Regiæ Curia. Dummodo opus prædictum sit per vos nouiter factum in hoc regno, & non aliter. Mandantes propterea per præsentés omnibus, & singulis officialibus, & subditis regijs maioribus, & minoribus quocunque nomine nuncupatis titulo, officio, auctoritate, potestate, & iurisdictione fungentibus, præsentibus, & futuris, ad quos, seu quem spectabit, & præsentés peruenerint, ac fuerint quomodolibet præsentatæ, vnique in sua iurisdictione, quatenus vobis, seu alteri legitimæ personæ pro vestri parte præstent, & præstari faciant omne auxilium, & fauorē necessarium, & opportunum super consequutione dicti operis in casibus præmissis vobis deuoluti, ac pro consequutione dictæ pœnæ. Adeoq; pro prædictis ad nos recursum habere vobis necesse non sit. Et secus non agatur sub ira regiæ indignationis, ac pœna ducatorum mille. Præsentibus regio sigillo à tergo impressis præsentanti singulis vicibus remansuris. Datum Neapoli die 20. Nouembris Millesimo Quingentesimo Octuagesimo Quarto.

Don Pedro Giron.

Fidit Cadena P. R.

Dominus Picerex Loc. & Cap. Gen. mandauit mihi Bastida de Munatones.

Licentia imprimendi superscriptum opus per annos decem, ad instantiam Magnifici Ar. Me. Do. Antony Aluarez cum insertione relationum Reuerendi Bartholomei Perez Denueros, de Societate Iesu: & Magnifici Ar. Me. Do. Cesaris Scanapechi.

ΙΩΑΝ. ΦΡΑΝΚΙΣΚΟΣ ΛΟΜΒΑΡΔΟΣ ΘΕΟΛΟΓΩΣΤΕ,
καὶ ἱατρὸς πρὸς τὴν Ἀναγνώσιν φίλον, καὶ φιλαλήην
Δικαίωχον.

ΑΛΒΑΡΟΣ Ισπανῶν το κλέος, καὶ δόξ' ἐπιφανής
Ἐστ' ὑπερασπιστὴς Ἀλτιμάρου μέγας,
Θαῦμα φρεσ' ἐγγίνεται, φύεται νάρκημα μέγιστον,
ὅρα δ' ἄνδρα φιλεῖτατον ἀλλόφυλος,
Ἐστὶν ἀληθείας δύναμις ἀνδρεία, καὶ ἀκμὴ,
ἐκλύει πρὸς ἑτοῦ πᾶν, καὶ ἐνοῖ κρατερῶς.
Μὴ θέλεθ' αὖμαζ' εἰς Ἀναγνωστὰ, μέμνησο λόγους.
τῷ Λόγῳ ὑψιβρόνδ' γράμμασιν εἰν ἱερῶς,
Ἀλβαρον Ἀλτιμάρου δ' φίλτατον αὐτὸς ἀγάπα.
δὲ ἔσο καὶ δέομαι τῷ ἀχάρισσά ἀγαπᾷ.

IOANNIS FRANCISCI LOMBARDI THEOLOGI, ET MEDICI

Ad lectorem amicum, veritatisq; studiosum, ad ver-
bum ferè latinè redditum.

DE CASTICHON.

Aluarus Hispanorum insignis gloria, lausque,
Est propugnator strenuus Altimari.
Mirum oritur menti, torpedoque maxima repit,
Dum satis ænotrium diligit exter homo.
Est veri vis magna nimis, magnique vigoris,
Ad se cuncta trahit fortiter atque ligat.
Mirari noli lector, reminiscere dicti
Altitroni verbi, quod sacra scripta docent.
Aluarum, amat mirè Altimarum qui, dilige semper
Nec valde ingratus deprecor esse velis.

AD

AD ILLVSTREM, ET CELEBERRIMVM

Ar. & Med. Doctorem Antonium Alvarez, in
archiatrum suis quam primum me-
ritis electum.

Ioannis Gregorij Grandis Messanensis Ar. & Med. Doctoris.

EPIGRAMMA.

Dixerat accedens inuictus Caesar ad hostes;
Vix veni, vidi, parta trophæa tuli.
Posteritas factum celebrat, miratur & illud,
Quid faciet, videat, si modò maius opus?
En tibi ab Hispanis veniens Antonius oris,
Quæ superant, peragit maxima gesta, fidem.
Vix venit, legit, secuit, dehinc edidit, vnde
Supremum medica scandit in arte gradum.
Quanto animus præstat mortali corpore, tanto
Ingenio cedant Caesaris armatuo.

Eiusdem in laudem operis.

Quisquis es Altimari cultor, veriq; professor,
Esse Machaonia clarus & arte cupis.
Hoc opus euoluas, quod præstat notus vtrique
Aluarus Hesperia, fama loquetur opus.
Altimari hic cernes à Salui dogmata telis
Oppugnata, operis nunc ope tuta noni.
Hic defenduntur grauium monumenta virorum.
Ne sine docta bono vindice scripta ruant.
Multorum hic cernes medicamina vera malorum,
Pro morbis varium consiliumque datur.
De rebus medicis, quarum ardua questio torquet
Scriptores, Author differit, atque docet.
Accedas, hic sunt hortus, vbi fructus, & omnis
Flos medicæ artis adest, elige quæque placeat.

CLAVDII LIBESSARDI

ATREBATIS TYPOGRAPHI AD

Authorem, necnon ad Lectorem,

EPIGRAMMA.

SI Hippocrati meritò primas dat Gracia, fert que
Laudibus in cœlum Gallia Fernelium.
Nonne pares referet laudes tibi Iberia, cum sis
Artis tum medica, tum decus Hesperia?
Te doctrina, et nobilitate vicens ne filebit
Urbs tanto felix Parthenopea viro?
Ecquis in Aonijs hortis studiosus oberrans
Non tam præclarum nomen ad astra feret?
Quod tu tam facili methodo, ac Epidaurius alter
Doctæque consilia, & pharmaca sanare refers.
Succinctæque refutas id, quod Sclanus in illa
Scripsit, quæ sapiens edidit Altimarus.
Hunc igitur Lector lege si tibi cura salutis,
Atque Machaoniam, candide, queris opem.
Et fac ut valeat, librum qui dente canino
Lividus hunc lacerat, redde & eū Harpocratem.

I N D E X
EPISTOLARVM, ET CONSILIORVM
QVAE IN HOC LIBRO CONTINENTVR;
ET EORVM, QVAE IN HIS
P E R T R A C T A N T V R.



- E**pistola prima confutantur tredecim sententiae Salui. fol. primo.
Epistola 2. improbantur plurima à Iulio Iasolino tradita de adipis, & pinguedinis natura, & eorum discrimine, deque poris co-
lidochis: Vesalius etiā, & Musa, ac Fuchsius defenduntur. fol. 84
Consilio primo proponitur quid stupor sit, eiusque curandi ra-
tio, & in quo differat ab apoplexia, & paralyfi. fol. 107
Assertionem suam Nereus Nerius conatur ostendere, sinistri lateris stuporem
à causa frigida obortum postulare sanguinis missionem per sedis venas, &
applicationem cauterij in occipite. fol. 116
Epistola 3. comprobatur aduersus Nereum Nerium in dimidij lateris stu-
pore à causa frigida oborto nullatenus venae sectione, & cauterio in occi-
pitate vtendum esse. fol. 118
Epistola sua intendit Nereus Nerius sententiam propositam confirmare de
sanguinis euacuatione per sanguisugarum ad sedem applicationem, &
vltus in occipite excitandum in stupore dimidij lateris à causa frigida
oborto. fol. 124
Epistola 4. confutantur rationes Nerij afferentis, venae sectionem, & caute-
rium in occipite conuenire laborantibus stupore totius sinistri lateris à
causa frigida oborto. fol. 132
Consilio 2. agitur de podagrae praeservatione, atque curatione. fol. 136
Consilio 3. pertractatur de curatione obstructionis, & ruboris faciei. fol. 144
Epistola 5. probatur aduersus Ioannem Bernardinum Longum, elementa
mundi, quae sensu percipiuntur, verè mixta esse. fol. 153
Epistola sua Ioannes Bernardinus Longus nititur probare, elementa mun-
di, quae sensu percipiuntur, verè esse simplicia. fol. 158
Epistola 6. improbantur rationes Ioannis Bernardini Longi, quibus nititur
suam confirmare sententiam de simplicitate elementorum mundi, quae
sensu percipiuntur. fol. 164
Epist. 7. comprobatur, animalem facultatem ex cerebro, tanquam è suo
fonte, per neruos ab eo propagatos, vitalem ex corde per arterias, naturalem
verò ex iecore per venas in omnes corporis partes distribui. fol. 174
Epist. 8. disputatur aduersus Ioannem Antonium Pisenum, certissimè esse
lienem crassiori nutriri sanguine, quam hepar, si sanguinem melancholi-
cum, quo lien nutritur, ad sanguinem, quo alitur hepar, conseratur: quod
à vitrea pituita dysenteriam generari impossibile sit. fol. 183
Epist. 9. respondetur dubijs à Cæsare Scannapeco in examine libri pro-
positis. fol. 198
Epist. 10. proponuntur defensiones quinque pro Ioanne Altim 10, aduer-
sus Salaum. fol. 210

I N D E X



- A*stergentia cum aliqua re-
percutione. 148
- A*ciusq; humoris propria
natura euenit moueri per
statutos circuitus. 251
- A*ctio pro facultate, & facultas pro
actione saepius accipitur. 231
- A*cuti morbi duplex natura. 202
- A*cutes morbi in *Anaxione* à die septi-
mo, quo morbus inualuit, numeran-
da. 263
- A*cutus morbus ex periculo, & motus
celeritate deprehenditur. 12. 23
- A*cutus morbus simpliciter, & peracu-
tus quis sit. 23
- A*deps durior, aut mollior fit ratione
temperamenti partis, & sanguinis te-
mioris, vel crassioris. 88
- A*deps ignei caloris pabulum. 88
- A*deps in cordis basi contentus cur cras-
sioris, & durioris substantia sit. 91
- A*deps in cordis basi contentus quare
ab ingenti cordis calore non consu-
matur. 90
- A*dips quomodo generetur circa calidas
partes. 89
- A*dipis origo, & usus. 91
- A*dipis usus à Galeno inuentus. 91
- A*lrimarus, & *Vega* diuidentes artem
medicam in indicatiuam prognosti-
cam, & curatiuam, à Salui calumnia
vendicantur. 8
- A*lrimarus defenditur assignans causas,
propter quas pituita p singulos dies,
& bilis per tertios faciunt accessio-
nes. 55
- A*lrimarus defenditur dum assignat in-
dicationum descriptiones. 35
- A*non bo peracuto, non à morbo breui-
simi temporis sumitur indicatio ad
victum tenuissimum. 39
- A*ntichini ante effluuium diuino non fuit
missus sanguis. 209
- A*poplexia quid sit, & in quo differat à
paralyti. 107
- A*qua in pericardio contenta usus. 92
- A*rgenterius excusatur dum asserit ad di-
gnoscendos morbos, non modo ab in-
ternis, sed ab externis etiam causis su-
menda esse signa. 58
- A*rs in venae sectione imitatur reſtituti-
nem fibrarum. 64
- A*rs medica non est diuidenda in indica-
tiuam, salubrem, & curatiuam. 222
- A*rs medica vniuersa intelligitur gene-
rali nomine ab Hippocrate cōmenta-
rio 1. in li. Hipp. de vict. rat. com. 1.
nomine medicatiuæ. 223
- A*rteriae oriuntur à corde. 181
- A*rticularis morbus quis sit, & in quo
differat à sebiatico, podagra, & chi-
ragra. 137
- B**
- B*alnea de Arnedillo, & de Ledesma
ad frigidas passionēs probantur. 113
- B*ilioſum excrementum aliquando dupli-
ci via quomodo expurgetur. 95
- B*ilis duæ species, nempe pallida, & flaua
naturales sunt. 95
- B*ilis, & eius specierum natura, & gene-
rationis modus. 99
- B*ilis pallida sub flaua continetur. 96
- B*ilis pallida, flaua, & vitellina in ieco-
re, & vasis generatur: porracea ve-
ro, & eruginosa, atque isatodes dicta
saepius in ventriculo fiunt. 96
- B*ilis æruginosa, & isatodes, simul cum
porracea sub viridi colore continen-
tur, & quodammodo ad porraceam
reducuntur. 96
- B*rasanolus defenditur, asserens morbos,
qui statim cōſiſſūt, eſſe peracutos. 30
- B*rasanolus vendicatur à crimine dicens
aliter

aliter sumi accessionem ab Hip. in 1. parte 11. aph. 2. sect. quā in secūda.	43	concessum.	178
Breues, & longi morbi à spacio tales sunt.	200	Cor vit. his facultatis origo.	179
Breues morbi qui sint.	22	Cum indicatio dicitur agendorum insinuatō descriptio est nominis potius quam rei.	233
C		Curatiuam & salubrem medicinam nō esse generalissimas artis partes.	225
Calor natiuus qua ratione dicatur prater naturam.	247	D	
Causa antecedēs in sua specie quid sit.	57	Damnatur expositio salui supra aphoris. 11. 1. sect.	48.
Causa continens quid sit.	57	Deriuatio fit per aliquam vicinarum partium.	122
Causa quid sit.	57	Deriuatio non fit per particulas quæ fluxionem suscipiunt.	130
Causa antecedentes seu immediatæ in quo differant à continentibus.	57	Diagnostica, & prognostica medicina pars licet in communi signi natura conueniant, in specifica tamen signorum natura differunt.	227
Causæ externæ seu euidentes quæ sint.	57	Dignotio, & prænotio nō excluduntur à medicæ artis sue.	223
Causæ internæ aliæ morbum præcedentes, aliæ continentes dicuntur.	57	Dignotio, & prænotio nā sunt idē.	227
Cauteria supra lesam partem, contenti in ea humoris solum euacuationem faciunt.	114	Discutientia.	142
Cauterium in occipite non intercipit huius morem fluentem à cerebro in spinalem medullam.	130	Diuisio artis medicæ in indicatiuā, prognosticam, & curatiuam leges optimæ diuisionis continet.	223
Celeritatis motus causa.	200	E	
Cerebrum facultatis animalis domicilium.	177	Efectus à causa de per se datur scientia.	208
Circuituum causas per statutos dies præcipue in cuiusq; humoris propriæ naturæ, atque substantia esse collocandas.	52	Elementa, quæ sensu percipiuntur, uerè mixta sunt.	153
Circuituum causas ab Altomaro signatæ defenduntur.	55	Excrementis iecoris an nutriantur partes, quæ illa trahunt.	97
Circuituum statuta ratio nō consistit in contractæ putredinis conditione.	55	Excrementis, quæ trahuntur, nullæ partes nutriuntur præter lienem.	98
Continens febris fit à sanguine; quia in magnis putrescit vasis: non autem quia facile putrescat.	256	Excrementa vno melancholico excepto nutrire non possunt.	99
Continuitas febris non à natura humoris, sed ab amplitudine loci perficitur.	257	Excrementum quid dicatur.	189
Cor humidum est, & in humiditate ceterum excedit.	91	F	
Cor perfectis duntaxat animalibus fuit.		Facies ruboris cum mesenterij obstruptione curatio.	144
		Facultas animalis, vitalis, & naturalis realiter distinguuntur.	275
		Facultas	

I N D E X

- F**acultas animalis deficit reliquis non laborantibus. 175
- F**acultas animalis ex cerebro in nervos, vitalis ex corde per arterias, naturalis ex iecore p[er] venas distribuitur. 174
- F**acultas animalis reliquis est dignior. 182
- F**acultas naturalis deficit reliquis nihil patientibus. 176
- F**acultas nutritiva, & sensitiva deperduntur vitali manente. 176
- F**acultas nutritiva ortus ordine prior est reliquis. 182
- F**acultas vitalis leditur alijs illis. 176
- F**acultas vitalis necessitatis ordine prestantior est reliquis. 183
- F**ebres sine periculo non sunt acute. 204
- F**ebres synocha ex inflammatione sanguinis non sunt acute. 22
- F**ebrium circuitus non respondent humorum numero. 49
- F**ernelius non est damnandus quia adipem cum pinguedine confundat, aut quia minus adipis in partibus calidioribus congeri affirmet. 90
- F**ontanella insanis partibus facta pro diuersitate loci, r[ati]o[ne] deriuationem, tum reuulsionem efficiunt. 114
- F**uchsius, & Musa defenduntur, dicentes, non solum porraceam bilem, sed æruginosam, & isatodem nuncupata in ventriculo generari. 94
- G**
- G**aleni authoritas examinatur, dū 3. de facult. na. c. 6. & 9. asseruit, membrum nutriri eo succo, cuius trahendi est illi naturalis potestas. 160
- G**aleni sententia suspensa est, qua digitorum ossa solida, & medulla expertia esse dixit. 92
- G**aleni verba explicantur, quæ li. de atrabili profert de bilis speciebus. 94
- G**aleni verba explicantur, li. de opt. sec. c. 11. de indicationibus, multa aliter quam à Saluo exponuntur. 229
- H**
- H**epar refrigerantia. 147
- H**epar sedes est facultatis naturalis. 177
- H**irudines trahunt sanguinem carni adiunctum, non eum, qui in imo corpore continetur. 120
- H**umor crassus quantitate redundans, aut membrum præcipuum infestans, turgens non est. 71
- H**umor pestiferus, qui fixus est, turgens esse non potest. 71
- H**umorum species per qualitates cognoscuntur. 10
- I**
- I**mbecillia corpora à causis euidenti- bus maxime afficiuntur. 57
- I**n euacuatione Anaxionis pleuritide laborantis cur Hip. venâ non secuerit. 59
- I**ndicatio à viribus per similia, non per contraria procedit. 35
- I**ndicatio in genere quid sit. 32
- I**ndicatio in specie quid sit. 32
- I**ndicatio in specie alio modo quid sit. 33
- I**ndicatio semper ostendit quod utile est. 143
- I**n indicatione à virtute nihil noxium ex parte indicantis reperiri. 233
- I**n indicationibus semper res indicans est nocens. 237
- I**n mixtione elementorum qualitates sunt quæ miscentur omnino, & confunduntur, non substantiæ. 155
- I**n mixtione non corrumpuntur miscibilia. 155
- I**n putredinis contracta conditione non consistit particularium circuituum ratio. 252
- I**n sanguine ut quarta substantia à reliquis

I N D E X

- quis humoribus separata necessario 11
 siccitas, & frigiditas adest. 254 Mistio quid sit. 154
 In virium indicatione nocens non con- Montanus defenditur, asserens ardentis-
 tinetur. 36 simas febres esse, non modo synochas,
 sed etiam biliosas. 82
 L
 Igui sancti, & similacis aspera, vel Morbus lateralis in craenta spuentibus
 L radicis china decoctum, in nervo- quomodo impedimentum sit ad san-
 rum frigidis passionibus landantur. guinem mittendum. 265
 113 Morbus magnus, non necessario acutus.
 Lien tenuiori parte sanguinis melanco 204
 lici nutritur. 211 Morbus quid sit. 235
 Liquefunt calore, quæ frigore conden- Morbus velox, aut tardus, à motu ta-
 santur. 88 lis est. 200
 Longè distat facilitas incendiij, à facilita N
 te putrefactionis. 54
 Longi morbi qui dicantur. 22 N Arcoticorum liberalior usus no-
 cer. 142
 M
 Anardi defenditur sententia, qua Natura humoris nō in temperie solē,
 M existimat Hippocratem quæ ge- sed in consistentia, seu substantia con-
 neratim 11. aph. proposuerat circa ci sideratur. 258
 bi utendi modum, id particulatim de Naturalis facultas in animalibus perfe-
 cimo nono clarius exposuisse. 46 ctior, & dignior est, quàm in plantis.
 178
 Manardi, & Altimari sententia defen- Nervi oriuntur à cerebro, & nullatenus
 ditur, qua explicant, cur Hip. à prin- à corde. 181
 cipio non miserit sanguinem. Anaxio Nihil quod genericè dicitur, improprie
 ni pleuritide laboranti. 61 tale est. 89
 Maxilla inferior duos habet pcessus. 93 Nocēs, & praternaturale idē sunt. 249
 Maxima dignitas virium. 37 Non est idem celeriter moveri, & cum
 Medicamentis purgantibus benigniori- turgentia ad motum concitari. 71
 bus hand utēdum crudis existentibus Non est idem morbus brevis, & velox,
 humoribus. 22.23 longus, ac tardus. 200
 Medica artis finis tribus generalissimis Non generantur synocha continua ob
 acquiritur partibus, medicatiua, pro aptitudinē sanguinis ad putrefactio-
 gnostica, & curatiua. 3 nem, sed quod in magnis putrescat
 Medij morbi qui sint. 22 vasis. 253
 Melancholia naturalis non est purū, & Nulla trium animæ facultatū sine alia-
 syncerum excrementum. 99 rum ope in animali persistere valet.
 Melancholicus sanguis fluens ex sede, 181.
 provenit ex vena portæ ramis, non O
 autem à vena caua. 129
 Mensuram debitam humoris, quæ eua- O B crudos humores vires inualide
 cuatur, ex conferentia, & toleran- sunt. 120. & 264
 146
 Paro

P Ars una medicina curatiua in sa-
lubrem, & curatiuam diuiditur,
non autem tota ars. 228
Particularium circuituum causas ad pro-
priam cuiusq; humoris naturā, atque
substantiā, non autē ad contracta pu-
tredinis conditionē referēdas esse. 250
Peracutus morbus quis sit. 23
Per ardentissimas febres, non solum sy-
nochas, sed continuas ex bile Gale-
num intelligere. 82
Periculū in morbis ex magnitudine. 204
Pinguedo cur circa partes calidiores eua-
dat minor, minus pinguis, et crassior,
quā circa partes minus calidas. 88
Pinguedo & adeps idē sūt rei essētia. 84
Pinguedo fit ex resudante in venis san-
guine membranarum frigore increas-
sato. 87
Podagra preseruatō & cura. 136
Pro medicina non solum pars medicati-
ua, sed integra humani corporis ars
intelligitur. 231
Purgatio quid sit. 10
Putredinis definitio. 54 250

Questio de nominibus inutilis. 87
Quod artis medicæ diuisio in di-
gnotionem, prenotionem, &
curationem rectē tradita sit. 3. 221
Quod asserere Hippocratem distulisse ve-
næ sectionem in Anaxionis pleuriti-
de vsque ad octauum diem, quia spe-
rauit affectum solis fomentis curari
posse, non sit ipsum de ignorantia re-
darguere. 261
Quod ad cognoscendos morbos, sumen-
da signa sint, non modo ab externis,
sed ab internis etiam causis. 57
Quod certissimū sit lienem crassiori nu-
triri sanguine quā hepar, si sangui-

nem melancholicū, quo lien nutritur,
ad sanguinem, quo alitur Hepar, con-
feratur: quodque à vitrea pituita dy-
senteria generari impossibile sit. 188
Quod Hipp. in apho. 12. 1. sect. per cir-
cuitus, qui per maiora interualla sūt,
intellexerit non modō quartanos sed
& quintanos, septimanos, ac nona-
nos. 48
Quod Hip. in aph. 11. 1. sect. 1. parte in-
tellexerit per accessiones, eas, que
continuari sūt, in secunda vero eas,
que intermittentiū. 41
Quod Hip. in aph. 5. 1. sect. mens non sit,
in acutorum morborum principijs sa-
tius esse inclinare ad crassiorem, quā
ad tenuiorem vīctum. 54
Quod Hip. in aph. 2. 1. sect. per qualitatē
non solum intellexerit speciem, vel diffe-
rentiam humoris vacuādi, sed omnes
etiam conditiones ad debitam eua-
cuationem requisitas. 70
Quod Hip. in aph. 7. 1. sect. per morbum
peracutum signifi- cauerit, non eum so-
lum qui primo quaternario termina-
tur, sed illum etiam, qui ad septimum
vsque extenditur. 22
Quod Hip. in aph. 23. 1. sect. doceat per
signa ex cōferentia, & tolerātia, que
sit debita humoris, qui euacuatur,
mensura, & Galenus in enarratione
per ardentissimas febres, non solas sy-
nochas, sed etiam continuas ex bile
sanguinis missionem ad animi vsque
deliquitū postulare crediderit. 79
Quod indicatio à viribus non includa-
tur sub descriptione indicationis tra-
dita à Galeno lib. de opt. sect. c. 11.
dum inquit, indicationē esse compre-
hensionem iuuantis simul cum com-
prehensione nocentis aduenientē sine
observatione, aut ratiōcinio. 31
Quod

I N D E X

Quod in sinistri lateris stupore à causa frigida oborto non liceat mittere sanguinem, aut cauterium applicare occipiti.	118	Reuulsio quomodo fiat.	122
Quod in indicatione à virtute non sit ex parte indicantis aliquid nocens, sicut in indicatione sumpta à morbo.	232	Salubris, & curatiua in eundem finem tendunt.	225
Quod sit optimum tempus exsibendi nutrimenti.	41	Salubris & curatiua officia licet diuersa sint, nõ tamẽ est diuersus finis.	229
Quod sub turgentia nomine non comprehendat Hippocrates humores omnes, tenues acutum morbum concitantes, aut veneficos, seu crassos multitudi- ne grauantes.	69	Salubris medicinę pars sub curatiua continetur.	5
		Saluus improbatur, afferens febrium circuitus respondere humorũ numero.	49
		Sanguis syncerus reperitur mente, non re.	254
		Sanitas quid sit.	235
		Serum non est renum excrementum, sed hepatis.	99
R ationes Nerei Neri confutantur, quibus asserit venæ sectionẽ, & cauterium in occipite conuenire laborantibus totius lateris stupore à causa frigida oborto.	132	Smilacis aspera, & ligni sancti, vel radicis ching decoctum in neruorum frigidis passionibus laudatur.	113
Recrementum biliosum aliquando duplici via purgari.	211	Sola velocitas non constituit acutum morbum.	199
Rectitudo, & directio in locorum cõmunione, & fibrarũ ratione consistit.	64	Somnum conciliantia in podagra.	142
Rectitudo, & cõmunio non sunt idẽ.	64	Spinalis medulla, & cerebri eadem est substantia.	133
Rectitudo fibrarũ in vasorum societate seruanda est, tanquam necessaria in sanguinis missione è directo partis affecta.	63	Stuporis causa, & curandi ratio.	110
Relatio quæ dicatur.	241	Stupor, & paralysis magnitudine differunt.	130
Renes, & vtraq; vesica non nutriuntur excrementis, quæ trahunt.	98	Stupor est sciens paralysis.	115
Repellentia in podagra, quæ sint.	141	Stupor nõ consistit in ablata actione.	108
Reprobatio rationum Ioannis Bernardi ni Longi de simplicitate elementorũ mundi, quæ sensu percipiuntur.	164	Stupor quid sit, & in quo differat à paralysis.	108
Res, quæ miscentur, contrariantur.	154		
Resolutio exquisita, & legitima, quæ sit, quæ itidem illegitima.	107	T orporem inducentia in doloribus podagra.	142
Resolutio neruorum duplex.	107	Tres animę facultates locis differunt.	177
Responsio ad dubia proposita in libri examine.	198	Tres generalissimæ artis partes à fine mediæ, vel immediatè veniuntur.	224
		Turgentes humores non solum cerebri motu mouentur, sed etiam inordinata agitatione irritantur.	72
		Turgentes humores qui dicantur.	69. 267
		Turgentia non comprehendit omnes humores tenues acutum morbum concitantes.	

I N D E X

<p><i>Vantes, aut venefica qualitate in-</i> <i>stantes, seu crassos multitudinem gra-</i> <i>uantes.</i> 69</p> <p><i>Vacuationes per expurgans medicamen-</i> <i>tum & venae sectionem fiunt una par-</i> <i>te terrabente, & alia expellente.</i> 67</p> <p><i>Vas magnum in hepate non reperitur,</i> <i>quod crassam bilem in intestina de-</i> <i>ducat.</i> 104</p> <p><i>Vesica defenditur, asserens per talia, &</i> <i>qualia, non modo qualitatem, sed &</i> <i>quantitatem humoris ab Hip. signi-</i> <i>ficari, & omnes etiam conditiones ad</i> <i>optimam purgationem requisitas.</i> 11</p> <p><i>Vena portae a caua iecoris sede oritur.</i> 180</p> <p><i>Venae oriuntur ab hepate.</i> 180</p> <p><i>Venae sectio ad animi deliquium conue-</i> <i>nit, non synochis tantum febribus,</i> <i>sed continuis ex bili.</i> 82</p> <p><i>Venae sectio in frigidis morbis reproba-</i> <i>tur.</i> 114</p> <p><i>Venae sectione ex talo diminutè fluenti-</i> <i>bus mensibus conuenit.</i> 147</p> <p><i>Venae sectione quomodo sanguis funda-</i> </p>	<p><i>tur, rahaturque.</i> 63</p> <p><i>Vena sedis maiorem habent communio-</i> <i>nem cum liene, quam cum iecore, aut</i> <i>ventriculo.</i> 229</p> <p><i>Vesalij defenditur sententia de necessita-</i> <i>te reftitudinis fibrarum in sanguinis</i> <i>missione.</i> 66</p> <p><i>Vesalius defenditur dicens appendices</i> <i>non esse opercula ossium medullam</i> <i>continentium.</i> 92</p> <p><i>Victus ratio ex morbi vigore, & uiri-</i> <i>bush sumitur.</i> 15</p> <p><i>Victus ratio in iecoris inflammatione</i> <i>quae esse debeat.</i> 149</p> <p><i>Victus ratio quomodo ex duabus suma-</i> <i>tur intentionibus, & quando ad tres</i> <i>referatur.</i> 206</p> <p><i>Vires sunt imbecilles ijs, qui laborant co-</i> <i>pia frigidorum, ac crasserum humo-</i> <i>rum.</i> 120</p> <p><i>Vitellina bilis una est ex quatuor bilis</i> <i>speciebus praeter naturam.</i> 95</p> <p><i>Viuendi ratio in articulari morbo.</i> 138</p> <p><i>Vsus appendicum, quae in ossibus repe-</i> <i>riuntur,</i> 94</p>
---	--

F I N I S.



ANTONII ALVAREZ

EPISTOLARVM, ET

CONSILIORVM

MEDICINALIVM

PARS PRIMA.

SALVO SCLANO VIRO DOCTISSIMO, ET IN

Neapolitana Schola olim p[ub]lico medicinæ professori,

ANTONIVS Alvarez S. P. D.

Epistola prima.

PROPONVNTVR TREDECIM DEPVLSIONES

Sententiarum Salui. .



VM ERVDITISSIMA tua cōmen-
taria in primam aphorismorum sectio-
nem sapius perlegissem, Salve doctissi-
me, teq; diuini Hippocratis admirandū
interpretē, gloriaq; dignissimū iudi-
casse, quòd non modo Donati Antonij
ab Altomari tui magistri clarissimi in re
medica viri, sed eximij præceptoris no-
stri Christophori a Vega, Manardi, An-

tonij Musæ, aliorumq; doctissimorum medicorum doctrinam
fueris æmulatus, quos omnes vt probatissimos viros admirari,
& tanquā magistros venerari decet, non minus enim tali no-
mine digni sunt, qui scriptis nos docuerūt, quàm ij qui viua vo-
ce veram Hippocratis, & Galeni mentē discipulis explicarunt,
suæq; eximia laudis memoriam posteris reliquerunt: non po-
tui tamen teipsum non accusare, quòd in multis ab eorum sen-
tentia recefferis, & in ipsorum verissima scripta calumnias ia-
ctaueris, male ab Hippocratis magistri iureiurando discedens,

A quo

quo suis præceptoribus summam gratitudinem pollicetur. Cū autem impietatis titulus mihi odiosissimus sit, multo equius te fecisse existimassem, si doctissimos viros excusasses, si erat, in quo lapsi viderentur, aut ea omisisses scribere, a quibus neque gratiam, aut gloriam expectare potuisses. Ne igitur magistris ingratus videar, eorum partes agere, atque pro verissima illorum doctrina propugnare decreui, tuarū in illos calumniarum depulsiones scribens, non ut occasionem caperem reprehendi, & cum tanto viro contendendi, sed æquissimam

potius præceptorum causam defendendi. Quòd si

ob eam rationem pauca quædam acerbiora in

rescripserim, pietati totum id tribuito,

non insolite maledicendi libidini.

Vale vir eximie, & nostras quæ

iam sequuntur depulsio

nes beneuolo ani-

mo suscipito.



QVOD OPTIME DIVIDATVR VNIVERSA MEDICINÆ ars, in primas atque generalissimas eius partes, indicatiuam, prognosticam, & curatiuam, Depulsio Prima.



COMMVNIS est Galeni sententia, medicine scopum sanitatem esse, finē verò, sanitatis adeptio-
nem, quò enim medicus omnes suas considera-
tiones, & cōsilia dirigit, sanitas quidem est, quæ
scopus dicitur, interim dum intēditur, finis ve-
ro, quando iam acquisita est. Quia verò res, qui

*Li. de sectis
ad eos qui
introducun-
tur.
Cap. I.*

bus absēns comparatur sanitas, aut præsens conseruatur, salu-
bres sunt, & dicuntur, propterea quòd eandem præsente con-
seruant, & corruptam resarciunt: quibus autem eadem sani-
tas a debito modo, & naturæ lege recedit, insalubres vocan-
tur, inde est quod ab antiquis medicinæ professoribus, ars ip-
sa medendi, salubrium, insalubriumq; scientia dicta sit; Et ita,
rationalium medicorum ars, corporis naturam quòd curan-
dum suscipimus iubet cognoscere, & omnium etiam causarum
virtutes, in quas quotidie corpus incurrit, quibus, aut salu-
brius, aut insalubrius redditur. Ideoq; Galenus primas, atq;
præcipuas partes eas esse voluit, quæ a fine artis petuntur, &
per quas finem artis consequimur: nam vel presentem sanitatē
seruare studemus, vel morbū depellere, salutemq; de nouo in-
ducere, id autem medicine artis finis est, qui tribus eiusdem artis
generalissimis partibus acquiritur, indicatiua nempe, progno-
stica, atq; curatiua. Nisi enim symmetriam, siue debitam com-
mensurationem totius humani corporis, atq; quomodo secun-
dū naturam se habeat, cognoscamus: nullo pacto eiusdē ame-
triam, siue a debito modo recessum, aut quando est præter pro-
priam naturam intelligemus: similiter nec quando fruitur sani-
tate, aut morbo corripitur, deprehēdemus; quare inter primas
medicinæ partes, indicatiua, quæ hæc omnia docet, cōnumera-
tur. Præterea cū in medicina plurima salubria, & insalubria si-
gna cōsiderentur, quibus in cognitionem futuri euentus cu-

*Medicæ ar-
tis finis tri-
bus genera-
lissimis ac-
quiritur
partibus, in-
dicatiua, p-
gnostica, &
curatiua.*

in suis ægritudinis ducimur, aut imminens, & grauissimum symptomata venturum præuidemus, & præuidendo remedijs præcauemus, vt exoptatus acquiratur finis: hinc secunda generalissima medicinæ pars emergit, quam prognosticā nuncupamus. At quia cognita quauis ægritudine, vt curetur necesse est remedijs ad illam propellendam aptis, iam tertia consurgit, prima, & generalissima etiam pars artis medicæ, quæ id docet efficere. His igitur primis, generalissimisq; partibus tota medica ars diuiditur, quæ directe ad eius finem referuntur; & harum aliarum subdiuisiones fiunt, quas passim in Galeni libris quisq; poterit intueri. Rectè igitur Altimarus vir de re medica bene meritus, & Galeni maximus æmulator, atq; ægregius præceptor meus Chrystophorus a Vega, inter primos nostri temporis medicos merito connumerandus, medicam artem prima sui partitione in dictas tres partes diuisere. Quorum sententiam confirmat Galenus, qui commentario primo in librum Hippocratis de vietus ratione inquit, artificis non esse scopum, nihil prætermittere eorum quæ a plebe cognosci possunt; sed omnia scribere, quæ ad curationem idonea sunt, & ad finem artis conferunt. Et subiungit, id ex arte esse quod ad horum inuentionem utile fuerit, ideoq; coniecturas, quæ tum ad dignotionem, tum ad prænotationem conferunt, non esse prætermittendas, cum de necessitate in his, quæ ad curationem idonea sunt, hæc contineatur. Si enim ad optimæ curationis inuentionem nihil conferrent morborum dignotio, & futurorum prænotio, prorsus hæc superuacarent: nunc autem quod conferant, ob id commodè existunt. Affectuum autem dignotionem valde necessariam esse ad curandos morbos ex eo constat, quod in primis quisnam sit morbus dignoscere expediat, deinde verò ipsius aggredi curationem; at quod prænotio ad curationem etiam commoda sit, demonstrauit Hippocrates in prognostici præfatione. Qui ergo omnia quæ ad medicinam spectant commoda, ea vel ad dignotionem, vel prænotationem, vel curationem esse dixerit, vir tute idem dicit: Curatio siquidem per se a medicis exercetur, dignotio verò, & prænotio propter curationem. Ex quibus mani-

*Commento
primo.*

*Commento
tertio.*

manifestissimum est, tres esse primas, & vniuersales partes, quæ a fine artis petuntur, dignotionem nempe, prænotationem, atq; *Lib. 11. Cap. 6.* curationem. Quod etiam Galenus refert in libris de medendi methodo cum inquit. Vbiq; igitur (vt semper dicere soleo) curatio, dignotionem, prænotationemq; consequitur: siquidem & dignoscat quod præsens est, & prænoscat quod ex eo futurum est oportet, qui volet notabilis efficaciarum remedio uti. Has itidem tres medicæ artis partes proposuit decimo septimo de vsu partium, quas omnes a fine venatur. At sub curatiua salubrem contineri ex eo constat, quod idem consequitur finis per conseruationem, qui per curationem acquiritur, & per eadem præcepta. Sicq; Galenus, artem medicam inter eas esse reputandam existimat, quæ faciunt, & conseruant: non tamen ob id genus esse artis finem credendum, & quod non est, facere, utpote sanitatem; & eam quæ est, conseruare. Nisi enim euidenter eadem essent præcepta ad vtrumque finem ducentia, differentibus etiam finibus diuersæ utiq; essent artes, & duæ medicatiuæ ponerentur: at quia artis medicæ vnum est propositum, sanitas scilicet, finisq; vnus, qui est eius consecutio, & si modi consecutionis multiplices sint, non ob id propositum variatur, neq; finis secundum varium obtinendæ sanitatis modum variari dicitur. Siquidem quæ nobis officere possunt cognoscen-
Cap. 1. Salubris medicinæ pars sub curatiua continetur. Lib. de opt. sect. ad Thras. sy. cap. 5.
tes, si ea iam nocentia submouemus, sanitatem acquirimus: ea verò deuitantes antequam noceant, ipsam præsentem sanitatem conseruamus. Quare, præseruatiua (quam salubrem aliqui nominant) merito sub curatiua comprehenditur, eadēq; cum illa existimatur. Valeat igitur Saluus, qui cum alios grauissimos viros damnat, Galenum in dicta artis medicæ diuisione sequentes, in manifestissimum incidit errorem, existimans medicam artem prima, ac generali diuisione, in significatiuam, curatiuam, & salubrem diuidi, relinquens prognosticam, quæ sub significatiua contineri non potest (cum multum differat dignotio, a prænotatione) & eius loco admittens salubrem, quæ reuera sub curatiua comprehenditur. Et licet Galenus primo de sanitate tuenda, artis quæ corpori hominis tuendo dicata est, *In præfatione com. in primū librū aphor. f. 31 Cap. 1.*

est, duas tantum primas, ac maximas partes dicat esse, quarum alteram, sanitatis tuendam, alteram morbi profligandi facultatem appellat: non ibi generali nomine medicam artem diuisit, sed vnam duntaxat eius partem, quæ ad sanitatem tuendam desideratur, nempe curatiuam medicinam, quæ in morborum curatiuam, & sanitatis præseruatiuam diuiditur: vtraq; enim in sanitatem dirigitur, vt amissa restituatur, vel præsens seruetur. Et hac ratione illa Galeni diuisio non fuit diminuta (vt Saluus opinatur) sed integra potius, cum probè curatiua, in morborum curatiuam, & in præseruatiuam diuidatur: siquidẽ utroq; modo sanitatis fit adeptio. Verum adhuc Saluus contēdit, suam tueri sententiam de medicinæ facultatis partitione, eo quòd Galenus libro ad Thrasylbulum dixerit, duas principes esse, medicinæ partes, siquidem in arte corporis præfide, si quis eam partiens inuenire partes querat: egros curantem, curatiuam, sanis consulentem, salubrem appellabit. Quibus partibus, quoniam (vt ille inquit) diminutè totam artem diuidunt, addendam esse aliam partem existimat, quam indicatiuam, vel significatiuam omnes medici vocant, sine qua sanitas acquiri non valet, æque prior cum alijs, quinimo, & quodammodo superior, cum salubrem, & curatiuam necessario præcedat, sicq; ex Galeni sententia, tres dictas medicine partes esse asserit, indicatinam scilicet, salubrem, & curatiuam. Verum si perpendisset, quæ à Galeno traduntur libro ad Thrasylbulum, intellexisset artem medicam non in genere, sed in specie diuidi ea ratione, qua diuisa fuit primo de sanitate tuenda: est autem dictæ diuisionis diuisum (vt à Galeno colligitur) pars medicinæ quæ curatiua ars, sicut & suum genus nuncupatur. Ideoq; statim inquit, Ars corporis curam gerens emendatrix cum sit, qua parte magna vitia corrigit, medicatiua seu medicatrix nominabitur, qua verò exiguas noxas tollit, ideoq; præ exiguitate, num etiã corrigit, sensum subterfugiens, conseruatrix, seu salubris dicetur. Cum autem magis, & minus non varient speciem, meritò salubris ex eiusdem Galeni sententia sub curatiua cōprehendetur, & diuisio dicta non erit diminuta, cum membra diuidētia, quæ sunt

Cap. 40.

*Lib. de par.
art. med. c.
6 et de sub-
figurati imp.
cap. 4.*

*Cap. 40.
curato.*

Cap. 4.

sunt pars medicatrix, & salubris, verè totum diuisum comprehendant, quod est vna ex tribus primis partibus, ac præcipuis artis medicæ, quæ curatiua pars nuncupatur. Nam si in genere tota ars diuideretur, diminutus fuisset Galenus, quod vitium illi tribuendum non est, cum alibi medicam artem generatim sumptam, ex propria sententia in indicatiuam, prognosticam, & curatiuam diuiserit. Quod autem salubris sub curatiua comprehendatur, probe exponit Galenus eodem libro, ex eo quòd si ex toto integrum, ille sumq; perduraret corpus, taleq;, quale ipsum ab initio creator fabricatum reliquit, nequaquam correctore eguisset: at cum semper diffuat, atq; dispareat, aliquo præsentē obseruatore indiget, qui & quod dissipatur, quantum, qualeq; sit, cogniturus est, illicoq; tale, ac tantum vicissim reponens instaurabit. Igitur quodcunq; vitium modò paruum, aut magnum sit, ars vna modo vno emendat, scilicet quod deficit instaurans, & in quanto emendationis differentia versatur. Hac autem ars, vna medicatiua est, quæ vt medicatiua magna vitia curat, vt verò salubris parua emendat. At secundū quantum differentia, in his, quæ fiunt, ad vnā artem pertinent: neq; enim alia ars vnum subtegminis filum quod exciderit reponit, alia tria, aut quatuor, aut quinquaginta: neq; alia ars parietis particulam ruentem fulcit, communiteq;, alia magnā eius partē collapsam restituit, quo enim modo res vnaquæq; a principio constructa est, eodem etiam corrupta restauratur. Eodem igitur modo salubris, & curatiua humanum corpus restaurat, & pristinæ saluti restituit, quare meritò sub vna generali, ac prima medicinæ parte continentur, medicatiua, seu curatiua, aut correctiua nūcupata: sicq; species gaudet nomine generis, quia non est aliud nomē quod sibi imponi possit. Et ita Aristoteles diuisit dispositionem, in habitum, & dispositionem, nomē generis speciei attribuens, cū aliud deficeret, quod illi adapteretur. Est igitur salubris pars medicinæ eadem cum curatiua, quod Galenus confirmat eodem libro ad Thrasibulum, cum demonstrasset duplici modo sanitatis fieri adeptionem; vno, curando magna corporis vitia, quod sit medicinæ parte curatiua,

Ad Thrasib.
c. 19. 20. &
21.

In prædica
c. de qualitate

Cap. 26.

tiua, altero verò, parum labefactata corrigendo, quod salubri efficitur: tandem id multos subterfugere inquit, tanquam salubre sit a curatiuo differens genus existimantes; cum re vera sub vnam, eandemq; contemplationem vtranq; partem incidere, salubre videlicet, atq; curatricem demonstrauerit, & auctoritate Platonis comprobauerit, qui in Gorgia hæc inquit. Duæ res cum sint, duas esse artes dico, vnam animæ, quam ciuilem appello, alteram corporis, quam & ipsam vnam quo nunc mine appellem non habeo: sed vna cum sit corporis curatio, duas partes nomino, gymnasticam vnam, medicatricem alteram. Quibus verbis Plato planè demonstrat, curatiuæ partis medicinæ duas esse partes diuidentes, salubrem, & medicatricem, quæ nominatæ sunt: pars verò curatiua, quæ istarum respectu diuisum dicitur, nomine caret, & ideo partis nomine gaudens curatiua ars dicitur. Tandem eodem libro Galenus laudat Platonem, quòd salubrem artem curatrici in partitione non opposuerit, quemadmodum antedicti viri alij fecerunt. Sub curatiua igitur continetur salubris medicinæ pars, sicq; in vniuersali, ac prima partitione artis medicæ collocanda non est, vt Saluus fecit, reprehendens Altimarum, & Christophorū a Vega, qui veri Galeni imitatores cum essent, ipsius generalem, & primam artis medicæ diuisionem proposuere, in indicatiuam, prognosticam, & curatiuam: licet enim curatiua a medico per se exerceatur tanquam ars, quæ immediate eum ducit in finis consecutionem, dignoscitiua, & prognostica etiam ab illo exercentur propter curationem. Vnde fit quod pars curatiua, quæ immediatius sanitatem respicit, & curandi ars propriè nuncupatur, probè diuidatur, in curatiuam, & salubrem; vtraq; enim parte immediate acquiritur finis: si verò finis consideretur quatenus mediatè, vel immediatè proponitur acquirendus, tunc generatim ars quæ humano corpori curando præest, optimè diuiditur per primas, atq; vniuersales partes, scilicet, indicatiuam, prognosticam, & curatiuam. Sed videamus quibus Galeni auctoritatibus Saluus suam fulciat medicæ artis partitionem in indicatiuam, salubrem, & curatiuam: nā quæ
ab illo

Cap. 38.

*Altimarus,
& Vega, a
calūnia ven
dicantur.*

ab illo tradita est libro de partibus artis medicæ, fide caret, cū genuinus non sit Galeni liber, & licet eo authore dignus existimetur, tamen quisquis ille fuerit, non ex propria sententia, sed ex magna empyricorum parte inter finales artis partes, significatiuam, curatiuam, & salubrem collocandas esse dicit: & cum empyricorum varias sententias damnasset, tandem subiungit hæc verba. Porro melius egissent, si dixissent (quemadmodum etiam ex ipsis aliqui dixerūt) vnā esse istius artis partem significatiuam, alteram curatricem, tertiam verò salubrē. Ex quibus cōstat authorem illius libri non voluisse ex propria sententia tres prædictas medicæ artis primas partes constituisse: sed quia varij erant empyrici in eis assignandis, eos melius fecisse iudicat, qui in dictas tres partes vniuersam medicinam diuisere. Est alia Galeni autoritas in libro de subfiguratione empirica, quem germanum Saluus appellat, etsi in græco codice desideretur, ea autem suam comprobasse sententiā existimat, de artis partitione in significatiuam, curatiuam, & Salubrem: verū in toto illo libro, cuiusuis authoris ille sit, tanquam empiricus loquitur. Quod in eius initio significauit, dicens. Tu verò quæ deinceps dicturus sum tanquam ab empirico dicta suscipies; rationalem enim agens medicum proprijs libris, & ex propria sententia, totam artem medicam in primas, atq; vniuersaliores partes diuidens, in indicatiuam, prognosticam, & curatiuam partitus est. Quem Altimarus, & præceptor noster eximius Christophorus à Vega sunt imitati, ideoque constat eos bene collegisse, & ad Galeni mentem, quæcūq; de artis diuisione protulere. Saluum verò eos reprehendentem, reprehensione dignum fore apud omnes veræ medicinæ professores, quod præceptorem impiè redarguerit, & in sua partitione vera Galeni mente discesserit.

Cap. 4.

Cap. 7.

Com. 1. et 3.
in lib. Hipp.
de vult. rat.
& 11. de
med. metho
do c. 6. et 17
de vsu part.
Cap. 1.

B Quod

QVOD HIPPOCRATES IN SECVNDO APHORIS-
mo primæ sectionis per qualitatem, non solum intellexerit speciem,
vel differentiam humoris vacuandi, sed omnes etiam con-
ditiones ad debitam purgationem requisitas.

Depulsio secunda.

*Purgatio
quid sit.*



*Humorum
speties per
qualitates
cognoscun-
tur.*

IN ENARRATIONE secundi aphorismi pri-
mæ sectionis Galenus nihil aliud purgationē
esse dicit, quàm humorum sua qualitate mo-
lestantium euacuationem, quæ vel a natura
fit rectè operante, vel ab arte; a natura quidē
quando per secessum superabundans pituita
euacuatur, aut flaua, vel atra bile infestante, bilis noxam infe-
rens ab ipsa natura in euacuatione præfertur: ab arte verò, quā
do concocto humore per electiue euacuans medicamentū edu-
citur. Humorum igitur corpus infestantium speciem, seu dif-
ferentiam, per qualitatem, Hippocratem, atq; Galenum intel-
lexisse ex eo constat, quod vnusquisq; humorum a temperatu-
ra, vel qualitate sua habeat quod sit talis humor, & non alius,
& quia spontè facta purgatione in his, qui laborant febre ar-
dente, si talia purgentur, qualia purgari oportet, confert, &
beneferunt ægotantes. Si enim humor, qui causa est arden-
tis febris (qualis biliosus existit) a natura vacuatur, sequitur
conferentia, & tolerantia, si verò alius a bilioso expurgetur, cō-
tra euenit, quoniam alterius speciei est ab eo, qui morbū con-
stituerat: ab arte autem (cum medicus semper in his, quæ rectè
fiunt naturam imitetur) si talis fiat euacuatio, qualis fieri de-
bet, hoc est, humoris peccantis, & non alterius speciei, sequi-
tur conferentia, & tolerantia. Conferentia igitur, & toleran-
tia, optimam fuisse ostendunt, & proprii humoris, qui mor-
bum constituerat, expurgationem; at quia id fieri nequit, nisi
præcesserit debita dicti humoris concoctio, ideo per qualita-
tem, non solum significauit Hippocrates humoris speciem, sed
ipsum etiam concoctionem, & quamuis aliam conditionem ad
optimam euacuationem requisitam, vt Galenus interpretatur
primo

primo de ratione victus in acutis, ubi si in his, quæ a pulmone excernuntur, qualia oportet excernantur, necessarium esse coctionis habere notas affirmavit. Et ideo concocta medicari iubet Hippocrates, non autem cruda, idest, iubet purgari humores sua qualitate moestantes, qui concocti iam sunt, sic enim confert dicta euacuatio, & eam leuiter ferunt egrotantes, quæadmodum si a natura fiat rectè operante: coctiones enim celeritatem iudicij, & securam ostendunt sanitatem. Ceterum siue a natura, siue a nobis euacuatio fiat, oportet omnino constituere quandam ipsius mensuram, sicut enim (vt Galenus inquit) qualitatem pro humoris moestantis ratione vacuari: ita videlicet quantitatem multitudini infestantis humoris respondere oportet. Cum verò quantitatis nullum habeamus iudicium, nisi quod ex facilitate tolerantia sumitur, ideo ad debitam purgationem, quam sequitur conferentia, & tolerantia, non solum humoris nocentis cognoscere speciem, & illius euacuationem moliri expedit: sed etiam in quantitate, modum non excedere, quoniam si immodica fiat dicti humoris euacuatio, non sequitur tolerantia, quod confirmat Gal. 3. artis medicæ c. 6. & 7. nam licet humor superexcedens euacuetur, quia in immoderata ipsius euacuatione simul etiam ex ijs, quæ in corpore sunt secundum naturam aliquid excernitur, dissolui, ac debilitari ægri vires, & tolerantia difficultatem sentiri est necesse. Non igitur per talia, & qualia intellexit Hippocrates solum humorum ledentium speciem (vt male opinatur Saluus) sed debitam etiam atq; moderatam eorundem quantitatem, cum immoderatam non sequatur tolerantia, vt doctissimus Christophorus a Vega exposuit. Nam & sieductio totius aquæ in hydrope, & vniuersi puris in magni abscessus incisione, conueniat ratione humoris infestantis, quia tamen cum immoderata euacuatione, immoderatè etiam spiritus euacuantur, & virium lapsus sequitur, inde est quod ex tali euacuatione non resultet tolerantia. Si igitur expurgatio quæ bona est, conferentiam & tolerantiam inducit, ea proculdubio moderate quantitatis esse debet; quantitas igitur debita sub conditionibus optimæ purgationis con-

22. aph. secunda sect.

1. de morb. vulg. com.
2. tex. 45.
1. aph. sect. com. 23.

2. aph. prima sect.

Vega defenditur.

*In expositio-
ne 2. aphor.
1. sect. f. 64.*

rineatur necesse est; sicq; per talia, & qualia, quātitatem etiam ab Hippocrate significari. Saluus verò hanc eruditissimi viri in interpretationem redarguens, euacuationem totius puris in magno abscessu, aut aquæ in hydropo, nocere ait, non qualitatis, sed quantitatis ratione, fateturq; in bona euacuatione non solum qualitatem humoris euacuandi, sed quātitatem debitam esse considerandam; ægrotantis viribus prospiciendo, ne immodica humoris quantitate euacuata dissoluantur: sua igitur ratione conuinci debet, & dum alios accusat, reprehensione dignus efficitur. Nam si ad debitā purgationem fatetur ultra humoris qualitatem, seu speciem, necessariam esse moderatam eiusdem quantitatem, vt purgatio bene cedat, & conferat, atq; sequatur tolerantia, fateri etiam ipsum necesse est debitam humoris quantitatem contineri sub bonæ purgationis conditionibus (vt Vega interpretatur, & acutissime colligit) eamq; comprehendendi ab his, quæ ab Hippocrate per talia, & qualia significantur. Nam & si præcipuè in secundo aphorismo, per talia, & qualia intelligat qualitatem, hoc est speciem humoris vacuandi, vt Galenus inquit in commentario, & de quātitate ex professo in tertio aphorismo pertractet, vbi de habitu exercitatorum qui ad summum deuenire incrementum sermonem facit: tamen sub ratione moderantiæ, vel immoderantiæ, quæ in quātitate humoris expurgandi consideratur, optimo iure per talia, & qualia etiam significatur quantitas. Si enim humor qui euacuatur talis est quoad speciem, qualis desideratur pro euacuatione faciēda, & ipsius quantitatis euacuatio a natura, vel arte cum tali moderatione fuerit, qualis requiritur pro virium conseruatione, statim sequitur conferentia, & tolerantia; & è cōuerso, si ex euacuatione videmus conferentiam, & tolerantiam fuisse subsequutam, illico iudicamus eius speciei humoris esse, qui noxam inferebat, & moderate illius quātitatis. Ideoq; Galenus in vniuersam loquēs de omni euacuatione vires egroti considerare iubet, & donec tolerant, nec laborant, tentandū esse humorem exuperantem educere: Cum vero resoluuntur vires, etiam si restent aliquæ superfluitates, ab earum euacuatione

*In enarra-
tione tertij
aphor.*

tione

tionē abstinēdum. At Saluus aduersus dictam eruditissimi viri sententiam argumentatur in hunc modum. Si in secūdo aphorismo sub verbis talia, & qualia continerentur omnes conditiones ad debitam purgationem requisitæ, alij similes aphorismi essent superflui, velut aphorismus vigesimus quintus ab eodem Hippocrate in prima sectione propositus sub his verbis. Si qualia oportet purgari purgentur, confert, & leuiter ferunt: si contra, difficulter, superfluius aparet, quia videtur eandem continere sententiam quam obtinet secūdus aphorismus eiusdem sectionis. At non esse superabundantē ex eo probare contendit quod existimet in utroq; aphorismo non eodem modo eandem contineri sententiam, dicēs in secundo particulariter proferri de sola euacuādorū qualitate: vniuersaliter verō in vigesimo quinto, de omnibus conditionibus ad optimam euacuationem requisitis. Sed iam ex ipsius dictis hominem cōvincamus. Nam si ex eo quod in vigesimo quinto aphorismo Hippocrates dixerit, si qualia oportet purgari purgentur, cōfert, & facile ferunt: si contra, difficulter, colligit sententiam vniuersaliter protulisse, ita ut omnes conditiones optimæ purgationis ab arte factę sub illa comprehendī fateatur: qua ratione quæso, secundus aphorismus cum magis vniuersalis sit, easdē conditiones non continebit? Agit enim de purgationibus sponte factis, dum inquit, in perturbationibus ventris, & vomitibus spontinis, si talia purgentur qualia purgari oportet, confert, & leuiter ferunt, sin minus contra. Sicut autem Hippocrates semper adhortatur, vt quę rectē a natura fiunt medicus imitetur: ita ad imitationem purgationis, quæ a natura fit, eā, quæ arte ab illo efficitur moliendam esse affirmat, & nō modò purgationem, verū quamuis aliam euacuationem, ideoq; dixit, in secunda parte aphorismi, sic & vasorum inanitio si talis fiat, qualis fieri debet, confert, & bene tolerant, sin minus, cōtra; Non solum igitur in dicto aphorismo agit de purgatione, quę fit a natura, sed de ea etiam, quam ars molitur, & de quavis alia euacuatione. Ergo hac ratione conuinci debet Saluus vniuersaliorem contineri sententiam in secundo aphorismo, quàm

In eiusdem
aph. enarra-
tione.

quàm contineatur in vigesimo quinto: quare cū fateatur omnes conditiones ad debitam purgationem necessarias sub vigesimo quinti aphorismi sententia contineri, sub secundi etiam aphorismi sententia, optimo, & fortiori iure comprehendi, vt conuincatur necesse est. Neq; ob id sequitur vigesimum quintum aphorismum esse superabundantem, nam cum in præcedentibus Hippocrates egisset de purgatione, quæ arte fit, illum non piguit (vt Galenus refert) hunc quoq; aphorismum adiungere. At si his rationibus non conuincitur Saluus, conuincatur dictis Galeni in commentario, dum inquit, non esse dubium hunc aphorismum in illo contineri, in quo dicebatur, in perturbationibus ventris, & vomitibus spontinis, si qualia oportet purgari purgentur, cōfert, & facile tolerant, si verò nō, contra, nihilq; magis nouum edoceri, sed ad memoriam reuocari ea, quæ prius in alia libri parte enunciauerat de spontinis euacuationibus. Quare non erat vituperanda expositio ab illustri in re medica viro tradita, sed amplexanda potius, atque summopere laudanda.

*QVOD IN APHORISMO QVINTO PRIMAE
sectionis Hippocratis mens non fuerit, in instituenda victus ra-
tione si a iusto modo aberrandum sit, melius esse in
acutorum morborum principio ad pleniorē vi-
ctum inclinare, quam ad tenuiorē.*

Depulsio tertia.



MANARDVS vir in re medica doctissimus, ideo victū tenuem periculosum esse existimat, quia cum ægri difficulter ferant, absente medico sapius crassiorē sumunt, tenui relicto, qui illis fuerat institutus: Cum enim difficilis sit, præbet ægrotantibus errandi occasiōē, & eam ob causam Hippocratem dixisse asserit, in tenui victu ægri delinquant. Per quæ verba non intendit significare, per se tenuem victum in morbis, quibus conuenit, esse periculosū, ideoq;

ideoq; ægrotantes in eo errare: sed potius, quia ægri in eo errant dum illum non obseruant in crassio-rem victum se conferentes, ob eam rem periculosum tenuem victum Hippocrates nominauit. Nisi enim errarent ægrotantes ad crassio-rem se cōnertentes, nullum intenui esset periculum a medico probè instituto, quia verò errant, ideo periculosior duplici de causa cēsetur: tum quod virtus imbecillis reddita ex tenui victu, crassio-rem conficere nequit: tum etiam, quia ad incon- sueta fit trāsitus, sicq; cum error ex parte egrotātium committitur, maior fit ob dictas causas præcedente tenui victu, quàm dum præcedit paulò plenior. Comparat enim Hippocrates errata egrotātium in vtriusq; victus constitutione, & tenuioris, & paulò crassioris: plenioris, quando vtuntur crassiori victu medico in- sciente, & inquit magis lædi quando præcedit tenuis victus, minus verò, quando præcedit paulo plenior. Neq; ob id sequitur illū voluisse significare in dicto aphorismo, si in principio morborum acutorum in instituendo victu, a iusto modo discendē dum sit, melius fore eo in tempore ad plenio-rem, quàm ad tenuio-rem nos conuertere, vt superueniente vigore possimus quantum expedit attenuare. Quæ sententia Salui est, non tamen ad aphorismi propositum: nam cum totius victus ratio in vnoquoq; morbo a duabus intentionibus sumatur, ex futuro totius morbi vigore, & ex viribus ægrotantis, & in vigore dicat Hippocrates tenuissimo victu vtendum esse, eo quòd circa morbi coctionem natura tunc maxime versetur, & non oporteat eam distrahere ad alteram nouam coctionem, cum eo tempore, humorum morbum facientium coctioni fortiter intendat, quæ paulò post ipsos est euictura: ideo consuluit perpendere an eger cum victu constituto possit perdurare vsq; ad morbi statum, vel an vires prius deficient quàm vigor accedat, aut morbus finiatur antequàm vires sint labefactæ: nam ratione virium nutriuntur ægri, vt Galenus refert, non autem morbi causa: cum enim vis ita robusta fuerit, vt speremus eam perdurare posse totum tempus intermedium vsq; ad summum morbi vigorem cum tenui victu, paulatim ipsum minuendo vsque ad

Victus ratio ex morbi vigore, et viribus sumitur. aph. 8. sect. prima.

aph. 9.

Com. dicti aph.

10. aph. cons.
dem. sect.

ad statum, obseruandus quidem a principio tenuis victus est: quod si imbecillior extiterit, adiiciendum est aliquid victui, & tantò plenior a principio exhibendus quantò imbecillitas postulat: eamq; ob causam Hippocrates concludit, quibus statim morbus consistit, ijs statim tenuem victum esse exhibendū, quibus autem posterius debet consistere, ijs & in ipso consistendi tempore, & parum ante illud, cibum subtrahendum, prius verò, idest in principio, vberiori victu vtendū, vt æger sufficiat, quibus verbis manifestissimè monstratur, vires metiendas esse respectu status morbi, sicq; in breuiori, quæ suffecerint cū certa victus mensura, cum eadem non sufficient in longiori: quare cum morbus fuerit longior, pleniori victu vtendum erit in principio pro longitudinis ratione, & cum in statu cibus subtrahendus sit, nullum est dubium quin in morbi principio vberior sit futurus, quàm prope statum, vel in ipso statu. Non igitur Hippocrates in quinto aphorismo significare voluit quod in morborum principio si a iusto modo in constituenda victus ratione declinandum sit, minus peccatum fore vti eo tempore pleniori victu, quàm tenuiore, si enim magis tenui, quàm par sit in principio vtamur, ita vt virtus non possit durare vsq; ad statum, nobis etiā inuitis cogemur in vigore, vel parū ante vigorem pleniori victu vtī, quando ab illo erat abstinendum, quo tempore quæ per cibum fiunt errata grauiora sunt. Hæc autem Salui expositio multum distat ab Hippocratis mente, qui in dicto aphorismo, non de medicorum, sed de ægrotantium erroribus agit, præsupponit enim medicum rectè constituisse normam & regulam tenuis victus in ægro laborante acuto morbo, cui talis victus ratio conuenit, cum qua ad statum vsq; possint vires perdurare, etiam subtrahendo cibum parum ante statum, & in ipso statu; æger tamen medico parum obediens, sua sponte, aut assistentium monitis tādē crassiori victu vtens, peccatum committit, & fit error, non quidem interim dum obseruabat tenuem victum præscriptum, sed quādo nolens illum ferre, crassiorem sumit; tuncq; maior fit quàm si transiret a palulo pleniori cibo ad crassiorem, quia virtus imbecillis

In expositio
ne 5. apho.
1. sect. f. 97.

becillis ex tenuiori transiens ad crassiores non potest tantum
alimenti pondus ferre, neque concoquere aut transmutare, &
natura extremam illam mutationem a tenui ad crassum tan-
quam inconsuetam abhorret, eo modo quo sani qui sobrii sunt,
& temperati circa cibos, & debite constitutam habent victus ra-
tionem, si semel in conuiuijs crassiorem victum assumant, gra-
uius ferunt errorem commissum, quam qui non ita tempera-
te vitam degunt, & pleniori victu uti solent, tum quod imbe-
cilliores sint, tum quia maiorem subeant mutationem. Vult
igitur significare Hippocrates, quod maior committitur error
ab ægrotantibus quando debite constituto tenui victu se con-
ferunt ad crassum, quam dum signato paulò pleniori pro ratio-
ne morbi longioris, similiter ad crassum victum se conuertunt:
nec eam ob causam vituperat tenuem victum in morbis quibus
conuenit, aut illi præfert paulò plenior. Et multò minus
vult ostendere, aut significare, si a iusto modo aberrandum sit
in instituendo victu, in morborum acutorum initijs, errorem
per crassitiem incolumiorem esse eo, qui per tenuitatem fit, ut
opinatus est Saluus: cum planè constet Hippocratis mentem
fuisse quod tenuis victus seruandus in acutis morbis eget dili-
gentia, atque prudentia medici, & obedientia ægri, nam si cō-
tingat, vel ex ægri intemperantia, vel assistentium consilio ip-
sum egrum cibum crassum sumere, maximè periclitabitur, tum
quia mutatur ad inconsuetum victum, tum quia contrahit im-
becillitatem ex tenui. Hanc autem expositionem quam Manar-
dus, & Musa, doctissime proposuere si Saluus oculatius perspe-
xisset, non posse Hippocratis, ac Galeni verbis adaptari, dice-
re erubuisset, cum sua non modò eorum sententiæ dicto apho-
rismo non respondeat, verum a rei veritate longe distet. Siqui-
dem certissimum est erratum victus per tenuitatem esse incolu-
mius in acutorum morborum principijs, quam per crassitiem,
dicente Hippocrate secundo de ratione victus, ciborū adiectio
ni intendendū multo minus, subtractioni verò magis, cū æger
sufficere possit donec morbus maturescat, & referente Galeno
in singulis victus formis quantitatem reperiendam esse: Cum

4. epist.
epist. 2.

Tex. 37.

C enim

Tex. 48.

In com. eius
dem tex. 48

enim præfidiorum singulorum quantitas artificiosa coniectura acquiratur, & artificiosè conijcere viri sit, qui vires omniū, quæ in arte sunt didicerit, memoria mandauerit, atq; diligentia omni adhibita sese in operibus artis exercuerit, pauciq; tales existant, iure optimo inquit Hippocratem adscripsisse, in quantitate ipsa ad id, quod minus sit procedendum esse magis, quàm ad id, quod exuperat, vbi quis a iusto modo abscedit, nam quod plus est, exuperatq; noxas interdum inemendabiles facit, verùm quod minus est facile emendatur, si enim virtus elabi videatur, cibi exiguum ministrare possumus: verū si in ventrē absortus fuerit cibus, quod redundat, superfluitq; si alias multo magis in acutis morbis tollere est difficile. Quib⁹ verbis Galenus e diametro Salui sententię repugnat. Præterea Hippocrates medicum calumniam efugere non posse existimat, qui vires ob laborem, morbiq; acumen imbecilles, ex vaforum inanitione tales fieri arbitratus, copioso victu fouerit, eas verò, quæ imbecillitatem patiuntur ob vaforum inanitionem, credens ex morbi vehemētia labefactari, tenui victu præferit, periculum siquidem affert erratum per tenuem victum in viribus ob inanitionem offensis, & per crassum in labefactatis ob laborem exponere, & magnitudine morbi, cæterum minus periculum est euacuare eos, qui indigent repletionem, quā replere eos, qui euacuationem desiderant: ut enim Galenus inquit, qui cibum exhibet ijs, quibus vires exponere laborant, maximum affert detrimentum: verū qui ex vaforum inanitione imbecilles sunt, hos si quis diata tenui præferit, lædet: quāquā non eque euidenter, vel celeriter. Melius igitur est ad Hippocratis, & Galeni mentem in acutis morbis, si a principio discedendum sit a iusto modo victus, errare potius per tenuitatem, quàm per crassitatem: præsertim quod indicatio, quæ sumitur ab acuto morbo est validissima ad abstinentiam, indicatio verò ab imbecillitate ad cibationem, in acutis est minima, quia vires valent, & quando non valerent, oblato paulò pleniori cibo refici possunt ante statum, ergo maius erit periculū ex errato per cibi crassioris exhibitionē quàm per abstinentiā.

Certe.

Cæterum Saluo errandi occasionem præbuere Hippocratis, & Galeni auctoritates perperam ab ipso intellectæ, quâdo enim Hippocrates dixit melius esse protinus a morbi initio forbere incipere, quàm inanitis, vacuatisq; venis, vel die tertio, vel quarto, vel quinto, vel sexto, vel septimo, si morbus ante hoc tempus haudquaquam iudicatus fuerit; forbitionem inchoare: nihil aliud (vt Galenus explicat) significare voluit, quàm quod in aphorismis præceperat, nempe in omnis morbi vigore tenuissimo victu vtendum esse, quod si gratia exempli quinta die morbi vigor futurus sit, & æger solo vsus potu sumicere non possit, fore melius si protinus ab initio ptisanam medicus dederit, & nec die tertio, aut quarto forbitionem inchoauerit, aut si ante septimum morbus nō fuerit iudicatus, similiter melius efficiet, si a principio paulò crassiori victu vtatur, & circa statum tenuiori, quoniam in statu ipso tenuissimo victu vtendum est. Hoc autem est docere respectu status morbi, a principio crassiorem victus rationem statuendam esse, circa statum verò, multò tenuiorem, quoniam in ipso statu tenuissima requiritur: sicque vbi ægri vires seruari possint vsque ad statum sola forbitione, melius erit a principio eam præbere, & in statu abstinere omnino, quàm primis diebus extrema vti abstinētia, & circa statum forbitionem dare: at hoc non est committere peccatum in principio morbi acuti, inclinando ad magis plenum victum quàm expediat, neque id consuluit Hippocrates: sed velle dūtaxat ostendere, oportere victum in principio desiderari pleniorē, circa statum verò, tenuiorem, & in ipso statu tenuissimum: ideoq; Galenus dixit, rectè Hippocratem consuluisse, non licere in morborum acutorum principijs intempestive; neq; vehementer ægros fame necare, neq; in morborum consistentijs, victum ex inedia ad cibi oblationem permutare, sicut nec subito ad contrarium transire: quod nostræ non contradicit sententiæ, neque reliquæ autoritates, quæ a Saluo traduntur, suam comprobant, quin potius propositę a nobis fauorem inducere notius apparet, quàm vt declaratio ne indigeat: in omnibus enim fit comparatio temporis exhibē

*2. de rat.**viñ. tex. 15**Com. 32. li.**2. de rat.**viñ.*

Uti quæ
tex. 40. &
41.

di victum in morbi principio, & circa statum, qui enim per morbi acuti exordia eodē, quo laborarunt die comederunt (vt Hippocrates inquit) deterius fecerunt quàm si modo alio cibarentur, debite scilicet in principio constituto victu, & nō pleniori quàm expediat: sed quæ hoc tempore peccata fiunt per crassiorē victum multò minus lædere affirmat, quàm in primis quidem diebus, vel duobus, aut tribus vasa integre exinaniuerit, idest extreme tenui victu vsus fuerit, mox quarto, vel quinto crassum victum ministrauerit, & multò deterius si ministratio tibi crassioris post extremum victum fiat vltimis, & sequentibus diebus propè statum priusquàm morbus maturetcat, hoc enim tēpore crassus cibus mortē plurimis liquidò affert, quia quæ in principio committuntur delicta per victus crassitiē melius a medicis corriguntur, quàm ea, quæ propè statum, vel in ipso statu cōmitti solent: Galenus autem in commētario nihil aliud Hippocratem monstrasse ait, quàm neq; a principio, neq; primis diebus fame cruciandos ægros fore, ne cogantur medici ei propè vigorem eosdem languentes replere, quòd grauior cōtingat offensa cum propè vigorem erratum sit per victus crassitiem, quàm si in morborum principijs quidpiam delinquatur. Quoniam tamē hæc malè intellexit Saluus in errorem incidit, existimans Hippocratem, & Galenū citatis locis voluisse significare si errandum sit in morborum principijs in instituenda victus ratione, fatius esse inclinare ad paulò pleniorē victum, quàm ad tenuiorē: fallitur tamen, quoniam ab ipsis fit duorum errorum per crassitiem comparatio, eius qui in principio morbi fit, & eius qui propè vigorem, affirmantq; maius erratū esse, quòd per crassiorē victum committitur propè vigorem, quàm quòd in morbi initio fit per eundem crassiorē victum, non tamen inde colligitur, si errandū sit in initio morbi acuti, minorem errorem committi per crassiorē cibū, quàm per tenuiorē, hac enim ratione Hippocrates, & Galenus sibi ipsis contradicerent, qui subtractioni intendendū magis dixerunt, quàm adiectioni, quoniam imbecillitas, quæ in principio cōtrahitur per paulò debiliorem victum refarciri potest paulò pleniori ex bibito

Jun. Felice de
Sanguine magis
et erra fit quæ
quæ in hoc initio
tenuior non enim
deus errorum
et a. unde
Comitatus magis
quam si minus
et quæ in initio
in crassioribus

bito ante morbi vigorem, ut ex Galeno tradidimus. Neque valet quòd si periculosius errat æger in tenui victu, quàm in paulò pleniori, eam ob causam non seruandum esse tenuem, nã multa periculosa ob maximam vtilitatem cautè tètantur, alioquin neque venesectione, neque expurganti medicamẽto validiori uteremur, & multò minus extrema diætã, sicque extremis morbis extrema exquisitè remedia non conuenirent. Sed quid mirum est quòd Saluus malè intellexerit Hippocratis, & Galeni dicta locis citatis, cum comitem habeat Bernardinum lögum virum magni nominis apud Neapolitanos medicos? qui dum mense excellentissimi proregis mecum adesset, mora dubitatione ab Illustrissimo Comite de Haro, utrũ in morbis acutis satius esset statim inclinare ad crassiorem, quàm ad tenuiorem victum, nõ modo aphorismum quintũ primæ sectionis interpretans, Hippocratis, & Galeni mentem non percepit, sed magna cum sui confidentia tutius fore ad pleniorẽ victum, quàm ad tenuiorem inclinare in acutorum morborum initijs per dictum aphorismum Hippocratẽ consuluisse affirmavit: Cum verò illi proponerem Hippocratis sententiam a nobis antea connumeratam, qua inquit ciborũ adiectioni inrendendum multò minus, subtractioni verò magis, & Galeni similiter dũ asserit, iure optimo Hippocratem adscripsisse in quantitate cibi exhibendi in acutis morbis ad id, quod minus sit procedendum esse magis, quàm ad id, quod exuperat vbi quis a iusto modo victus abice dit, nam quod plus est, exuperatq;, noxas interdum inemendabiles facit, verum quod minus est facillè emendatur, si enim virtus elabi videatur, cibi exiguum administrare possumus, dietas sententias nunquàm Hippocratem, & Galenum protulisse, contentiosè asseruit: quamobrem magis errauit, quàm Saluus qui prædictas autoritates perlegit, & proposuit, licet non ritè explicauerit, & ad authorum mentem. Sed iam tempus est, ut tertiæ huic depulsiõni finem imponamus.

2. acutorũ
com. 37.

2. de vict.
rat. com. 37

Eodẽ com.

Quod

QUOD IN SEPTIMO APHORISMO PRIME
 sectionis significauerit Hippocrates per morbum peracutum, non
 cum solium, qui primo quaternario terminatur, sed illum
 etiam qui ad septimum usq; extenditur.

Depulsio quarta.

1. prog. com.
 25.

Breues mor-
 bi qui sint.



ORBES omnes ex temporis mensura in bre-
 ues, longos, & medios diuidi Galenus est au-
 thor. Breues illi dicuntur, qui breui temporis
 curriculo terminantur, ita vt non excedant
 decimum quartum diem, tanquam vltimum
 terminum morborum acutorum, qui verè sub

Longi morbi
 qui dicantur.
 Medij mor-
 bi inter bre-
 ues et longos.
 Qui sūt mor-
 bi acuti.

2. aph. com.
 25.

2. aph. sect.
 23.

Febres syno-
 chæ ex inflā-
 matione san-
 guinis non
 sunt acutæ.
 3. prog. cō. 2

in com. dicti
 prog.

breuibus morbis continentur, nam dum morbus quiuis exce-
 dit decimum quartum, iam breuis nomen amittit: longi verò
 illi morbi appellantur, qui transcendunt quadragesimum: me-
 dij autem, qui ex acutorum termino in quadragesimum vsque
 extenduntur. Rursus, breues morbi aut cum magnitudine, &
 acutie sunt, aut citra magnitudinem, & acuitatem; Cum ma-
 gnitudine, & acuitate sunt, qui breui terminantur, & in quī-
 bus citissime pericula adueniunt, breuis autem eorum termi-
 natio significatur, ea quæ decimum quartum non transcendit
 diem, qui terminus vltimus est breuiū morborum, & eam ob re
 acuti morbi cum breues nominentur, decimum quartum non
 transcendunt, ideoq; Hippocrates dixit, acuti morbi in qua-
 tuordecim diebus terminantur, citra magnitudinem autem,
 & acuitatem breues illi sunt morbi, qui etiam si celeriter mo-
 ueantur, non sunt magni, nec in eis citissime pericula adueni-
 re videntur, ideoq; non appellantur acuti: quemadmodum fe-
 bres synochæ ex sanguinis inflammatione obortæ (quas simpli-
 cissimas, & signis firmatas securissimis Hippocrates nominat,
 & quarto die, aut citius desinere docet, ob celerem, ac breuē
 motum) quæ cum magnitudine, & acutie careant, in eisq; nul-
 lum immineat periculum, acutæ ægritudines dici non possunt.
 Has quidem febres Galenus placidissimas appellat, ac mitissi-
 mas, haud quaquam maleficas, & quoties securitatis inditia

extiterunt, vltra primum quaternarium nequaquam procedere, sed aut quarto die, aut citius desinere dicit: pari modo, maleficas quoq; febres, & cū inditijs exitiosis factas, quæ propter citissimum periculum magnam habent acutiem, quarto die, aut citius interimere aasserit. Acuties igitur, ex periculo, & motus celeritate sumitur, breuitas vero, ex sola celeritate citra periculum; quam ob rem quicunq; morbus acutus est, vt brevis etiam sit necesse est, non e cōtra tamen, qui brevis est, is vt acutius sit oportet, dicēte Galeno de acutis morbis, qui cum febre sūt, morbum acutum eum esse, qui cum magnitudine quadā, ac continuitate febris demonstratur, & ideo febris synochus citra putredinem cum magnitudinem non habear, sed potius omni vacet periculo, & quarto die, aut citius desinat, iure optimo propriè brevis diceretur morbus, acutus autem, aut dicendus omnino non est, aut si aliquando talis nominetur, improprè fit, & tantum quoad motus celeritatem sic nuncupabitur, non minus quàm ephamera febris, quæ citissime terminatur, periculo tamen omnino caret, ideoq; acutus morbus non est. Brevis igitur morbus, qui cum magnitudine, & acutie procedit, acutus ab Hippocrate nuncupatur, & ab eodē in quatuordecim diebus iudicari dicitur: vt enim Galenus exponit, in lō gum tempus iudicationem differri in acutis morbis fieri nō potest, ob morborum magnitudinem, & casum vehementiam, ideoq; Hippocrates terminum in omnibus posuit duas septimanas, tanquam nullus eorum vltcrius progrediatur, verā ante quartum decimum multi possunt iudicari. Qua ratione, maiorem habebis acutiem acutus morbus, quō celeriori motu per eius tempora mouebitur, & ideo idem Hippocrates acutum morbum, aut simpliciter acutum nominat, cum ad duas septimanas extenditur, aut peracutum, cum ad vnam vsq; terminatur, & quemadmodum simpliciter acutus, ita nominatur, qui finitur decimo quarto, sicut qui vndecimo terminatur, sic cum additione peracutus dicitur, qui integram percurrit septimanā, similiter ac ille, qui quatuor primis diebus finitur, neq; alio Hippocrates nomine vnquam nominauit peracutum, qui primo

Acuties ex periculo & motus celeritate sumitur.

3. prog. cō.
x. et 1. prog.
25.

2. aph. 23.

Simpliciter acutus morbus.

Peracutus morbus.

primo quaternione, quàm qui septem diebus terminatur: què
 admodum nec simpliciter acutum, cuius terminus est decimus
 quartus dies, alio nomine nuncupavit, quàm eum, qui non
 transcendit vndecimum, vterq; enim acutus simpliciter dici-
 tur ab Hippocrate, & Galeno; licet vnus terminetur vndecimo,
 alter verò decimo quarto: pari ratione vterque simpliciter per-
 acutus morbus nuncupatur, & qui septimo die, & qui primo
 quaternario finitur: & quemadmodum in simpliciter acutis,
 acutior est qui breviori tempore finitur, nempe vndecimo per
 tres quaterniones, quàm qui tardiori, scilicet decimo quarto,
 per duas septimanas: sic in peracutis peracutior est qui non trā-
 scendit primū quaternionem, eo qui extenditur ad duos, idest
 ad integram septimanam, quæ terminus est peracutorum mor-
 borum. Ideoq; Hippocrates, extremis morbis extrema exqui-
 sitè remedia optima fore, prima aphorismorum sectione affir-
 mavit, & Galenus in commentario extremos morbos Hippo-
 cratem nominasse summos asseruit, vltra quos non sunt alij,
 præcepisseq; in ipsis tota curatione exquisitissima nos vti, exhi-
 bendo quoq; tenuissimum victum, tales autē prorsus esse mor-
 bos peracutos, de quibus Hippocrates scripsit integrum apho-
 rismū septimū in hæc verba. Vbi igitur morbus peracutus est,
 statim & extremos habet labores, & extremè tenuissimo victu
 vtendum est: vbi verò non, sed pleniorē victum cōtingit ad-
 hibere, tantum cibi indulgendum est, quantò morbus extre-
 mis est mollior, quasi dicat, quod morbus peracutus quia sta-
 tim extremos habet labores, idest, quia statim viget in quarto,
 vel in septimo die, qui vltimus terminus est peracutorū, ideo
 tenuissimum victum desiderat. Per verbum enim statim intel-
 lexit Hippocrates (vt Galenus inquit) circa primos quatuor
 dies, vel paulò vltius, idest vsq; ad septimum, consistit enim
 in suo vigore peracutus morbus, vel in quarto, vel in septimo,
 quia in his diebus extremos habet labores, vltra quos nō sunt
 alij maiores: quod cōfirmant illius verba in hunc modū. Nunc
 ve. ò tantum hoc docuisse sufficiat, in omnibus morbis, in qui-
 bus summus vigor, & iudicatio primis quatuor diebus futura
 est,

Aph. 6.

*Com. super
 aph. 4. pri-
 ma sect.*

est, modo vires sint fortiores, integram in ediam seruandam esse, quæ est in extremo tenuissimus victus, in quibus verò nō ultra primam septimanam protrahetur, fortibus existentibus viribus, solo melicrato vti sufficiet, solus autem hic victus tenuissimus esset, non tamen in extremo, in quibus manifestum fit Hippocratem, per morbum peracutum intellexisse in aphorismo, eum, qui in quarto, vel in septimo summum habet vigorem, in utroq; enim tenuissimus desideratur victus, quia status propè est, licet non ita exactè tenuissimus in peracuto, qui viget in septimo, ac in illo cuius sumus vigor quartus est dies: quemadmodum in simpliciter acutis, qui decimo quarto finiuntur tenuis conuenit victus, sicut & ijs, qui terminantur in vndecimo, & si magis tenuis desideretur in eo, qui vndecimo, quàm qui decimo quarto terminatur: eamq; ob causam Hippocrates dixit peracutis morbis conuenire tenuem victum, 10. aph. 1. sect. his verbis, quibus igitur statim morbus consistit, ij etiam statim tenuis victus exhibendus est, tenuem autem victum vocauit Galenus ptisanæ succum, quo tenuius est melicratum, cum quo per integram septimanam durare posse eum, qui peracuto morbo laborat asseruit, si vires fuerint validiores. Per verbum igitur statim intellexit Hippocrates, vel circa primos quatuor dies, vel circa septimum, ad quem vsque diem peracutus morbus extenditur: idq; magis confirmat Galenus in commentario dicti aphorismi septimi dum inquit, in quibus verò morbi vigor statim futurus est, hoc est in primis quatuor diebus, vel paulò vltius, vt supra exposuit (quod idem est, ac si diceret vsq; ad septimum, in quo morbus peracutus terminatur) in ijs possumus victu extremè tenuissimo vti cū vires tolerant, & in ediam omnimodam, & solius melicrati exhibitionem, & ptisanæ succum paucum omnino, deinde addit, talis quidem tenuissimus est victus: qui verò hoc minus tenuis existit, quem etiam pleniorē nominauit Hippocrates, illis conuenit morbis qui posterius debent in suo vigore consistere, id est, post septimum diem, in vndecimo exempli gratia, vel decimo quarto, in quibus precipit tantū a victus tenuitate declinare, quan

D tum

Incom. 7.
aph. 1. sect.
aph. f. 104.

tum morbus ab extremis recedit, hoc est, a vigore summo, hoc enim proximo existente, minus plenum victum afferemus, longius verò distante, magis plenum, & quanto tardiorè forè summum morbi vigorem expectabimus, tantum & victus formam commutabimus. Optime igitur Antonius Musa in expositione septimi aphorismi, per morbum peracutum intellexit eum, qui quarto, & qui septimo terminatur, & de illis verbū statim proferri significavit, ob rationes a nobis propositas: quē Saluus damnat, contendens per morbum peracutum tantum in dicto aphorismo Hippocratem intellexisse eū, qui quarto die terminatur, idq; ex eo quia dicat, statim extremos habere labores, & per verbum statim, Galenū intellexisse, circa primos quatuor dies, vel paulò vltcrius, exponens per paulò vltcrius, significasse diem quintum, qui statim sequitur post quartum. Verū nulla est ratio propter quam significet quintum diem potius, quàm septimum, vterq; enim per paulò vltcrius comprehendī potest, cum omnes dies peracutorum morborū sub septimo cōtineantur: imo si Galenus voluisset significare quintum diem post quartum, non significasset per verbum, vel paulò vltcrius, sed potius dixisset, circa primos quatuor dies, vel sequenti, quintus enim dies sequitur post quartum, septimus verò est paulò vltcrius a quarto: præter quā quod nullatenus (ut ipse opinatur) per paulò vltcrius intellexit Galenus diem quintum, quia morbi ex peracutis, qui debent terminari quarta die, ut plurimum terminentur tertia, vel quinta, referente Galeno tertio de crisibus, cap. 4. nam ex sua natura semper in primo quaternione debent finire: febres enim, siue quis ab his euadat, siue pereat, pari dierum numero iudicantur, ut Hippocrates refert in libro præsagiorum tertio, deinde oēs inquit, quæ benignissimæ sunt, & signis fulciuntur firmissimis, quarto die, vel ante iudicantur, ac postea: & malignissimæ, & quibus periculosa adsunt signa, die quarta, aut citius perimunt, quod ita aliquando huiusmodi febres finiantur in quinta, non contingit ex natura morbi, & ex vera sui acuitate, dicente Hippocrate primo de morbis vulgaribus in historia Erasini, & Gale-

Tex. 1. et 2.

Parte 3. te.
25.

noin

no in commentario, quod Erasinus quanquam omnia graui-
 haberet, ad diem tamen quintam mortem produxit, quod diē
 primam placidē, & cum quiete tulit, quatuor autem reliquis,
 & fortis morbus fuit, & in ipsis iudicatus, quintus igitur ab ini-
 tio, quo ægrotauit, nō adnumerato primo, quartus efficitur.
 Terminus ergo morborum acutorum ex diebus afflictionis, ac
 vehementiæ venit definiendus, hac enim ratione Galenus de-
 clarans Hippocratis sententiā, qua acutos morbos in quatuor
 decim diebus terminari affirmat, nullum vnquam inuentum
 esse a principio velociter motum asserit, qui hunc transgredia-
 tur terminum, sicut quidam leues ac parui circa primos dies
 existentes, quarto die, aut quinto, acuti fieri incipientes, ad
 decimum septimum terminarunt: alij verò sexto, aut septimo
 die exacui incipientes, ad vigesimū terminarunt, adeò vt mor-
 bi continui acuties nunquam possit plures, quàm quatuor de-
 cim obtinere dies: quamobrem & si morbus peracutus, qui ex
 natura sua terminari debebat quarto die, terminetur in quin-
 to, non ob id deest terminari in quarto, quoniam quatuor
 dies afflictionis sunt, qui cōsiderantur in primo quaternario,
 non numeratur enim primus dies, quia placidē, & cum quie-
 te transigitur, vt ex Erasini historia liquet. Primus enim impe-
 tus acutissimi morbi quartus semper est dies, quem si transcen-
 dat, accedit secundus impetus numerandus in septimo, sicq;
 per quaternarios fit diuisio, vt manifestē ostendit Hippocra-
 tes: impetus autem hostium, aut latronum dici solet ab au-
 thoribus, ex quo Hippocrates transtulit appellationem ad cir-
 cuitionem decretorium dierum, quare etiam si peracutus mor-
 bus terminetur aliquando quinto die, solum impetus primus
 morbi circa quatuor vltimos dies fit, & non paulò vterius,
 quia finitis quatuor diebus vehementiæ, sequitur secundus
 impetus vsque in septimum. Ex quibus manifestē colligitur,
 cum Hippocrates dixit, vbi morbus peracutus est, statim ex-
 tremos habet labores, per verbum statim intellexisse non so-
 lum primos quatuor dies vehementiæ morbi peracuti, qui-
 bus primus finitur impetus suæ peracutiæ, (vt ita loquar)

*In enarra-
 tione 23.
 aph. 2. sect.*

*3. prog. lex.
 3.*

*Refert Gal.
 i com. dictæ
 sententiæ.*

Septima pri
ma sect.

sed paulò vltcrius vt Galenus refert, id est vsque ad secundum imperum eiusdem peracutiei, qui in septimo terminatur, & nō longè distat a quarto, vel quinto, in quibus primus eiusdem peracuti morbi imperus fuit terminatus. Et hæc vera, atque genuina est interpretatio mentis Hippocratis, quam Brasauolus pulchrè insinuauit, cum per morbum peracutum ipsum intellexisse asseruit, non eum modo, qui quatuor diebus, sed illum etiam, qui septem terminatur: quoniam vero aliæ rationes, quibus Saluus nititur tanti viri damnare sententiā, nihil concludunt, eas libens prætermitto. Sic igitur debet aphorismus interpretari. Vbi morbus peracutus est, statim, scilicet die quarto, quo finitur primus morbi imperus, vel paulò vltcrius, id est die septimo, quo terminatur secundus imperus, habet extremos labores, videlicet statum, & summum vigorem cū grauissimis symptomatibus, & tunc extremè tenuissimo victu vtendum est modo id liceat per vires, & ætatē ægrotantis: vbi vero non est, peracutus morbus, sed tantum acutus, vel longus, & plenior victum cōtingit adhibere, quia status longius abest, tantū cibi indulgendum est, tantoque plenior victus adhibendus,

Prima sect.

aph. aph. 10.

quanto morbus acutus, vel longus, extremis est mollior, & a vigore recedit. Eandem aphoristicā sententiā proposuit Hippocrates dum dixit, quibus igitur statim morbus consistit ijs etiam statim tenuis victus adhibendus est: quibus vero posterius debet consistere, ijs & in ipso consistendi tempore, & parū ante illud cibis subtrahendus: prius vero vberior victus exhibendus est, vt æger sufficiat, vterque enim aphorismus (vt rectè exponit Brasauolus) idem prorsus significat, licet in septimo eam sententiā sub particulari ratione acutorum morborum Hippocrates proposuerit, ex qua vniuersalem doctrinam in omnibus alijs tam acutis, quā longis intulit: in decimo vero sub ratione vniuersali, vniuersalem victitandi methodum insinuauerit. Valeat igitur Saluus, qui cum ægregij viri sententiā vituperat, non alia ratione nititur, quā Galeni auctoritate ab ipso male intellecta, qua inquit in septimo aphorismo Hippocratem dixisse in peracutis morbis statim tenuissimo vi-

ctu:

Et uti oportere, in decimo vero, de omnibus simpliciter morbis eandem sententiam pronunciaſſe. Verum ſi perpendat Galeni verba in enarratione decimi aphoriſmi, inueniet eandem eum habere ſententiam cum priori, eundemque pariter ſermonem, niſi quod eſt illo vniuerſalior, ex eo quod cum ſeptimo aphoriſmo ex profeſſo, & particulatim agat de peracutis morbis, qui ad ſeptimum uſque extenduntur, & de victu, quem reſpectu ſui ſtatus deſiderant, ex conſequenti in ſecunda aphoriſmi parte vniuerſalem infer rationem victus in alijs morbis a peracutis, conſideratis eorum ſummis vigoribus: at in decimo aphoriſmo vniuerſalem cibandi methodum in omnibus morborum generibus proponit, non habita priuatim ratione peracutorum magis, quam aliorum, & eam ob cauſam Galen⁹ dixit, eandem hunc decimum aphoriſmum habere ſententiā cum priori, licet ſub ratione proferendi differant, quocunque enim modo proferantur, eidem hærere ſententiæ affirmat. Nam ut idem Galenus expoſuit quanto tardioſiorem fore ſummum morbi vigorem ſpectabimus, tantum & victus formam commutabimus, quod non alia ratione dixit, niſi quia vniuerſalis victandi methodus in omnibus morbis ex particulari acutorum inferitur. Sic igitur Braſauolus ad Hippocratis, & Galeni mentem, per ſtatim conſiſtere in aphoriſmi decimi expoſitione, intellexit ſummos habere labores: nā in peracutis morbis, in quibus oportet uti tenui victus ratione, propè eſt ſtatus, quoniam non extenduntur ultra ſeptimum, & ſic propè etiam ſunt labores extremi. Habere enim ſtatim extremos labores, & ſtatim conſiſtere, in peracutis morbis conuertuntur, ita ut ab uno ad alium valeat conſequentia, ſi enim peracutus morbus ſtatim conſiſtit, ſtatim etiam in eo extremi labores ſunt, & ſimiliter ſi in eo extremi labores reperiuntur, ſtatim conſiſtere neceſſe eſt: Hippocrates enim, & Galenus, agunt de ratione uict⁹ in acutis, non autem in breuibus morbis, qui ſunt citra acutiē, ut enim diximus, acutus morbus uere magnus morb⁹ eſt, quia cito terminatur, & in eo breuiter pericula adueniunt, ephemera autem, & exquisita tertiana, licet citiſſime terminentur, & conſiſtant,

In enarratione ſeptimi aphoriſmi

*A morbo
peracuto
non a mor-
bo breuissi-
mi temporis,
sumitur in-
dicatio ad
victum te-
nuissimum.*

*tertio prog.
com. 10.*

*Brasauolus
vindicatur
a calumnia
salui.*

*prima sect.
apho.*

consistant, non ob id citissime extremos habent labores, quia morbi magni non sunt, & ob id in illis non valet conuersio. Præterea indicatio à distantia status ad victus rationem annexit etiam dispositionem morbi, sicq; a morbo peracuto sumitur indicatio ad victum tenuissimum, non a morbo breuissimi temporis: morbus enim acutus cum magnitudine quadam, ac continuitate febris intelligitur, si verò non ita sit (vt Galenus asserit) quanquam circa quartum decimū soluatur diem, aut etiam citius, eiusdē appellationis nequaquam erit, sed brevis morbus solum nominabitur. Cum igitur in peracutis morbis, idem prorsus sit, statim consistere, & statim extremos habere labores, hac ratione Brasauolus a Salui calumnia vindicatur, nō enim ex eo quod existimauerit acutorum morborum eos, qui statim consistunt, alios non esse quam peracutos, sequitur illū breues morbos (quia statim consistunt) pro peracutis etiam reputasse, qui probè cognouisset, alios cum periculo, alios vero citra periculum semper deprehendi, & aliud esse statim consistere cum periculo, aut sine illo: cum igitur Brasauolus loquatur de morbis acutis, bene intulit, eos qui statim cōsistunt peracutos esse. Neque etiam aduersus eius opinionem, qua existimat Hippocratem in decimo aphorismo eandem proferre sententiam circa victus exhibitionem, quam septimo proposuerat, quicquam conuincunt Salui rationes in cōtrarium adductæ, siquidem non ob id decimum aphorismum a septimo differre credendum est, quod in septimo, in peracutis statim extremè tenuissimo victu vtendum Hippocrates dixerit, in decimo vero statim tenuem victum fore exhibendum: nam cum Saluus fateatur tenuem victum tanquam genus esse ad omnes victus tenues, & tenuissimos, exquisitos, & non exquisitos, proculdubio concedere debet Hippocratem per tenuem victum eius speciem significasse, quæ morbis his, qui statim consistunt debetur, id est peracutis. Multo minus etiam dicti aphorismi inter se differunt, quòd in septimo (vbi agit Hippocrates de peracutis morbis) dixerit, in statu extremè tenuissimo victu vtendum esse, in decimo vero cibum esse subtrahendum in vigore cuiusuis

cuiusvis morbi: quoniam si Saluus veram dicti aphorismi expositionem velit perpendere, inueniet profectò primam eius partem respondere priori septimi aphorismi, & postremā, posteriori, eandemq; prorsus referre sententiā. Inquit enim Hippocrates in decimo aphorismo. Quibus igitur statim, hoc est primis quatuor diebus, vel paulo post, idest vsq; in septimum morbus consistit, & rigor adest, vt in peracutis, ijs statim, & circa principia tenuis victus exhibendus est, quo victus genere in ipso statu etiam vtimur: quibus vero posterius debet consistere, & non statim in primo quaternione, vel die septima vigor futurus est, ijs & in ipso consistendi tempore, ipsoq; vigore, & paulò ante illud tempus cibus subtrahendus, vt natura coctioni humorum nocentium vacare possit: prius vero vberius agendum, & nutriendum plenius, vt æger sufficiat, idest, persistere possit vsq; ad summū morbi vigorem, in quo tenuis victus adhibendus est: quod si ad literam interpretetur septimus aphorismus, eandem omnino representabit sententiam. Solum igitur differunt dicti aphorismi vt diximus, q̃ septimus sub particulari ratione de peracutis agens, in secunda parte infert rōnē vniuersalē victus in morbis quibusvis exhibendi, decimus vniuersaliter ab initio de victus rōne in oībus morbis pertractat.

QVOD INDICATIO A VIRIBVS NON INCLV-
datur sub descriptione indicationis tradita a Galeno libro de opti-
ma secta capite vndecimo, dum inquit, esse comprehensanē
inuantis, simul cum comprehensione nocentis, adue-
nientem sine obseruatione, aut ratiocinio.

Depulsio quinta.



B : medicus propositū finem consequi inten-
 dit, a primis indicationibus auspicari debet *2. metho.*
 methodo diuina, quousque ad proximas, *7. 79. ca.*
 & ultimas, ultra quas aliæ non reperiantur, *15.*
 deuentum sit: primas uero indicationes ex
 affectibus p̃ternaturam, qui a medicis curan-
 di sunt, sumendas esse Galenus author est, nisi enim id, quod
 prater

3. meth. c. 1. praternaturam est cognoscant, quò pacto in id, quod secundum naturam est reduci debeat, nunquam intelligent: sicque propositum finem curatiua methodo cõsequi non poterunt. Primum igitur, quod medicis proponitur morbus est, a quo prima, & vniuersalior sumitur iudicatio, nempe sui ablatio, deinde per diuisionem aliæ inueniuntur, proceditque diuisio quousq; vltimæ, quæ sectionem non patiuntur inuentæ sint, quibus tandem propositus finis conquiratur. Vt autem quæ nã sit prima indicatio cognoscamus, in genere quid indicatio

Quid sit indicatio in genere.

2. meth. c. 7.

fit intelligere oportet. Est aut indicatio, Galeno auctore, nihil aliud, quã agendorum insinuatio, seu representatio, aut demonstratio, per indicationem enim id, quod agendum sit ob oculos ponitur, & antequam fiat, describitur, seu delineatur: nã et si ab experientia inueniatur id, quod cõsequens, faciendũ sit, non ita quasi in præcedenti aliquo designatum deprehenditur, quam ob rem ab ipsa rei natura exordiri, & ab ea, quod sequens sit inuenire citra experientiam, id est indicatione inuenire: quo fit, vt omnis medendi methodus seiuncta ab experientia procedat, quoniam per indicationem acquiritur. Aliter etiam in specie indicatio a Galeno describitur per contrarietatem, esse iuuantis compræhensionem, simul cum compræhensione nocentis aduenientem sine obseruatione, ac ratiocinio, dicta autem iudicatio nobis aduenit ex re indicante, & re indicata, ex quibus fit compræhensio rei, quæ indicatur tanquam vtilis, simul cum compræhensione rei indicantis, nocentis, seu inutilis, quia vno contrariorum cognito, statim cognoscitur & reliquum, licet indicatio propriè, & per se, in appræhensionem vtilis dirigatur. Vt verò exemplo res fiat aperta, proponamus aliquem laborare assidua febre, quæ cum affectus præternaturam sit in immoderato calore consistens, postulat sui ablationem per contrarium, & ita est res postulans, seu indicans, morbus ipse nocens: sui autem ablatio, est res postulata, seu indicata, quæ iuuans dicitur: compræhensio verò rei indicatæ ut iuuantis, simul cum compræhensione rei indicantis ut nocentis, est ipsa indicatio, citra tamen obseruationem, aut experientiam.

Quid sit indicatio in specie.

Lib. de opt.

sect. ad thra

sy. c. 11.

indi-

rientiam, ob id, quod comprehensio iuuantis, quæ propriè indicatio est, fit simul cū comprehensione naturæ illius rei, quæ indicat, & sic non interuenit experientia, seu obseruatio, quæ eius, quod sapius, & eodem modo visum est, comprehensio, seu memoria nuncupatur: at per indicationem, sine obseruatione, vel experientia alicuius similis rei præcedentis, etiam, animalia bruta quod noxium est sentiunt, & deuitare conantur, & quod iuuans est, percipiunt, & amplectuntur: indicatio enim a morbo sumpta per contrarium fit, & cuilibet manifestatur, ideoq; in ea neq; experientia, nec ratiocinium desideratur, cum enim nobis ex semetipsa obijciatur natura rei indicantis, seu nocentis, ita vt etiam brutis nota sit, manifestū est obijci sine ratiocinio. Hoc modo indicatio strictè, exquisitè, & propriè sumpta, ea esse intelligitur, quæ per cōtraria perpetuo fit, quæ enim indicationes largius sumuntur, impropriè indicationes nominantur, & ratiocinium includunt: nā quæ a natura partis, a situ, & a figura sumuntur ratiocinio non carent, interueniente enim ratione, qualiter situs in profundo, qualiterq; in superficie indicet intelligimus; præterea quomodo aer, aut tempus, quæ morbo contrariantur, aut similia sunt, indicationem præbeant percipimus: quæ indicationes verè excluduntur a ratione exquisitè, primæ, atq; propriæ sumptæ indicationis, quia ab eis non sumitur præcipua agendorum repræsentatio, cum solum ad materiæ inuentionem conducant. Alio modo indicatio describitur a Galeno his verbis, indicatio est, quando rebus percipiendis simul, quod confert percipitur absq; ostensione, & obseruatione, ac si dicat, tunc veram esse indicationem, quando rebus percipiendis, idest indicandis per indicationem, simul & quod confert percipitur, idest, simul percipitur res indicans, quæ utilis, & conferens nuncupatur, absq; ostensione, & obseruatione: perceptio enim indicantis, atq; eius essentiæ, seu naturæ, quando vtile quid, & conferens est, statim nos ducit in cognitionem indicati, seu utilis, quod confert pro custodia, & conseruatione eius, quod est secundum naturam: quemadmodum enim affectus præter

*Lib. de opr
sect. c. II.*

*Docente Ga
le. 9. meth.
cap. 14.
Lib. de opr.
sect. ad Thra
sy. cap. 11.
Indicatio
aliter quid
sit in specie.*

E natu.

naturam, non quid agendum sit, sed suam ipsius ablationem, destructionemq; indicat, ut Galenus refert, sic quod secundum naturam est, sui conseruationem postulat, neq; enim vulgus, neq; bruta animalia ignorant, morbos sublationem, sanitatem conseruationem indicare. Rectè igitur Galenus tres dictas indicationis descriptiones proposuit, quarum prima indicationem in genere describit, reliquæ duæ eiusdem species declarant: comprehendit enim indicatio cum describitur ut genus eam, quæ sumitur a morbo per contrarietatem, & eam etiam, quæ à sanitate procedit per similia citra ullam contradictionem, nam cum genericè dicitur, indicationem esse eorū, quæ agenda sunt insinuationem, confestim intelligimus, tam morbi ablationem per contraria moliendam, quam sanitatis, aut virium conseruationem per similia acquirendam: quando uerò indicatio describitur per contrarietatem, esse iuuantis comprehensionem simul cum comprehensione nocentis, aduenientem sine observatione, atq; ratiocinio, ut species describitur, quia coarctatur, & limitatur genus per differentiā, quæ sumitur a contrarietate, & constituitur species indicationis, quæ attinet ad morbos: quemadmodum cum coarctatur per differentiam sumptam a similitudine, constituitur alia species indicationis, quæ respicit sanitatem, & uires, tuncq; describitur in hunc modum. Indicatio est, quando rebus percipiendis, simul & quod confert percipitur, absq; ostensione, & observatione, sicq; ostenditur ea indicationis species, quæ est citra contrarietatem: è rebus enim percipiendis, idest, acquirendis per indicationem (quæ sunt ipsa iuuantia postulata, seu quæ sita, uel indicata) simul & quod confert percipitur, nempe ipsum indicans, seu postulans, quod etiam iuuans merito nuncupatur: uita enim, seu uires, quæ indicantia, uel postulantia sunt, non indicant sui ablationem, sed potius conseruationem, quæ per similia, non autem per contraria perficitur. Vnde manifestum est indicationem considerari a Galeno ut genus, cum dixit, esse agendorum insinuationem, ut species uerò, uno modo, quando per contraria, alio autem, quando

quando per similia absq; vlla contrarietate describitur. Quamobrem sicut speciei indicationis quæ sumitur a morbo, vel ab eo, quod est præternaturam competit descriptio sui generis, probèq; talis indicatio dicitur agendorum insinuatio, sic etiã speciei, quæ sumitur a sanitate, vel a viribus, aut omninò ab eo, quod est secundum naturam, conuenit eadem generis descriptio, & de ea verificatur. Postulant enim vires (cum secundum naturam sint) sui conseruationem, & quæ a viribus sumitur indicatio optima ratione agendorum insinuatio erit nuncupanda. At si per se considerentur indicationis species, vt generis illius species sunt, iã priuatæ, & propriæ illis conueniunt descriptiones, quas ex Galeno retulimus. Quamobrem immeritò Saluus Altimarum reprehendit, quòd indicationem a viribus sumptam, sub ea descriptione non cõtineri dixerit, quæ indicatio describitur esse comprehensio iuuantis, simul cum comprehensione nocentis, adueniens sine obseruatione, ac ratiocinio, non intelligens dictam descriptionem esse propriã indicationis, quæ procedit per contrarietatem, quæ quidem a morbo sumitur: at indicatio, quæ a viribus expetitur, nò per contraria, sed per similia procedit; vires enim perpetuo similibus conseruari desiderant, contrarijs enim potius labefactarentur, & deficerent, ideoq; indicatio, quæ a viribus sumitur, propriam, & specificam habet descriptionem a Galeno traditam, dum inquit, tunc demum esse, quando rebus percipiendis simul quod confert percipitur. Saluus verò, dum præcepto rem suũ errasse asserit, in errorem incidit, descriptionẽ vnus speciei indicationis alteri tribuens, aut communem faciens, non minus quam si hominis definitionem, & homini, & bruto, tribuisset, aut pro definitione hominis bruti definitionem sumpsisset: quod quantum afferat incommodi, non modo peritissimi medici, verũ ij etiam, qui primis logices rudimentis sunt exercitati intellexerunt. Sed iam rationes, quibus Saluus nritur, in medium afferamus, quarum vna est, non reperiri apud Galenum cõuenientiore locum vbi de indicationibus adeò exquisitè locutus fuerit, quã in libro de optima secta ad

*Defenditur
Altimarus
a calumnia
a Saluo pro
posita, in cõ
men. x. aph.
fol. 130.*

*Indicatio a
viribus per
similia, non
per contra-
ria procedit
Lib. de opt.
sect. cap. 11.*

Thrasylbulum, cum dicto libro sæpius pertractauerit de indicatione, quæ à viribus sumitur, eamq; tanquam maximè principalem connumerauerit, atq; inde rectè sequi existimat, contineri sub descriptione indicationis ibi signata, qua indicatio dicitur comprehensio iuuantis simul cum comprehensione nocentis adueniens sine obseruatione, ac ratiocinio: quod benè collegisset, si dicta descriptio cõmunis fuisset indicationi, quæ per contrarietatem, & ei, quæ per similia designatur, cum verò propria sit eius, quæ a contrarietate procedit nihil concludit. Præterea si dicto libro sola ea indicationis descriptio a Galeno proposita fuisset, cum indicatio a viribus inter præcipuas connumeretur, proculdubio argumentum non esset contemnendum: at cum alia indicationis descriptio eodem in libro a Galeno proponatur, quæ propria est indicationis, quæ a viribus sumitur, ideo tanquam futile, & nullius momenti spernendum: & eo magis quod in virium indicatione nocens contineri affirmauerit, cum nullus medicorum hucusq; virium primariam indicationem aliud esse dixerit, quàm earundem conseruationem, quæ per similia perpetuo fit, quod enim a viribus postulatur, atq; desideratur, seu indicatur, conseruatio quidem est, non autem destructio. Quamobrem in rebus percipiendis, siue per indicationem acquirèdis (quæ quidem sunt res indicatæ, & iuuantes, seu viles) simul & quod confert, & vtile est, percipitur, nempe ipsum indicans quod similiter iuuans est, & conferens, quemadmodum res indicata iuuans nuncupatur. Non igitur nocens in prima indicatione, quæ a viribus sumitur contineri potest, quod Galeni verbis confirmari potest, qui in libro de medendi methodo dixit, primam, atq; maximè præcipuam faciendorum indicationem esse, quæ affectum ægrotantis amouendum suadet: æque vt in sanis, primam esse, quæ statum eorum seruandum monet, verum hunc sicut per similia seruari, ita per contraria perimi docet: quare si in virium conseruatione nocens, seu contrarium indicaretur, etenim vires sui destructionem ostenderent. Præterea animalibus inter se diuersi generis facultatibus gubernari, ex Hippocra-

In viriū indicatione nocens non continetur.

Lib. 9. c. 9.

pocratis, & Platonis mente asseruit Galenus, quas etiam Platonem, animas nuncupasse dixit, harum quædam ad nutriendum animal necessaria, & cum stirpibus communis, iecur velut pro fonte habet, a quo venæ ut canales in totum corpus sparsæ; sanguinem deferunt pro ipsius partibus alendis: hanc facultatem, naturalem, seu altricem nominare solemus. Altera verò, quæ non modo ut stirpibus, aut vita præditis, sed etiam ut animalibus insita est, in corde sedem habet, tãquam in infiti caloris fonte, a quo arteriæ tanquam canales exorte, sanguinem spirituosum in corporis partes, dictamque facultatem vitalem, seu animosam nuncupatam deferunt. Tertia facultas in cerebro domicilium habens, animalisq; dicta, voluntarijs actionibus vnà cum sensibus præsidens, per nervos a cerebro exortos tanquam per canales, sensum, motumque in totum animal transmittit. Has autem tres facultates servare, nihil planè est aliud, quàm vitam custodire, qualibet enim earum amissa; necesse est reliquas quoque vnà perire, maxima igitur dignitas est ipsarum virium, quandoquidem vita ipsa in nobis ex harum custòdia conseruatur, utpote cum vitam, aut ipsas esse vires, aut earum actiones sit necesse: virtus igitur omnium prima custodienda hominibus est, similiterque sanitas, & id, quod est secundum naturam. Cum verò id, quod secundum naturam est, similibus, & propriæ naturæ conuenientibus, non autem dissimilibus seruari apud omnes in confesso sit, manifestum iridem erit quod est præter naturam contrarijs esse auferendum: quãobrem in indicationis, quæ a morbo sumitur descriptione; necessario nocentis comprehensio includetur simul cum comprehensione iuuantis: in descriptione verò indicationis, quæ a viribus sumitur, vtraque comprehensio iuuantis erit, quoniam & postulans, & postulatum, iuuantia, & similia sunt, non autem dissimilia, aut contraria: vires enim postulantes sui conseruationem, secundum naturam sunt, & postulatum, quod est ipsarum conseruatio, etiam secundum naturam est, quare his, quæ secundum naturam sunt, nempe simili-

7. de plantis Hip. Plat.

Maxima dignitas virium

Cap. 13.

similibus acquiritur: non igitur vlllo modo quæ a viribus sumitur indicatio, sub ea descriptione contineri poterit, qua dicitur comprehensio iuuantis simul cum comprehensione nocentis, sine obseruatione, & ratiocinio adueniens. Desinat igitur Saluus præceptorem reprehendere contrariam illi proferens sententiam, & a Galeni mente valdè alienam, cui verba adducta ex nono libro methodi nihil fauent, sunt autè quæ sequuntur. Ergo vires vnam rem semper indicabunt, vtiq; sui custodiam: quibus ergo (roget quis) rationibus seruabitur? nempe potissima ratione ex eo quod de substantia earum, vel inanitū vel alteratum est, corrigendo: secundo loco ex prohibèdis ijs, quæ ipsarum substantiam vacuare, alterareuè possunt, comprehensa verò inter ea, quæ alterant breuitatis causa sunt, & quæ earum vnitatem distrahunt. Sed iam sigillatim dicta Galeni perpendamus, dum enim inquit. Ergo vires quoq; vnam rem semper indicabunt, vtiq; sui custodiam, manifestè docet, virtutem (quæ iuuans res est, atq; postulans) indicare sui custodiam, quæ res postulata est, & similiter iuuās: indicatio igitur, quæ ab his emergit, comprehensio est iuuantis præcedentis, & subsequēntis, non autem comprehensio iuuantis cum comprehensione nocentis: quod ex præcedentibus Galeni verbis comprobatur, dum inquit, vnam semper esse, quæ a virtute præstatur conferentis indicationem, veluti etiam reliquorum omnium, nam quicquid pro natura sua indicat, id vnum semper indicabit, seu quod vnam habeat naturam, cum igitur virtus vnam habeat naturam vitæ proficientem, vnum per se etiam indicabit quod conferens sit, nempe sui conseruationē: quædam enim sui custodiam indicant, quædam verò amotionem, at manifestum est, per se semper custodiam similibus, amotionem verò contrarijs moliendam esse. Quando autem Galenus dixit, vires seruari potissima ratione, ex eo quod de substantia earum, vel inanitū, vel alteratū est, corrigendo; secundo loco, ex prohibendis ijs, quæ ipsarum substantiā vacuare, alterareuè possunt, de custodia, quæ per correctionem fit, locutus est: quando enim earum substantiæ, vel subiecta (nempe

*Eodem lib.
cap. 12.**Eodem lib.
cap. 13.*

(nempe spiritus, caro, aut solida membra) a debito naturæ modo recedunt, ægrotare, fieriq; præternaturam necesse est, tuncq; correctore indigent, qui per contraria vitia corrigat, & emendet, cum autem vires dissipentur, & minuantur, propter subiecta debito modo recessum, nisi ea, quæ eis subijciuntur, in naturalem habitum, & debitam temperiem reducantur, conseruari non poterunt. Propter vitij igitur, seu morbi ablationem, quod virium subiectum patiebatur, ex accidenti vires custodiuntur remoto eas conseruare prohibente: per se autem, & ex propria natura tunc custodiri dicuntur, cū per similia conseruantur. Ideoq; Galenus loquens de virtute custodienda, duplicem custodię partem assignat, vnā, dum ipsam partis, cui inhaeret, *εὐκτασίαν*, vel debitam temperiem præsentem similibus seruamus, vel absentem inducimus per contrariam qualitatem affectui corrumpenti. Neq; enim (vt Galenus refert) aliud est ipsa sanatio, quàm præsentis vitiosi affectus in naturalem habitum mutatio, cum enim contrarij hi affectus sint, necesse est per contraria fiat eorum alterius in alterum translatio: sicq; ab affectu præternaturam spiritus, carnosæ, aut solidæ substantiæ, ad id, quod secundum naturam in illis esse solebat, per contrarietatem procedimus, vnde fit, vt ex accidenti vires, quæ in his substantijs continentur, reductis dictis substantijs in naturalem statum, custodiantur. Quemadmodum enim quæ substantiæ vnitatem distrahunt viribus officere solent, quæ in debita partis vnione conseruabatur, sic quæ eiusdem solutionem vniunt eisdem viribus proficere est necesse: verum cum id fiat per contrarietatem, translatione affectus præternaturam in id, quod secundum naturam est, per se quidem, & primario remouebitur morbus, & inducetur sanitas absens, ad quam consequitur secundario viriū robur, & earundem custodia: quando verò eadem sanitas non vt absens recuperatur, sed potius vt præsens custoditur, tūc de per se, & primario sanitas, & vires, similibus, atq; familiaribus cōseruantur. Ex quibus patet, cum vires ex se semper indicent sui conseruationem, nunquam in indicatione, quæ ab eis sumitur

*Eodem lib.
& capite.*

Cap. 3.

mitur posse reperiri contraria, aut nocentia, & ex consequen-
 ti dictam indicationem non contineri sub ea descriptione,
 quæ indicatio dicitur, comprehensio iuuantis simul cum com-
 prehensione nocentis, adueniens sine obseruatione, & ratio-
 cinio. Id autem optime annotauit Altimarus, cuius senten-
 tia amplectenda potius est, quàm reprehendenda, ei enim fa-
 uent Galeni verba vndecimo libro de medendi methodo, vbi
 cum monstrasset, virtutem sui custodiam præscribere, sicut
 morbum se tollendum, statim profert, erit rursus in virtute
 secundus scopus, ipsius custodia: sicut in morbis, ipsorum su-
 blatio, at verò custodia similibum exhibitionem indicabit, su-
 blatio contrariorum. Quoniam verò virium substantiam, tū
 ex spiritu, tum ex carnosa specie, cum solidis ipsis completur,
 ex his, quæ similia sunt moliri cuiuspiam suam custodiam con-
 ueniet: spiritui ex respiratione, atque transpiratione: & qui
 ex sanguine attollitur vapore: solidorum verò generi ex soli-
 do nutrimento: quemadmodum carnoso generi per eam
 naturam, quæ in medio humidorum, ac solidorum cor-
 porum est. Quibus Galeni dictis manifestum fit de
 per se, & ex sua natura, vires semper sui con-
 seruationem per similia postulare, & in-
 dicationem, quæ ab eis sumitur, sub
 ea descriptione non compre-
 hendi, qua dicitur esse
 apprehensionem
 iuuantis,
 simul cum comprehen-
 sione nocentis sine obseruatione, &
 raciocinio adue-
 nientem.



QVOD

QUOD HIPPOCRATES VNDECIMI APHORISMI
prima parte, qua inquit in accessionibus a cibis abstinendum, per
accessiones sumpserit eas, qua februm cōtinuarum sunt ha-
bentium exacerbationes intermittētibz affines: in se-
cunda verò dum asserit, quibus per circuitus accessio-
nes sunt, in ipsa accessione abstinere oportet,
per accessiones, eas, qua intermitten-
tium sunt intellexerit.

Depulſio sexta.



VOM O DO quisque particulares ciborum
oblaciones conuenienter faciat, docuit Hip-
pocrates, cauēri iubens morborum accessio-
nes quando dixit, in accessionibus abstinere
à cibo oportet. Sed cum duplex sit accessio,
vna cōtinuarum habentium exacerbatio-
nes intermittētibz affines, altera verò in-
termittentium, quæ internatium habent manifestum cum à fe-
bre liberantur, de vtraque accessione Hippocrates verba facit
in aphorismo, quæ Galenus exponens ex eiusdem mente, in-
quit, cibum dandum nō esse, cum iam ad sunt accessiones cō-
tinuarū, aut propè sunt, sed potius cum declinant: Similiterq;
in intermittētibz prohibet cibi exhibitionem, quando acces-
siones incipiunt, seu haud multò post futuræ sunt: cum verò
intermittunt, exhibendum consulit. Quod cōfirmat eiusdem
auctoritate libro de victu acutorū dicentis, cibi offerendi tem-
pus ex morbo non prohibente inueniri, sed quoniam in acces-
sionum tum principijs, tum incrementis ingesta alimonia læ-
dere admodum nata sit, ob id differimus ipsius exhibitionem,
quanquam corpus ipsum iam iam indigere videatur. Tunc igi-
tur optimum languentibus ipsis dandæ alimonie tempus erit,
cum moderatissimè habuerint, tum thorax, tum venter: deter-
rimum verò, cum ea deterrimè se habeant, deterrimè autem
habent in accessionum principijs, moderatissimè verò in decli-
nationibus; constat ergo optimum cibi ministrandi tempus in

I. apb. sect.
apb. II.

In enarra-
tione.

Com. 6.

Quod sit op-
timum tem-
pus exhibē-
di nutrime-
ntum.

F agrotan-

4. de victu
acut. com.
39.

agrotantibus, in accessionum esse declinationibus si continuè
laborent, si verò cum intermissione, in ipso intermissione in-
teruallo, quoniam eo tempore moderatissimè se habet. Quod
clarissimè insinuat Hippocrates; dum inquit, cum purgaueris
sorbitionibus utitor, obseruatis ita febrium accessionibus, ut
nunquam cum adsunt, neque cum futuræ sunt, exhibeas: sed
vel cum cessant, vel quieuerint, & maximè a principio recesser-
unt. Quibus utriusque verbis manifestum fit, abstinendum esse
a cibo in principio, augmento, atque vigore accessionum fe-
brium continuarum, exhibendumque duntaxat in declinatio-
ne, quo tempore quoquo modo quiescant (nisi finis coacti
propter nimiam virium imbecillitatem in quouis accessionis
tempore alimoniam præbere) in intermittentium verò acces-
sionibus interdiciendum esse cibum, quousque finiantur, exhi-
bendumque in interuallo, quod mediat inter finem accessio-
nis præteritæ, & principium venturæ, recedendo quātum fieri
possit a principio sequentis accessionis. Quæ dicti aphorismi
interpretatio a Brasauolo pulchrè traditur, & ad Galeni men-
tem, qui accessionem aliquando sumit pro deteriori tempore
totius circuitus, quod est a primo insultu vsq; ad tempus con-
sistendi, sicut reliquum tempus declinationis est melius, ut in
continuis febrium accessionibus est manifestum: aliquando
verò per accessionem intelligit non modò dicta tria tempora,
sed etiam declinationem, & tunc accessio distinguitur ab in-
teruallo, quod post finitam declinationem sequitur vsque ad
alterius accessionis principium, ut in intermittentium febrium
accessionibus cuiq; patet, quæ integræ velut deterius tempus
considerantur ad exhibendum cibum respectu interualli ear-
um, quod melius, & aptius est ad cibi oblationem, quia tunc
morbus minus prohibet alimoniam exhibitionem. Hæc autem
Brasauoli expositio nō placet Saluo, primò, quia existimat red-
dere Hippocratem in paucissimis verbis æquiuocum; secundò
verò, quoniam hac ratione credit aphorismi sententiam fieri
particularem, ideoque aliam adducit expositionem, dicens in
prima parte aphorismi Hippocrate intellexisse vniuersaliter,
non

in com. aph.
12. sect. 1.

1. de cris.
44. 2.

in narra-
tione aph.
10. fol. 139.

non modò in febribus, sed in omnibus morbis, qui ordinatè, vel inordinatè per accessiones repetunt, quando accessiones iam adsunt, a cibo abstinendum fore: in secunda verò parte præcepisse non solum abstinendum esse in accessionibus, cum præsentibus sunt, sed etiam ante earum aduētum: cum verò hoc facere nō liceat, nisi in habentibus accessiones ordinatas, ideo Hippocratem dixisse in secunda aphorismi parte de accessionibus ordinatis, & quibus per circuitus accessiones sunt, in ipsa accessione abstinere oportet. Cæterum si quæ Brasauola in dicti aphorismi expositione dicuntur Saluus rectè perpenderit, non solum veram Hippocratis, & Galeni mentem eum sequutum cognouisset, sed neque Hippocratē reddidisse æquiuocum in accessionis nomine existimasset, quia in prima parte aphorismi aliter accipiat accessione, quàm in secunda. Quod quantum deuiet a rei veritate intelligit, qui naturam æquiuocorum rectè nouerit; quorum nomen commune cum sit, ratio tamen substantiæ secundum illud nomen diuersa existit: vt canis, ex eo æquiuocum dicitur, quòd nomen & latrabili, & marino animali, atque cœlesti syderi commune sit, & conueniat, ratio verò substantiæ alia latrabilis animalis, alia verò marini, & alia syderis existat, vnumquodque enim per se suam propriam habet definitionem ab alijs diuersam: at accessionis nomen commune quidem est tam accessioni febriū continuarum, quàm accessioni intermittentium, & ratio, seu definitio vtriusque accessionis eadem est, accessionis enim ratio, qua accessio est, secundum propriam quiditatem tam conuenit vni, quàm alteri, licet secundum inuadendi modū, vel maiorem, minoremq; insultum, aut alias accidentarias rationes, quæ speciem non variant, differre videantur: quare cum nomen, & ratio accessionis, tam accessioni febrium continuarū, quàm intermittentium cōueniat, potius vniuocè, quàm æquiuocè de vtriusque accessionibus dicitur. Præterea, licet Brasauolus dixerit aliter in prima aphorismi parte Hippocratē sumpsisse accessione, quia agat de continuis febribus, aliter verò in secunda, quia de intermittentibus sermonem faciat, non

*Defenditur
Brasauolus*

*Ex Arist. in
ante predictam.*

*Li. de morb.
temp. c. 6.*

ob id sequitur æquiuocè procedere, quoniã in ratione accessio-
 nis, quã accessio est, non aliter sumit accessionem in prima
 aphorismi parte, quàm in secunda, in vtraque enim parte per
 accessionem, deterius tempus ad cibi exhibitionem intellexit,
 nempè principium, augmentum, atq; statum: vt enim Gale-
 nus refert, duas habet partes circuitus, modò continuæ, vel
 intermittētis febris sit, alteram, quę prædicta tria tempora cō-
 prehendit, & nomen accessionis retinet, alteram verò, quam
 remissionem vocamus: ideoq; Hippocratem dixisse asserit, in
 accessionibus abstinendum esse, docuisseq;, solū illud tem-
 pus, quod accessione vocat obseruandum esse: nunquã enim
 in hoc nutrimus, sed tantū in reliquo omni tempore remis-
 sionis. At quia remissio interdum simplici declinatione (vt in
 continuis accessionibus) interdum verò ex declinatione, & in
 teruallo (vt in intermittētib;) componitur, eam ob causam
 nutrimus, interdum in alia, atq; alia eius parte: in continuis
 quidē in declinationis aptiori parte: in intermittētib; ve-
 rò, in ipso interuallo vt dictum est, modò nō parum distet at
 insultu venturæ accessionis: & vt vtrunque significaret Hip-
 ocrates, dixit primò in accessionibus abstinendum, per acces-
 siones intelligens eas, quæ febrium continuarum sunt, in qui-
 bus interdicit cibum per totum principij, augmenti, & vigo-
 ris tempus; permittit verò in remissione, idest, in declinatio-
 ne, quia dictæ febres non deueniunt ad infebrecitationem: se-
 cundò verò dixit, etiam quibus per circuitus accessiones fiunt;
 idest, in febribus intermittētib; , quæ non modò ad remis-
 sionem, sed etiã ad intermissionem, seu interuallū deueniunt,
 similiter abstinendum esse à cibo in dictis tribus temporibus,
 exhibendum verò in remissione maiori, nempè in interuallo,
 quod simul cum declinatione sub remissione continetur. Qui-
 bus Galeni dictis manifestum est veram esse Brasauoli exposi-
 tionem, neq; ob id sequi, non esse vniuersalem aphorismi do-
 ctrinam, cū alijs sint morbi à febribus, qui per inordinatas ac-
 cessiones repetunt, vt articularis, & colicus dolor, aut nephri-
 ticus, quoniam eadem doctrina, qua in febriū accessionibus,
 idest,

dest, tribus temporibus, principio nempe, augmento, & vigo-
re alimonia prohibetur, colligitur etiam in morbis sine febre,
qui per circuitus sine ordine repetitionem faciunt, vitandam
omnino esse in eisdem tēporibus: sicq; vniuersalis efficitur di-
cti aphorismi doctrina, cum de ordinatis, & inordinatis acces-
sionibus cum febre continua, aut intermittente, vel sine febr-
ibus intelligi possit. Salui autem interpretatio longè aliena est
ab Hippocratis mente, dum inquit prima parte aphorismi cū
precipit, in accessionibus abstinendū esse, intellexisse tantū
quando presentes sunt, non autem antequam adueniāt, cum
aliquę sint inordinate, quę ante aduentū præcognosci non pos-
sunt: in secunda verò parte de ordinatis loquutum fuisse, quę
per circuitus fiunt, in quibus futuras accessiones præcogno-
scimus, vt ante earum aduentum à cibis abstinere valeamus.
Cæterum si perpendisset quæ à Galeno dicuntur in commēto
decimi noni aphorismi primæ sectionis, talem expositionem
non protulisset, sunt autē hæc Galeni verba. Cum igitur tria
sint capita, quibus victus ratio comprehenditur, quantitas ci-
borum, qualitas, & vtendi modus: ad duo quidem priora ex
accessionibus nullam habemus vtilitatem, ad tertiam verò, nē-
pè ad vtendi modum, aliquid sumere possumus. Quare non
temerè Hippocrates earum in tertio capite meminit. Nam tē-
pora commoda ciborum particulariū præcipuè docent acces-
siones, in morbis tamen, in quibus ordinatim obueniunt, hoc
est, per circuitus: atq; ideo ipse Hippocrates inquit, ijs, qui per
circuitus accessiones habent, nihil dare oportet, vt qui non
ignoraret alios esse morbos, quibus fierent accessiones, non
tñ per circuitus, hoc est, ordinatim, in inordinatis enim ratio
exquisita inueniendi temporis, quo cibus offeratur haberi ne-
quit: in quibus verò accessionū ordo seruetur, principia earū
oportet obseruare, hoc est, ne eis iam factis, vel nō multò post
futuris nutriamus. Quibus Galeni verbis manifestū sit Hippo-
cratē in vndecimi aphorismi prima parte, dum inquit, in acces-
sionibus abstinere oportet, per accessiones nō intellexisse eas,
quæ præsentēs sunt, modò ordinatæ, aut inordinatæ sint, vt

*In cō. aph.
11. f. 140.*

*Damnata
Salui expo-
tio.*

Saluus

Saluus existimat: quoniam de inordinatis accessionibus quantum attinet ad cibi utendi modum nunquam Hippocratis mens fuit pertractare; qua ratione. n. modum cibi exhibendi, vel ordinem potuit perscribere in illis accessionibus, quæ nullum habent ordinem non enim potuit docere in accessionibus dum præsentibus sunt a cibo abstinendum esse, quoniam hoc cuilibet est manifestum, sed potius cum nouam accessionem per circuitum, hoc est, ordinatim spectamus venturam, docet Hippocrates quo tempore cibo uti possimus, dicens, in accessionibus abstinere oportet, id est, primis tribus temporibus, ut dictum est, principio nempe, augmento, & vigore: quare relinquitur utendum esse alimonia in postremo tempore, videlicet, in declinatione aliquot horis ante quam adueniet insultus sequentis circuitus in assidua febre: quia verò in accessionis febrium inter mittentium remissione præter inclinationem reperitur intervalum, in quo aptius exhibetur cibus, quam in ipsa inclinatione, ut aphorismi doctrina non de continuis modo, sed de intermittentibus agere videretur, addidit, & quibus per circuitus accessiones fiunt, id est ordinatim etiam cum intermissione, in ipsa accessione abstinere expedit, id est, dictis primis tribus temporibus, exhibendum verò esse in parte remissionis, qua tutius morbus ferre possit, nempe, in intervallo, quo febris intermittit. Quare cum continuæ, & intermittentes febres per circuitus, hoc est, ordinatim (ut diximus) repetant, in earundem accessionibus, id est primis tribus temporibus ex Hippocratis doctrina abstinendum erit a cibo, eritque in continuis exhibendus in conuenientiori tempore declinationis, in intermittentibus verò parte aptiori intervalli. Quod confirmavit Hippocrates decimonono aphorismo eiusdem sectionis, dum inquit, ijs, qui per circuitus accessiones habent nihil dare oportet, nec cogere, sed subtrahere adiectioni ante iudicationes, id est ante accessiones, sicut Galenus exponit: ut hinc pateat veram esse Manardi sententiam in expositione dicti aphorismi, qua existimat Hippocratem, quæ undecimo generatim proposuerat circa cibi utendi modum, id particulatim decimonono

Comprobat-
tur Manar-
di sententia.

nono proposuisse, ac de nouo clariùs retulisse, dum inquit, ijs qui per circuitus accessiones habent nihil dare oportet, neq; cogere vt cibum sumant, vt qui non ignoraret alios esse morbos, in quibus fierent accessiones, non tamen per circuitus, idest, non ordinatim, & in quibus ratio exquisita inueniendi temporis quo cibus offeratur haberi nequit: in quibus verò accessionum ordo feruatur principia earum obseruanda esse dixit, hoc est, ne eis iam factis, vel non multò post futuris, nutriamus, idq; particulatim significauit quantum attinet ad cibi vtendi modum in dicto aphorismo, quod generatim in vñ decimo proposuerat. Sic igitur, accessionis nomen cum eodem modo sumatur in continuarum, atq; intermittentium febrium accessionibus, (quia vtrobq; per ipsum significantur priora tria tempora particularia cuiusuis accessionis) in prima tamen parte aphorismi de febre assidua erit intelligendum, in secunda verò de intermittente, vt probè Brasauolus exposuit, & demonstrat sequens Hippocratis aphorismus, cum inquit, Accessiones verò, & constitutiones morbi indicabunt, & anni tempora, & circuituum successiua incrementa, siue quotidie, siue alternis diebus, siue per maiora interualla fiant, docente Galeno morbos ipsos ex sua natura suarum accessionum proportionibus, & earundem constitutionibus ostendere: velut in intermittentibus, quòd tertiana cito iudicatur, quotidiana verò lōga erit, quartana autem, & hac longior existet: in continuis verò, quòd causodes quidem, idest incendentes, acutæ sint, quæ verò typhodes, idest succedentes nominantur, longiores: mediæ verò inter has semitertianæ. De accessionibus igitur continuarum, & intermittentium febrium egit Hippocrates in vñ decimo aphorismo, in quibus a cibo abstinendum præcipit, in prima quidem parte de continuis: in secunda verò de intermittētibus, quod pro defensione Brasauoli satis sufficit, perq; probatum existimo.

12.

In com. eiusdem aphor.

QVOD

QVOD IN APHORISMO DVODECIMO PRIMAE
sectionis Hippocrates per circuitus, qui per maiora intervalla
sunt, non solum quartanos, sed & quintanos, septi-
manos, & nonanos significauerit.

Depulsio septima.



N illis morborum circuitibus, qui ordinatim
procedunt, quo tempore, & qua hora ciban-
di sint ægrotantes, vñdecimo aphorismo pri-
mæ sectionis demonstrauit Hippocrates, qui-
bus enim accessiones inordinate contingunt,
certum, ac præfixit tempus exhibendæ ali-
monix signari nequit: cum verò præter quotidianos circuitus;
tertianos, atq; quartanos, qui ordine concitantur, reperian-
tur etiam quintani, septimani, & nonani, ordine adinuicem
correspondentes, etiam si rarò contingant, nihil mirum quòd
Brasauolus cum Oribasio affirmauerit, Hippocratem ostende-
re voluisse per circuituum successiuæ incrementa, non modò
quæ quotidie, vel alternis diebus, sed illa etiam quæ per maio-
ra intervalla fiant, hoc est, per quartanos, quintanos, septi-
manos, aut nonanos circuitus, nanq; maiora intervalla om-
nes dictos circuitus comprehendunt, quorum singuli ordine
repetere solent, licet crebrius quartani, rarissime autem reli-
qui. Et si enim tres tantum humores sint, qui per circuitus mo-
ueantur, circuitus tamen multò plures sunt, quoniam nò so-
lùm tertianum, quotidianum, & quartanum Hippocrates ob-
seruauit, sed & quintanum, septimanum, & nonanum pro-
posuit: quanquam a Saluo negentur, qui Brasauoli sententiã
damnans, suamq; aduersus Hippocratis dicta proferens, nul-
lo modo dictos circuitus posse dari contendit: tum quòd Ga-
lenus in commentario aliquam talem febrem se nunquam di-
stinctè vidisse affirmauerit: tum quòd rationes Dioclis aduer-
sus Hippocratem cõmendauerit. Tamen re vera Galenus sub
dubio rem relinquit, quia nò omnino quintanum circuitum
negauit, sed eum distinctè non vidisse retulit, cū tamen libro
de typis

Lib. 1. epid.
par. 3. tex. 2
7. & 9.

In cõ. aph.
12. se. 157.
Loco citato.

de typis dictorum circuituum meminerit his verbis. *Quarta-* cap. 4.
nus typus est, qui quarto quoq; die vnam, & eandem facit ac-
cessionem, atq; vnam, & eandem remissionem. Eadē de quin-
tano, & septimano intelligenda sunt, & si quis præterea alius
typorum ordo inueniatur. Et in libri calce inquit. Implican-

tur etiam tertianus, quartanus, & quintanus, quando prima
quidem die simul omnes accedunt, secunda remittunt: tertia
tertianus accedat, quarta quartanus, quinta tertianus, & quin-
tanus simul accedant. Et in libro ad eos, qui de typis scripse-

re, hæc profert verba. Tertianam sanè appellamus, cui tertio
die accessio oboritur, duobus interea iam nimirum absolutis;
quartanam, cui quarto quoq; die; tribus & in hac interea die
bus completis, ac in alijs ad proportionem. Quapropter cum

circuitum typi quatuor dierum inueneris, quintanam ipsam
dices. Si igitur Galenus quintanos circuitus, septimanos, aut
nonanos, nunquam reperiri posse existimasset, de illis doctri-

nam non protulisset. Neq; Salui ratio quicquam conuincit,
non enim ex eo quòd Galenus nunquam, aut rarò, vel obscu-

rè hos circuitus viderit, sequitur alios videre nō potuisse: quo-
niam præter Hippocratem, qui nihil scriptis temerè mādauit,
& primus hos circuitus proposuit, Auicenna experimento cō-

probauit, & inuenit huiusmodi circuitus in aliquibus febri-
bus, & aliqui nostri tēporis medici, febres ordinatim per quin-
tum, & septimum, & octauum diem repetentes conspexerunt,

& nos quoq; quintanam vidimus, & curauimus. Quamobrē
meritò redarguendus Saluus est, qui dum Bralauolum impro-

bat futili hoc nitatur argumēto, quòd quilibet humor habeat
propriam, & determinatam accessions figuram, pituitosus
quotidianam, biliosus tertianam, & melancholicus quarta-

nam, & cum non sint alij humores, qui accessiones moueant
per repetentias, concludit fieri non posse quintanos, septima-
nos, aut nonanos circuitus: Sed malè proposuit, non enim
febrium circuitus respondent humorum numero, sed fieri cō-

tingit quòd aliquis humor propter multitudinem, aut pauci-
tatem aberret a prima periodo, ideoq; Auicenna eandem cau-

cap. 7.

Pen. 1. 4.
trac. 2. cap.
71.

Improbatur Saluus.

Febrüū cir-
cuitus non
respondent
humorū na-
mer 6.

loco citato.

sam proponit quintanæ, & septimanæ febris, quam quartanæ proposuerat: Propter humoris enim paucitatem fit, vt febris quinto, & septimo die repetat, quamobrem periodos febrîū ex quantitate, & qualitate humorum fieri dicit: nec solum melancholico humori id contingere affirmat, sed bili, & pituitæ, ob materiæ enim paucitatem vltra consuetos periodorum terminos protrahuntur. Verum hoc non tollit quod de quotidianis, tertianis, & quartanis ex communi medicorum consensu dici solet, nempe quotidianam ex pituita, tertianam ex bile, & quartanam ex melancholia generari. considerandum tamen est, non eo modo, quo ex humore sæculento, cum quantitas debita coaceruatur, quartana febris oboritur, cum verò minor, quintana generatur, sic ex pituita, aut bile euenire: ex pituita enim, quando quantitas consueta minor colligitur, non fit pro quotidiana tertiana: similiter ex bile si quantitate minor est, loco tertianæ non generatur quartana cum ordine perseverans, sed duo hi humores varia quantitate, aut qualitate febres efficere valent intra diem consuetum anticipantes, vel cunctantes, diem tamen suæ periodicationis ordinatim transgredi non possunt. Melancholia verò longissima interualla ex eo transire potest, quòd terreus humor sit, & difficilimè discuti valeat, quòdque putredine, aut vstione in aliud humoris genus permutari non possit, quemadmodum pituita media putredine in aliquam flauæ bilis speciem, & flaua bilis in atram conuertuntur; atra verò nunquam extra suum genus agitur & si deterioris qualiratis fiat. Quando igitur tam minima pituitosi, aut biliosi humoris copia coarceatur in affecta parte, vt non valeat quotidie, vel alternatim febrem concitare, tunc humor discutitur, aut totus per iudicium euacuatur, vel membrorum calore in aliam humoris speciem cōuertitur, aut morbi permutatio fit, vel generatur febris, quæ erratica dici solet: in melancholico autem humore hæc non eueniunt, cum ad discussionem, aut euacuationem per iudicium, seu ad alterius morbi generis permutationem aptus non sit, ideoque alterius periodi febrem cum ordine, & constantia valet concitare,

tare, qualis est quintana, septimana, aut nonana, in quibus & si optima victus ratio ab ægrotantibus seruetur, ad consuetum tempus periodus reuertitur. Neq; obstat quòd Hippocrates nullum de his proposuerit exemplum in epidemijs, nec mentione fecerit in aphorismis, aut prognosticis, alijsuè genuinis libris, cum enim rarò contingant, satis est de illis pertractasse libro primo epidimion citato. De his enim, quæ rarò eueniunt habetur scientia, æquè ac de his, quæ frequenter fiunt, quoniam per mathematicas demonstrationes in cognitionem eclipsis solis, & lunæ & si rarò contingant, deuenimus: pari modo, & si quintanæ, septimanæ, aut nonanæ febres rarò visæ fuerint, non ob id de illis vera doctrina prætermittenda, quia verò ab eodem humore fiunt, quo quartana generatur, in minori tamen quãtitate, inde est quòd Hippocrates alijs in libris de eis non egerit. Neq; ob id coniectari oportet, quæ dictis locis dicta sunt de his circuitibus non esse de Hippocratis mente, sed vt alia multa fuisse addita, hac enim ratione vbi in prognosticis, aut aphorismis aliqua doctrina non placeret, statim eam Hippocratis non esse dicere liceret. Tandem vltima Salui ratio nihil conuincit, qua intendit probare non dari dictos quintanos, septimanos, & nonanos circuitus, quia si darentur, cum non sint plures humores quàm quatuor, esset necessarium fateri quòd ab vno humore plures possint seruari circuitus: quod quidem libenter concedimus, ex humore enim melancholico vt diximus, quartanus, quintanus, septimanus, & nonanus circuitus fieri solent, non igitur ex humorum numero benè concludit quòd non dentur, cum idem melancholicus humor pro diuersæ quantitatis ratione, modò quartanum, modò quintanum, aut septimanum circuitum facere valeat. Neq; ob id sequitur non licere in morbis ratione suæ causæ prædicere futuram accessionem, quoniam ex eodem humore melancholico tanquam ex causa, cum certa ipsius quantitate possumus quartanum circuitum venturum prædicere, & ex eodem cum minori portione quintanum enunciare. Quòd tandem vltimo adducit aduersus Brasauolum, nempè, determi-

parte 3. sex.
4.7. & 9.

natum humorem determinatam, ac propriam habere accessio-
nis figuram, potius illius sententiam confirmat, quàm vt vlla
ratione ei cōtra dicat: determinatus enim melancholicus suc-
cus cum certa quātitate quartanam febrem generare est aptus,
& idem alia determinata portione, minori tamen, quā vt quar-
tanam producere valeat, quintanam gignet; id ipsum de reliquis
circuitibus, qui ordinatim per septenos, aut nonanos dies ali-
quando reperunt, dicendum est. Quare determinatus humor
determinatam, ac propriam habebit accessionis figuram, cum
certa, ac determinata quantitate, & qualitate, non enim solum
mouetur humor ad concitandas circuituum repetentias cum
qualitate mordet, comparat verò mordacitatem per moram
dum in membro detinetur sine facili ventilatione congestus,
neque mouebitur, & ad sentiētia membra mittetur, donec ex
mora mordax redditus naturam stimulet, sicque idem melan-
cholicus humor, qui mordacitatem fuerit adeptus, pro diuer-
sis sui quantitatis determinatas, ac proprias circuituum ac-
cessionis mouebit, inter se tamen temporis mora distantes.
Optima igitur ratione Brasauolus, & ad Hippocratis mentem,
per maiora interualla exposuit, non solum quartanos circui-
tus, sed & quintanos, septimanos, & nonanos, quod p̄ eius sen-
tentiaē tutela aduersus Saluum probandum proposuimus.

*CIRCVITVVM CAVSAS PER STATVTOS DIES,
precipue in cuiusque humoris propria natura, atque sub-
stantia esse collocandas.*

Depulsio octana.



VNC ignem facilius concitari certum est,
quando vnumquodque illius subiectum in
qualitatibus maiorem cum illo habuerit si-
militudinem, quam obrem cum sua natura
ignis calidus, siccusque sit, faciliori negotio
in calida, siccaque bili accendetur, incremen-
tumque suscipiet, quàm in reliquis humoribus, qui aut vna
qualitate

qualitatē, aut ambabus illi contra nituntur: ideòque melancholia, quia sicca, frigidaque est, vnicamque qualitatem frigidam transmutandam habeat, difficilius bile, facilius verò pituita, quæ ambabus qualitatibus, frigida nempe, & humida pugnat, in igneam naturam conuertitur: pituita verò omnium difficilimè propter maiorem contrarietatem in ignem mutabitur, indeque fit, vt longius tempus ad incendium requirat, & accensa propter substantiæ lentorem, maioremque cum frigido humiditatem (quæ ignis pabulum est) diutius perduret. Vnde cōstat longè distare facilitas incēdij, à facilitate putrefactionis, cum biliosus humor faciliter incendatur, propter siccam tamen, quam habet qualitatem, difficulter putrescat: pituitosus contra facilè putrescat ob humiditatem, & propter eandē simul cum frigiditate difficulter incendiū suscipiat. Non enim eadem est ratio putredinis, & incendiij, nam licet humores incendi nequeant ad statutos circuitus concitandos, nisi prius putrescant; fieri tamen contingit, vt putrefacti non incendantur, donec ad incendium sint paratissimi. Non igitur contrarietatis putredinis conditio efficere valet circuituum determinatum reditum (vt Saluus opinatus est) sed humorum putrefactorum propria natura, vt ei⁹ præceptor Altimarus (quem impiè redarguit) existimauit. Eam siquidem ob rem, putredo incendiij, & reditus febrium per statuta tempora causa esse non potest, quia eadem putredinis natura in omnibus humoribus vna est, & hac ratione, quā putredo est, vnum, eundemque circuitum semper constitueret: videmus tamen diuersos humores putrefactos distinctos conficere circuitus; non igitur à putredine illis prouenit, quòd diuersis diebus incensi moueantur, sed potius à cuiusque humoris propria natura, vt pulchrè annotauit Altimarus argumento à definitione putredinis tradita à Galeno, qui putredinem substantiæ totius putrescentis corporis mutationem ad corruptelam à calido externo definiuit; vnde colligit vt optimus logicus, ac philosophus eximius, dictam putredinis definitionem, ex æquo omnibus humorum putrefactionibus conuenire, à putredineq; nō habere quòd

*longè distat
facilitas in-
cendiij à fa-
cilitate pu-
trefactionis*

*in enarratio-
ne 12. apb.
fol. 162.*

*putredo
quid sit.*

3. de temp.
cap. 4.

quod per distincta tempora moueantur. Pituitosus igitur humor, frigidus, humidusq; cum sit, & ambabus qualitatibus cum igne pugnans, difficilius utraque bile incendium suscipiet, quare per longiora interualla debebat moueri, quia tamen incensus propter crassitiem, lentorem, atque tenacitatem tarde mouetur, & in foraminibus aliquot eius portiones inflammatae retinentur, inde fit ut diutius perduret eius accessio, humorque de nouo coaceruatus disponatur ad nouum incendium ex diuturno calore, & portionibus, quae incendium susceperant in foraminibus relictis, quarum gratia paulatim coaceruatus humor, vicinus cum sit, contactu afficitur, & incenditur, secundaque accessionis festinantior sequitur inuasio, quae cum citius una die fieri nequeat, eam ob causam quolibet die impetum facit. Hoc autem prouenit ex humoris propria natura, quae auctore Galeno, non solum in temperatura, sed in consistencia consideratur: pituita enim, frigida humidaque temperamento cum sit, substantia vero crassa, lenta, atque tenax difficulter accenditur, & accensa diutius detinetur, igneumque seruat calorem, qui nouum humorem aceruatum praeparat ad incendium statim subsequendum; ex natura igitur sua habet quod a principio difficulter incendatur, & ex natura similiter illi conuenit quod incendium diutius detineat, ita ut accessio fieri non possit, quin per longam moram igneus calor de nouo congregata pituitam praepararet ad incendium statim futurum, & illius humoris portiones adhuc ignitae in foraminibus relinquuntur suo contactu incendium festinantes. Non igitur contracta putredinis conditio in pituitoso humore in causa est, ut per quotidianos circuitus moueatur, sed eiusdem humoris propria natura, id est, substantia, ac temperies: licet enim quantum ad eius naturam spectat, minus opportunus accessioni humor sit, quam flauibilis, ex sua natura quoque habet, quod accensio magis in eo detineatur, & non integre desistat in relictis portionibus, quae non omnino in praecedenti accessione fuerant expurgatae: secus quam in bilioso humore, qui vniuersus in accessione exoluitur, ideoque exigua relinquitur occasio ut qui de nouo aggrega-

aggregatur humor, ita cito ad incendium præparetur, quanto enim biliosus humor pituitosum excedit opportunitate ad incendium, tantò etiam, imò multò magis exceditur à pituitoso in accensionis diuturnitate, eo quòd biliosus integrè expurgatur, ob quam causam qui de nouo aggregatur, tardiùs accenditur: pituitosus verò non integrè expurgatur, ideòque de nouo congestus ob relictì, & adhuc accensi propinquitatem, & miscellam citiùs incenditur. Igitur non in putredinis contracta conditione consistit statuta circuituum ratio, sed in humoris propria natura, si enim ex Aristotelis sententia putredo proprii, naturalisque caloris in vnoquoque humido existentis corruptio est ab externa caliditate proueniens, erit proculdubio eodem modo cuiusvis humoris illa sit, quà igitur biliosus humor putrefactus est, eandem habebit rationem putredinis, quam habet pituitosus putredine affectus, aut melancholicus, in ratione igitur putrefactionis non magis vnus quàm alius quotidie, aut per tertios, vel quartos dies mouebitur; qui enim prima dialectices rudimenta didicerunt, hominem, & equum quà animalia sunt, eandem habere rationē intellexerunt, quà verò alius risibilis, alius hinnibilis, ex propria cuiusque natura perceperunt. Neque conuincit ratio qua Saluus in præceptorem irruit, dicens, Si potissimè causæ propter quas pituita per singulos dies, & bilis per tertios faciunt accessiones, essent ab Altimaro assignatæ, necessario sequi, quòd in biliosis continuis non seruaretur idem ordo, qui in intermittentibus: nā & si bilis ex natura sua (vt ille inquit) facilè accendatur, & in febre continua nunquam deficiat noua humoris biliosi portio, quæ ad putredinem, & incendium disponatur, cuius gratia febris semper perdurat: tamen quia maior diffiatur, & euacuatur copia singulis accessionibus, quàm de nouo putrescat, & accendatur die inter medio, & maior similiter disponitur secunda die, quàm putrescat, & comburatur, inde est quod tertio quoque die continua biliosa magis exacerbetur, & videatur seruare periodum per tertium vt intermittens. Hoc autem à Saluo erat animaduertendum, antequàm debili adeò argumento

Non in contracta putredinis conditione consistit statuta circuituum ratio.

4. meteor. cap. 1.

fol. 164.

Defendit Altimarus.

mento præceptorem conuictum credidisset qui periodorum causas easdem cum Galeno assignauit, ad partium scilicet dispositiones referens, quæ vel mittunt, vel suscipiunt, vel generant, vel attrahunt superfluitates, quâs aut ob earundem partium imbecillitatem, seu obstructionem expellere nequeunt, unde fit ut putrescant, & secundum variam naturam putrefactorum humorû, per tertios, aut quartos, vel per singulos dies moueantur, febresque concitent, partium facultate expultrice expellente, ubi quantitate grauant, & qualitate mordêt: verû potissima causa certi, atque determinati circuitus in humoris propria natura consistit.

*QUOD AD COGNOSCENDOS MORBOS SEMEN-
da signa sint non modo ab externis, sed ab internis etiam causis.*

Depulsio nona.



MORBOS, cum effectus quidam præter naturam sint, suas habere causas unde proueniant necesse est, nihil enim sine causa fieri posse, vniuersa philosophorum, ac medicorum proclamant schola. Est autem causa Galeno authore, quæ suapte natura ei quod fit aliquam suæ generationis partem inducere potest, erit igitur causa, quæ in corpore aliquid efficit, affectumque actionibus officientem generat: quod enim primò lædit actionem morbus est, id verò, quod præcedit causa morbi nuncupatur, itaque à quo aliquid per se fit, id omnino causa eius, quod fit dici debet. Morbificæ igitur causæ (quarum cognitio ad medicum pertinet) in externas, internasque diuiduntur: externæ ex sunt quæ forinsecus incidentes, corpora alterare, aliquouè læsionis modo afficere valent, dicunturque procatarticæ, seu primitiua, præincipientes, vel antegressæ causæ, quæ rectè etiam euidentes (quæ admodum & internæ abditæ) appellatur. Ab euidentibus imbecillia potissimum corpora quàm maxime afficiuntur, quæ enim virium præstantia pollent, externarum causarum noxam

*lib. de symp.
diff. cap. 1.*

*Causa quid
sit.*

*quæ sint cau-
sæ externæ.*

*Imbecillia
corpora à
causis euide-
ntibus maxi-
mè afficiun-
tur.*

viz

vix percipiunt, earumq; iniurias contemnunt: huiusmodi causæ ubi noxam induxerunt, absistunt, nec manent, ut sol, frigus, balneum, & id genus reliqua, si quis enim æstu laborans in febrem incurrat, aut frigoris excessu in congelationem, absente æstu, & frigore febrem, congelationemq; patietur; ac proinde causæ dicuntur, quæ confecto opere discedunt. Internæ verò, seu abditæ, & quæ in animali ipso consistunt, siue affectus sint, siue motiones præter naturam, aliæ morbum præcedentes causæ, siue antecedentes nominantur in genere; (quæcunque enim intra corpus præter naturam consistunt, ad quæ protinus affectus sequitur functiones ledens, generatim causæ antecedentes merito dicuntur) aliæ verò in specie continentes, & aliæ nomine generis antecedentes etiam vocantur. Continentes sunt, quibus positus ponitur effectus, & semotis semouetur, quo enim tangente afficimur, & separato cessat affectus, id causam esse continentem apud omnes in confesso est: ut vitrea pituita in colico morbo ab eiusdem frigida intemperie, posita enim in intestino, dolor emergit, & euacuata simul morbus auferitur. Antecedentes verò causæ in specie (generis nomine gaudentes, quoniam particulare non habent, quo nominari possint) illæ dicuntur, inter quas, & morbum, nullum est medium, eamq; ob rem immediatæ causæ appellantur, in hoc à continentibus differentes, quòd immediatæ cum sint, eis ablatis remanent affectus, continentibus verò (quæ etiam immediatæ sunt) nō persistentibus, ipsi etiā affectus nō manent. Vtilis autē est morbificarū causarū cognitio ad morborū dignotionē, dicente Aristotele cuiusq; rei scientiam sine causarum effectriciū notitia haberi non posse, quod de manifestis causis notissimū est, suapte enim natura quicquam agentes sensibus deprehenduntur, conspicuæq; apparent, ex quibus sumimus indicia, & signa ad cognitionem affectuum præternaturā, qui ex ipsis proveniunt, non enim aliunde aptius effectus cognoscitur, quàm ex suæ causæ agnitione: internæ verò, seu abditæ causæ cum sensu non percipiantur, indigent externis indicis, quorum ope cognosci valeant; his verò cognitis statim morborum ex

*docete Gal.
li. de morb.
causis. c. 2.*

*Internæ cau-
sæ, aliæ mor-
bi n præce-
dentes, aliæ
continentes
dicuntur.*

*Causa conti-
nens quæ sit.*

*Quæ sit cau-
sa antece-
dens, & suæ
species.*

*In quo diffe-
rant causæ
antecedentes,
seu im-
mediatæ, à
continenti-
bus.*

2. post c. 2.

H ipsi

*In cō. aph.
12. fol. 170*

*Defenditur
Argent.*

ipsis emanantium naturam intelligimus: vt si quis laboret febre, non percipiet medicus an tertiana, quartana uē futura sit, nisi prius per externa indicia cognoscat, abundare biliolo, melancolicouē humore, quo cognito statim iudiciū feret de febris specie, quæ tanquā effectus sequitur naturam suæ causæ, nēpē humoris putrefacti febrem ipsam concitantis. Ad dignoscendos igitur morbos, non modò ab externis, sed ab internis etiam causis sumenda signa sunt, vt optimè Argenterius existimauit, cuius sententiam tanquam ridiculam ex eo reprobauit Saluus, quia cū intēdamus cognoscere morbum vt sit ex hac, vel illa causa, si causa est ignota, & queritur, existimauit non esse possibile ex ea signum sumere: non intelligens quòd interim dum ignota est, ex ipsa quidem (vt asserit) iudiciū non sumetur, at vbi nota fuerit per externa signa, morbi, qui ex ipsa proficiscitur indicium præstabit: specialium enim, & determinatarum febrium signa ostendunt humores febres ipsas gignentes, quos prius cognouimus redundantes, aut putredine affectos per apparentia indicia, quæ ex anni constitutione, tempore, ægrotantis natura, ætate, eorum quæ excernuntur substantia, colore, ac sapore, regione, accidentibusq; ab ipsis humoribus, qui redundant, aut putrefacti sunt manantibus, pro ratione loci, quantitatis, atque qualitatis eorundem, quibus tandē in humoris morbum gignentis naturam exactē ducimur, eūq; tanquam causam determinati effectus quem scire curamus, intelligimus. Licet igitur ab internis morborum causis, cum occulte sint, morborum speciem, quæ nos etiam latet, cognoscere non valeamus (ignorum enim per ignotius sciri nequit) quando tamen iam dictæ causæ cognite sunt ex indiciis nobis apparentibus, quæ earum naturam exponunt, tunc ex eis tanquam notis morbi determinatam cognoscimus speciem, vt sit ab hac, vel illa causa. Scire enim est rem per causas cognoscere, referēte Aristotele in libro de demonstratione, siquidem tunc nos scire putamus, cum causas primas, principiaq; prima, & vsque ad elementa cognoscimus. Neque ob id negamus causas etiā per effectus dignosci, cum enim relatiua sint, eorum vno cognito,

gnito, alterum cognosci necesse est, sicque effectus per causas, & causæ per effectus dignoscuntur: quando autem qualis sit affectus, & qualis etiam causa vnde proueniat occultatur, in primis externis signis causam cognoscere curamus, vt ea cognita, qualis effectus sit facillimè innotescat. Si quis enim febre corripiatur, immoderatus calor, quo laborat, à quouis medico tangente per sentitur, & cognoscitur, an verò febris illa, tertiana, quotidiana, quartanaue sit, non percipiet, donec redundantè humorem per externa indicia exactè cognouerit, à quo putrefacto, & accenso tanquam à causa febris fuerit subsequuta, cognitaq; humoris specie, eiusq; quantitate, qualitate, atq; putrefactionis loco, statim intelligit quæ febris illa sit, & sub qua differentia contineatur. Manifestum igitur est ad morborum exactam cognitionem sumenda esse signa ex internis causis, vt Argenterius opinatur, caueatq; Saluus ne dum doctissimi viri sententiam ridiculam existimat, suam proferens magis sit irridendus.

IN CVRATIONE ANAXIONIS PLEVRITIDE


laborantis, Hippocratem non secuisse venam ante octauum

diem, quia curationem fomentis prius tentandam

sine venæ sectionis, aut purgationis au-

xilio existimauerit.

Depulsio decima.



T si Hippocrates in libris de morbis vulgaribus lucubrationes curationis non instituat conscribere, sed presagationis potius, vt Galenus inquit, necesse tamen habuit ad presagia proferenda interdum referre nihil agrotos ab ijs, quæ offerebantur adiutos fuisse, vt malignitas morbi rectius perpendi posset, quemadmodum fecit in Anaxionis historia, de quo retulit, cū dextri lateris assiduo dolore laborasset, febrequ; acuta, & fortibus curationem intenderet, quia sexta die delirasset, fomentisq; nihil remitteretur,

3. De morb.
vulg. com. 3
tex. 79.

Lib. de med.
corporis
morb. c. 50.

2. de rat.
vif. in acu
tis, tex. 1.
6. de morb.
vulg. com.
3. com. ult.

fol. 197.
c. 12. epist.
c. 5.

defenditur
Manardus

septima verò magis laborasset, ideo octaua cubiti venâ secuit-
se. Ex quibus Hippocratis verbis colligere licet, Anaxionē la-
borasse laterali morbo ex crudis humoribus ortum ducente,
curationemq; fomentis tentare voluisse, antequam vniuersa-
li remedio per venæsectionem, aut expurgans medicamētum
vti cogeretur, vt doctissimè Altimarus existimauit. Non enim
statim ac quis vera corripitur pleuritide, per valentiora auxi-
lia curandus est, si facilioribus curari possit, siquidem cum du-
plici via procedendum sit in curatione; aut translato ad alias
partes, qui ad ægram confluit humore, aut in ægra contento
foras expulso; in parua pleuritide, quia non reperitur in toto
corpore humorum redundantia, satis erit contentum humo-
rem in agrotante partícula foras expellere, fomentisq; resol-
uere, ideoq; Hippocrates lateris doloris resolutionem calidis
fomentis tentandam esse præcipit; qua curandi via Galenus
ægotū curasse absq; sanguinis missione testatus est, cuius sen-
tentia fuere Celsus, Alexander, Aetius, Paulus, reliqui; clas-
sici authores. Nanq; ex calidorum fomentorum usu, atq; me-
dicamentorum, quæ digerendi per halitum, cutimq; rarefa-
ciendi virtutē pollent, vel exigua pleuritis curatur, aut maior
humorum plenitudo demonstratur, quam vt fomentis resol-
ui possit, quo tempore ad manus auxilium per expurgans me-
dicamentum, vel venæsectionem contugendum: qua curan-
di ratione Hippocrates usus est in Anaxione lateris dolore la-
borante, cui fomentis applicitis, cum dolor nihil remit-
teretur, febrisq; magis inualefceret, ac gravior in septimo la-
borasset, octaua die venam secare instituit. Quamobrē imme-
rito Saluus damnat Manardi sententiam asserentis Hippocra-
tem non misisse sanguinem à principio, quia antequam sexta
die delirasset, erat dubius, an indigeret sanguinis missione,
vel expurgatione, existimabat enim si pauca inflammationis ma-
teria extitisset, fortibus exolui posse, sicq; non fore necessaria
magna auxilia per venæsectionem, aut purgationē: quia verò
sexta die grauior morbus apparuit, septimaq; deterius habuit,
ideo ad magnum se contulit remedium. Ratio autem qua niti-
tur tan-

titur tanti viri impugnare sententiam, nihil conuincit; & si. n. *à Salui calū*
pleuritis, quā inflammatio est membranæ costas succingentis *nia.*
postulet venæsectionē, quam ægrotantis vires non repugnēt,
quando tamen adeò parua est quantitas humoris inflāmatio-
nem concitantis, vt fomentis exolui possit, nec tam multa hu-
morum copia in corpore redundat, quæ postulet à læsa parti-
cula reuulsionem, tunc sanguinis missione opus non est, aut
purgatione, magna enim auxilia dūtaxat illi postulant morbi,
quos ob magnitudinem natura vincere non potest: in Anaxio-
ne autem à principio non adeò magna apparuit inflammatio,
quoniam pathognomonica signa nō inualescebant, donec se-
xta die delirauit, & multò magis septima laborauit, quo tēpo-
re cum fortibus non solueretur, necessum fuit vti magno auxi-
lio per venæsectionem: siquidem si adeò grauis fuisset Anaxio-
nis morbus, ad trigessimum quartum non protraheretur eius
integra iudicatio, vt enim constat ex Hippocratis scriptura, vi-
gesimo sudauit, febreq; liberatus est, & à iudicio rectius habuit,
vigesimo septimo redijt febris, trigesimo quarto toto sudauit
corpore, cessauit febris, in totumq; est iudicatus: quòd si per-
acutus fuisset morb⁹ à principio, quarto, aut septimo deberet
finiri, si verò acutus, vndecimo, aut decimo quarto, qui vlti-
mus acutorum morborum terminus est: quia verò à principio
nō habere acutiē ex proprijs, ac mox apparentibus signis intel-
lexit Hippocrates, ideò primis diebus fomentis citra noxā cura-
tionē tētauit, quib⁹ si curatus nō fuit Anaxion, saltem humorū
plenitudo, quæ occulta erat, apparuit, & quando cepit morbi
acuties innotescere, statim sanguinē misit. Definat igitur Sal-
uus præceptorem damnare asserentem vtendum esse indifferē-
ter calidis fomentis, à principio in cuiusvis lateralis morbi cu-
ratione, vbi distincta notitia plenitudinis non adsit, si enim fo-
mentis non cedat, humorum copia manifestabitur. Qua in re
Hippocratem est sequutus, qui fortibus dolorem dissolvere pri-
mò tentat, non ignorās inflammationes hac via curari posse,
ac debere ex Galeni sententia asserentis optandā maximè esse
earum curationem per digerentia auxilia: verum vbi hic cura-
tionis

*Defenditur
Altimarus.*

*Lib. de in-
equa. intēp.
cap. 3.*

Com. 3. 6.
aph. sect.

Fol. 198.

Docente Ga-
leno li. 9. de
Hip. & Pla-
tonis decre-
tis. cap. 6.

tionis modus fuerit impeditus, immutandus erit, qñ nempè humorum in corpore redundantium copia extiterit; hoc etiā pacto idem Galenus fomentis oculorū doloris curandos existi-
mauit. Quamobrem admiror maximè quòd Saluus Altimari positionem ex eo non esse recipiendam contendat, quia dum morbus pendet ex magna causa, humorumque plenitudine, à fortibus nullatenus in ipsius curatione incipiendum sit, sed ab euacuatione potiùs, quæ dictorum humorum à parte læsa reuulsionem faciat: atqui si præceptoris sententiam rectius perpendisset, eandem protinus esse intellexisset, tunc enim à totibus incipiendum existimauit, quando in pleuritide non ad-
sunt signa, quibus à plenitudine foueri dignoscamus, siquidē per totus vel curabitur affectus, vel occulta plenitudo fiet manifesta: cum verò signa apparuerint plenitudinem ostenden-
tia, ab euacuatione incipiendum nunquam negauit. Dictam igitur methodum prudentissimus Hippocrates in Anaxionis curatione obseruauit, cū enim à principio plenitudinis notæ non adessent, à fortibus eam fuit auspicatus, tentans an citra magnum auxilium curari posset, donec procedente ægritudine per fomenta, plenitudine (quæ antea occulta erat) manifestata, maloq; intensius vrgente, venam secare decreuerit. Saluus verò in Anaxionis morbo plenitudinis signa à principio inesse Hippocratem cognouisse ex eo affirmat, quòd non tantum octaua die, sed in primis etiam diebus venam secuerit; fecisse autem mentionem de venæ sectione octauæ diei, quia non erat consuetum fieri illa die, non autem quia fuerit prima, cum aliis etiam diebus ante octauum, sanguinem misisset, subticuisse tamen tanquam notum, & consuetum: cum verò nullibi Galenus fidelissimus Hippocratis interpretes id exposuerit, dictam opinionem tanquam figmentum quoddam rationibus impugnare superuacuum censemus.

QVOD IN VASORVM SOCIETATE FIBRARVM
rectitudo seruanda sit, eamque esse necessariam in sangui-
nis missione è directo partis affecta.

Depulsio undecima.



T succus, aliquoduè excrementum in par-
tem quampiam succedat; necesse est aut ab alijs in eam compelli, aut ab eadem parte trahi: alias quidem partes expellere facit, aut succi, excrementiue redundantia, aut malicia, seu partis dolor, ad quam expulsio fit, qui aliarum circumiacentium vim expellendi excitat circa dolentem partem sese comprimentium, succumq; in illam compressione emittentium; unde fit vt successione ad id, quod euacuatur à longinquis etiam partibus succi moueantur: eandem verò particulam recipere cogit eiusdem propria imbecillitas: attrahi succum, aliquoduè excrementum, aut aliam quamuis re tunc demum cognoscimus, quando cum interuentu caloris, vel proprietatis, totiusue substantiæ similitudinis, seu successionis eius, quod vacuatur, tractio fit; non est enim idē tractio ab aliqua parte, quod receptio in eadem; multa enim recipiuntur, quæ ad partem mittuntur, cum tamen ab ea non transtantur. Hec dicta sunt, vt rectius perpendi possit, quomodo sanguis effundatur, trahaturq; venæ sectione; tractionem enim aliquam à parte vulnerata fieri conspiciamus, quādo quidem brachiorum frictiones, ligaturæ, & aquæ calidæ superinfusiones, quibus venæ sector vti solet, necessario aliquam tractionem moliantur, non tamen ita effatu dignam, vt tantam sanguinis copiam trahere possint, quanta vnica venæ sectione mitti solet. Effunditur igitur sanguis à propinquis partibus extractus, à longinquis verò trahitur successione ad id, quod euacuatur, ex pultrice vi, quæ in neruis est fluxui sanguinis ad miniculante, vbi venæ ipsæ adeò sanguine fuerint replete, vt corpori grauitatem inducant: fusio autem sanguinis non intermittitur, vt euitetur vacuum, propriaq; continuitas seruetur: Si verò sanguis

Authore
Gal. 13. metho. c. 3.

Galeno docente in lib. de fac. nat. & 2. de diff. feb. c. 21. et 5. de simpl. med. facult. cap. 16.

Quomodo per venæ sectionem sanguis fundatur trahaturque.

*Ars invene-
resectione imi-
tatur recti-
tudinem fi-
brarum quā
natura i su-
is operatio-
nib⁹ seruat.*

*3. de cris.
cap. 3.*

*Rectitudo,
& directio,
in locorum
communio-
ne, & fibra-
rum ratione
consistit.*

*Nō est idem
communio,
& rectitudo.*

quis mittitur citra redundantiam, aut acrem qualitatem, quæ expultricem facultatem incitare valeat, tunc nulla expulsionē sanguinis missio fiet, sed tantum successione ad id, quod euacuatur, & tractione, quæ arte molitur. Cum autem ars naturam imitetur, eā rectitudinem seruabit in venasectione, quā natura in fluxibus spontaneis (qualis esse solet fluxus sanguinis è naribus) seruare solet, natura verò in suis euacuationibus fibrarum rectitudinem obseruat, quare & ars similiter eā seruabit in sanguinis missione, est enim familiarissima naturæ obseruatio, quæ rectitudinis est circa suas euacuationes, quæ etiā in abscessibus consideratur, siquidē deponit pars quæuis sua excrementa in eiusdem lateris partes, potiusquā in contrarij, cum videamus ex hepatis plenitudine in dextro inguine magis bubones fieri, ex lienis verò in sinistro, sicq; Galenus sanguinem recto cursu fluere debere existimauit ex dextra nare ppter hepar, & ob ea, quæ sub dextro existunt hypochondrio, ex sinistra verò propter lienem, & vicinas partes: quamobrem cum natura secundum rectitudinem, atq; directionem euacuet, manifestum sit, & artem idipsum efficere. Rectitudo autem, ac directio non modò in locorum communione, sed etiam in fibrarum ratione consistit, quibus natura ad sua munera exercenda vti solet, sicq; Galenus hanc rectitudinis legem ita obseruat in ijs euacuationibus, quæ arte fiunt, vt membrorum societatem, rectitudinemq; seruare iubeat, dextrorum scilicet cum dextris, sinistrorum cum sinistris; superiorum cū superioribus, & inferiorum cum inferioribus: Cum igitur quæuis superior pars laborat, brachiorum venæ secandæ sunt; pedum verò, cum inferior pars afficitur; cum dextra in brachio, aut crure dextro; cum sinistra in sinistro. Quamobrem Petrus Brissotus, & Vesalius oculatissimi naturæ scrutatores, præter partium communionem, rectitudinem etiam obseruandam esse per fibras existimarunt: non est enim idem communio, & rectitudo, quod faciliè constat in lateris inflammatione, cum enim huiusmodi affectu quis laborat, ex brachio venam internam eiusdem lateris secundum rectitudinem Galenus secandam

dam præcipit, quod non faceret, si communionem, & rectitudinem pro eodem reputasset, non enim maior est communicatio cum parte laborante venæ incisæ in dextro brachio, quam eius, quæ in sinistro reperitur, cum æquè per axillares venas cauam participant, ad quam à iecore tanquam ad cōmune promptuarium sanguis fluit: qua ratione non magis in dextro, quam in sinistro latere foret secanda vena in morbo lateris sinistri, nisi rectitudo fibrarum, quæ dextrorum cum dextris, & sinistrorū cum sinistris consideratur, ab eadem parte affecta sanguinem esse mittendum suaderet; quo enim modo dictæ fibræ auxiliantur naturali partium facultati tractrici, quibus tanquā instrumentis huic muneri aptis vitur, sic partium frictiones, calida balnea, & demum venarum incisiones sanguinis tractionem per easdem fibras faciunt; ad sanguinem autem fluentem successione ad id, quod euacuatur (etiam si natura tractionē tunc non operetur) conducunt quidem fibræ ob suam rectitudinem illum ad proprium latus ducentes, per quod ipse sanguis fluere cæpit; quemadmodum si duos æquè distantes, & æquales riuos ab vtraque parte secundum eandem rectitudinem ex aquæ canali deducas, & si ex canali ambo æqualem faciant euacuationem, cum æquè illum participant, dexter tamen riuus magis ex dextra parte sinister verò magis ex sinistra propter dictam rectitudinem euacuabit. Eamq; ob causam Vesalius cum animaduerneret venam sine coniuge à venæ cauæ dextra parte ortum ducere, vbi dextrum cordis finum est egressa, indeq; in nouem inferiores costas tam dextras, quam sinistras disseminari, rectitudinis fibrarum ratione in morbo laterali occupante membranam dictas nouem costas succingentem tam dextro, quam sinistro latere perpetuò à basilica dextri lateris euacuandum existimauit. Cuius sententiam impugnat Saluus; rationes verò, quæ ab eo adducuntur nihil concludunt: prima autem est, quod Galenus dum rectitudinis mentionē facit, nunquā de fibris meminerit, cui responsum sit, de fibris ipsum pertractasse in naturali motu facultatū, attrahit enim pars per fibras rectas quæ sibi naturale est, quāobré vt diximus p. easdē

*in com. aph.
21. fol. 303*

*1. de fac.
nat. c. 14.
& 3. c. 15.*

fibras in venæ sectione ars naturam imitando trahere quoque debet, frictione partis, aquæ calidæ super infusione, & apertione venæ facta sanguinis tractione, qui deinde fluit successione ad id, quod euacuatur, parte non trahente, ipsis tamen fibris adminiculantibus. Non enim quia deseruiunt naturæ, ob id sequitur arti nihil proficere, quinimo cum sæpius ab Hippocrate, & Galeno dictum sit, quò natura vergit per conuenientem regionem, eò arte medicum ducere humores conuenire, manifestum relinquitur per quas fibras natura trahit humorē, per easdem etiam artem trahere debere: & quemadmodum fluxioni humorum dum trahuntur à natura, partis fibræ ob longæ conducunt, sic fluxioni sanguinis arte molitæ etiā conferre necesse est. Quare cum Galenus in naturali tractione fibrarum rectitudinem considerauerit, nihil mirum quòd in ea, quæ arte fit, fibrarum rectitudinem intellexerit, vasorumq; societatem nuncupauerit, quoniam vasa per fibrarum rectitudinem adinuicem sociantur. Secundò conatur Vesalij sententiā excludere de rectitudinis fibrarū necessitate in sanguine mittendo, quia opinatur eum falsò supposuisse quamlibet euacuationem fieri vna parte trahente, & alia expellente, inquit enim, id nec in purgatione, neque in sanguinis missione contingere, in quibus Hippocrates, & Galenus, rectitudinem seruandam esse iusserunt: quare concludit fibras non esse necessarias ad dictas euacuationes, sicque per rectitudinem nullo modo intellexisse eam, quæ in fibris à Vesalio consideratur. Si verò semel probauerimus vtramque euacuationem fieri vna parte trahente, & alia expellente, doctissimum virum à calumnia vindicabimus, eiusque sententia clarior euadet. In primis autem in ea vacuatione, quæ per expurgans medicamentum fit, compertum est proprios humores trahi à medicamentis expurgantibus similitudine totius substantiæ, taliaque omnia calida esse oportere, Galeno asserente quòd inter ea, quæ substantijs similia sunt, calidiora ad trahendū potentiora sint, quia caliditate tractioni auxiliantur, atq; inde euenire vt medicamentum trahat humorem, non tamen ab ipso trahatur, quòd

*Defenditur
Vesalius.*

quòd calidius sit, & tractio à calore iuuet eam, quæ à substantiæ similitudine fit: verùm medicamentum nō trahet propriū humorem, donec à partis, in qua continetur, calore actuetur, quare partis etiam calor plurimū facit ad tractionem. Quæ igitur ratione à partis calore, & similitudine trahitur succus pro sui nutritione per fibras rectas, sic etiam à medicamenti calore, & similitudine cum proprio humore, & à partis etiam calore in qua medicamentum continetur, familiaris trahetur humor per easdem fibras: & quemadmodum succi tractionem à parte naturaliter trahente adiuuant aliæ partes eundem succum redundantem propellentes per fibras propulsiōi dicatas, sic etiam attractiōi humorū, quæ à medicamenti proprietate fit, simul cum partis calore auxiliantur aliæ partes noxiū humorem propellendo fibris expulsiōi aptis. Constat igitur vacuationem per expurgans medicamentū fieri vna parte trahente, & alia expellente, atq; id ipsum etiā in sanguinis missiōne experiri licere: nam vt diximus à parte vulnerata aliqua fit tractio, & à brachiorum frictiōe, ligatura, atque calidæ aquæ superfusiōe, deinde verò fluxio sequitur successiōe ad id, quod euacuatur, superiores verò partes vbi sanguinis copia redundat sua expultrice virtute sanguinem propellunt, fluxioniq; adminiculantur, vbi verò deficit, venæq; languidæ sunt, concidunt, & fluxionem sanguinis, atque continuitatem interrumpunt retento sanguine. Fit igitur sanguinis euacuatio vna parte trahente, & alia expellente, quemadmodum & expurgatio, vnde constat ad vtramque euacuationem, cum à natura, vel ab arte fiunt necessarias esse fibras, per quarū rectitudinē, communionemq;, membrorum societas deprehendatur, earumque ratione in morbo laterali dextri lateris à dextro brachio, in eo verò, qui finitri est, à sinistro mittendum esse sanguinem Hippocrates, & Galenus præceperunt: quòd si per rectitudinem, societatem membrorum sine vlla fibrarum consideratione intellexissent, non esset cur magis ab vno latere, quàm ab alio in cuiusvis lateris inflammatione sanguis mittendus fuisset, cum æqualis societas sit cum vena caua, venæ axillaris

*Vacuatio-
nes per ex-
purgans me-
dicamentū et
venæ sectiō
nō sunt vna
parte trahē-
te, & alia
expellente.*

dextri, ac sinistri brachij, quia tamen ratione fibrarum dictorū vaforum, dextrarum nempè cum dextris, & sinistrarum cum sinistris, miar deprehenditur societas membrorum ex eadem parte affecta, ideo ex laborantis partis latere mittendum esse sanguinem iusserunt. Cùm verò Vesalius nouem inferiores costas tam dextras, quàm sinistras à vena sine coniuge nutriri videret, eamque à dextra parte venæ cauæ, vbi dextrum cordis ventriculum ascendit, ortum ducere animaduerneret, rectitudinis fibrarum ratione in inflammatione dextri, ac sinistri lateris occupate prædictas nouem inferiores dextras, ac sinistras costas, semper à dextro brachio mittendum sanguinem consuevit. Nisi autem à venis axillaribus ante quàm exeant à iugulo utraq; parte ramus vnus effatu dignus produceretur, qui disseminatur per thoracis musculos, & mammas, eorumque extremitates extremitatibus venarum proficiscentium à vena sine coniuge per anastomo sin communicarentur, proculdubio Vesalij opinio conuinceret, quia tamen dictas propagines ab axillaribus disseminatas in corporum dissectionibus oculatissimi alij corporis dissectores inuenerunt modo, quo dictum est per thoracis musculos, & mammas repentes, mutuòque cum extremitatibus propaginum venæ sine coniuge communicantes, inde est quòd Vesalij opinio de venæ sectione in inflammatione membranæ succingentis nouem costas inferiores dextras, vel sinistras, non sit recipienda: non tamen ob id sua concidit sententia de necessitate rectitudinis fibrarum cōsiderandæ in venæ sectione lateris affecti, vt Saluus opinatur, quinimo magis aperta, & conspicua fit: cum enim rami ab axillaribus prodeuntes ex utroque latere per thoracis musculos, & mammas repentes, æqualiter easdem exillares participant, venarumque ab his proficiscentium oscula utroque latere cum osculis earū, quæ producuntur à vena sine pari, coniungantur, inde fit vt manifesta commanio deprehendatur dextrorū cum dextris, & sinistrorū cum sinistris, cū directione fibrarum, quæ in coniunctis vasis consideratur. Quod verò Saluus ex mente Amati Lusitani adducit de hostiolis, seu mēbranis orificio venæ sine pari,

pari, ubi à vena caua trahit originem, ita præfectis, vt liberum sanguinis introitum præbeant, exitum tamen non admittant, (quæadmodû in arteria magna, aut vena arteriali conspiciuntur, & se vidisse sæpius in anatomicis administrationibus, testatur) cum nihil traditæ fibrarû rationi contrarietur, omitemus; id tamen afferentes, neq; à nobis diligenter id perscrutâ-
tibus cum anatomicas dissectiones, in Complutensi, ac Pinciana schola publicè administrarem⁹, aut ab alijs peritissimis anatomes professoribus hucusq; fuisse obseruatum, semper enim tam expeditus sanguini egressus ab hac vena, quàm in illam ingressus deprehenditur.

*QVOD SVB NOMINE TVRGENTIAE NON COM-
prehendantur humores omnes tenues acutum morbum cõcitan-
tes, aut venefica qualitate infestantes, seu crassi
multitudine grauantes.*

Depulsio duodecima.



CVM Altimarum, atque Manardum doctissimos viros, Saluus calumniatur, afferentes vtendum esse expurganti medicamento ante materiæ coctionem, non modò cum turget, sed vbi multitudine grauatur, præcipuumq; membrum occupat, aut venefica qualitate offendit, ipse in grauissimum incidit errorem, existimans hæc omnia ab Hippocrate sub turgentia nomine contineri: quòd quàm falsum sit, inenarratio-
ne 22. aph. intelligunt qui veram naturam turgentia in humoribus com-
prehenderint, quam Galenus explicauit sumpta similitudi-
ne ab animalibus, quæ ad coitum properant, dicens ver-
bum ὀργάνη, hoc est, turgere, translatum esse ab animalibus
cõcubitum appetentibus ad humores, nam sicut ista stare loco
nequeunt quadâ titillatione impulsæ, eoq; affectu cõcitata: sic
& humores plerunq; in motu vehementiori, atque transfluxu
à partibus ad partes, in morbi principio hominem infestant,
mouentes, titillantes, & quiescere non permittêtes, cum & ipsi
pariter

22. apho.
primæ sect.

24. apho.
primæ sect.

9. apho. 2.
sect.

In enarra-

pariter moueantur, & transfluant, & tanta latione ægrum molestent: ideoque à principio euacuandos per expurgans medicamentum Hippocratem consuluisse asserit, rarò autem turgere humores affirmat Hippocrates, quamobrem concludit rarò ante coctionem purgandos esse, in principio autem morborum crudi semper existunt humores, in principio igitur rarò sunt euacuandi, hoc est, solum dum turgent, quia tunc sunt in motu, & latione, & fluxu. Hanc autem confirmans sententiam dixit, in acutis passionibus rarò, & in principijs, medicinis purgantibus vtendum, & hoc cum præmeditatione faciendum: id autem exponens Galenus inquit, quòd circa principia acutarum ægritudinum tantum, contingit aliquando purgare vtiliter, nam in longis morbis semper oportet expectare coctionem, in acutis verò, cum turgent ab initio possumus vti expurgantibus medicamentis, & hoc ipsum cum multa cautione, & præmeditatione, considerando nunquid æger idoneum se habeat ad dictam purgationem, nam & si humores turgent (tenues cum sint) nullum lentorem participant, & ob id, fluxui parati existant, oportet tamen considerare num aperta sint foramina, per quæ debet purgatio fieri, ita vt nullam habeant obstructionem, eamque ob causam Galenus asserit ab Hippocrate dictum fuisse, corpora vbi quis purgare voluerit, oportet fluida facere. Verum in acutis morbis quando humores turgent, cum circa primum diem, vel non ultra secundum vsuri sumus expurgantibus medicamentis, non datur facultas ista præparandi, viasque aperiendi, nisi quis forte arripiat occasionem ante medicamenti exhibitionem propinandi melicratum, in quo decoctum sit aliquid hyssopi, vel origani, vel tragorigoni, vel thymi, aut pulegij. Quibus Hippocratis, & Galeni verbis manifestum sit, non in omnium acutorum morborum principijs vtendum esse purganti medicamento, nisi eorum duntaxat, qui à turgentibus pendent humoribus, raròque tales inueniri, quia rarò etiam humores turgent. Quare ineptè Saluus opinatur morbos omnes acutos ex turgenti materia obortos esse, quia celeriter ad finem moueantur, ideoque in ipsorum principio expur-

expurgantibus medicamentis vti oportere: non enim est idem celeriter moueri, & cum turgentia ad motum concitari, neque ad conuertentiā dicuntur; qui enim humores turgent, celeriter mouentur motu, non tamen qui citissimè mouentur, vt turgētes sint necesse est, sequeretur enim cum sepius humanum corpus in acutas febres incidat, sepius etiam turgētes in eo humores procreari, non autem rarò, vt Hippocrates testatur: nam & si turgere, referri possit non solum ad causam morbificam turgētem, sed etiam ad morbos ab ipsa exortos, vt Saluus ait, non negabit tamen quod vbi causa non est turgens, neque etiam morbum turgentem generabit. Qua igitur ratione probatum est, non omnes acutos morbos turgere, nisi illos duntaxat in quibus materia de loco ad locum concitato, & titillante motu mouetur; eadem conuinci debet, humorem pestiferum qui fixus sit, nec à loco in locum assidue moueatur, turgentem non esse, etiam si sua qualitate venefica cor inuadat, similiterque crassum humorem, aut maiori quātitate redundantem, quā à natura conuinci possit, aut præcipuum membrum infestantem, turgentem secundum Hippocratis, & Galeni mentem appellari non posse: quomodo enim crassius cum sit, celeriter motu à parte in partem mouebitur, & loco itare non poterit? vt autem has Saluus subter fugiat rationes Galeno, imponit turgentiam humorum non eam solum existimasse, qua huc, & illuc vagantur, & concitantur, sed illam celeritatem, qua ad finem mouentur citra agitationem de loco ad locum, citans eius verba primo de crīsis, quæ sic habent. Turgere dictum est de animalibus incitatis ad coitum, translatum verò ad morbos, qui properant, & celeriter mouentur ad finem præcipue verò cum laborantis sensus ab inordinata humorum, & spirituum agitatione irritantur, unde infert duplici modo turgere materiā, vno cum mouetur incōstanter de loco ad locum: altero verò, quando celeriter mouetur, & ad finem properat, cum autē in omnibus morbis acutis humores celeriter moueantur, & ad finem properent, hac saltem significatione turgentiam habebunt, sicque à principio erunt euacuandi. Verum dictis verbis

tione 22.
apho. fal.
335.

Non est idē
celeriter mo
ueri, & cum
turgētia ad
motū concit
ari.

humor pesti
ferus qui fi
xus est, tur
gens esse nō
potest.

Crassus hu
mor etiam si
quātitate re
dundet, aut
mēbrū præ
cipuum in
festet turgēs
non est.

cap. 9.

nihil

*turgētes hu-
mores nō so-
lū celerimo-
uentur mo-
tu, sed etiā
inordinata
agitatione
irritantur.*

*1. sect. aph.
aph. 6.*

*in com. 24.
aph. 2. sect.*

*4. aph. sect.
aph. 10.*

*4. de rat.
vitt. cō. 43.
& lib. ques
& quando.*

nihil aliud Galenus intendit, quàm ostendere duo esse necessa-
ria ad constitutionem turgentiae in humoribus, primum quòd
celeri moueantur motu, secundum verò, quòd de loco in locū
inordinata agitatione irritentur: non igitur inordinatim agi-
tati, & irritati humores de loco ad locum, sine celeri motu tur-
gentes erunt, neque celeri motu concitati absque inordinata
de loco ad locū agitatione turgidi appellabuntur, sed illi dun-
taxat, in quibus vtrunq; reperitur. Malè igitur colligit Saluus
ex eo, quòd celeriter ad finem properant humores in morbis
acutis, turgentes esse; idem enim est, ac si colligat, Calliam esse
hominem, quia animal sit. Quòd verò asserit ex Hippocrate, ex
tremis morbis extrema exquisitè remedia conuenire, nempe
venæ sectio, aut purgatio, ideoque vtendum esse expurganti
medicamento ante coctionem in acutissimis morbis, cum ex-
tremi sint, nihil contradicit propositæ sententiæ de turgentis
humoris natura. Vtimur enim venæ sectione, & purgatione in
principio peracutorum morborum, vbi à turgenti materia
pendent, quòd si turgens non est, spectanda erit eius cōcoctio,
ante purgationem si morbus dat inducias: sin minùs, respectu
peccantis humoris nunquam molienda est euacuatio per ex-
purgans medicamentum, quoniam crudus cum sit, retinetur à
natura, vt concoquatur, etiam si medicamentum illum sua fa-
cultate trahere intendat: Ideoque Galenus in longis morbis
semper spectandam esse coctionem suadet ante expurgantis
medicamēti exhibitionem, & in acutis similiter, nisi turgeant;
tunc enim nulla expectata coctione eadem die purgare oportet,
dicente Hippocrate, medicari in valde acutis eadē die con-
uenire, si materia turget. Quare idē Galenus concludit cauē-
dum maximè esse à medicamēto expurgante, cruditate in suc-
cis apparente, comparat enim humorum coctionem in venis,
coctioni inflammationis, nam quemadmodū quæ inflamma-
ta sunt ante coctionem neq; medicamento, neq; aliter soluun-
tur, etiam si inflammata particula per mediū fuerit incisa; tunc
enim nihil crudæ materiæ detrahi potest: sic in morborum ini-
tijs, cum crudus humor sit, nihil expurganti medicamēto eua-
cuabitur.

cuabitur. Dictam de inflammationibus sententiam proposuit Hippocrates quarto de ratione victus in acutis in hæc uerba. Quicumque phlegmone obcæsas partes medicamento, aut ferro soluere conantur, ij à parte intesa, inflammataque nihil auferunt, quin potius quæ morbo resistere possunt, & sana sunt, absumunt, & Galenus transfert sententiam ad omnes morbos, qui ex concoquenda materia pendent: præsertim quòd coctioni confert quies, & moderatus calor, purgantia autem medicamenta immodicè calida sunt, & vehementer mouent, quare nullatenus sunt exhibenda ante coctionem, etiamsi morbus vehementissimus, acutissimusque sit, nisi à turgentibus pendeat humoribus, qui tenues cum sint, & de loco ad locum impetu quodam, & concitato motu moueantur, medicamento expurganti cedunt, licet eorum coctionem semper natura intendat. Hanc confirmans sententiam Hippocrates dixit, cum morbi inchoant, si quid mouendum videtur, moue: Cum verò consistunt, ac vigent, melius est quietem habere, quam exponens Galenus, inquit, circa initia illorum morborum, in quibus speramus ægrotum conualiturum, tentandum esse maiora afferre remedia: de quibus Hippocrates dixit, si quid videtur mouendum, moue: sunt autem hæc, maximè venæsectio, nonnunquam verò & purgatio, quorum neutrum oportet morbo iam consistente adhibere, quia coctiones tunc maximè fiunt, & ut citius eueniant melius est in principiis partem turgentis humoris euacuare, quò minorem iam factam materiã natura faciliùs possit cõcoquere. Cũ enim turgēs humor in morbi principio à mēbrorum retentrice virtute cõtineri non possit, nõ solũ ob prauã qualitatẽ, sed ob nimĩã eius quantitã, hac minorata residuũ cõtineri, & cõcoqui poterit; quod in aliis humorib⁹ nõ turgentibus euenire nequit, quoniã in morborũ principiis interim dũ cõcoquantur, retinẽtur, si uerò qd educitur, nihil tũc excernitur nature rōne, docẽte Gal. quo tempore à causis morbũ faciẽtib⁹ natura grauatur: si adsit humorũ cruditas, tũc aliqd bene euacuari impossibile esse. Quã sententiã Salu⁹ interpretat esse verã, & itelligi debere d̃ euacuatione

Tex. 22.

In com. dista sent.

Docẽte Gal. 4. de rat. vi. in acu. com.

44

2. aph. secti aph. 29.

In com. 22. 4. aph. secti.

K

atque

Com. 2. tex.
45. & 46.

atque crisi perfecta, quæ fieri non potest, nisi præcesserit naturæ victoria; non autem de imperfecta, quoniam existente cruda materia fieri solet à natura utilis aliqua euacuatio, & ex cōsequenti iudicium ad bonum, licet incompletum. Dictam autem interpretationē colligit ex Hippocrate primo epidimion, dicente, coctiones celeritatem iudicij protendere, securitatemq; salubrem: cruda verò, & incocta, atque in malos abscessus conuersa, aut acrisias, aut dolores, aut diurnitatem, aut mortem, aut recidivas, vnde infert, si cruditates inter alia significant recidivas, necessariò prius inuerat crudorum humorum euacuatio, ægrumque à morbo liberauerat, succedente postea recidiva ob humorum prauorum reliquias post imperfectum iudicium. Ego tamen non video vnde valeat hæc consequentia, cruda significant recidivas, ergo præcessit crudorum humorum utilis euacuatio, imperfectum enim iudiciū ad salutem terminatum nunquam ex crudis fit humoribus, sed ex imperfectè coctis, tales enim in morbis reperiuntur, ut eorum aliqui facilius, alij verò difficilius concoquantur, & à natura superentur: quamobrem expellente natura, quos concoxit, & superauit, sublatoq; morbo, qui crudi remanserunt post imperfectum iudicium, eodem Hippocrate asserente, recidivas facere consueuerunt, sed ob id non sequitur, id quod præcessit utile iudiciū, crudorum humorum fuisse, ut Saluus opinatur: si enim crudorum esset, non conferret, contulit autem, quia ad bonam fuit iudicatio licet imperfecta; ex coctis igitur, non ex crudis humoribus iudicium fuit, imperfectum tamen, & non integrum, quæ enim iudicatur, & iudicata sunt integrè, atque perfectè, non esse mouenda præcipit Hippocrates, neque aliquid nouandum, siue medicamentis, siue aliter irritando; perfectam autem appellat Galenus iudicationem, plenam, & indeficientem, in qua cuncta bene procedunt, & cui nullus numerus deficit indicatorius: imperfectum verò, si quid deficiat, tuncque id, quod deficit, oportet adiungere, nam quæ post iudicationem relinquuntur recidivas facere consueuerunt. Quod verò Saluus asserit ex Galeno, naturam

in epi-

2. aph. sect.
apho. 12.

in epilepsia, & apoplexia, non coctionem, sed expulsionem humorum intendere, eamq; ob causam ubi princeps membrum ab acuto, & magno morbo offenditur, etiam si materia cruda sit, atque crassa, arte moliendam esse euacuationem per expurgans medicamentum, nihil profectò conuincit: nam vt Galenus refert, nulli mirum esse debet, si in epilepsia neruorū principium conuulsio motu concutiat, vt à se expellat quicquid fuerit id, quod à parte primò affecta ad ipsum effertur. Cum autem & subito fiat, & citò finiatur, aut sensu eorum, qui per consensum partis laborant fieri eam dicit, frigida aura conscendente ad cerebri ventriculos: aut propria passione pituitoso humore eosdem ventriculos irrigante, viamq; animalis spiritus quodammodo intercludente: quod si à frigida aura conscendente sit, certum est per resolutionem, euaporationemq; terminari, cerebro se se concutiente, atque sua expultrice vi eam expellente: si verò ab humore pituitoso, cum singulæ accessiones breuissimo tempore durent, pituita in flatu vertetur, disflabiturque. Quemadmodum enim sternutamentum (parua epilepsia cum sit) cerebro vel demorso, vel à flatu pituitæ distento concitari solet, id ipsum in integra epilepsia consonum est fieri, calore ventriculorum humores rarificiente, & in flatus conuertente, atque expultrice vi per insensiles vias expellente: at huiusmodi naturæ expulsio non arguit arte moliendam esse euacuationem per expurgans medicamentū, vt Saluus existimat, etiam si materia cruda sit, atque crassa: nō enim natura humores crassos, atque crudos epilepsiam concitantes per secessum euacuauit, quare nec ars, eius imitatrix cū sit, id efficit. Et multò minus, cū quis apoplexia laborat, id cōtinget; nunquam enim eo in tempore tentat natura humorū crassorum cerebri ventriculos replentium euacuationem per inferiora, quam efficere non valet; sed solum eorundem à ventriculis remotionem, ad vicinasque partes propulsionem, vt animalis spiritus interclusæ viæ referentur, quamobrem, neq; illorum humorum euacuationis gratia medicus purgationē tentabit, quam dum crudi sunt consequi est impossibile. Neq;

3. De loc. pā
ti. c. 1. & 2.
de symp. cau
cap. ult.

Loco citato

Authore
Hippocr. 7.
aph. 52.

1. epid. cō. 3.
 text. 28. &
 30 & 3. c.
 pid. c. 3. te.
 ill. 77.

historiæ, quas adducit ex Hippocrate, suæ fauent sententiæ, cōstat enim Metonem febre fuisse correptum, & per fluxum sanguinis è naribus die quinta iudicatum, eique non cōtigisse recidiuam, quia crebrò sanguis etiam post iudicium profluxerat etenim (vt Galenus refert) à solo sanguinis profluuiò, & iudicatus, & sanatus fuit, quamuis non omninò tuta signa haberet: habuit igitur aliqua ex parte coctionis signa ante iudiciū, quod ex eiusdem Hippocratis scriptura constat, pendebant enim subnigra disperfa in subnigra vrina, erantq; iam aliqua cocta, & si non perfectè, quorum natura per sanguinis fluxum è naribus fecit iudicium, ideoque res bene cessit: quæ verò cruda remaserunt post iudicium, & per tenues vrinas significabatur, ideo recidiuam non fecerunt, quia sanguinis fluxus perdurauit, & interim à natura fuerant concocta, & per conuenientem illam regionē euacuata. Præterea, mulier trimestri fetu grauida, cum febre fuisset correpta, & quamplurimis doloribus, symptomatibusque grauissimis circa multas corporis partes vexata cum quarundam earum conuulsione, magnisq; vigiliis, ac deliriis, & alui perturbationibus, sitique grauissima; & si vrinæ tenues erant, & non boni coloris, cum quinta die acutiori febre grauaretur, hypochondriorumq; dolore, ac planè deliraret, excrementaque alui biliosa apparerēt, nocte sudauit, & febre liberata est. Huic igitur mulieri (vt ex historia constat) turgenti humore laboranti (moueatur enim à parte in partē, grauissimaque eā concitabant symptomata) cum essent vrinæ albæ, & coloris non boni, tamen propter naturæ robur contigit superstitem esse, quòd nocte per sudores febrem discussisset, quod efficere valuit, etiā si crudi extitissent humores, propter eorum tenuitatem, facilemque de loco in iocū morionem, eos expultrice sua vi per cutis poros euacuans: non fuit tamen fidum iudicium, quoniam vt ex scriptura constat, & si per tres dies febris eam reliquit, quia quæ remansit materia nō erat cōcocta, & à natura superata, vndecimo redijt, & decimo quarto vomuit biliffa, flaua, copiosiora, denuoque sudauit, & perfectè liberata est: nā in venis, quæ erant (vt Galenus inquit)

melius

melius post quinti diei iudicium maturabantur. Non igitur ex hac historia quispiā vel mediocriter in Hippocratis, atque Galeni lectionibus versatus concludere poterit, nisi humores turgeant, ante coctionem utendum esse expurganti medicamento: & multò minùs ex adducta Periclis acutissimo morbo correpti, horrendi quidem rudibus, ceterum breui iudicandi prout dētibus, nam ut refert Galenus, cum sublienoso primo statim die de sinistra nare copiosius profluxisset sanguis, vrinæ item crassæ essent, & non consisterent, in periculo videbatur versari, cum verò altero die consisterent, melior erat de ægro spes: at postquam tertio die essent optimæ, & copiosissimæ vrinæ, clarum iam erat quarto die liberaturum hominem iri morbo. Optimè igitur Manardus, & Altimarus, atque ad Hippocratis, & Galeni mentem, solum eum esse turgentem humorem dixerunt, qui motu agilis est, inordinatèque de loco ad locum mouetur, ac proritatur, de eoque Hippocratis, & Galeni sententiā esse intelligendā, qua ante coctionem in morborum principiis purgandum docuerunt, licet ampliari, & extendi dicant ad eum humorem, qui vel multitudine, vel praua, & pestifera qualitate vrget, aut circa principem partem decumbit. Quorū recipienda foret sentētia, si dictus humor celeriter, & de loco in locum impetu moueretur, sic enim natura expellēte, & medicamento trahente, posset minorari: at cum crudus sit, neque celeriter de loco ad locum moueatur, eiusque coctionem à principio natura aggrediatur, & si medicamentum trahere sit aptum, nihil efficiet, naturali vi retentrice renitente: quam obrem, si quando ob prædictam vrgentiam medicamento expurgante uti cogimur in morborum principiis, non gratia expurgandi dictum humorem, sed reuellendi potiùs à parte præcipua, id efficimus. Hippocrates enim non reuit in morborum principiis medicamentis esse reuellendum, sicque in apoplexia, medicamento expurgante crassum humorem statim à cerebri ventriculis reuellere curamus, ut euacuato corpore, successione ad id, quod euacuatur, humor in parte contentus foras trahatur. Et hac rōne Hippocrates si lateris dolor affi-

3. epid. com.
3. com. 77.
1. aph. sect.
aph. 22.
duus

Lib. de viſt.
rat. in acut.
cō. 1. sex. 33

Lib. de viſt.
rat. in acut.
cō. 2. sex. 11.

Li. 5. de me-
tha. me. ca.
12. & 1. de
diff. feb. c. 12

1. De ſanir.
tuenda. c. 3.

1. de comp.
med. ſecun-
dum locos,
cap. 2.

duus est, calidisque fomentis non remittitur, sputumque non procedit, sed extremè citra coctionem glutinosum est, dolorem, vel alui subductione, vel secta vena, pro vtriusque exigentia soluendum esse iubet: quod non ratione euacuationis humoris in parte cōtenti, sed reuulsionis potius ab ea parte successione ad id, quod euacuatur fieri contingit. Exigentiam autem purgationis ostendit, ubi eas, quę sub septo trāſuerſo sunt partes dolor infestat, nullumque ad claviculam signum fecerit, quanquam Galenus semper venæsectionem laudat, quòd ex ea nullum, quemadmodum ex medicamento purgante periculum impendat. Similis est ratio de exhibendo purgāte auxilio iis, qui pestilenti febre laborant, non vt noxiis humor expurgetur, sed eam ob causam, quòd euacuato toto corpore per ventris fluxum, aut uomitum, præter quàm quòd humor à partibus præcipuis reuellitur, totum corpus exiccatur, exiccatio autem in pestilenti constitutione maximè desideratur. Adde in pestilenti febre aliquando humores ita esse corruptos, & putrefactos, vt omninò alieni à natura sint, quæ autè omnino aliena sunt (Galeno docente) naturæ suæ gratiam nō recipiunt, ideoque ea educere quamprimum est tentandum, dicti autem humores cū omnino putrefacti, & corrupti sint, nunquam a natura concoqui poterunt, quare eorum concoctio non erit spectanda, præsertim quod natura ipsa, quos humores concoquere non valet semper conatur expellere, quare, medicamento trahente adiuuanda erit: at Hippocrates nō esse mouenda cruda dixit, quia coctionem recipere possunt, cum autè ea, quæ omnino putrefacta, & aliena à natura sunt, coctionem non admittant, cruda nominari nequeunt, ideoque à principio euacuari debent: quod Hippocratis sententię non contradicit, quæ expectandam esse coctionem in humoribus docet, qui crudi cū sint coctionem admittunt. Et hanc ob causam Galenus in alopecię curatione, quę ex humorum viciatorum redundantia oboritur, statim incipiendum esse ab eorum euacuatione præcipit, dicens, eo modo, quo plantæ alię resiccatae corrumpuntur ob humoris inopiam; aliqua ve-

ro ob

ro ob commercium humoris ab ipsarum natura alieni; sic & capilli, aut propter humorum, ex quibus nutriri consueverunt inopiam, aut propter eorundem vicium accidir vt corrumpantur. Quamobrem cum in alopecia humores ita viciosi sint, vt concoqui non possint, neque à natura ad benignum redigi, statim purgandos esse præcipit, quemadmodum & succos tenues aquosos, quales sunt Hydropem ascitem gignentes, & alia quæcunque aquea materia, hæc enim cōcoqui nō possunt magis quàm aqua ipsa. Ex dictis igitur cuilibet manifestum iam erit, sub turgentie nomine hand contineri humores omnes tenues acutum morbum concitantes, aut venefica qualitate infestantes, seu crassos multitudine grauant, quod pro defensione Manardi, & Altimari, probandum suscepimus.

QVOD IN APHORISMO VIGESIMOTERTIO prima sectionis Hippocrates docuerit, quæ sit debita humoris, quæ euacuatur mensura per signa sumpta ex conferentia, & cōferentia, & Galenus in enarratione per ardentissimas febres non solas sinochas, sed etiam continuas ex bile sanguinis missionem ad animi deliquium postulare crediderit.

Depulsio decimatertia.



NON promptam eorum, quæ euacuantur quantitatis phantasiā oportet attendere (vt Galenus exponit) in quauis euacuatione, siue à natura, siue ab arte fiat; sed duas duntaxat notas, si qualia oportet euacuentur, & si facile tolerant ægrotantes. Vbi igitur quantitas aliqua humoris fuerit excreta, non pro multitudinis ipsius ratione optimam fuisse euacuationem iudicandum, nisi sit eius humoris, qui sua qualitate molestat, & adsit ægrotantis tolerantia, ideoque Hippocrates dixit. Deiectiones non multitudine sunt æstimandæ, sed si talia deiciantur, qualia conueniunt, & ægri facile tolerant, qualitatem enim molestantis humoris venari

23. aph. 1.
sect.

3. aph. 1. sec. nari docuerat ex tolerantia facilitate, quia verò ad quantita-
tem debitam dignoscendam nullum tale inditium haberi po-
tuit, ob hanc causam nobis dedit Hippocrates de eadem qua-
ritate indicandi viam, ex eadem cōferentia, & tolerantia, quā
in percipienda humoris qualitate proposuerat: ita vt commu-
ne inditium sit facilitas tolerantia ad debitam humoris, qui
euacuatur tum qualitatem, tum etiam quantitatem cognoscē-
dam. Vnde infert in secunda aphorismi parte. Atque vbi vsq;
ad animi defectionem expedit ducere, faciendum si æger pos-
sit tolerare. Quasi dicat, euacuationem humoris redundantis
quantitati respondere oportere, atque ita ad animi vsque de-
fectionem, vbi expedit, faciendam, si vires tolerant. Vt enim di-
ximus in secunda depulsione, Galenus vniuersaliter de omni
loquens euacuatione ægrotantis vires considerare iubet, &
interim dum tolerant, nec laborant tentandum esse superabū-
dantem humorem educere; cum verò resoluuntur, ab euacua-
tione abstinendum. Ex dictis manifestum est in vigesimoter-
tio aphorismo primæ sectionis Hippocratem voluisse mon-
strare debitam humoris, qui euacuatur mensuram per signa
sumpta ex conferentia, & tolerantia, vt Galenus exponit, quē
sequutus est Montanus: ideoque reiicienda Salui sententia as-
serentis Hippocratem dicto aphorismo euacuationis partitio-
nem docere, ob oculos ponens quādo partitam facere vacua-
tionem expediat, & quando integrè peccans humor sit educē-
dus. Verum dicta interpretatio expositioni Galeni contradic-
cit, & eo magis quòd idem Saluus asserat Hippocratem dicto
aphorismo significare voluisse, in euacuatione facienda medi-
cū debere ad duo respicere, vt humor scilicet, qui peccat edu-
catur, & virtus euacuationem facile toleret: si enim aphorismi
litteram perpendamus, ex tolerantia, quæ sequitur post eua-
cuationem, vel in ipsa excernendi actione, in dicat Hippocra-
tes debitam humoris peccantis quantitatem fuisse euacuatā,
vel euacuari; non igitur agit in prima aphorismi parte de eua-
cuatione facienda (nulla enim ratione fieri poterit vt qui eua-
cuandus humor est, conferentiam, & tolerantiam virtutis
referre

referre possit, ante quàm euacuetur) sed de ea, quæ efficitur, aut quæ iam facta est, ad quam sequitur tolerantia, & conferentia. Et ex hoc inferitur in secunda aphorismi parte, quòd ubi multa redundat humoris quantitas eousq; euacuandum, donec totus redundans humor euacuetur, etiam si ad animi usq; deliquium euacuatio fiat, dummodo vires possint tolerare, id est, interim dum adest conferentia, & tolerantia. Ea enim, quæ fit animi defectio ratione euacuationis, ab Hippocrate proposita est tanquam mensura euacuationis, & in maximis inflammationibus, & in ardentissimis febribus, atque vehementissimis doloribus, oportet enim viribus integris, atque valentibus tantam moliri euacuationem, quantam ipsæmet vires ferre, & tolerare possint, adhibita tamè distinctione (vt Galen⁹ refert) an mittere sanguinem, an purgare oporteat usq; ad animi deliquium, nam de purgatione (eo quod non est in manu nostra sistere medicamenti operationem ubi velimus) omnes consentiunt nullatenus esse faciendam ad animi usq; defectionem, admittunt tamen extremam sanguinis missionem in tribus propositis, nempe in vehementissimis doloribus, maximis inflammationibus, & ardentissimis febribus. Et per ardentissimas febres Montanus intellexit non modò ex bile ortas, sed sinochas ex putrefacte sanguine, quem Saluus redarguit, affirmas Galenū significasse eas solum, quæ à sanguine, non quæ à putrefacta bile incendantur, in quibus copiosam venæsectionem, & ad animi defectum haud conuenire concludit, tum quia pertimescendum ne bilis effrenis fiat educto sanguine, tum etiam, quòd humoribus plurimum à natura sanguinis recedentibus (quales biliosi sunt) cauendū à venæsectione sit, & eo magis, quòd biliosa repletio potius euacuationem per expurgans medicamentū, quàm per venæsectionem desideret; sicq; dum Galenus sanguinis missionem ad animi defectum in ardentissimis febribus commendat, interpretatur Saluus de sinochis, quæ continetes appellantur, ex eo quòd maximum remedium continentium febriliū esse dixerit, ubi valentes vires fuerint: inde infert, in solis continetibus (quales biliosæ nunq; sunt) hanc euacuationem probasse,

Fol. 345.

*Defenditur
Montanus.*

basse, easq; ardētissimas nūcupasse, q̃a aliarū nullis, quā his copiosior sit calor, etiā si mordacitate à biliosis superētur. Nos tū vera Montanū protulisse asserimus, & venæsectionē ad animi deliquium in ardentissimis quoq; febribus ex bile (modò vires adsint) conuenire existimamus, & eo magis, quòd ardentiores sint; non enim video cur ardentissimarum nomine à Galeno etiam non complectantur, qui venæsectione ad animi defectum non solum propter sanguinis euacuationem in ardentissimis febribus vsus est, sed propter eam; quæ sequitur refrigerationem, qua facultas calida intemperie penè confecta recreetur, & refrigeretur; atque ita deinde, aut alium fluere fa-

*In enarra-
tione dicti
23. apb. 1.
sect.*

ciat; aut vomitum; sudorem uē copiosum excitet, quò febris extinguatur: quod idem Galenus his verbis confirmat. Nam & in ardentissimis febribus si vsque ad animi defectionem sanguis mittatur; statim totius corporis habitus refrigeratur, & febris extinguitur; plurimis etiam aliis citatur, & sudores emanant; ac quidam eorum ex his sanitati prorsus sunt restituti; alij valde adiuti vehementiam ægritudinis absciderunt. Vt usurpatur igitur à Galeno venæsectio ad animi defectum, vt refrigerans auxilium, at verò nullum est dubium magis opus esse refrigeratione in causo bilioso, quàm continente febre, quam obrem venæsectio ad animi vsque deliquium non minus conueniet in biliosa continua, quàm in continente febre.

*Li. de curan-
di rōne per
sanguinis mis-
sionem c. 12.*

Præterea idem Galenus ubi feruentis sanguinis copia acutissimam cōcitauerit febrem; statim ad animi defectum moliendam esse euacuationem suadet; priusquam in præcipuam aliquam partem cum impetu decumbat; sed constat quantò maius periculum decumbendi in præcipuum membrum ex bilis; quàm sanguinis feruore impēdeat; eo quòd tenuior, mobiliorq; succus sit, hac igitur ratione nihil minùs biliosa continua; quàm continens ex sanguine dictam euacuationem postulabit. Neq; pertimescendum est bilim fieri effrenem educto sanguine in continuis febribus, quæ putrescentem in vasis bilem habent; cum sanguis sine bile non prodeat, neque syncerior post sanguinis euacuationem bilis remaneat. Præterea bilioſe febres conti-

nuæ,

nuæ, quæ sanguinis missionem ad animi defectum postulant, non ex adeo exquisita bile constant, vt dictam euacuationem renuant, habent enim alios humores permistos cum bile, licet à prædominio biliosæ dicantur, sicq; non valde recedunt à sanguinis natura: tales quoque febres sunt, & quæ cum carbunculis consistunt, quibus etiam hoc auxilium conferre docuit Galenus in libro de medendi methodo. Et licet in biliosa repletionem potius expurgatio, quàm venesectione conueniat; in febris quæ ab ea exoritur initio, potius venesectione vt refrigeraus auxilium competit, quàm medicamentum expurgans, quod suapte natura calidum est, febremq; adauget, nō educto humore qui morbum concitat, propter eius cruditatem educationi inepto.

Quamobrem amplectendam Montani expositionem existimamus, Saluiq; omnino explodendam, cum eius rationes nihil conuincant.

Lib. 14. c. 10

IVLIO IASOLINO

MEDICO DOCTISSIMO,

ET ANATOMES PROFESSORI

DIGNISSIMO,

ANTONIVS ALVAREZ S.P.D.

IMPROBANTVR PLVRIMA A IVLIO IASOLI-

no de adipis, & pinguedinis natura, & eorum discrimine,

deq; poris colidachis. Vesalius etiam, & Mu-

sa atq; Phucsius defenduntur.

EPISTOLA SECVNDA.



V. Mutuam epistolam de cordis adipe ad Bernardinum Longum doctissimum medicum, & philosophiæ eximium professorem conscriptam perlegissem Iuli eruditissime, & discrimen à te propositum inter adipem, & pinguedinem intellexissem: non potui non admirari quòd pinguedinis naturam ab ea, quæ in adipe, seu seuo consideratur longè di-

stinctam existimes, dicens *σπινθη*, quæ latine interpretatur pinguedo, improprie, & genericè ad adipis, seu seui nomē adaptari, quod *σπιν* Græcè dicitur, quasi & Græcè, quemadmodum & latinè pluribus nominibus eandem rem nominare non possumus? Pinguedo enim & adeps idem prorsus sunt rei essentia, & quiditate, licet secundū magis, & minus differre videantur: cum pinguedo molliorem, & humidiorē substantiam, adeps verò, seu seuum, minùs mollem, & minùs humidam representet: magis autem, & minùs speciem nō variare omnes dialectici, & philosophi asseuerant. Malè igitur apud Græcos te observasse dicis, pinguedinem improprie, & genericè adipē nuncu-

pari:

*Pinguedo,
& adeps
idem sūt rei
essentia.*

pari: nam quod genericè dicitur, non improprie tale est, homo enim secundū genus animal dicitur, & proprie animal nūcupatur, cum vera animalis definitio illi competat. Qua ratione si pinguedo per te genericè adeps est, non improprie (vt dicis) sed propriissimè talis erit. Valebit igitur hęc ratio ab inferiori ad superius, est pinguedo, ergo adeps, non ecōtra, est adeps, ergo pinguedo. Contrarium tamen voluit Galenus loco à te citato de pinguedine & adipe, vbi indifferenter quamuis oleosam, & pinguem in animalibus substantiam omnem, modò adipem, modò pinguedinem posse appellari affirmat, vt plerique medici facere consueuerunt: quod etiam nobis licere dicit. Ex quo loco nescio quomodo potuisti colligere eos falsa proposuisse: nam & si ex illorum mente hęc tradiderit Galenus, iam cum illis nobis licere quamuis oleosam substantiam, modò adipem, modò pinguedinem appellare posse affirmauit, dum inquit. Sed & pinguedinem appellare totum hoc genus licet: nō tamen licet citra mendacium adipem caprinum humidiorē esse dicere, quā suum. Quod idē est ac si affirmet ex propria sententia verum esse dicere, quamuis oleosam substantiam sine discrimine nunc pinguedinem, nunc adipem posse nuncupari, cum rei essentia, & quiditate idem sint, & pro vna, & eadem reputentur re, licet secundum magis, & minus (quæ speciem non variant) differre videantur: secus quā si quis proferat adipem caprinum humidiorē esse quā suum, quod citra mendacium dici non potest. Ad hęc, per vniuersam prædicti capitis lectionem sapius pinguedinem ipsemet Galenus cum adipe confundit, dum inquit adipem anserinum quæ in alto corpore mordicant magis obtundere, sed & suillo calidiorē esse, horum tamen in medio existere gallinaeorum adipem, ac gallinarum: & tamen secundum tuam sententiam omnium horum animalium (quia humidiora sunt) oleosa substantia, potius pinguedo, quā adeps foret nuncupanda: quia verò inter se nō differunt rei quiditate, & essentia pinguedo, & adeps; nihil mirum quod à Galeno prædicta oleosa substantia modò adeps, modò pinguedo nuncupetur.

Quod

*Nihil & v
nerice dici-
tur improprie tal: est.*

*II. d. simp.
med. fac.*

Cap. 13.

Cap. 10.

Quod ipsius verba paulò infra proposita in hunc modum testantur. Hoc autem sermonis caput commune est, cuius meminisse oportet, pro animalium temperatura semper existere differentias eius, quæ in illis est pinguedinis, aut adipis, aut quocumq; modo appellare licebit totum hoc genus corporis in animantibus, oleosi, & pinguis, & subdit statim, differentias, quæ sunt cuiusq; singulatim, in maioris, minorisq; ratione esse. Quibus utique verbis certum est, pinguedinem, & adipem pro eadem re reputari, & solum differre eiusdem temperamenti qualitatibus intensioribus, aut remissioribus, & talis differentia consideratur in maioris, minorisq; ratione, quæ rem ipsam non variat. Neque huic sententiæ contradicit Galenus tertio de alimentorum facultatibus agens de pinguedine, & adipe dum inquit, utrumq; quidem oleosum esse, humiditate tamen, atque siccitate inter se differre, quoniam pinguedo humida quædam res est oleo longa vetustate incrassato assimilis, adeps verò pinguedine multò est siccior, ideoq; si calfactū ipsum fundas, coit facile, ac concrescit. Quinimo eadem Galeni verba nostram confirmant sententiam, & eandem prorsus rem pinguedinem, & adipem esse ostendunt, cum quòd non à natura sua differre affirmet, sed duntaxat intensiori, aut remissiori humiditate, tum etiam quòd paulò supra agens de spinali medulla dixerit, eiusdem cum cerebro esse generis, ac naturæ, nisi quòd ipso multò est durior, potissimum in infernis spinæ finibus, quantò enim à cerebro abscedit, tantò magis durefcit: durities tamen, aut mollities cum accidens quoddam sit, rei naturam non variat. Nam quemadmodum musculorum caro cum una, & eadem sit in omnibus animalibus, propria carnis essentia, & quiditate, alia humida, mollis, laxa, rara, aut spongiosa est, alia è contrario, sicca, dura, astricta, densa, aut compacta, non ob id profectò cuiusdam ea diuersi generis est, aut naturæ: similiter pinguedo, & adeps, licet intensiori humiditate, aut siccitate, laxitate, aut densitate aliquod subeant discrimen, rei essentia, & quiditate non differunt: quinimo pro eadem re reputantur, & vna substantiæ ratione comprehenduntur.

Hinc

Hinc est quod Aristoteles à te adductus in cornigeris, atq; iis quorum sanguis crassior est, *στεαρ*, hoc est seuum, seu adipem, in his verò quorum sanguis dilutior, aut serosior, *πιμελιν*, hoc est pinguedinem, non adipem generari affirmet, non in rei substantia, sed in crassiori, aut dilutiori sanguine (quod accidens quoddam respicit) differentiam proponens. Cuius rei gratia nihil mirum quod Galenus, Paulus, Aetius, & alij clarissimi medici sæpius pro pinguedine adipem, & pro adipe pinguedinem sumant, Cum vtrumq; oleosum, & pingue sit, & tantum crassitie, aut mollitie distinguantur, quod rei substantia non adimit. Et hanc ob causam Andreas Vesalius pinguedinem, seu adipem, Græcis *πιμελιν* nuncupari dicit, pro eadem re vtrumq; reputans, dum in hunc modum inquit. Ex venis enim compluribus, & arteriis (si quæ reperiuntur) membranam perreptantibus, atque inter illam, cutemq; pro pagatis plurimus sanguis refudat, membrane frigiditate, calorisq; (vt credimus) inopia in adipem, seu pinguedinem, aut vt alij etiam in cornutis animalibus vocant axungiam, degenerans. Est nanq; hæc adipis, ad vniuersi corporis membranas, ligamēta, & (vt semel dicam) ad omnia sanguine indiga, frigidaq; corpora generationis ratio, videlicet, quod ex venis emanans sanguis frigus vi congeletur, illisq; adhæreat corporibus, & albescat ex eorum natura quibus apponitur, eo quod alba, nec carnis modo rubra sint. Omnia enim quæ in nostro corpore ab aliquo mutantur, mutantis, alterantisque colorē etiam sortiuntur. Quamobrem si causam materialem, efficientem, & generationis modum consideres, eandem prorsus rem pinguedinem, & adipē, atque axungiam existimabis, modò apud Græcos nomine *πιμελιν* aut *στεαρ* nuncupentur. Quæstio enim de nominibus inutilis est Galeno auctore loco a te citato, nam dum res intelligatur, hoc vel illo nomine nuncupetur nihil refert. Nominibus enim neglectis, si Platoni, Galenoque auscultas, ad rerum scientiam primùm & præcipuè incumbendum: siquidem intelligens quiditatem, & essentiam vretetis, uel vasis urinarij, modò meatum, aut vas nomines, parum interest: non enim à nomine,

2. de part. anim. c. 5. & 3. de nat. animalium.

Paulus li. 1. c. 85. & Aetius tetrab. l. c. 152.

Li. 2. pag. 26

Pinguido fit ex refudante ex venis sanguine, membranas frigore in crassum.

Quæstio de nominibus inutilis.

6. de anat. adm. c. 13.

9. et de sym.

diff. c. 4.

Li. 20. q. in-

scribitur

charmides,

seu de tēpe-

rantia, fol.

282.

Vide Gal. 16

de v. sup. art.

c. 2. et in cal-

ce 1. lib. de

temp.

Pro vario

partis, cui

pinguedo in

est, tempera-

mēto, et cras-

siori, aut te-

nuiori san-

guinis sub-

stantia adeps

mō durior,

modo mol-

lior est.

Quę frigore

cōdēsantur,

calore li-

quescent.

Cur pingue

do circa par-

tes calidio-

res minor,

minus pin-

guis, & cras-

sior euadat,

q̃ circa par-

tes minus

calidas.

Adeps ignei

caloris pa-

bulum est.

mine, sed à re doctrina scientifica comparatur: Plato enim cōcedit pro arbitrio nominibus vti, modo id declares, quid nomine quoque significare velis. Cū igitur apud omnes in cōfesso sit, adipem, siue pinguedinem, vel axungiam, aut seuum ab exudante in venis sanguine, & membranarum frigore incrassato, mutantisq; corporis colorem mutuante propigni, nil mirum quòd pro vna, & eadem re reputentur, & par generationis ratio in omnibus animalibus consideretur: nisi quòd pro varia sanguinis eorundem crassiori, aut tenuiori substantia, & partis cui pinguedo hæret temperamēto, modò durior, modò mollior euadat: quod accidens quoddam est rei naturā non varians. Hinc est quòd in eodem animali adeps, modò durior, modò mollior appareat, cū alia parte sanguis tenuior, alia crassior reperiatur, & partis temperamentum nunc calidius, nunc frigidius sit, ita vt differentia percipiatur ex sanguinis, & loci in quem fluxerit natura. Vnde fit, vt alius adeps, alio; in diuersis animalibus, vel in eodem crassior, sicciorque vel tenuior, atque mollior deprehendatur. Et ita in homine qui natura sua humidissimus est, adeps tum mollior, tum durior reperitur ratione naturæ sanguinis, & loci in quem fluxit, & copiosior in eo coaceruatur, quàm in aliis siccioribus animalibus. Eadem enim sanguinis quantitas è venis resudans si in frigidiores membranas decidat, maiorem, pinguiorem, & tenuiorem adipis copiam generabit, si in minus frigidas, seu calidiores, minorem, minus pinguem, & crassiorē procreabit. A frigore enim cogi oleosam illam sanguinis substantiam certum est, quare à calore calfacta liquabitur cæterorum coagulatorum ritu, quinimo, & pars tenuior faciliori negotio ab eodem calore, cuius est pabulum, consumetur. Quamobrem contingit dum talis substantia à frigiditate membranarum circa partes calidiores existentium concrevit, minor, minus pinguis, & crassior euadat, consumpta à calore partis circumiacētis humidiori, pinguiori, & tenuiori, relicta crassiori, quę postea, non caloris, sed frigoris vi tunicarum, quibus adhæret, cōgelascit, & durior efficitur. Hinc est quòd prouida natura ultra alios

alios vsus pro ignei caloris pabulo adipem constituerit. Videmus enim Galeno auctore, ob vehementer calidas causas pinguedinem absumentes, homines graciles euasisse: calidior enim, sicciorque temperies exile corpus reddit. causam autē assignans, hāc esse ait, quòd quidquid in sanguine, pingue, leue, & tenue est, id in calidioribus corporibus alimentū quoddam calido fit: hinc est quod in illis, minor, crassior, atque durior adipis copia, quā in frigidioribus coaceruetur; imo si ad calorem tanquam ad efficientem causam esset respiciendum, dicebat Galenus, neque circa iecur, neque circa arterias, venasque, aut cor, neque circa aliam vllam præcalidam particulam adipem coire, calidum enim, quā calidū potius liquat, atque consumit adipis substantiā, quā vt illam seruet, atque incrasset. Generatur verò adeps in omento, & circa venas, & arterias in eo existentes teste eodem Galeno, nō quā particule calidæ sunt, sed quā tunicas habent frigidiores, quarum frigore oleosa sanguinis substantia resudans congelatur, & in adipis naturam vertitur: quemadmodum & renes (cū tamen calidissimi sint) adipe vndique circumducti reperiuntur, Vesalio enim docente, exterior renum tunica ipsis instar inuolucri circumquaque obducta à peritoneo humiliorem septi transuersi sedem succingente principium ducens, frequentibus venis instar omēti intextitur, multa pinguedine (vt & illud) abundans, quæ tamen non ob renum, aut venarum, seu arteriarum calorem concrefcit, sed propter materiam redundantem, & membranarum frigiditatem, quæ ipsam coire facit.

Par est ratio circa adipis generationem in cordis basi, refert enim Vesalius, membranam tenuem cordis extimæ superficiei obduci, cui in hominibus, præcipuè ad basim, durioris adipis copia obnascitur, aliquando & per reliquam cordis superficiem ad mucronem vsque, secundum venarum, & arteriarum per cordis corpus dirgeffionē, ibi enim copiosior adipis portio inest, quemadmodum in omento, & membranis thoracem intersepientibus accidere conspiciamus; quòd etiam confirmat his verbis. Cor in cōtinuo variatur motu, nec dum

14. meth.
cap. 15.

2. de temp.
cap. 4.

1. de temp.
cap. vlt.

quomodo generetur adeps circa calidas particulas explicatur.

4. de v. sup. ar.
c. 9. & 11.

li. 5. c. 10.

6. li. c. 10.

eodem li.
cap. 8.

M viuic

viuit animal vnquam vel momento quiescens, caldissimum viscus meritò censetur, igitur cur minus non madore duntaxat, vt reliqua omnia, sed & aquam à natura ipsi priuatim eiusdè vsus gratia largitam nanciscetur? & subdit, neque hic memouet, quod quis vnde hæc aqua calidissimo visceri affundatur, interrogare possit: quum præter adipem, quo humanum corpus in primis scatet, madorem in reliquis nuper commemoratis partibus, atque sedibus animaduertamus.

1. de temp,
cap. 3^o lt.

cur ad ept in
cordis basi
contētus ab
ingenti cor
dis calore nō
cōsumitur.

li. 1. sue me
dicinæ cap.
15.

Fernelius de
fenditur à
calumnia.

Ex dictis tollitur Galeni contradicctio, & manent interpretata ipsius verba à te proposita in fine epistolæ primæ ad Bernardinum Longum cōscriptæ, præsertim quòd aquæ in pericardio contentæ, & tunicæ cor circumuoluentis naturalis frigiditas, aliarumque circumiacentium, simul cum ipsius cordis corporis humiditate, faciunt quominus ab ingenti illius caliditate copiosa adipis materia consumatur, resoluta duntaxat portione aliqua tenuioris, ac magis oleaginosa adipis substantiæ, quæ tanquam caloris cordis pabulum magis accommodatum primò ipsi sese offert depascenda, manente crassiori, & terrestriori, quæ postea frigoris vi congelata necessariò respectu materiæ crassioris relictæ, durior fit, & apparet. Et saltem hac ratione meritò damnandus venit Fernelius vir vnde quaque doctissimus, cum adipem circa cordis, basim, & pericardiū contentum molliorem affirmat: non autem quòd minus adipis congestum in corde existimet, quàm congestisset si adeò calidum viscus non extitisset, aut quia adipem cum pinguedine confundat, & postea seuum ab adipe disjungat; rei enim natura idem prorsus sunt, licet secundum magis, & minus differre videantur.

6. de usupar.
cap. 17.

Neque dicendum est adipem in cordis basi cōtētum ideo crassio rem, ac durio rem esse, quia (vt asseris) ex crasso sanguine cor nutriente orrum ducat, fretus autoritate Galeni dicentis, Propterea quòd corpus ipsius cordis crassū est, atque densum cibo egere crassiori, ob idque sanguinem ducere è vena caua, quo nutriatur, priusquàm ea ad cor immigret: cò enim cū peruenisset, calidus, tenuis, & vaporosus futurus erat. Cum enim

enim quale est vnumquodque, tali ipsum nutriri alimento oporteat, iure optimo cor quidem crasso, pulmo autem vaporoso sanguine indiguit. Verum his verbis non absolute sanguinem cor nutriente crassum, & terreum nuncupauit, sed respectu eius, qui pulmonem nutrit, qui magis tenuis, & vaporosus est. Certum enim est, sanguinem in caua vena contentum, maxime cum cordi propinquior sit, ab excrementis expurgatum puriorem, & tenuiorem esse, quam dum in infernis partibus, ut in iecinore, vena portæ, & meseraicis venis, atque illis quæ iuxta lienis substantiam sunt, continetur: & saltem hac ratione adeps, qui ex tali sanguine cor nutriente generatur, mollior futurus erat, quam qui ex crassiori circa inferiores partes oboritur. Addenda igitur est prædicta causa à me assignata, quod consumpta parte tenuiori oleaginosæ sanguinis substantiæ ab immodica cordis caliditate, quæ remanet multò sit terrestrior, & postea frigoris vi concreescens, crassior, & durior efficitur. Cum itaque oleosa, & pinguis adipis substantia, quæ in corde est, pabulum ipsius caloris sit, ne interim dum eam depascit, natua humiditas consumatur, & cordis corpus exsicce-
tur, nihil mirum quod eundem usum illi tribuas, quem Galenus generauit (præter alios) omni adipi tribuerat, dū inquit. Porro ipsius origo, atque utilitas hæc est. Generatur ex sanguinis parte pinguiori per tenues venas effusa, affusa autem ficcis corporibus, atque tenuibus, ut ea ipsa corpora pingui natuo humectet, quæ celeriter in diuturnis inedijs, ac vehementibus exercitationibus, & caloribus immodicis exsiccantur, atque indurescunt. Cum igitur dictus adipis vsus à Galeno primum fuerit inuentus, non est quod in fine epistolæ secundæ de cordis adipe ad eruditissimum Antoniū Pisanum medicinæ professorem cōscriptæ, à nemine vnquam patefactum fuisse dicas: præsertim cum & si cor caldissimum nostri corporis viscus reputetur humidum etiam illud esse ait Galenus, dum cutim in mediocritate inter siccitatem, & humiditatem constituit, & statim profert, cor paulò quam cutis minus esse durum, atque ita magis humidum, quantò scilicet cute est mollius. Ut igitur

cur adeps in
cordis basi
contentus,
crassioris ac
durioris sit
substantiæ.

16. de vsu
part. c. 2.

origo et uti-
litas adipis.

adipis vsus
à Galeno in-
uentus.

cor humide
est.

in fine lipi-
mi de cent.
cor magis
humidum
quàm cutis

in suo debito temperamento cōseruetur cor, & ne quia in continuo versatur motu, neque dum viuit animal vel momento quiescit, ingenti sua caliditate exsicceetur, natura sagax nō modò adipis sufficientem quantitatem in quem agat illi pręstitit, sed & madorem, atque priuatim aqueum humorem in pericardio eiusdem vſus gratia largita est, quo semper cor maderet, ne forte ut inquit Fernelius, ardore assiduo torreretur.

aqua in pericardio cōtentæ vſus.

li. 1. suæ medicinæ. c. 8.

Defenditur Vesalius, asserens appendices, nō esse opercula ossium inedullam cōtinentium.

li. 1. c. 3.

In nominum obscuriorum, quæ ad ossa pertinent enucleatione Vesalium damnas, quòd appendices cum Galeno ossium sinuum medullam continentium opercula esse non crediderit; id autem experientia ductus non effeceris, quæ manifestè docet, quamplurima grandia ossa sinubus, quibus medullosa substantia contineatur, carentia, appendices habere, qualia sunt ilium, coxendicum, scapulæ. & costarum ossa, quę cū habeant appendices, nullis amplis sinubus medullam recipientibus donantur, quorum opercula esse possint.

Quinimo ut Vesalius inquit, uertebrae, & puerorum dentes, qui etiam appendicibus decorantur, non solum indicant ossa his sinubus destituta appendices obtinere, verum etiam argumento sunt, non solum grandibus ossibus naturam appendices dedisse; tametsi oppositum Galenus asseruisse uideatur appendices magnis tantum ossibus ascribens. At nō modò grandiorum plurima sinum habere, verum & paruorum aliqua, ut pedij, post brachialis, & digitorum, manifestum est, atque ex his potissimum primæ, & secundæ acies:

lib. de ossib⁹

1. de vſu par.

c. 15, & 2.

li. commentarij in lib.

Hip. de fract

suspecta est Galeni sententia dicentis, digitorū ossa solida esse & medullæ expertia.

licet Galenus ossa digitorum solida, ac densa, & medullæ expertia cōstituerit, propterea quòd externis iniurijs magis obnoxia sunt, quàm reliqua ossa, ideoque naturam prouidam, ne faciliè paterentur, ita ea construxisse inquit, ut melius eis, quæ extrinsecus eueniunt, obuiare possent: cū sibi id carnis propugnaculum deficiat, quod commune est reliquis ossibus. Ceterum hæc Galeni sententia suspecta est, cū mihi experienti comprobatum fuerit, & discipulis sæpius demonstrauerim (dum in complutensi, ac pintiana schola inter alias medicinarum partes anatomem docerem) contractis primis, ac secundis digitorum

gitorum

gistorū ossibus, sinus manifestos, atque medullosos obtinere. Neque ob id difficilius resistunt, cum pro sua magnitudine debitam densitatem, atque crassitudinem illis natura concesserit, quæ inter se proportionem respondent: hæc autē ossa appendices habent, quæ tamen opercula cavitatum non sunt, cum cavitates in ossium soliditatem desinant, antequam appendicibus, seu additamentis decorentur.

Quod autem pro Galeni tutela asseris, cuncta ossa, vel medulla, vel succo consimili nutrirī, quæ vel in magnis, aut exilibus, & angustis cauernulis detinentur, nos etiam non negamus: verum quia rara, & laxa sint aliqua, & interiori pumicis modo constructa, non ob id medullam profluere cōcedimus, nisi appendicibus pro operculis muniantur. Nam & si ossa interiori laxa sint, & rara, exteriori tamen duriori crusta inducuntur, quæ exitum medullæ, aut simili succo non permittit, eisdem enim cauernulis ossium additamenta intus prædita sunt, quibus similis continetur succus; foris verò compactam habent superficiem, quæ eum exire non sinit. Non igitur eam ob causam appendicibus decorantur ossa, ut sinuum opercula existant.

Quod verò addis, maxillam inferiorem medullosam esse, processum tamen nullū habere, cum densior sit, quam ut processu indigeat, absurdum sanè mihi videtur; quandoquidem non modò veritati, verum Galeno ipsi repugnas, qui in duos processus inferiorem maxillam supra desinere affirmat, quorum alter ceruix, alter coroni nuncupatur. Subiungis deinde, cum in osse laxitas simul, ac cavitates adsunt, protinus videri caput quoddam ad finem eius adnatum. Cum autem eodem Galeno auctore ossis tuberculum caput nuncupetur, quod alterius ossis cauum, articulationis, motusque arbitrarij ratione subintrat, nō statim laxitati, & cavitati ossi (ut dicis) adnascitur; sed prius ante caput ipsum sese offert ceruix, seu processus, qualis reperitur in osse femoris desinens in caput, quod coxendicis ossis sinui inferitur. Nisi velis processum, aut caput appendicem, seu ossis additamentum nuncupare; id autem esset diversa nomina cōfundere, & dum ea enucleare contendis, ob-

li. de ossi. c. 1.

maxilla inferior: duos habet processus.

li. d. ossi. cap. 1.

scuriora

3. libro.

vsum appen-
dicum.

scuriora reddere. Manifestum igitur ex dictis est, appendicum
vsum nō esse, quòd sinuum opercula sint, vt rectè Vesalius an-
notavit; conferre tamen ad commodam articulationem, & of-
fii cōmissuram simul cum suis processibus, & ad multarū par-
tium exortum, aut insertionem, non est qui neget, nec ipse Ve-
salius negavit. Si enim ossa nullibi additamēta haberēt, quib⁹
extuberarent, nec collium ritu educerentur, ac rursus vallium
modo exculperentur, paucissima ex ipsis nasci, ipsifque inseri
possent. Quin etiam ossium epiphyses propugnaculi vsum prę-
bere, scapularum, & vertebrarum additamenta demonstrant.
Ego vir eruditissime ex his sum, qui Galenum magnifacio, &
velut eximium præceptorem veneror, sed in rebus anatomi-
cis non ita sum eius sententię addictus, cui experiētia contra-
dicit: amicus enim Galenus, sed magis amica veritas.

In tractatione de poris cholidochis, & vesica fellea, Anto-
nium Musam, Fuchsum, & alios doctissimos viros damnas,
eo quòd malè Galeni verba libro de atrabile fuerint interpre-
tati, dum colligunt, non solum porraceam bilem in ventricu-
lo generari, verum etiam & æruginosam, atque eam, quam isa-
todem nuncupamus. Eos autem bene collegisse, ipsius Galeni
verba si rectè perpendantur, satis demonstrant, dum inquit.
Ipsa verò bilis, seu pallida, seu flava, seu vitellina visatur, gene-
rationem in vasis obtinet. Subdit deinde, in ventriculo autem
alia quædam porracea gignitur (sic enim eam à porrorum co-
lore denominantes vocant, sicut æruginosam quoque, quòd
ærugini similis conferatur) est & quædam isatodes dicta bilis,
ab isatode casum colorem referēte. Quod idem est ac si dixis-
set, quemadmodum bilis, modò pallida, aut flava, seu vitellina
fit (sumpta denominatione à colore pallido, aut flavo, aut ab
eo, quem ouorū vitella representant) in venis, & iecore, quod
quamplurimis vasis refertū est, generatur, sic altera bilis, mo-
dò porracea fit à colore porrorum, modò isatodes à æsio, aut
æruginosa ab æruginis colore dicta, in ventriculo procreatur,
& fit; & ita Galeni verba sunt interpretanda, sicut bilis pallida
flava, aut vitellina generationem in vasis obtinet, ita in ventri-
culo

Antonius
Musa, &
Fuchsius à
calumniā
vindicantur.

explicatur
Galeni ver-
ba, de atra-
bile, de bilis
speciebus.

culo alia quædam porracea gignitur, (sic enim eam à porrorū colore denominantes vocant, sicut aliam secundam bilem in ventriculo genitam æruginosam quoque dicunt, quod erugini similis conferatur) subdit deinde, est & quædam tertia isato des bilis, in ventriculo scilicet genita, dicta ab isatide cæsiū colorem referente. Non igitur intentio Galeni fuit solum enucleare, cur bilium tot species talia nomina fuerint sortitæ, sed etiam locum, in quo fuerint genitæ, ostendere: nam si talis illius fuisset mens, aut primas tres species, quas ex colore, modò pallido, modò flauo, modò vitellino distinxit, in vasis generari non dixisset, aut has vltimas ex colore, modò porraceo, modò cæsiò, modò æruginoso separatas, in ventriculo generari par erat asserere: quod cum de porracea bile protulisset, de æruginosa, & isato de non fecit, propterea quod ex his, quæ dixerat, satis erat manifestum, & ideo de ipsarum coloribus tantum meminit. Quod si id non intellexisset Galenus, æruginosam, atque isato dem vocatam bilem simul cum flaua, pallida, & vitellina, in iecore, & venis generari asseruisset.

Hæc nostra sententia clarior euadet, si specierum bilis naturā, & generationis modum consideres, non loquor de alimentaria bile, quæ tenuissima sanguinis pars est per venas distributa, nā quæ superuacanea est, tanquā sanguinis excrementum, in bilis vesiculam eijcitur, proprio deinde ductu in intestina profuens, ea non solum ad excrementorum deiectionem stimulat, sed lentam, & adhærescentem illis pituitam detergit. Hæc flaua est, & mediocritatē quandam substantiæ, & caloris obtinet; ex qua altera bilis species tenuis cuiusdam ichoris mistione procreatur, colore pallidior, & substantia tenuior: & vtraque licet superuacua sit, naturalis est, & naturæ legibus in nobis continetur. Gignuntur & interdum quatuor aliæ species bilis præternaturam, quarum vna est vitellina, à flaua naturæ modum fugiente nata, dum caloris præternaturam acrimonia ita torrefit, vt ex fuluo colore, igneum, & ex tenuis substantiæ dissipatione, crassiorem consequatur, quæ, & colore, & crassitudine, vitellorum ouorum crudorum speciem refert, a quibus nomē

specierū bilis natura, & generationis modus.

due flauæ bilis species, nempe pallida, & flaua, naturales sunt.

quatuor species bilis, præternaturam. vna est vitellina di-

assum-

7. de natu.
fac. cap. ult.

*Pallida bilis
suo flava co-
tinetur.*

com. 39. 2.
prog. & 10.
de simp. me.
cap. de felle.

*Bilis palli-
da, flava, &
vitellina. in
iecore, atq;
in vasis ge-
nerantur.*

*Porracea bi-
lis, & ærugi-
nosa, atque
isatodes di-
cta, sepius in
ventriculo
generantur.*

*Æruginosa bi-
lis, & isato-
des simul cū
porracea sub
viridi colo-
re continen-
tur. et quod-
dāmodo ad
porraceā re-
ducuntur.
2. prog. com.
39.*

assumpsit. Quòd autem duę priores bilis species naturales sint, & tertia dicta præter naturā declarauit Galenus, dicens in sanguine generando, id excrementum, quod flaua bilis factum est, per fellis vocata vasa expurgari, esseque tenue, & humidum, ac fluidum, nō quale cū ad vltimū est excoctum, flauum, igneū, & crassum, vitellis ouorum simile: hoc nanque iam præternaturam est, alterum verò, quod prius memorauimus, est secundum naturam, nempe flaua bilis, sub qua pallida continetur: quæ remissior colore est, & eam Galenus naturalem appellat. Et omnes hæ tres bilis species, duę naturales, & tertia præternaturam, in iecore generantur, atque in vasis. Præter has autem aliarum par numerus recēsetur, quæ omnino præternaturam sunt: vna est porracea, altera æruginosa, tertia isatodes dicta, propter glaucum, aut cæruleum colorem glastum referentem. Quæ sæpenumero in ventriculo gignuntur propter quorundam cruditatem esculentorum, aut olerum, qualia sunt beta, cæpa, brassica, allium, porrum, nasturtium, sinapi, & præcipue eorum folia: dum enim nequeunt à nativo ventriculi calore commutari, neque in chylum conuerti, putrescunt, & colorem suum magna ex parte retinent: Primumque ex illis fit porracea bilis, quæ si infixa diutius hæreat, & cōmoretur, persistente ventris incendio in æruginosam commutabitur, hæc demum in eam, quæ glasti colore tincta apparet, minus quidem viridis quàm superiores, sed illis deterior, quòd propius ad nigrum colorē accedat. Et ita duæ vltimæ species bilis præternaturam simul cū porracea, sub viridi colore continentur, & quodam modo ad porraceam reducuntur: nisi quòd porracea mitior est propter minorem calorem, æruginosa verò, & glasti colore tincta, deteriores sunt propter maius incendium. Et eā ob causam cū Hippocrates agens de vomitione inquit, si vomitio fuerit porracea, aut liuida, aut nigra, quicumque ex his fuerit color, malum esse censendum est, nisi sub porracea æruginosam, & isatodem comprehendisset, proculdubio dixisset, si vomitio fuerit porracea, seu æruginosa, aut isatodes, aut liuida, vel nigra, quicumque is fuerit color malum esse. Quia verò

arugi-

æruginoſa, & iſatodes, ſub porracea continetur, ideo has duas differentias ſubtrahit. Quemadmodum igitur Galenus inquit gigni in corpore, ſicut crocea bilis per naturam habentibus, ita porraceam alteram præternaturam: conſtareque ut hæc ſape-
 numerò in ventriculo procreetur propter quorundam eſculen-
 torum, aut olerum cruditatem: idipſum exiſtimaffe de ærugi-
 noſa & iſatode, quæ ſub porracea fuerunt cõprehenſæ, creden-
 dum eſt: atque ut interdum talibus eſculentis, aut oleribus ne-
 quaquam ingeſtis, ratione ægrotationis in venis gignitur por-
 racea bilis, ita etiam & æruginoſam, & iſatodem in venis gene-
 rari, idque per morbos graues, & ardentiffimos, qui vehemen-
 tis caloris incendio bilem flauam, vel vitellinam exurunt, & in
 hæc genera proſus pernicioſa, & exitialia deducunt. Hæc dicta
 ſunt pro deſenſione Muſæ, & Fuchſij.

*In com. et
 12 Hip. ſeg-
 tentia.*

Quæ tandem aduerſus Falloppium ſcribis de tractione bilis
 à trahente facultate veſicæ fellis mediantibus proprijs ipſius fi-
 bris ad id dicatis tanquam inſtrumento, & de expulſione etiã
 aliarum interuentu, & non hepatis compreſſione, doctiſſima
 quidem ſunt, & quæ negari non poſſunt. Natura enim mani-
 feſtè docet, tunicam veſicæ felleæ triplici fibrarum genere eſſe
 ornatam, quibus vario modo ſe habentibus, tum bilem à ieci-
 nore trahat, tum retineat, tum etiam expellat. Verùm licet ex
 Galeni doctrina affirmes à folliculo innoxie trahi bilem, tan-
 quam illi dicatum, cognatum, ac familiarem ſuccum: & eo mo-
 do quo hominum ſtercus canibus ſuauiſſimum eſt, ita iecoris
 excrementum aliud lieni, aliud bilis veſicæ, aliud renibus eſſe
 iocundum: non tamen exponis an dictis iecoris excrementis
 partes, quæ illa trahunt, nutriantur. Forſitan tanquam manife-
 ſtum omiſiſti, intelligens eo modo, quo hominum ſtercus cani-
 bus ſuauiſſimum eſt, quoniam illis proprium, & familiare nu-
 trimentum exiſtit; ita bilem fellis veſicæ, melancholicum ſuccu
 lieni, & ſeroſum recrementum renibus ſuauiſſima eſſe, tanquam
 illis futura alimenta. Et eò magis quòd idem Galenus affirma-
 uerit membrum quodcunque nutriti eo ſucco, cuius trahendi
 eſt illi naturalis potestas: nihil enim inquit trahit propter ip-
 ſum

*5. de uſu
 part. c. 10.*

*3. de nat.
 fac. c. 9.*

*An iecoris
 excrementis
 partes quæ
 illa trahunt
 nutriantur.*

*3. de ſec.
 nat. c. 6.*

Nulla par-
tes, præ lie-
nem, nutri-
tur excremen-
tis, quæ tra-
hant.

5. de usu
part. c. 7.

Renes, &
vtraque ves-
ica, non nu-
triantur ex-
crementis, q̃
trahunt.
cap. 1. de in-
dem libri.

sum trahere: sed ut eo, cuius trahēdo fit compos, fruatur: si au-
tem retinet, & fruitur, id facit, ut quod qualitate conueniens
familiarēque est, sibi faciat simile. Verum partes non nutriri ex-
crementis, quæ trahunt, (præter lienem qui melancholico suc-
co alitur) docuit Galenus his verbis. Ne igitur cum urinis per
aliquod foraminum, quæ in renibus habentur, quemadmodū
tenue biliosum, ita sanguis elaboretur, densum corpus eorum
fuisse præstitit: splenis verò (ut ante probauimus) contra la-
xum manifestè, atq; rarum, ad trahendum enim à longinquo
succum crassum aptius hoc fuit, nec metus erat ne quid sangui-
nis sequeretur, neq; enim statim antequam conficeretur, con-
coqueretur, & commutaretur, erat melancholicum excremen-
tum excreturus, ut renes lotium, sed diutissimè retenturus, al-
teraturus, & alimentum sibi ipsi factururus. Meritò igitur ipse la-
xus factus est, & renes densi, quibus tertio iam ad sui nutritionē
vasē non opus fuit, præter duo magna: quorum alterum ori-
tur ab arteria, quæ spinæ incubat, alterum à vena cava. Porro
vesica, non ea solū quæ bilem, sed & quæ urinam recipit, pu-
rum vtraque, atque ab alijs secretum cum attrahant proprium
excrementum, non sine ratione vasis alijs alimentum illis sup-
peditaturis indiguerunt. Quibus verbis manifestè docet, lienē
melancholico sanguine nutriri, quoniam illum allicit, retinet,
conficit, & commutat, tanquam non purum excrementum:
atque eam ob causam non desiderat alia vasa, quæ alimentum
deportent: renes verò, & vtraque vesica quia mera excremen-
ta trahunt, ideo ea in confecta dimittunt, & alijs indiguerunt
vasis ad sui nutritionem: quod confirmauit dicens, vtrunque
vesicam, vnam duntaxat, eamque tenuem possidere tunicam,
quia cum purorum excrementorum instrumenta sint, nulla in
eis futura est coctio. Non igitur ex Galeni mente vesica
tellis bile, neque altera vesica fero, nutriri possunt. Nam si in
eis excrementorum coctio non fit, ergo nec illis nutritio fiet:
non enim nutrire potens est, quod non concoquitur. Quia
verò crassum sanguinis excrementum, quod à liene trahitur,
purum & syncerum non est, ab eodem concoqui valet, & nu-
trimen-

trimentum illi præstat. Quod verò reliqua excrementa (vno melancholico excepto) nutrire non possint, ex eo manifestum est, quòd feri substantia omnis est tenuis, & aquea, omni carēs pinguedine, ergo nullam habet partem, quæ alimentum præstare queat magis quàm aqua, quæ propter substantiæ modum fero omninò similem, non nutrit, quamobrem, neque renes, neque vesicam nutrire poterit. Præterea bilis est merum excrementum, igitur non valet præstare nutrimentum. Adde quod alimentum omne dulce est, vel alicuius dulcedinis particeps: constat verò fyceram bilem, qualis in folliculo fellis continetur, summè amarū esse succum, quare non erit ad nutriendum idonea: & si enim melancholia naturalis non minùs flaua bile excrementum sit à concoctione sanguinis, quæ in hepate fit, separatum, nō est ita pura, & syncera, sed quiddam melancholicus sanguis, qui à liene attrahitur, & concoquitur, parteque tenuiore in ipsius naturam cōuersa, quæ crassior est, & syncerior nutritioni inepta ad os ventriculi proprio ductu eijcitur, id sua acerbitate, & austeritate astringens, & in angustum adducēs, vt inde omnis illius actio firmior sit, & validior: deinde verò in ventris capacitatem relabitur: hinc vnà cum alimentis in intestina excidit, & tanquam inutilis in cibi excrementis inhærens, cum eis foras truditur. Neque eo modò sanguinis serum excrementum est renibus accomodatum, quo melancholicus sanguis lieni, eo quòd renes non trahant solùm ferosum sanguinis recrementum, sed ferosum sanguinem: sicut lien non trahit puram, atque synceram melancholiam, sed potius melancholicum sanguinem, quoniam lien melancholiam puram à nigro, & tenui sanguine, quo nutritur concoctione separat: renes verò non concoctione serum à sanguine seiungunt, sed transfusione; percolatur enim propter renum densitatē, ideoq; excrementum ipsoꝝ non est, sed hepatis potius, cū coctione ab ipsius alimēto separatur, & illud verè excrementū sit Galeno auctore, quod actione de alimento separatur. Neq; quemadmodū ex lienis nutriti nigro colore melancholicum humore nutriētem coniectamur, ita ex visicæ fellis

Excrementa (vno melancholico excepto) nutrire non possunt.

auctore Arist. li. de sensu, & senset Gal. i. de alim. fa.

Melancholia naturalis nō est purum, & syncerum excrementum.

Serū non est renū excrementum, sed hepatis.

I de f. c. natu. aduersus lycum.

colore flauo, flauam bilem ipsius nutrimentum esse concedi debet: quoniam in liene niger color ex nutritione est, in vesica autem fellis flauus apparet ex cōtactu bilis, & aliquibus illius portiunculis insensiles poros tunice vesicę perreptatibus, quę illam simili colore tingunt nulla præcedēte ex tali humore coctione. Ex dictis manifestū est prædicta excrementa & si à partibus, quę illa continent, familiaritate, & totius substantiæ similitudine trahantur, tanquam illis dicati, cognati, & familiares (vt dicis) succi: illas tamen non nutriunt, vno excepto melancholico humore, qui licet hepatis excrementum sit, lienem vt diximus nutrire valet.

6. & 9.

*Explicatur
Galenī auctoritas, 3.
de fac. natu.
6. 6. & 9.*

Neque ob id, in Galeni dictis vlla est contrarietas, quòd tertio de facultatibus naturalibus asseruerit, membrum nutriri eo succo, cuius trahendi est illi naturalis facultas; quod intelligendum, quando attractus succus in trahentis partis naturam verti est aptus. At licet quadam similitudine renes, & vesica ferum, & fellis vesica bilem, trahant, & partium finis sit, excrementis, quę trahunt potiri, & omnino sibi per nutritionem assimilare: quia tamen à nativo partium calore concoqui non possunt, suo frustantur sine. Non enim talia excrementa sunt ad concoquendū idonea, licet concoctrix partiū virtus ociosa nō sit.

Non miror tantum, quòd notatu dignum vas ab hepate ad duodenum biliosum excrementum, crassum, & permixtum deferens, inuenisse affirmaueris: quàm quòd ex Galeni sentētia id colligi posse existimes. Potuerunt enim peritissimi omnes, & oculatissimi anatores professores in consideratione amplius adeo meatus hallucinari, & cæcutire, te vno inspiciente, atque inueniente: verum non crediderim eos non intellexisse Galeni verba, ex quibus deducis eius fuisse sententiam, iecur bilioso excremento duplici via expurgari: tenuiori, ac puro, per bilis vesicam, & fellis vocata vasa ab ea propagata: crassiori verò, atque permixto, per amplum vas ab hepate exortum, & duodeno intestino implantatū. Quod tantum abest à doctrina Galeni, vt nō modò quę dicis nō somniauerit, verum, si ipsius verba exactè perpendisses, vasa per quę iecur à bilioso excremento expur-

*5. de vstr
part. c. 6. &
3. li. c. 12.
& 6. de ad-
mi. fell. cap.
17. & 1. de
nat. fac. c. 6.*

expurgatur, eadem omnino esse, quæ ab omnibus anatomes professoribus (te vno excepto) hucusque sunt proposita, intellexisses: forsitan quòd à te nò probè fuerint animaduersa occasionem præstiterunt fingendi uas illud amplum ab hepate ad duodenum permeans, quod neque alij ante, nec post te in rebus anatomicis maxime exercitati, vnquam inuenerunt. Galenus enim citato à te loco agens de renibus, assignat causâ quare attrahant serosum sanguinis recrementum per ampla vasa, dicens id fieri, vt simul cum eo, sufficiens sanguinis copia ad eorum nutritionem trahatur. Particulæ enim per ampla orificia non possunt humorem aliquem syncerum, & purum, sine alterius admistione attrahere: ideoque renes non trahunt solum sanguinis serum, sed sanguinem serosum, vt per compactam, & astrictam eorum substantiam, sero percolato cum tenuiori bilis portione illi admista, ex remanente sanguine nutrimentum suscipiant: similiter & splen, qui melancholico sanguine, nò autem syncera, ac pura melancholia alendus erat, per ampla orificia illum attrahit, & post debitam coctionem syncerum excrementum nutritioni ineptum separat, per propria, & dedicata vasa, partim ad vètriculum, partim ad rectum in testinũ transmittens. Vesicula verò fellis cum bilioso sanguinis recremento non esset nutrienda, ideo ipsum purum, syncerum, atque alteri humori impermissum per stricta vasorũ attrahit orificia, nec aliud vas purgandi sanguinem à bilioso recremento natura in hepate inuenit, quo magis crassum in duodenum intestinum deponeret, præter dicta fellis vocata vasa. Quòd confirmat Galenus à te adductus, dum agens de instrumentis excrementa, seu superflua à concoctione sanguinis in iecore recipientibus, inquit, alia quod subtile, & leue in eo habetur expurgare, vt sunt meatus, qui ex eo quòd bilem recipiant, bilis receptores, græce κοιλιδόχοι, à medicis appellatur: & vesica similis meatibus, bilis receptrix, græce κοιλιδόχος dicta. Ex eo autem dictis meatibus similis est fellis vesica, quòd ab ea ortum duxerint; orta enim suis principijs, & principia ortis ad inuicem assimilantur. Non igitur ex Galeni mente, aliquem horum meatuum ex iecore exor-

tum

5. de usu
part. c. 6.

6. de alim.
sect. c. 2.

4. de usu
part. 6. 12.

tum, & duodeno implantatum (vt fingis) quispiam in ipsius doctrina versatus poterit colligere, præsertim cum ridiculum fore dixerit, eos qui bilem continent *πρόπος*, hoc est, meatus, vel sanguificationis instrumentū esse, vel venarū principiū existimari. A vesica enim, quæ est ad hepar, quā bilis susceptricē vocant, hi pori orti sunt, & eādem cū illo corpore ostendūt naturā, & subdit statim. Neq; solū sunt in hepate hi, scilicet implātari, & à prædicta vesica exorti, sed etiā extra hepar, quēadmodū is qui peruenit ad intestinū. Vides quo modo ipsemet Galenus, quem in comprobationē adducis, contrariū tuę sententię proferat, dicens eum meatum, qui ad intestinum peruenit, & bilem deducit, extra hepar esse, illudq; non attingere, sed à folliculo fellis in intestinum permeare. Si enim quisque diligenter velit perpendere veram horum vasorum anatomen, quam nos sæpius discipulis demonstrauius, inueniet perfectō vesicam bilem recipiētem villos habere in sua tunica, intūs rectos, foris transuersos, medios horum obliquos, quibus bilem retinet, vt rectis trahit ex hepate, transuersis expellit in ecphyfin. A collo enim suo duos producit meatus: vnum sursum inter venæ portæ, & cauæ radices numerosis furculis, & propaginibus in vniuersam iecoris substantiam distribuendum, quibus bilem in se allicit: alterum deorsum in duodenum intestinū delapsū, quo in ipsum bilem expellit, euersa faciliē gemina membrana eius osculum in dicto intestino claudente, ne quid in meatum regurgitare possit, iter præpedientibus.

4. de usu
part. 6. 4.

Ex quibus liquet, nullum ex hepate vas magnum ad emittēdam bilem idoneum in duodenum inferi. Nec Galeni verba à te citata id sonant, quibus omnes fere anatomicos deceptos fuisse affirmas: eisdem enim te ipsum iugulas, nanque illorum confirmant sententiam, & tuam redarguunt. Conferens enim Galenus coctionem sanguinis, vini coctioni, crassum, graue, terreum, melancholicum, atque residens illius excrementum vini feci: biliosum verò, tenue, aereum, leuc, atque supernatans flori comparauit, eo quòd velut spuma quædam in sanguinis superficie fluitat, cui ratio fuit instrumentum præparari, cauēdo

ri, cauum quidem, vt recipiat facilè: praelonga verò colla, velut stomachos quosdam vtraque parte cavitatis habens: (sunt autem vasa illa, quæ numerauimus à vesicæ ceruice exorta, & à Galeno hic colla nuncupata) alterum quidem eorum parte superiore natum attrahendo excremento, reliquum autem emittendo idoneum. Neque huic sententiæ contradi cit Galenus cum tertio de facultatibus naturalibus dicat per vnum, eundemque meatum fellis vesicam impleri, & euacuari, his verbis. Iam nec illud difficilè compertum est, & tractione m, & expulsionem diuersis in temporibus per eundem meatum fieri, si modo ventris stomachus gula vocatus non cibos tantum, potionemque in ipsum ducere: sed etiam in nauseis contrario fungi ministerio cernitur. Etiam vesicæ, quæ sub iecinore est, collum cum vnum sit, tamen vesicam per se nō solum implet, sed etiam vacuat. Nemo enim est, qui ignoret vnum esse vesicæ collum, quo bilem sibi familiarem succum attrahit, & in vesicæ uentrem deducit, quo (ut idem Galenus inquit) sæpe plena cernitur: deinde uerò eiusdem succi multitudine pressa, uel ex mordace eius qualitate irritata, eum per eandem uiam expellit, per quam antea receperat, quæ ipsius uix collum est, quod in alia duo colla seu meatus diuidi asseruimus: unum quo à uentriculo allicit humorem biliosum, alterum, quo attractum in intestinum duodenum expellit. Sic itaque bilis uesicæ unum esse collum dixit Galenus, quod ipsius ceruix est, per quam diuersis temporibus trahit, & expellit biliosum succum. Quarto autem de usu partium duo eiusdem uesicæ colla, seu meatus proposuit, in quos ipsius ceruix diuiditur: alterum quo humorem biliosum in eandem ceruicem, & ipsius uesicam attrahit, alterum, quo eundem humorem à uesica in ceruicem expulsus, in intestina deponat. Sicigitur Galeni uerba dictis locis sunt interpretanda; interpretationes enim, quas proponis, contradictionem non dirimunt: quinimo Galeni loca obscuriora reddunt. Nam dum tuam de vase magno in euacuanda crassiore bile à iecore in intestina confirmare sententiam studes, Galeno imponis

cap. 12.

3. de fac. nat.
lib. 6. 12.2. de fac. nat.
lib. 6. 13.

cap. 12.

Cap. ult.

ponis (cū secundo de facultatibus naturalibus voluisset flauā bilem, quia tenue, humidum, & fluidum excrementum est, & secundū naturam, per fellis vocata vasa expurgari.) fellis vasa ab eo vocari exilia illa, & ferè inuisibilia ad iecur pertinentia, ex quibus syncerus humor flauus, ac naturalis, per eorundem ora expurgatur: illum verò ad vltimū ex coctum, flauum, igneū crassum, & iam præternaturam redditum, quem crudis vitellis ouorum similem nuncupauit, per fellis vocata vasa nō expurgari, sed per aliud vas notatu dignum, quod à iecore ad duodenum permeare fingis, crassioris bilis præternaturam redditę euacuandi gratia, qualis est vitellina, porracea, æruginosa, aut quæ casium refert colorem: hæ enim omnes bilis species præternaturam sunt, & crassiorem habent substantiam, quā per exilia vasa ualeat educi: eamque ob causam sagacem naturam horum crassorum humorum euacuandorum gratia vas illud magnum generasse dicis, per quod ab hepate in intestina deducerentur. Sed duplici ratione erras, tum quod per fellis uocata vasa non intelligas vesicam, & qui ab ea propagantur meatus, unum, ut diximus ad educendam à iecore bilem, in multas propagines per iecoris substantiā difeminatū, alterum, attractam iam ad intestinum transmittentem: tum quod existimes aliud magnum vas in hepate reperiri, crassam bilem, & præternaturalem in intestina deducens. Quod nec natura ipsa procreauit, neque Galenus vnquam somniauit: dicto enim loco, & alijs omnibus, in quibus de fellis uasis egit, semper cū animal naturę opera regitur, per ea sanguinem à flaua bile, quemadmodū per alia lieni dicata, ab atro iucco expurgari affirmat. Quandoquidem non eandem habent hi succi speciem cū animal bene ualet, qualem cū præternaturam se exhibet, sæpe obtinent. Quippe quæ flaua est, efficitur vitellina: rursus nigra, longè malignior ea quoque, quā quæ naturalis est, redditur. Si contendas, saltim dum animal ægrotat necessarium esse illud vas magnum, per quod ab hepate in intestinum bilis vitellina, porracea, æruginosa, aut isatodes, quæ præternaturam se habent, & crassę substantię sunt, expurgari possint: interrogarem

ego

Nullū magnum vas in hepate reperitur crassam bile in intestina deducens.

ego, interim dum sanitate fruitur, an ociosum sit illud vas, & clausum? si esse fatearis, volūtatis etiam imperio obedire concedes, quod absurdissimum est. Necessariò igitur id nec clausum, nec ociosum esse dices eo in tempore: per ipsius igitur amplam cavitatem, faciliori negotio sanguis à flaua bile expurgabitur, quàm per fellis vasa, quæ strictissima habent orificia. Quàm obrem, frustra hæc erunt à natura condita: præterquam quod per tale amplum vas non modo flaua bilis, sed etiam sanguis perpetuò exiret ob rationem à te propositam ex Galeno, quòd hæc particulæ, quæ per amplum orificiũ succum sibi conuenientem attrahunt, nõ possunt solũ ipsum, neque purum, neque syncerũ trahere, sed alterius cuiusdã diuersi generis admixtione adulteratum: quare maius sequeretur incommodũ ex continuo sanguinis defluuio per illud vas, quàm utilitas ex crassioris bilis euacuatione. Sed age, fingamus illud vas amplum in hepate crassiori bili præternaturali recipiendæ destinatum dũ animal ægrotat, tanquam canale quoddam à iecore in duodenum produci crassioris bilis præternaturam euacuationi idoneum: tunc aut vas illud in cavitatem aliquam ipsius hepatis inseritur, in quam crassa bilis colligitur, deinde per dictum vas euacuatur, (huiusmodi autem cavitatem nemo vnquam vifit) aut ad attrahendam crassam bilem præternaturam in vniuersa hepatis mole, dictum vas vt omnes partes attingat, in plures propagines diuidi necesse est, & has in alias, quousque deuentum sit ad adeò minutissimas, vt fere infinitæ, atque inuisibiles appareant: quibus, ex omnibus partibus crassam bilem exurgat, & sanguinẽ ab ea expurget. Quod facere non poterit propter dictorum vasorũ stricta orificia: sicq; tua propria ratione debes conuinci. Non igitur necessariũ est tale vas à te somnium potius quàm inuentũ: quoniã natura solũ curauit inuenire instrumẽta, per quæ sanguis à bilioso expurgatur excremento dũ secundum naturæ legẽ se habet: quãdo verò iam præternaturam est, & ob nimiam exustionẽ crassum fit, natura irrita, & commota id expellit per quasuis vias expulsioni magis aptas: tuncque si propter crassitiem deferri nõ potest in fellis vesicam,

5. de vsu
part. 6. 6.

2. de nat. fa-
cul. cap. vlt.

Confirmat
hoc Gal. ex

Hippocrate sicam, per stricta adeò orificia, & vasa, nihil mirū quod per eas-
7. sect. apho. dem venas intro feratur, & retrocedat, per quas fuerat attra-
 54. ctus, quousque deueniat ad maiores, & ampliores, & tandē per
 64p. 13. magis peruiam regionem ab ipsa natura euacuetur. Ideoque
 Galenus tertio de facultatibus naturalibus hęc protulit verba.
 Porro in morbis natura nō rarò totum animal per easdem ve-
 nas purgat: non tamen est ea vacuatio sanguinea, sed pro ra-
 tione infestantis succi. Ita nimirū & in choleris, per venas quę
 ad intestinum, & ventrem pertinent, totum uacuatur corpus.
 Existimare autem vnicum esse motus modum, quo materię in
 corpore ferantur, ignorantis omninò est naturę potētias, cū
 alias, tum verò eam, quę tractrici aduersa est excreticē. Siqui-
 dem contrarias potentias necesse est contrarij sequantur mo-
 tus. Deinde paulò post subdit. Ergo tantam violentiam, ve-
 hementiamque excretoria vis obtinet, vt vbi in morbo, quem
Hanc senten- ileon gręci vocant, transitus omninò præclusus est, vomatur
tiam confir- stercus: quanquā non nisi pertransito tum tenui intestino to-
mat Gal. 6. to, tum ieiuno, tum pyloro, ventriculoque, ac gula, omninò ne-
de locis pa- queat per vllius os eijci tale vllum excrementū. Ergo quid miri
tientibus 4. est si etiam ab vltima corporis parte, quę ad cutem est, ad ipsa
& 6. epid. vsque intestina, & ventriculum, aliquid translatum perueniat?
6om. 5. tex. Hac igitur ratione crassa bilis, quę per stricta vasa, à tractrice ve-
2. & 7. sect. ficę fellis facultate trahi nequit, retro cedit, expultrice hepatis
aph. 30. impellente. Nam vt infra Galenus inquit, si via, quę foras fert,
 densitudine est interclusa, alienum nō est, si ad eam quę intro
 fert conuertatur humor: itaque quod offendit in vicinam sibi
 particulam violēter coactum amolitur, atq; illa rursus in eam,
 quę sibi proxima est: neque id fieri desistit, quoad translatio ad
 interna venarum ora finiatur, sicque ex toto in totum aliquid
 transfertur, mutuoque recipitur vbi necessitas postulat, & vna
 fit omnium conspiratio, atque confluxio. Hęc sunt vir clarif-
 sime, quę diligenter legendo tuas anatomicas quæstiones, &
 ostealogiam parua annotaui; in quibus & si à tua sententia
 discesserim, id non cauillandi animo, sed veritatis tuendę gra-
 tia me fecisse existima. Vale, & me mutuo amore dilige.

ANTO.

ANTONII ALVAREZ

PRO CVRANDO TOTIVS SINISTRI
LATERIS STVPORE, QVO LABORAT
ILLVSTIS VIR MELCHIOR DE

Astudillo Ciuitatis Bargasie
Senator egregius.

Consilium Primum.



T stuporis sinistri lateris, quo afficitur Illustris vir Melchior de Astudillo, vera intelligatur essentia, pro cuius curatione nostrum postulauit consilium, animaduertere oportet cerebri, ac neruorum aliquot morbos, qui in ablata, aut diminuta sensus, & motus actione consistunt, in quorum numero stupor continetur, namque hoc pacto, faciliori negotio quid stupor ipse sit cognoscetur. Et in primis resolutionem quarumvis partium duplici modo considerare expedit: vno, quando resolutis earum neruis amittunt omnino sensitiuam, atque motiuam vim, tuncque vera, & exquisita generatur illarum partium resolutio: altero, cum sola sentiendi; aut sola mouendi facultas deperditur, tuncque impropria, & illegitima resolutio nuncupatur. Quam diximus facile est perspicere in laborantibus paralyfi totius lateris, vel aliquius particularis membri, qui sensu, atque motu illarum partium duntaxat, non autem totius corporis omnino priuantur. Nam si cuiuspiam vniuersi corporis sensus, & motus amissus fuisset, iam non paralyfis, sed apoplexia talis affectio esset nuncupanda. In hoc enim apoplexia à paralyfi differt, quod apoplexia sensus, & motus omnimoda, & vniuersalis priuatio est, paralyfis verò omnimoda etiam, sed particularis. Quemadmodum contingit in ijs, quibus dimidia pars totius corporis sensu, & motu priuatur, vel particulare aliquod membrum, aut vniuersum corpus infra caput, vel dextrum, aut sinistrum eius latus. Quoniam apoplexia omnibus animalibus actionibus noxam inferens cerebrum affectum esse manifestè declarat, tuncque

*Resolutio
neruorum du-
plex.*

*Exquisita
& legitima
resolutio.*

*Resolutio
illegitima.*

*Apoplexia
quæ sit.*

*In quo differe-
rat apople-
xia à para-
lysi.*

O 2 omnes

Auctore Gal. 2. & loc. affect. cap. 2. omnes pariter nervi sensum, atq; motum amittunt, & huiusmodi affectio apoplexia merito nuncupatur. Vbi verò alteri laterum, aut dextro, aut sinistro id accidit, paralyfis, seu resolutio nominatur, eius scilicet partis, in qua consistit affectus, interdum dextræ, interdum sinistræ: quod si in aliquo membrorum idem euenerit, eiusdem membri resolutio esse dicitur. Sic etiam si circa primum spinalis medullæ processum facta sit aliqua dispositio, per quam cerebri facultas quò minùs ad ipsam perueniat prohibetur, omnia inferiora membra (dèpta facie) sensu, motuque priuabuntur: vbi verò dimidia eius processus pars fuerit affecta, non omnes inferiores partes resoluentur, sed vel sinistræ duntaxat, vel dextræ. Accidit verò nonnullis, vt faciei partes afficiantur tantùm, quemadmodùm & vna aliqua particula, vt lingua, oculus, mādibula, labrum: etenim non omnibus ab vno loco principium influit neruorum, vt pote quæ ex diuersis cerebri partibus eos suscipiunt. Contingit etiam in vna quapiam particula amitti sensum seruatò motu, vel contra, motum deperdi sensu permanente, quæ etiam resolutionem, seu paralyfim pati dicetur, verùm non ita propriè, ac cùm sensus, & motus simul amittitur.

Stupor non in ablata actione consistit.

Stupor quid sit.

In quo differant stupor, et paralyfis.

Est & alia neruorum affectio, quæ non in ablata, sed in diminuta cerebri, & neruorum actione consistit, quam stuporem nuncupamus, in quo partium laborantium sensus, & motus minuitur, non autem deperditur omnino vterque, aut eorum alter: quemadmodum in resolutione propriè, aut impropriè dicta contingit, ideoque stupor sentiendi, ac mouendi difficultas appellatur, vel propria quædam in paralyfim dispositio. Quò fit, vt parilyfis, & stupor in eo differant, quòd paralyfis vehementior sit morbus in ablata sensus, & motus actione consistens, vel motus, aut sensus tantùm, stupor verò debiliior morbus reputetur in diminuta sensus, & motus actione suam habens essentiam, & velut via quædam in paralyfim consideretur. Hoc autem morbo laborat prædictus agrotans in toto sinistro latere, quo nisi curetur timor est, vt transeat in paralyfim.

Aprin.

... A principio obortum fuit malum læso cerebro per consensum inferiorum partium, vaporibus sursum eleuatis ex ventriculo, vel hepate, aut aliqua naturalium particularum, cuius læsio non fuit sensui manifesta, neq; statim rationibus potuit deprehendi. Sentiebat enim per sinistrae ceruicis regionem quandam veluti auram frigidam sursum tendentem, cerebri substantiam, atq; ipsius ventriculos subito replentem, adeo vt aliquando omnes viæ sensum, & motum deferentes omnino occluderentur, cuius rei gratia in paroxysmos apoplecticis similes induceretur, aliquando verò non omnino, sed quadam ex parte, & ita afficiebatur paroxysmis epilepticis similibus, qui definebant in oris torturam, & in stuporem lateris sinistri: sentiebat enim æger torporem per vniuersas ferè dicti lateris partes, & cum abundaret pituitosis, ac crassis humoribus, timor erat, ne cerebrum, quod per consensum afficiebatur, aliquando temporis tractu per essentiam, & propriam passionem fuisset læsum, ita ut ægrotans in veram apoplexiam, aut in totius lateris resolutionem deduceretur, uel saltem stupore per essentiam afficeretur. Augebant hanc suspicionem frigidum, & humidum ægri temperamentum, distemperata nimis versus frigiditatem, & humiditatem regio, qua degit, praua victus, ac viuendi ratio, relictum exercitium, negotiorum curæ, quæ animum impediunt, & diuersè trahunt, eiusdemque animi aliæ affectiones, atque perturbationes, quibus natius calor assistens, & à concoctionis opere circa alimentum deficiens, in causa sunt, vt multæ generentur cruditates, & crassi humores in corpore accumulentur, qui ab eodem natiuo calore derelicti, magis augentur: quorum pars à cerebro quotidie recepta per consensum laborante, tantum potuit cerebrum ipsum labefactare, vt iam per essentiam sit læsum. Verum non tanta fuit dictorum humorum copia in cerebrum delata, ut potuisset apoplexiâ, aut epilepsiâ, seu dimidij corporis resolutionem generare: suffecit tamen ad producendum totius sinistri lateris stuporem, qui quædam uelut uia est in paralyim.

Huiusmodi affectio modò stupor, modò non integra paralyis

*Stuporis
causa.
Curandi ra-
tio.
Cibus.*

lysis nominetur, vel dispositio quædam ad paralyfim dicatur, cum in ægrotatē, de quo agitur, ab humoribus frigidis, & crassis procedat, quantum attinet ad viuendi modum, cibus temperamento calidis, ac siccis pituitosi humoris generationi aduersantibus curari debet. Utatur itaque æger pane biscocto, atq; anisi semine insperfo, & carnibus auium in montibus degentium, quales sunt perdicum, turturum, phasianorum, columborum siluestrium, passerulorum, & ijs similibus, & aliquando caponum, gallinarum, & pullorum ubi montanæ aues defecorint, & assis potius, quàm elixis. Prima mensa sumat passulas vino albo antea maceratas, quibus acini sint ablati, & interiora nucleorum pineorum probè a tunicis, quibus includuntur purgatorum, postrema autem cotoneum, hyeme melle conditum, æstate verò saccharo confectum.

Potus.

Potus sit moderatus, & aqua potius, in qua sit decocta saluia addito pauco cinnamomo, & melle, quàm vino quouis uti expedit: vinum enim nocet nervis, tum quòd in acetum aliquando conuertitur, tum etià quòd vehiculum sit humorum ad læsas partes fluentiū. Quòd si eius, ob ventriculi imbecillitatem, vsus conueniat, album sit moderatè sumptum, & prædicta aqua medicata valde dilutū, vel ea, in qua radix chinæ, vel smilacis asperæ parua quantitas fuerit decocta.

Aer.

Aer, in quo degere vitam conuenit, ut ad calorem, & siccitatem vergat oportet: quamobrem aut regio frigida, & humida, quam incolit fugienda est, aliaq; calida, & sicca habitanda, aut aer hyemis tempore, vel quodcumque frigidus, & humidus extiterit, igne calefaciendus, vel suffitu rerum calefacientiū alterandus.

Somnus.

Somnus à prandio, vel statim post cænam cauendus, idemque debito tempore moderatè sumatur.

Exercitium.

Exercitium medio ere commendatur, ne labolantes partes immoderati exercitij labore defesse magis fluxione humorū tententur.

*Deiectio
ventris.*

Venter potius laxus sit, quàm restrictus, ideoque ubi res postulauerit, clystere irritandus est ex decocto herbarum, seminum, ac florum calefaciendi vim obtinentium, admixtis

*Animi per-
turbationes*

oleis, & medicamentis, quæ eandem habeant facultatē, & ventrem laxum reddere possint. Animi perturbationes vitandæ

sunt

sunt, atque curæ, quæ animum impedian, & diuersè trahant; dandaque opera vt eorum familiaritate vtantur, qui hilaritatem, gaudiumque asciscere, & animū à negotijs, & curis distrahere valeant: solūque ijs sit intentus, quæ saluti prospicere possint, omniū, quæ in humana vita maximè desiderantur, merito præferendæ, sine qua reliqua delectabilia esse nequeunt.

Cum igitur mali, quo afficitur, pituitosi, crassi, atque viscidii humores in causa sint, primum, quod medicus intendere debet, illorum erit calefactio, attenuatio, & incisio, vt ad euacuationem apti sint: id autē fiet rhodomelle, & syrupo stæcados, aqua mulsa, in qua decoctæ fuerint salvia, betonica, & maiorana, dissolutis, quibus ægrotatē vti oportet, donec humores sufficienter concocti sint, & ad euacuationem præparati. Quo tempore medicus eos purgabit, syrupo ex nouem infusionibus rosarum persicarum, cū infusione agarici trochiscati, & foliorum senæ, facta in aqua infusionis dictarum rosarum, vel cum pilulis cochijs, & de agarico æquali pondere, addita pauxilla portione fetidarum, vel fumariz. Huiusmodi autem vacuatio per interualla molienda, paulatim eosdē humores concoquendo, & præparando.

Dictorum humorum iterata expurgatio non solū facit vacuationem, sed eorundem etiam diuersionē molitur, deriuans à cerebro, & spinali medulla: in quem vsum proderunt etiam acres clysteres ex decocto saluiz, stæcados, maioranæ, roris marini, rutæ, hyssopi, & pulegij, in quo ebulliat parum colocynthidis in ligatura, addito sufficienti pondere Hyeræ logodion, & olei rutacei, lilij albi, atq; rhodomellis, cum parua salis gemmæ portione, quibus vti expedit vbi res postulet, aut alijs leuioribus, vbi tanta non vrgeat necessitas. Idem efficiunt suppositoria ex drag. ij. agarici, hyeræ, ac salis gemmæ sing. drag. j. cum sufficienti mellis despumati quantitate; vel cōfecta ex drag. iij. pulueris hyeræ logodion, salis gemmæ, colocynthidis, hellebori sing. drag. j. cum melle despumato, quod sufficiat pro tribus suppositorijs.

Diuertunt etiam humores masticatoria ex pastillis, qui cōstat semuncia

Preparatio humoris morborū facientis.

Expurgatio

Diuersio.

Clysteres.

Suppositoria.

Masticatoria.

semuncia carnis pussularum sine nucleis, hyssopi & maioranæ sing. drag. j. mastiches drag. ij. cum mellis sufficienti pondere. Sunt & alij qui conficiuntur ex sinapi, atque piperis sing. drag. j. hyssopi, staphysagriæ, origani, pyrethri sing. scrop. j. carnis pussularum drag. iij. cum mellis debita quantitate. Dictorum pastillorum vnus masticari debet per tēporis interstitiū, vt à capite pituitā ducat. Idipsum præstant caput purgia ex decocto maioranæ, betonicæ, & hyssopi, addendo cuilibet libræ dicti decocti, succi betæ, aut eius radicum vnc. ij. & caulium etiam vnc. j. si opus sit maiori tractione.

Caput pur-
gia.

Resolutio,
& corrobo-
ratio.
Medicamen-
ta.

Post debitam purgationē remedijs caloris sicis fluxum iam humorem resoluentibus vti expedit, et quæ cerebrum, ac spinalem medullam corroborent. Ad quod plurimū conducit theriaca magna Andromachi, vel Mithridatum, si quolibet mane drachmam vnā ager sumat aqua saluiæ, vel staccados dissolutam; posteaque per aliquod temporis interuallum simili modo drac. ij. diamusci dulcis eodē liquore propinet. Conferunt etiam acori, aut eringij radices saccharo, vel melle condite. Ad prædictam humorum resolutionem, & partium robur plurimum etiam facit vncionum, & fomentorum ex calidis medicamentis continuatus vsus, inungendo posteriorem capitis regionem, qua parte oritur spinalis medulla, vsq; ad postremas colli vertebrae, vnguento confecto ex olei vulpini, nardini, nucis muschatæ, & euphorbij, sing. drac. j. succi hypericonis, & saluiæ sing. drac. ij. castorei, sagapeni, nucis muschatæ, garyophyllorum piperis longi, sing. drac. j. florum staccados drac. 5. cum viri albi antiqui, & ceræ sufficienti quantitate pro vnguento conficiendo. Et fouendo etiam prædictas partes fomentis, cum spongijs madefactis in decocto saluiæ, hyperici, hyssopi, maioranæ, betonicæ, pulegij, polij montani, serpilli, satureiæ, spicæ, florum staccados, & rorismarini, cū vino albo admixto. Confert quoque sacculus capiti impositus confectus ex pulueris maioranæ, saluiæ, rutæ, foliorum lauri, sing. drag. 2. spicæ, mastiches, florum staccados, & rorismarini, garyophyllorum, maceris, nucis muschatæ, sing. drac. 5. & rosarum pugillo vno.

Sacculus.

eiudem

Eisdemq; remedijs circa dorſi partes vtendum, vnde oriuntur
nerui ſenſitiuam, atq; motiuā facultatem ad crura deferentes.

Aliquando vt prædicta remedia magis ſuam imprimāt vim,
optimum eſt applicare cucurbitulas circa ſcarificationē ſupra
colli, & totius dorſi vertebraſ: poſtea q; recipere circa infirmū
latus calidū vaporem ex ignitis lateribus vino albo, & anti-
quo infuſis.

*Cucurbitu-
la.*

Balnea naturalia maximè probantur, quibus priuſ vtendū
cēſeo, quā cauterijs, tum quòd prope eſt æſtatis principium,
quo tempore magis ſuam imprimunt vim: tum etiā, quòd vni-
uerſalius remedium præſtent, reſoluendo in capite, & vniuerſo
corpore abundantes humores, & læſas partes corroboran-
do; quòd melius perficitur, ſi capitis poſterior pars, & colli ver-
tebræ eadem balnei aqua irrigentur, vt ad eas ſanguis, ſpiri-
tus, & calor trahatur.

*Balnea na-
turalia.*

Conueniunt quidem balnea de Arnedillo vocata, nitroſa
enim ſunt, partimq; ſulphurea, & aluminofa, maximè quòd
ſunt ibi ſiccæ cauernæ naturaliter calidæ, conuenienti domici-
lio, atq; tegmine circumdatæ, quæ cum ad conuenientem di-
ſtantiā per ſcalam ab aliquibus fuerint ingreſſæ, ſtatim calor
per vniuerſum corpus ſentitur, pori aperiuntur, & copioſus
fuit ſudor: ideoq; ægrotantes ſolent experiri huiuſmodi auxi-
lium, quando per balnea non integrè ſanantur, quo non nul-
li in priſtinā ſalutem fuerunt reſtituti.

*Probantur
balnea de
Arnedillo.*

Balnea, quæ de ledeſma dicuntur, ſunt magis ſulphurea, &
aluminofa, ideoq; intenſiori calore prædita, vnde ſit, vt ner-
uorum paſſionibus à frigida cauſa oborſis ſint magis accōmo-
data: non tamen ibi exiſtunt prædictæ cauernæ ad concitan-
dum ſine balneo ſudorem, neque eſt ea domus, & cameraſum
aptitudo, quæ pro debita ægrotantium curatione deſideratur.

*Balnea de le-
deſma ner-
uorum paſ-
ſionibus ac-
cōmodatiſ-
ſima.*

Smilacis aſperæ, & corticum ligni indici, vel radicis chinæ de-
coctum ad concitandum ſudorē plurimum valet: habet enim
vim calefaciendi, exſicandi, atq; attēnuandi craſſos, & lentos
humores, & per halitum digerendi, ſeu per cutis poros euacuā-
di. Quare nullum eſt dubium conuenire ei uſum in dicta af-
fectione,

*Smilacis a-
ſperæ, & li-
gni ſancti,
vel radicis
chinæ deco-
ctum, in ner*

horum frigidis passionibus laudatur.

sectione si exhibeatur ea curandi methodo, quæ passim obseruari solet. Quia tamen instat iam tempus ad balnea naturalia magis opportunum, quo eorum usus maximè commendatur, eo quod intensius calefaciant, & exsiccent, abundantiorēq; sudorem excitent, ideo preferenda consulerem.

Venesectione in frigidis morbis reprobat.

Venesectione per magnas venas, aut per eas, quæ in sede sunt, in affectibus frigidis ab humoribus frigidis, & crassis pendentibus non probatur, ne affectæ partes calore, & sanguine destitutæ magis infrigidentur: nisi natura ex retento melancholico sanguine grauata ad dictas venas eum expellat, quo referat externum aliquem tumorem representent: tunc enim expedit per sanguifugas sanguinis in illis contenti moderatam facere euacuationem, præsertim quod dictæ venæ cum lienis venis maximam habent communionem.

Et si post balneorum usum stupor in totum fuerit abolitus, aut maiori ex parte diminutus, præcautionis tamen gratia debito tempore iteranda sunt purgationes, prædictis, aut similibus medicamentis, & topicis connumeratis remedijs, prout res postulauerit, vtendum: & vt diuersio, & reuulsio fiat humorum à capite ad spinalem medullam fluentium, & neruorum sinistri lateris originem, mea quidem sententia maximè proderunt fontanellæ duæ cauterio ignito, aut caustico medicamento in dextro, & sano latere concitæ, ad quas superflui fluant humores, vna quidem in humero, qua parte à peritis chirurgis fieri solet (cùm enim parum à capite, & collo distet, per eam simul & euacuatio, & humorum diuersio fiet:) altera verò in crure, quoniam cùm valde distet ab affectis partibus, eorundem humorum non modò euacuationem, sed & reuulsionem efficiet. Et licet aliqui grauissimi auctores in totius dimidij corporis paralyti cauteria super diuersas capitis partes applicare iubeant, vel super primas colli vertebrae, & lumborum vltimas, quæ omnes partes ægræ sunt, id faciunt quando intendunt solum vacuationem, & resolutionem humoris in malè affectis locis contenti: sicq; facta vltione super laborantes particulas, eisdem fit vacuatio. At quia intēdimus non vacuationem fluxu iam

Fontanellæ in sanis paribus factæ pro diuersitate loci, in derinationem reuulsionem efficiunt.

Cauteria super lesam partem solum

iam humoris, sed fluentis potius, & deriuationem simul, atq;
 reuulsionem ab affectis partibus; ideo cauendum esse præci-
 pimus, ne super læsas partes cauteria applicentur, quæ super sa-
 nas applicanda esse consuluimus, vnum quidem super dextri
 humeri partem à capite non longè distantem, vt assidua hu-
 moris vacuatione per fontanellam ibi concitatam, tanquã per
 partem cerebro, & spinali medullæ propinquam, fiat etiã que
 intenditur deriuatio: alterum verò in crure, non modò causa
 vacuationis fluentis humoris, sed etiam reuulsionis gratia per
 partem distantiore. Idq; ex eo magis conuenit, quòd stupor,
 quem patitur egrotans non est integra, & facta iam paralyfis,
 sed siens potius, quæ capit à capitis læsione per consensum:
 quòd si cauteria capiti, & primis colli vertebri, atq; vltimis lū-
 borum applicarentur, eum omnes istæ partes stupore sint affe-
 ctæ, proculdubio maior tractio humorum fieret ad læsas par-
 tes, quàm eorundem vacuatio, sicq; ex non integra paralyfi,
 integram conficerent, & ea, quam intendimus deriuatio, aut
 reuulsio non sequeretur, citraq; vltimum egrotantis commodum
 sordites, & pus in partibus omnibus manifestus apparerent.
 Quamobrè satius erit vti cauterijs, super sanas partes à me præ-
 dictas. Quòd si post balneorum vsum malum valdè cedat, & mi-
 nuatur, satis erit dextri, & sani humeri fontanella: quoniam
 temporis successu si res postulet, altera in eiusdem lateris
 crure aperietur oclusa priori, eiusq; cavitare carne
 oppleta, & cicatrice inducã. Interim autem
 proposita remedia non sunt cõtemnen-
 da, sed per interualla iteran-
 da, donec ager integra
 fruatur sani-
 tate, & huiusmodi
 quam firmissimam, & fe-
 licissimam Deus optimus maximus
 illi præstet.

contenti hu-
 moris faci-
 unt euacua-
 tionem, ne
 autè de ter-
 sonem au-
 reuulsione

Stupor est
 siens paraly-
 sis.

NEREI NERI MEDICI FLORENTINI ASSERTIO,

QVOD IN SINISTRI LATERIS STUPORE A
causa frigida oborto licet mittere sanguinem per sedis venas,
& applicare cauterium occipiti.




ERREGI quæ doctissimè, ac copiosè scripta
sunt à præclaro medico, prægis Neapolis pro
curando stupore totius dimidij corporis, in
quibus non modò naturam ægri, verùm etiã
mali ipsius vim inspexisse, præferebat. Præsidia
igitur omnia, quæ ab ipso proponuntur com
probamus, cùm in recensenda causa symptomatũ, quibus no
berrimus Melchior de Astudillo affligitur, morborumq; essen
tia penitus consenserimus. Quædam autem sunt in quibus ab
ipso nonnihil discrepare ratio nos cogat.

Primum de sanguine ex venis hemorrhoidalibus per sangui
fugas detrahendo; dum asserit timèdum esse, ne sanguine in
animum caput refrigeretur, quod à copia frigidi humoris egrũ
est: deinde cum inquit, si mittendus sit, non esse extrahendũ,
nisi adhibito balnei auxilio: crediderim potiùs contrariũ, cùm
antea statuerit excellentissimus vir, malum ex consensu partiũ
infernarum ortum duxisse inter initia, & in præsentia, licet ce
rebrum per se primò affectum sit, lædè nihilominus à subiectis
partibus. Quo posito, sequitur rectè per sedem sanguinẽ mit
ti ad vacuandas partes, quæ ad caput transmittunt, ad com
pescendum calorem hepatis, à quo vapor attollitur, ad reuel
lendum demum ab ipso capite. Neque obstat morbi in capite
versantis genus, quod frigidum est, maius enim consequitur
æger auxilium ijs, quas diximus rationibus, quàm detrimen
tum ex ea, quæ suspecta est refrigeratione, quàm nec præsen
tes medici timuere in sanguine ex cubito detrahendo. Præter
quam quod duo tantũ scopi habentur sanguinis mittèdi ex
Galeno libro de curandi ratione per sanguinis missionem, vi
rium

rium scilicet robur, ac morbi magnitudo, cætera augent, aut minuunt ipsius detractionem: habemus morbi magnitudinem cerebro affecto, vires præsens medicus examinare debet, quæ non requiruntur adeo vigentes pro tam diminuta sanguinis extractione, præsertim cum venæ sedis exiles sint, sanguisque guttatim exeat, quo noie vix imminuere vires iurè creditur.

Quod suadet, sanguisugas opportune post usum balneorū applicandas esse sedi, consideratione dignum est, meo tñ iudicio melius esset ante balneum eisdem uti, cum sanguinis detractio corpus vniuersum vacuet. Et licet balneū etiam toti corpori, & loco affecto accommodetur, tñ post ponendū esse arbitramur.

Quantum attinet ad cauteria, non negamus sperandū fore auxilium ab vlcere brachij, & cruris sani: iudicio tamen nostro, atque aliorum quos Romæ, Venerijs, Patanij, Florentiæ, alijsque Italiæ vrbibus medicinam facere obseruauimus, ipsaq; experientia edocti, maius adipiscetur æger iuramentum ex occipitis vlcere, quàm ex ijs, quæ alibi excitantur. Ratio est in promptu: siquidem ex proximo eodemq; ferè loco, vbi materia morbifica versatur in paralyti, & educitur, atq; foras trahitur, nulla reuera fit attractio, aut uix fit: attrahit enim calor, atq; dolor, quæ nullius solent esse momenti in vlcere istis, præsertim cum ætate, indolentia ferè euadant usu ipso. Timenda esset attractio si imperaretur corpore vniuerso non euacuato. Neq; minus etiam nos mouet, quod morbus initium duxerit à consensu partium infernarum, cum ex historia satis liqueat, cerebrum iam annum præterisse, ex quo per essentia patitur. Miror uirum hunc adhibere canale aquæ sulphureæ, & nitrosæ, quæ verè attrahunt, moxque repudiare ad occiput vlcus, in quo nulla effectui digna fiat attractio à subiectis sedib; sed certam potius præstet euacuationem à loco affecto; id autē est commodum præsens pro dubio incommodo spernere. Hac ratione malè inureret coxendicem Hippocrates, malè etiam Aetius occiput, & caput ipsum in paralyti. Nihilominus, ut alijs literis diximus, si caput, atque occiput perfundenda sunt anasiquæ medicatæ, occiput ante huiusmodi auxilium non inura.



inuratur. Neq; etiam vbi præfenti medico visum fuerit, occiput, atque spinalis medullæ exortum tantummodò prædicta aqua medicata debere perfrundi, occipitis vlcere opus erit, aut vbi nobilissimus æger balneis per vniuersum corpus vti uoluerit absq; canali, licebit abstinere ab occipitis inustione, donec sint peracta, nisi sit aliquid, aut exoriatur, quod flagitare dictum inustionis remediū videatur. Poterit etiā mos geri egrotanti, vbi balnea fuerit expertus, differendo occipitis vlcerationem, præsertim si ex eis ea sequatur utilitas, quæ euenire potest. De vlcere brachij, ac cruris sani conuenit inter omnes: de eo verò quod in occipite fit, iam aperui quid sentiam.

ANTONIVS ALVAREZ

NEREO NERIO MEDICO

DOCTISSIMO. S. P. D.

Confirmatur sententia de vitanda venesectione, & cauterio in occipite prohibendo in dimidij lateris stupore à causa frigida abortu.

EPISTOLA TERTIA.



PERLEGI tuam assertionem vir eruditissime, qua nostram sententiam improbare contendis de renuenda, vitandaq; sanguinis missione non modo per brachiorum, sed etiam per sedis venas, & de cauterio in occipite prohibendo in lateris sinistri stupore à causa frigida abortu, quo afficitur Illustris vir Melchior de Astudillo corpore obesus, remperatura ad frigiditatem, & humiditatem inclinans, parum exercitatus, animi affectionibus, & perturbationibus oppressus, & in regione distemperata, maximèq; ad frigiditatem, & humiditatem vergente degens, prauaq; victus ratione utens. Quamobrem in prædicto frigido affectu non esse tutum sanguinem extrahere per venas sedis, aut per maiores venas asseruimus, ne partes, quæ calore, & sanguine indigent,

facta

facta euacuatione magis laborent. Quantum enim ad indicationem, quam huius morbi natura ostendit, non cōuenit sanguinis detractio, quia morbus frigidus est, & à causa frigida ortum habet, sanguinis autem detractio refrigerat: cuius rei gratia in curatione completæ, aut diminutæ resolutionis plurimi antiquorum, & iuniorum medicorū missionis sanguinis nō meminere, & si Aetius redundante sanguinis copia principiū curationis resolutionisumat à venæsectione, nisi prohibeant vires, habitus corporis, tempus anni, uel regio, studium, prægressus uictus, Veneris immoderatū exercitium, atq; reliqua, quæ prohibere solent uenæsectionem: quæ ferè omnia cū a in egrotante, de quo sermo fit, fuerint reperta, eam ob causam in eo uenæsectionem esse uitandam consului, præsertim cū præfentes medici inter morbi initia abunde ex cubiti uena sanguinem (ut dicis) extraxerint; qua ratione magis cauenda nunc est sanguinis missio ex quibusuis uenis morbo inualefcere, aut in statu, seu declinatione persistente, cū idemmet Aetius adhuc permittentibus uiribus, & reliquis, quæ prohibere solent sanguinis extractionem, eam moderatam fore consuluit, per quam paululum imminuatur materia, ne maiori facta euacuatione refrigerentur ægri. Sicq; Galenus libro de curandi ratione per sanguinis missionem dixit, ubi extantibus plenitudinis signis ualentes facultates fuerint, uenam esse incidendam, nisi frigidus per corpus collectus sit succus, tuncque diligenter aduertendum quatenus ualeat, & robusta sit uirtus, quatenusq; humor ipse sit frigidus, nam exoluta ab id genus affectibus uirtus, adhibita sanguinis missione in extremum malum recidere solet, ut nequaquam postea restitui possit: præsertim si regio fuerit natura frigida, tum natura quoq; hominis frigidior, tūc per sanguinis missionem, & totū corpus grauiter refrigeratur, & accidunt nonnulla, quæ ad grauē sequuntur refrigerationē, symptomata. Quocirca inquit eos, qui sic affecti sunt, sanguinis missione euacuare non conuenit, sed frictionibus, medicocriterq; excalfacientibus unctionibus, tum potionibus humorum crassitudinem incidentibus, ac modice calefacientibus.

Neque

Cap. 6.

Cap. 6. et huius
dem libri.

Cap. 9.

Neque obstat quòd eodem Galeno auctore citato libro duor-
tùm scopi habeantur ad sanguinem mittendum, virium scilicet
robur, & morbi magnitudo: vnde colligis, adest morbi magni-
tudo, quia cerebrum affectum est tanquam præcipuum nostri
corporis membrum, permittunt vires, secunda igitur vena est,
etiam si humores morbum concitantes frigidi, ac crassi sint. Ve-
rùm si perlegisses ea, quæ paulò post à Galeno dicta sunt eodẽ
loco, aut mente perpendisses, statim te falsa collegisse intelle-
xisses. Et si enim verum sit prædictos duos scopos à Galeno fuisse
propositos, quibus præsentibus necessum sit sanguinem mit-
tere, quando tanta humorum copia accumulata est, quanta
reperitur in ægroto prædicto frigido morbo laborante, tunc de-
ficit alter scopus, nempe vires, quæ humoribus frigidis, atque
crassis laceffitæ, & diminutæ, venæ sectionem ferre nō possunt.
Et ideo Galenus dixit. Neque enim ubi tanta crudorum humo-
rum copia accumulata est, ut secandam uenam prohibeat, ra-
tio redarguitur: nam istis virium robur non adest. Vides igitur
quomodo Galenus ipse tuæ obiectioni in citato à te loco
satisfaciat, & quam clarè ex eius dictis manifestum sit, maius

*Vires sunt
labefactæ
ijs qui labo-
rant copia
frigidorum,
ac crudorū
humorum.*

Cap. 1.

*Hirudines
trahunt san-
guinem car-
ni adiunctū
nō eum qui*

fatistaciat, & quam clarè ex eius dictis manifestum sit, maius
nocumentum fieri venæsecta ex ea quæ necessario in frigido ca-
pitis morbo consequitur refrigeratione, quàm emolumentum
ex sanguinis euacuatione, etiam si per uenas sedis mittatur, &
malum ex consensu partium infernarum inter initia ortū du-
xerit, & cerebrum iam primario affectu laboras à subiectis ad-
huc partibus quodammodo afficiatur. Quo posito rectè sequi
contendis, per venas sedis sanguinem esse mittendum ad uacuan-
das partes, quæ ad caput transmittunt, ad cohibendum
hepatis calorem à quo vapor attollitur, & ad reuellendum ab
iplo capite noxium humorem. At sanguinẽ ex venis sedis per
sanguifugas extractū horum nihil efficere posse intellexisses, si
Galeni librum de hirudinibus, reuulsione, atque cucurbitu-
lis perlegisses, cuius hæc sunt verba. Illud quoque compertum
habere oportet, hirudines ipsas sanguinem illū attrahere, qui
carni adiunctus est, non qui in imo corpore continetur. Quo-
modo igitur doctissimè vir, sanguis per sanguifugas ex venis
sedis

sedis attractus, & euacuatus (cum sit ille, qui carni adiunctus *in imo corpore continetur.*) poterit partes euacuare, quæ ad caput trāsmittunt? aut qualiter valebit hepatis calorē cohibere, à quo vapor attollitur, cum talis euacuatio non transcendat carnem venis sedis circumstantem, nec vlla sit venarum sedis cum hepate manifesta communio? Præterea, quæ ratione ductus existimas vacuationem per sanguisugas ex venis sedis reuellere posse noxium humorem ab ipso capite, etiā si nō fuisset crassus & tenax, difficileq; mobilis, qualis in ægro tante reperitur, cum ex Galeni sententia hirudinum vsus pro cucurbitulis sit, quas non quidem mēbris ipsis, quæ cæperint laborare, sed eis, quæ laborantibus coniuncta fuerint, reuulsionis gratia esse imponendas dixerit. Quæ ratione eliceret potius vti hirudinibus circa partes cerebro laborāti propinquas, quàm circa sedis venas adeo distantes: præsertim cum sanguisugæ solum trahant sanguinem carni adiunctum, cuius vacuatio ex sedis venis in tam longa distantia nihil à cerebro trahere poterit, & trahendo reuellere.

Cap. 3. citati libri.

Quod mihi imponis, post vsum balneorum suafisse applicandas esse sedi sanguisugas, quod tunc sit opportunum tempus euacuationi, quæ per illius venas sit, ex his quæ à me scripta sūt procurando prædicto frigido affectu (si rectè à te fuerunt animaduersa) colligere nō potuisti. Cum enim in medendo morbo illo consulerem nullatenus mittendum esse sanguinem, nō modò per cubiti venas, sed per eas etiam, quæ in sede sunt, ne pars calore, & sanguine destituta magis refrigeraretur ex sanguinis vacuatione, subiunxi deinde, tūc commodè posse fieri ex venis sedis alicuius portionis sanguinis melācholici euacuationem propter communicationem, quam habent cum liene, qñ venæ ipsæ apparuerint tumefactæ, & melācholico sanguine repleta. Id autem non est (vt asseris) proponere, opportunius post vsum balneorum tali auxilio vtendum esse: quinimo nostra sententia fuit, neq; ante, neq; post balneum conuenire in frigido affectu, nisi eo tempore, quo venæ sedis fuerint tumefactæ, & melācholico sanguine infarctæ, illius duntaxat euacuandi gratia.

Quia

Quia in stupore, quo afficitur egrotans, timor est, ne crassus, frigidusque humor à capite in sinistrum latus, atq; in illius nervos fluens integram constituat resolutionem, ideo ut ad aliam partem illius humoris diuersio fieret, atque reuulsio, consului in brachio dextro, & crure applicanda esse cauteria, formandasque duas, quas vocant fontanellas, ad quas deriuentur, trahanturque, atque reuellantur humores: hoc enim modo fiet simul deriuatio, & vacuatio per dextri brachij fontanellam partibus affectis propinquam: reuulsio verò per aliam maximè distantem in crure sani lateris formatam. Et licet annus præterierit, quo cerebrum laborat stuporis affectione per essentiam, quia tamen semper à subiectis partibus fouetur, & non est integra, & confirmata paralyfis, sed diminuta potius, & quidam lateris stupor, ideo sanæ, non autem ægræ partes cauterijs inurèdæ sunt, cum intentio sit, facere non modò euacuationem, sed diuersionem etiam, atque reuulsionem humorum ad læsas partes fluentium, quod per ipsasmet partes affectas fieri nō potest. Si enim perpendas, quæ de deriuatione à Galeno passim dicuntur, inuenies profectò eiusdem generis esse cum vacuatione facta per particulam, quæ fluxionem suscipit, nisi quòd deriuatio per aliquam vicinarum partium fit; exempli causa, quādo per gurgulionem, vel palatum fertur fluxio, per nares certè ipsius deriuatio congruenter fiet, irritatione à nobis facta, vel prouocatione per acria medicamenta: quando verò ad oculos, vel aures succi vergunt, deriuare ipsos non in nares tantum, sed & in ipsum etiam os debemus, medicamenta exhibentes, quæ humorum redundantiam, quæ in oculos, vel aures ex capite fertur, ad hos traducant: pari modo fiet deriuatio, si humorem à capite ad spinalem medullam, & nervos sinistri lateris fluentem, ad dextri humeri partem collo magis vicinam (facta ignito ferro conuenienti fontanella) diuertamus. Riutare enim est per riuos ducere, deriuare verò, est à riuis ad latera diuerrere. Sic igitur dicta fontanella, quæ intenditur humoris deriuatio, & vacuatio simul fiet. Ex eiusdem etiam Galeni mente ita reuulsio efficitur, in humoribus videlicet partes superiores petentibus ad

*Deriuatio
fit per aliquam
vicinarum partium.*

*Reuulsio
quomodo
fit.*

bus ad inferiores: & contra, si inferiores petant partes, ad superiores: si dextram, ad laeuam: item si in anteriorem defluerint humores, reuellendi sunt in posteriorem, semper enim ad oppositas partes reuulsio facienda est. Qua ratione laborante latere sinistro stupore dicto, congruè reuulsionis simul, & euacuationis gratia consulimus fontanellam alteram faciendam in crure dextri lateris. Non damnamus quidem capitis, & occipitis cauteria, atque circa colli vertebrae, eum integra, & confirmata resolutio est, & in dictis partibus non tam fluens, quam fluxus iam, & impactus est humor, cuius vacuandi, & non diuertendi, aut reuelli gratia in coxendicis morbo Hippocrates coxendicem, & in integra, & confirmata paralyti Aetius occiput, & caput ipsum inurere iusserunt: quod non præciperent in affectibus, qui humorum deriuationem, & reuulsionem postulant, qualis est stupor dictus sinistri lateris, qui fiens, & velut in via, non autem facta paralytis est. In fiente autem morbo si ab affectis partibus fieret euacuatio, qualis contingeret si in occipite, aut colli vertebrae cauterium ignitum applicaretur dicto ægrotanti, maius incommodum sequeretur, quam emolumentum ex euacuatione alicuius portionis eorū, qui iam fluxi sunt, & affectis locis hærent, etiam si vniuersum corpus fuerit ante expurgatum: in prædicto enim affectu talis crassi, frigidi que humoris copia ad læsas partes fluentis reperitur, & in dies magis ac magis in ægrotate procreatur, ut sæpius expurgans exhibitum medicamentum eam non possit euacuare. Non enim facili negotio crudi humores ita concoquantur, & idonei fiunt ad euacuationem, quin illorum pluri remaneant incocti, qui noua generatione adaugentur, & post iteratas expurgationes, ad læsas particulas etiā fluunt; in quibus si fontanellæ fierent, maior concitaretur fluxio, quam succederet contenti humoris euacuatio: tum propter calorem ignis, aut caustici medicamenti: tum ob continui solutionē, quæ dolore concitant, & tractionis causa sunt. Neque ratio, qua nostrā redarguis sententiam quicquā conuincit, dum miraris dānasse me cauteria in patietibus partibus propter humorum ad ipsas

tractionem, & concessisse balnea naturalia nitrosa, & sulphurea ex parte, atq; aluminosa, & earundem aquarum superfusio-
nes in occipite, & collo, quæ suo calore trahunt etiam humo-
res ad prædictas læsas partes: nam prædictarum aquarum bal-
neum totum ferè corpus ambit, & æqualiter excoactat, donec
partium ipsius pori referentur, & per eos superflui humores su-
dore expellantur, & medicatæ illius aquæ in occipite, atq; pri-
mis colli vertebri super infusæ, virtute, sanguis, & natiuus ca-
lor, atq; spiritus ad læsas partes trahantur, quod emolumen-
tum potius, quàm incômodum illis præstat. Præsertim, quod
calactio, & tractio hant per omnes totius corporis partes ab
intimis ad extima sine dolore: secus autem contingit in fon-
tanellis super læsas partes, per quas solum fit tractio cum par-
ticulari earundem calore, & dolore. Ex dictis manifestum iam
erit dicto egroto sinistri lateris stupore laboranti, cum adhuc
integræ resolutione non afficiatur, supra læsas partes nullate-
nus hæuteria esse applicanda. Vale vir eruditissime, id certissi-
mum existimans, me veritatis indagandæ, atque inveniendæ,
non contradicendi gratia hæc scripisse.

NEREVS NERIVS

ANTONIO ALVAREZ MEDICO

CLARISSIMO S. P. D.



Cum laudauerimus pro curâdo Illustri Melchio-
re de Astudillo, & sanguifugarum ad sedem ap-
plicationem, & vlcus in occipite excitandum,
quæ sunt à te postea improbata, non est cur mi-
rere quòd sententiam nostram postmodum tu-
tati fuerimus. Hanc tu rursus postremis tuis li-
teris funditus euertere contendis, quod me maxima volupta-
te affecit. Mea enim abs te legi, ac studiosè animaduerti, quam
obrem admodum non leter? Quâdoquidem aut examine tuo
probatâ mihi erant retinenda, aut ipsorum cognita futilitate
tanquam

tanquam inania penitus abijcienda . Vt cunq; autem ex literaria hac disceptatione id omnino ero assequutus, quòd doctissimi hominis scriptis, ac cōsuetudine fuerim oblectatus.

Sanguinis igitur missio, vt ad rem ipsam accedamus, proposita fuit à nobis morbo existente magno, modò vires ferrent, quas præsenti medico examinandas reliquimus, neque enim tanto locorum spacio diuisi eas ad lācem appendere dabatur; cū in arte medica si quid est coniecturale, id sit certa quantitas: nobis tamē persuasum erat vires esse toleraturas; quod postea testimonio literarum Arellani medici, qui curationi præest, confirmatum fuit, auxilio huic assentientis. Galenū, aut alios authores nobis opponere sanguinē mittere vetantes, vbi copia crudorum succorum viger, minimè oportet: siquidem & nos, & quiuis alius in eādē esset sententia. Erit igitur questio facti, non iuris, vt iuris consulti loquuntur. Nobis tot cruda non fuere significata: quæ si adsunt vt asseritur, vix tueri poterit sanguinis missio per hemorrhoides à te admissa, vbi venæ sedis turgeant. Quod enim per se deterrimū est, per aliud nunquam proderit: inter deterrima autem iurē numeratur sanguinem minuere corpore frigidis succis referto. Aetatem autem, victus rationem, & cœlum in quo degit, addere, quæ ob frigiditatem respuant venæsectionem, consideratione digna sunt: cæterum responsum iam fuit, hæc omnia ad vires tandem referri: præsertim cū laborantis temperamentum ab ortu calidum, & humidum fuerit, nunc verò inclināte ætate calor quidem intemperatus sit, & adhuc ad eam non peruenerit frigiditatē (si vera sunt quæ ad nos perlata fuere) vt refragari queat sanguinis missioni. Negas etiam genus affectionis frigidum postulare sanguinis missionem, neque admodum præscribi ab authoribus. Aetius quidem, quem tu affers, non ob redundantiam sanguinis iubet secare venam, sed vt superās humor euacuetur, dicens nullum aptius principium in his haberi posse, quàm si auspicemur à venæsectione, si quidem ætas, habitus, tēpus, studium, prægressus victus, & reliqua permiserint, quæ prohibere solent sanguinis missionem: moderatam autem de-

tractiq;

tractionē facere iubet, ne perfrigerētur egrotātes. Quapropter cauet refrigerationē Aetius, ne destitutæ calore partes affectæ, atq; humores morbū creantes contumaciū obſtēt diſcuſſioni. Ipſi tñ Paulo, Alexādro, cæterisq; , qui in curationibus morborū tradēdis verſantur, ſc. fuit ea docuiſſe à qbus proximè paralyſis proficiſcitur, humores videlicet plerunq; nervos obſtruētes: in eis autē demonſtrandis, q̄ alibi gignuntur, & capiti trāſmittuntur, non admodū ſolliciti fuere, ſiquidem id iam vitiū eſt per eſſentiā in ſede, quæ conſenſum præſtat, & ſibi propriā, ac peculiare poſtulat animaduerſionē, cū ſymptoma in nobiliſſimo ægrotāte à conſenſu partiū infernarum ortum duxerit. At cū in præſentia tuo, & oīum arbitrato ab eodē conſenſu malū foueatur, quòd ad locum etiā patientem humor feratur, non frigidus tantum, ſed cum calido miſtus, nihil diſcriminis aderit augendi affectionem præter naturam, frigore aucto magis quàm par ſit. Quandoquidem quod per conſenſum accipit caput à ſubiectis partibus, aut vapor eſt, aut humor: vapor non niſi à calore eleuatur, quem quidem calorem ſedare expedit: humor frigidus capite non calefacto, neq; dolente, nō eſt cur trahatur, ſua enim vi locum ſuperiorem petere neſcit, quare expulſus illuc irruet; quod fieri non ſolet, cū valdè in commodum ſit naturæ frigidos ſuccos in ſuperiorem locum iacere. Veriſimilius igitur erit, caput per conſenſum lædi à ſubiectis ſedibus, quia ab ipſis feratur tum vapor, tum humor vapidus, non ſimplex, neq; vnius modi, ſed ex calidis, ac frigidis permiſtus, ſuccorum autem, ex quibus fluit, fontes ventriculus, ac iecur miniſtrant. Quæ ſi vera ſunt, non fuerit abs re ratione partium per conſenſum ledentium verè ſanguinem per ſedem detrahare homini, qui medicorū ope reliquias omnes paralyſis proſtigare inſtituit: præſertim vt diximus, cū illud accedat, quòd materia, quæ in loco affecto verſatur, nō frigida eſt vniuerſa, ſed cū calidis miſta, quod his verbis nobis medicus, qui egro aſſiſit, ſignificauit. Percipit inquit, in brachio dolorem ſepe, quod argumento eſt à medulla ſpinali deſtillare materiā ad ipſum dolore, & calore vexatum, & proſectò deſtillatio

latio mista fuit magna copia calidi succi. Sequitur igitur, cum calor præter naturâ relictus fuerit in brachio, & cerebrû à consensu partium infernarû lædatur, crassiore sanguine, ac melancholico redūdante in nobilissimo homine, timorem vllum ab hirudinibus nō superesse refrigerationis immodicę totius corporis, capitis, aut loci à symptomate vexati. Quæ ratio curandi à præcepto Galeni non abhorret, qui exemplo vsus Hippocratis Margei famule sanguinem extrahentis ea autoritate ratum fecit, licere in affectu frigido sanguinē mittere: quare aut datius mitti poterit per venas sedis, quod minus incommodū vires, & calor innatus patiantur ex sanguisugis, quàm ex sectione. Meminisse etiam oportet in ipso symptomatum intuitu non modò crus tremuisse eius deperdito motu, verum etiā cor haud leuiter à melancholico succo malè habuisse. Aderat febris, insuper vrinæ reddebantur crassę, ac rufę, parue postulę cum pruritu vniuersum corpus occupauerant, brachiumq; calore acri infestabatur: num hæc cruditatem illā insignem indicent, nec ne? vnicuiq; erit in promptu discernere. Nos crassiores sanguinem adhuc superesse remur, causamq; effectiuā esse calorem non satis perdomitum, atq; ad superiora mouentem. Quamobrem sanguine per sedē misso obseruabitur Hippocratis præceptū illud, quo iubet deueniendū esse ad causam, & causę principium. Sed quoniā posita vtilitate remedij, malè adhuc videmur consuluisse nobilissimo ægroto, cum quæ per hæmorrhoidales venas sit vacuatio à sanguisugis ea nō possit præstare, quę polliciti sumus, videamus an ad id efficax sit remediū nec ne? vt cognoscatur num nobilissimum hominem deluferimus, ipsiq; in turpissimo errore deprehendamus. Cum autem cōsuetatio omnis in Galeni autoritate nitatur, asserentis hirudines trahere tantūmodo sanguinem carni adiunctū, & vicem cucurbitularū subire, & minimè ambiguum sit apud Galenū sanguisugas exonerare posse particulā cui admouetur, aut illi proximam, ab ipsa deriuando, non tñ posse fluentē humorem vacuando à loco distanti reuellere, idq; nemo sit qui ignoret: posteritas tñ, & ratione, & experimento edocta pro totis et corporibus inaniedis sanguisugas ad sedē admoouere inuenit.

*Lib. de cur.
rat. aduers.
Erasistratū.*

Et quis enim obsecro duarum, trium, pluriumq; librarum sanguinem ex cute affirmaverit scaturire, carneq; sedi proxima? Vidimus nos sæpe sæpius biduum semotis hirudinibus sanguinem indefinēter fluxisse, neq; vllō remedio sisti potuisse; quin quindecim aliquando, & plures libras exiuisse, minùs etiam quàm verebatur laborato virium robore: neque infrequēs est labor chirurgorum in huiusmodi sanguine cohibendo. Hirudo sedi applicatā, quia nimirum ibi cutis adest tenuissima, non modo ipsam scindit, verùm etiam hæmorrhoidales venas in podicis orbe circumdispositas, atq; in summitate extantes: rostrando. n. suo ore animal cutim diducit ac lacerat, vulnusq; trahens infligit instar literæ T maioris: vulnera autem, quæ venas fecant (pauca enim ex multis id faciunt, quando venæ dictæ non turgent) eadem, postquam saturæ deciderunt hirudines, copiosum sanguinem exhibent. Montanus celeberrimus seculi nostri medicus à suctione hirudinum aperire venas fedis cōsultuit, præsertim addito aquæ calidæ vapore: nobis prior opinio magis arridet. Siue autem aperiantur, siue scindantur venæ illæ, ex copia sanguinis quem fundunt satis superq; innotescit, nullum hesitandi locum relictum esse hirudines ex alto vniuersum corpus vacuare, non tantum tenuiorem sanguinē educendo, verùm & crassiolem. Negare autem hæmorrhoidales venas consensum cum hepate habere, sensui ipsi, & ob id ijs, quæ doctissimi Anatomici scripserunt, valdè refragatur: plurimæ enim à ramo venæ portæ exoriuntur, Vesalio, Realdo, & Valuerdio testibus: quædam ex venæ caue ramulo, Vesalio auctore; cum etiā impossibile sit hæmorrhoides fieri, nisi ob multitudinem, & crassitiem sanguinis ora quarundam venarum aperientes, hepate ad ipsas reponente feculentum sanguinem, & melancholicum: lien autem (vt nosti) ad vëtriculum potius eundem succum eructat, cum quo habet cōsensum famis procreandæ gratia. Quod ad ordinem spectat sanguinis mittendi, quem ab usu balneorum iniungi abs te arbitrati fuimus, ingenuè fatemur ab exēplari nos truarum literarum deceptos fuisse, Italico factō ex hispano.

Alterum

Alterum caput tuarum literarum ad inuersionem occipitis pertinet, cui ante quàm satisfaciam, supponendum mihi est ex historia, symptoma grauius extitisse cum primùm accessit, atque impetum fluxionis iam sedatum fuisse, cùm anno iam elapso æger in dies mitius malum fuerit expertus, quare versamur in declinatione morbi iam cūne in firmati. Suppono ad huc vlcus occipitis deriuare tum à cerebro, tum à neruis affectis: & non modo capitis madorem deriuando siccare, sed (quod huius remedij præcipuum est) fluentem materiam, quæ sensim à capite ad neruos obstructos destillat, educere, atque in loco medio intercipere. Hæc num vera sint necne, sensus ipse demonstrat; oculati enim testes historiæ habentur. Remedij igitur satis superque fidem faciunt deriuationis natura, & vlcus vis, si diutius fluere sinantur. Quapropter vsu ipso respondente absque vlllo ægrorum in commodo in consuetudinem venire, certissimam illis opem ferentia. Neque ignobiles præterea authores habemus, quibus remedium istud cōprobetur: hos inter Rasis ponendus est, qui docuit in vniversum inurendum esse in loco medio, per quem fluxus pergit ad locum aliquem, siue sursum, siue deorsum feratur materia. Aetius, atque Albucasis, & ex recentioribus nonnulli in lateris vnus paralyti occiput inurunt, Celsus item in phthisi curanda, quæ à destillatione fit, ad pulmonem manante, inurare sub mento, & in gutture non alia ratione suaserit, quàm ad fluxum in loco medio intercipiendum antequàm peruadat locum affectum. Non deest Auicennas cui ratio ista curandi arripit, qui tametsi non exulcerat, nihilominus sub occipite vertebrae acrioribus medicamentis rubefacit, atq; idem fere prestat: locus non admodum discrepat, modus apud te magis suspensus esset: quæ enim ad cutim euocant, atque ex alto trahunt, ea minus tuta fuerint, quàm exulcerantia, ex illis enim maior fit attractio, minor discussio, ac euacuatio: ex vlcere vero attractio minima, vacuatio in dies larga. Sed quoniam inuersione occipitis admittis in facta paralyti, negas in ea que fit, eo quòd non cōueniat in fiēte morbo vacuare ab affectis partibus,

R tibus,

ribus, sed potius deriuare, atq; reuellere, cū adhuc matéria fluat, quæ conuocanda non est ad locum affectum, dicimus locum affectum non vnicum, sed duplicem esse, cerebrum videlicet, quod laborat frigida, & humida intemperie, & materiā eiusmodi præbet, & nerui læsi, & infarcti eadem materia a cerebro delapsa. At ^{in hu} occipitis deriuat ab vtraque parte, & quod maximè optulū est, intemperiem cerebri frigidā, & humidam cum materia sanat: vnde commodius subinde cōcoctrix facultas suo munere fungitur, quare inuersioni Hippocratis ad coxendicem, atque humerum adhibitæ æquipollet, quia in cerebro mucor adest, ac pituita, vt in articulis ipsis: discrepat tantū, quatenus humor à cerebro per spinam ad neruos fertur: articuli autem seruant ipsimet succum crudum.

Cū instas non licere in stupore, seu paralyfi fiēte, non autem facta, vacuationem moliri, quia cū noua influat materia magis oberimus attrahendo, quā opitulabimur vacuādo: id ipsum à nobis negatur ex eo, quod difficile sit neruorum resolutionem, seu stuporem reperire, quæ ab influxu humorum orta fuerint, quin contumaciam familiarem horum symptomatum retineant sedato decursu. Aerius dum occiput inurit, non postulat ante inuersionem caput nihil tradere neruis. Professio satius esset, quinimo vsu, ratione, & authoritate aliorum fas est, non finito fluxu, sed sedato impetu ipsius (presertim in remissione symptomatum iam confirmatorum) occiput inurere: quia scilicet in hoc casu exiguum tunc est, quod desuit, alijsque remedijs corpus vniuersum iam inaniūm est, & deriuationes, atque reuulsionēs aliæ expertæ, & prætentatæ: quare si qua (quæ professio minima erit) attractio fiat, longè maius erit commodum ex euacuatione effatu digna, quā in commodum ex suspecta attractione. Minimè enim necessarium puto persuadere, quam parum attrahat inuersionis, licet à candenti ferro facta sit, cū tempus, quo ferrum cutim contingit, momentaneum sit, & impressio caloris, aut doloris plerunque nulla. Non negamus etiā paralyfim istam diminutam esse, quæ potius stupor, & siens paralyfis est appellanda,

landa, quatenus ueremur ne grauius symptoma reuertatur, quatenus autem in dies mitescit, atque remittitur symptoma, desinentem potius paralyfim, ac in stuporem abeuntem nominauerimus. Caterum seu paralyfis, seu stupor vocetur, eadem remedia in utroque symptomate requiruntur: in paralyfi per se: in stupore, quia metus est ne in eam, aut apoplexiam vertatur, ut consuevit; atque proinde præseruatio flagitur.

Hæc in defensionem hirudinum nostrarum, atque vlceris occipitis attulimus, quæ tu fortassis non minus quam priora fastidies, cum ad Hippocratem, aut Galenum, tanquam ad authores minimè referantur. Neuter enim ipsorum, quantum memoria repetere possum, hirudines vsurparunt, nisi ad cutaneos affectus curandos: cum verò exploratum mox, atque compertum fuerit, quod venæ ab ipsis aliquando exhauriuntur, licebit ex placitis tam Hippocratis, quam Galeni asserere, hirudines ab alijs partibus reuellere, iecurque refrigerare, & interciperet fluxionem, loca vlcerando per quæ transmittitur: tametsi, neque Hippocrati, nec Galeno fuerit ad prædicta familiare hoc genus remedij, Galenus enim vinculis canales cōstringi memorat, ne quid noxium ab vna parte ad aliam peruat: aut astringentibus medicamentis robur addit membro recipienti, ne sua laxitate locum faciat illabenti humori,

neue spiritus, aut calor innatus dissipetur: hoc qui-

dam interceptionem vocauerunt. Noster ta-

men modus intercipiendi satis idoneos

authores habet, ratione etiam, atque

experimento comprobante

vsu ipsum iā innume-

ris ab hinc annis

receptum,

atque adhuc retentum.

ANTONIVS ALVAREZ

NEREO NERIO MEDICO

DOCTISSIMO. S. P. D.

Confutantur rationes Nerij afferentis, venesectionem, & cauterium in occipite convenire laborantibus stupore totius sinistri lateris à causa frigida abortu.

EPISTOLA QUARTA.



ACCEPI tuas literas, quibus pro curando illustri Melchiore de Astudillo totius sinistri lateris stupore laborante à frigida causa abortu, adhuc tenaciter cõtendis optimum fore consilium; si vtatur vacuatione sanguinis per venas sedis, & fontanella excitata in occipite candenti ferro, vel caustico medicamento, qua parte caput vertebræ primæ committitur: quæ à me fuere improbata, non tam contradicendi animo, quàm subueniendi ægrotanti mihi familiaritate coniunctissimo, cui prædicta remedia non modò non prodesse, sed maximum nocumentum afferre posse existimauerim, & plurimis rationibus in epistola, quam elapsis diebus ad te conscripsi, cõprobauerim, quas nunc improbare contendis. Quod autem earum defensionem hucusque literis mādare distulerim, in causa fuit continua febris, qua eo tempore eram correptus: cui scias iucundissimas, atq; gratissimas fuisse tuas literas, & spero fore vt nostra hæc dilcepratio occasionem præstet veræ inter nos conflatę amicitia.

Concedis quidem, & si morbus magnus sit, dūmodo à causa frigida pendeat, venesectionem è venis maioribus omnino vitandam esse: quare iam de hac re nulla inter nos erit controversia. Cæterum eadem ratione argumentaris, si tot cruda extitissent, vbi venæ sedis turgent, non esse tutum ab eisdē sanguinem extrahere, vt permiseramus. Verū si quæ diximus voluisti

Iuisti perpendere, inuenies me huius fuisse sententiæ, pro curâ do prædicto frigido affectu nullatenus mittendum esse sanguinem non modo per cubiti venas, sed per eas etiam, quæ in sedibus sunt, ne pars calore, & sanguine destituta magis refrigeretur: frigidus enim affectus quâ frigidus est, calore indiget, qui in sanguine consistit. Quod si permisimus vacuationem sanguinis per venas sedis eo tempore, quo fuerint tumefactæ, & melancholico sanguine infarctæ: id fecimus non gratia curandi frigidi affectus, sed duntaxat fœculenti sanguinis euacuandi, cum prædictus ægotans, melancholicis affectionibus conturbetur, quibus etiam prospiciendum: præsertim quando natura atrum sanguinem ad prædictas venas expellit, quo infarciuntur & tumescunt. Nō igitur vt diximus respectu frigidi affectus sanguis mittendus est à quibusuis venis, cum sanguinis missio refrigeret: Eamque ob causam Aetius in resolutione, sanguine etiam redundante, parcam iubet facere vacuationem, si enim eam præcipit vt superans humor euacuetur, sanguis proculdubio superabit, nam reliqui humores à sanguine potius purgationem quàm venæsectionem postulant: & adhuc considerare consulit habitum corporis ægotantis, tempus, studium, prægressam victus rationem, & reliqua quæ prohibere solent sanguinis missionem.

Sed omissa vniuersaliori euacuatione per venæsectionem, ad magis particularem confugis, laudans eam quæ per venas sedis fit, præsertim quod malum per consensum à partibus infernis ortum duxerit, & ab illis nihilominus foueatur, licet iâ cerebrum, & spinalis medulla laborent per essentiam: à subiectis enim sedibus ferri vaporem, & humorem, non simplicem, sed ex calidis & frigidis permistum asseris, eorum autem fontes iecur, & ventriculū ministrare: vnde colligis, non esse abs re ratione partium per consensum lædentium, sanguinem detrahare per venas sedis. At si consideres frigidum affectum, & remediij genus, proculdubio intelliges sanguinis detractionem ex quibusuis partibus non cōuenire, si enim venæsectio ex magis venis refrigerat, quomodo ex venis sedis nō refrigerabit?

præ-

*De curat.
adversus
Eras. c. 5.*

præsertim si notatu digna fuerit vacuatio, quæ sequi solet post hirudinū applicationē, adeo ut illis semotis sepe fluat sanguis ad unā, & plures libras, & ægrotantes uitam simul cū sanguine fundant: quod si diminutè fluat, solū hirudines trahent illum sanguinē, qui carni adiunctus est, nō qui in imo corpore continetur, sicq; non euacuabunt partes eas, quæ ad caput trāsmittunt vapores, aut superfluos humores. Neq; ratio, quā ex Galeno adducis, quidquā convincere videtur, cui imponis, ex plo Hippocratis Margei famulæ sanguinem detrahentis ratum fecisse, licere in affectu frigido sanguinē mittere, & multo magis ex venis sedis, ex quarum uacuatione minus incōmodi vires, & calor innatus patiuntur. Sed iam Hippocratis verba perpendamus dicētis ex Margei famula ne sanguinem quidē prodijisse: nā ut filiolum hæc peperit, illico os vteri ad uertebras coarctatum detortum est, unde dolor subsequutus est, qui cessauit ex uena prope talū secta, quamuis tremores corpus iam occupassent. Hippocratis autē verba exponens Galenus inquit. Atqui nunc ad occasionē ipsam, eiusq; fomitem trāscundum est, Hippocrates siquidē te, & occasionem morbi, & generationē occasionis perpēdere iubet, id quod tu mea quidē sententia multitudinis sanguinis, præsertim molestiā inferente, nō de alio quoquā præterquam de venesectione dictū affirmare possis. Vides quomodo Galenus sanguinis multitudinem molestiam inferētē in Margei famula occasionem fuisse asserat sanguinis missionis factæ, ideoq; dixit Hippocratem præfatæ mulieri licet iam tremore correptæ, venam secare non distulisse, cū ē diuerso nemo alter in tremoribus æquē atq; in hydropisi, aliove frigido affectu villo, sanguinem detrahare vnquam ausus fuisset: in talibus enim ex calidi humoris vacuatione, adhuc multo magis corpus necessariò refrigeratur, & innatus calor, qui per affectum antea quoq; refrigeratus fuerat, extinguatur. Non igitur quā frigidus affectus aderat, Hippocrates præfatæ mulieri sanguinem misit, sed multitudinem sanguinis ante ipsum affectum considerauit fuisse accumulata: Muliercula enim à purgamentis, quæ secundas dicimus, nō fuerat expurgata; fomes autem

autē, seu nutrimentum occasionis, hoc est, generatio, primaq;
causa ob quā non sit probè expurgata, est ipsa contorsio vteri,
qui ad coxas cōtortus fuerat. Proinde cū retentio, euacuatio-
nem, situs verò vteri, locum per quem euacuatio instituenda
est, illi indicaret, venam talo proximam incidit. Sanguis igi-
tur retentus in causa fuit venæsectionis in Margei famula, nō
frigidus affectus, vt ex Galeni mente retulisti. Imo si totum Ga-
leni contextum citato loco perlegisses, intellexisses naturam
ipsam mulieres cunctas singulis mensibus euacuare sanguine
superfluo foras effuso. Muliebri enim genus, vt quod domi
ageret, neq; vehementibus laboribus exerceretur, aut sub cla-
ro sole viueret, ac ob vtraque hæc, multitudinem humorum
coaceruaret, ipsam euacuationem plenitudinis, tanquam re-
medium naturale obtinere opus habebat. Et vnum quidē istud
naturæ opus est: alterū verò purgatio post partum contingens
existit. At si iam cognouisti quot commoda ex huiusmodi va-
cuationibus muliebri genus consequatur, quotq; nocumen-
ta eisdem suppressis eueniant, haud video quo minùs de venæ
sectione famulæ Margei, quæ secundis non fuerat expurgata,
quispiam dubitare posset. Sed post habitis mulieribus, vt Ga-
lenus refert, te ad mares iā confer, vt discas scilicet, quod qui-
buscunq; pro consuetudine superflua per hæmorrhoides eua-
cuantur, hi omnes vitam morbis minimè impeditā agunt: qui
bus itē inanitiones supprimuntur, hi in perniciosissima queq;
labuntur, tuncq; sanguinis suppressio venæsectionē postulat:
at egrotans de quo sermo sit superflua ex consuetudine per hæ-
morrhoides non solet vacuare, ex quorū retentione in stupo-
rē sinistri lateris inciderit. Sed videamus an celebre adeo re-
medij genus à te propositū, prestare possit, quas proponis, vti-
litates cerebro per consensum laborāti, nam eidem, quatenus
per propriā passionem affectū est, nihil proderit. Partes enim
que per consensum mittunt vapores, atque humores ad supe-
riora, non simplices, sed permixtos, ventriculus, atque iecur
sunt. Vētriculus igitur imbecillis cū sit crudos procreabit ha-
mores: aut præter naturali calore affectus ex corruptis edulij

*Citato loco
de cur. rat.
aduers. Eras.
c. 5. ad finē.*

porta-

porraceam generabit bilim: at in vtroq; affectu potius conuenit vomitio, aut medicamentum ex Aloe, quàm venesectio ex quibusuis venis, præsertim ex ijs quæ sedis sunt. At si iecur laboret, non erit quidem inflammatione, quoniam subsequuta fuisset febris, quam in frigida affectione desideramus, vt suo calore membra refrigerata foueat, frigidosq; humores morbû concitantes calefaciat. Laborabit igitur imbecillitate virtutis concoquentis, vnde fiet vt crudorum humorum copia redundet, à quibus vapor caput replens sursum feretur. Huiusmodi autem iecoris imbecillitatem, & crudorum humorum vapores venesectio non tollit, sed medicamentis potius citra molestiam euacuantibus, & partem corroborantibus vti oportet. Præterea, quæ quæso est venarum sedis cum iecore, aut ventriculo adeò manifesta communio? licet enim omniû nostri corporis partium communio vna, & conspiratio vna sit, tamẽ directam, & manifestam communionem venarum sedis cû ventriculo, aut hepate non inuenies. Propagines enim venę portæ lienem perentes eò à natura conditæ fuere, vt simul lieni alimentum deferant, atq; ex iecore sæculentum sanguinem, seu melancholicum succum in ipsum expurgent: lien enim atrum illud sanguificationis recremētum in sui nutritionem cōficit, quod postea per venas ab illis, quæ lieni inferuntur in ventriculum profusas, quod ipsi ex sæculentiori sanguine reliquum est, neq; sibi concoquere, adaptareue valet, partim in vētriculum eructat, partim verò in sedem per venę portę ramum sub coli intestini sine, & tōta recti longitudine, in mesenterio ductum, & per hemorrhoides sanguine crassiori, lutofoque turgentibus: venę autem he nimium oppletę, quum iam sensim sanguinem illum admiserint, apertis ipfarum oris eructare cernuntur ordinatis vicibus, quemadmodum mulieres suis mensibus statutis ex vteri repletis venis sanguinem paulatim coaceruat, quo turgent, singulis mensibus apertis ipfarum osculis emittere solent. Cùm igitur melancholicus succus ab hepate in lienem deponatur, & is aliquando per sedis venas statutis temporibus (vt diximus) euacuetur, proculdubio harum venarum

rum communio proximior, & magis directa cum liene, quam cū ventriculo, aut iecore deprehenderur, & per proprios canales melancholico humori dicatos eiusdē humoris tractio fiet. Neq; ea vacuatio sanguinis, quę per venas sedis fit, tāta esse potest, aut debet, vt hepar, & ventriculum possit inanire: si. n. tanta sanguinis copia fuerit profusa, nihil mirū quod successione eius quod euacuatur, non modo iecur, & ventriculū, sed & cerebra ipsum possit attingere, & hominem aut vltimodū refrigerare, aut in interitum ducere: prāterquam quod sunt alię venę in dextro brachio, quę maiorem cum hepate, & ventriculo habent communionem, & magis directam, quam venę sedis à te propositę, quę incidi possent si opus esset venęsectione.

Quod verò affirmas ex Vesalio, hemorrhoides quasdam ex venęcauę ramulo obortas esse, tantū abest ab ipsius sentētia, vt contrarium omnino asseruerit: nam indagaturus num sanguis crassus, qui per venas sedis fluit, per portę ramos, aut cauę in easdem venas deduceretur, nigrum arquatū qui iecoris mira duritie periit cū discareret, quem antea nouerat ordinatis vicibus, vt mulieres suis mensibus ex venis in sedem pertinentibus sanguinis crassioris fluxu vexari, inuenit venę portę ramum sanguine illo crassiori, lutofoq; turgentē, & à liene per dictum vas in sedis venas depulsum, cauę venę ramis huc pertinentibus nihil prorsus immutatis, adeò vt se stupidum iudicaret si posthac ambigeret, num ex portę samis, an cauę, melancholicus sanguis ex sede permanaret. Imponis igitur Vesalio hemorrhoides quasdam ex venęcauę ramo obortas esse: quinimo historia nigri arquati, qui iecoris uitio periit, manifestē monstrat quanta sit communio venarum sedis cum iecore, quādo ex tanta crassi humoris per dictas venas euacuatione, & toties iterata, non modo nō fuit leuatus, sed in vltimam perniciem deductus. Tuas rationes de cauterio applicādo occipiti repetere destitiffem, cū satis, superq; illis altera epistola satisfecerim, nisi ad tuēdam tuam sententiā duo supposuiffes, quę à vera medicina deuiare mihi videntur: vnū est, vlcus occipitis deriuare materiam morbificam tum à cerebro, tum à neruis affe-

Vena sedis maiorem habet communionem cum liene, quam cum iecore, aut vetriculo.

Li. 3. de fab. corp. hum. cap. 5.

Melancholicus sanguis fluens ex sede, prouenit à venę portę ramis, nō autem à venęcauę.

Etis in stupore totius lateris: alterum verò, fluentem materiã, quæ sensim à capite ad nervos obstructos destillat, in loco medio intercipere. Si n. in stupore prædicto, postica cerebri pars, & spinalis medulla ab ea propagata laborant, cauterium applicitum concano occipiti, qua parte incipit spinalis medullæ origo, supra laborantes partes applicabitur. Non igitur materiã morbum facientem deriuare, seu diuertere valebit, quinimo in affectas partes maiorem fluxionem humorum tractione concitabit. Et admiror maximè quòd intelligens deriuationem per aliquam vicinarum partium fieri, nihilq; aliud esse deriuare, quàm à riuis ad latera diuertere, huius rei immemor dicas deriuationem fieri per particulas, quæ fluxionem suscipiunt, quales sunt posterior cerebri regio, & exortus spinalis medullæ, quas inurendas esse censes deriuationis humorum causa. Alterum quod præcipuum in hoc remedij genere existimas, nèpè fluentem materiã, quæ sensim à capite ad nervos obstructos destillat, in loco medio intercipere, apud me non modò suspitum est, verum à rei veritate valde alienum. Nam qui quæso fieri potest vt cauterium, quod superficiale, & parum penetrans vlcus constituit, fluentem humorem à cerebro per spinalem medullam intercipiat? præsertim cum cutim, & carnosam membranam solum attingat; nam si penitus progrediatur, vt sepe ab imperitis medicis fieri solet, pars resoluta cum maximo egrotantium incommodo inflammatione afficitur. Non igitur fluentem humorem intercipiet, cum spinalem medullam illo infarctam non attingat, aut scindat, quæ sub prima vertebra dicto sibi magno foramine continetur, & ad quam interna parte humores fluunt sinistram ipsius partem, & nervos ab ea exortos quodam modo obstruentes tali quantitate, vt stuporem eiusdem lateris, non autem paralyfim valeant concitare. Quãuis enim vterq; morbus sub eodem genere cõtineatur, magnitudine differunt: cum enim incipit affectio, stupor fit, postquam verò consummata fuerit, paralyfis, seu resolutio generatur. Vnde Galenus mediam quãdam dispositionem stuporem esse dixit inter resolutionem, & integram valetudinem. Quia igitur

*Deriuatio
non fit per
particulas
quæ fluxio-
nem susci-
piunt.*

*Cauterium
in occipite
non interci-
pit humore
fluentem à
cerebro in
spinalem me-
dullam.*

*Stupor et pa-
ralyfis ma-
gnitudine
differunt.
2. de loc. pa-
tient. cap. 1.*

igitur ratio ne vlcus cauterio concitatu, quod non modo non attingit spinalem medullam, verum ab ea maximè distat, humores per illam fluentes poterit intercipere? riuus enim fluxus intercipitur, quando canalis per quem fuit scinditur, quod si scissio illum non attingit, fluxus non desistit, neque vlla illius fit interceptio. Ex duobus igitur à te suppositis cum vera non sint, nihil mirum quod falso concludas cauterium supra lesam partem applicitum deriuare, & concitatum vlcus, quod non attingit spinalem medullam, humores per illam fluentes intercipere. Quod si authorum mentes, quos in comprobationem tuæ sententiæ adducis, perpendisses, ab eisdem prædictum remedium diuertendi gratia supra lasas partes appositum comprobari non dixisses, inter quos Rasiū connumerās, qui docuit vñtionem faciendam in loco medio, per quem fluxus pergit ad locum aliquem lesū, siue sursum, siue deorsum feratur materia. Quod nostræ fauet sententiæ, hac enim ratione si huius moris deriuatio facta vlcere in sanis partibus, & loco affecto propinquis, non in eadem parte lesa. Aetius, atq; Albucasis, & aliqui è recētoribus in lateris vnius paralyti occiput inurūt cum morbus iam confirmatus est, non intendētes tunc diuersionem, sed humoris iam fluxi in affectas partes resolutionem, & euacuationem. Cum verò stupor dimidij corporis paralytis (vt diximus) non sit, sed media quædam dispositio inter paralytim, & integram valetudinem, interim dum tendit in resolutionem, semper humores sunt in fluxu, qui diuersionē potius postulant per partes locis læsionem patientibus propinquas. Neque enim ex eo quod confirmata paralytis ratione iubeat Aetius facere vñtionem in occipite supra lasam partem, bene colligis ex eiusdem sententia in stupore, qui medietate itineris distat à resolutione, supra lasam partem eandem vñtionem efficiendam, sed satis fuerit leuioribus auxilijs affectas partes corroborantibus, & earundem iam fluxos humores dissipantibus, & per halitum resoluentibus auxiliari. Et interim dum humores adhuc fluunt, & timor est ne partes affectæ in resolutionem tendant, proderit maximè cauteriū circa propinquas,

Lib. de cauterijs.

& sanas partes, vt quotidiana euacuatione per fontanellā concitata, fiat humorum exlasis partibus, quæ intenditur, diuersio. Quæ adducis ex celsi mente, qui in phrthisi curanda, quæ à destillatione capitis in pulmonē fit, cauteria cōsultuit sub mento, & in gutture, non alia ratione, quàm ad fluxum in loco medio intercipiendum, antequam perueniat affectum locum, potius comprobant nostram sententiam, quàm vt ei aliqua ratione refragari videantur, cum eo modo fiat humorum deriuatio per partes sanas affecto loco propinquas. Et Auicennas si occiput, & primas colli vertebrae acrioribus medicamentis rubescit ijs, qui paralyfi laborant, id facit nō diuertendi fluxus gratia, sed potius euacuandi, & per halitum digerēdi fluxum iam humorē, & in summa, vt lēsam partē corroboraret, & suo calore foueat, atq; calefaciat, ad eamq; spiritus inducat: cuius rei gratia admisimus, & adhuc admittimus in confirmata iam paralyfi, & cauteria, & sinapismos supra lēsas partes. At cum in egrotante, de quo sermo fit, duplicem constituas affectum locum, cerebrū videlicet, & neruos, ita vt affectus occupet continuatim dictas partes, nihil erit medium inter cerebrū, & lēsos neruos ab spinalis medullæ sinistra parte exortos, quod sanū persistat, & in colume eadē parte, lēsus igitur locus etiam erit principium spinalis medullæ à cerebro exortum, & sub occipite, & prima colli vertebra cōtentum, à cuius medullæ sinistra parte nerui lēsi originem trahunt. Quarē cauterium supra occiput, & primas vertebrae, cum super lēsas partes fiat, non deriuabit fluētes humores, sed attrahet potius, cum deriuatio per sanas, & propinquas partes fieri debeat. Quod si deriuationis naturam, & finitionē perpendisses, eam per affectas partes fieri nō dixisses. Et magis admiror, quod vstionem, quam Hippocrates præcipit supra coxendicem, aut humerum, differre ab ea credideris, quæ supra occiput, & primam colli vertebrae fit in laborantibus paralyfi, seu stupore dimidij corporis, existimās in talibus cerebrū, & neruos affectos esse mucore, ac pituita, vt in articulorum affectionibus contingit, qui eosdem humores seruant, spinalem verò medullam solum deferre prædictos humores

res à cerebro in nervos, illosq; non servare. Quod idem est, ac si dicas affectas partes esse cerebrum, & nervos, spinalem autē medullam, per quam transeunt prædicti humores illesam esse, ideoq; super ipsam cauterium applicatum, tanquam super sanam partem, & benevalentem, ac affectis partibus propinquā, deriuare à superioribus, ac inferioribus. Quod quantum deuiet à rei veritate norunt omnes, qui perceperunt spinalis medullæ substantiam, atq; naturam non differre ab ea, quæ in cerebro est, & in nervis consideratur, cum orta attestentur suis principijs, & spinalis medulla oriatur à cerebro, illiq; cōtinuetur, & nervi ab spinali medulla, & substantiæ modus idem sit, eademq; aptitudo in omnibus reperiatur ad suscipiendos, cōtinendosq; crassos, ac lētos humores. Vnde fit, vt cum propter animalis facultatis priuationem(quæ à cerebro, tanquā à primo principio medijs nervis, ac per spinalem medullam, & nervos ab ipsa exortos, tanquam per semitas ad sensus, & motus instrumenta deferitur) resolutio generatur, non in merito cerebrū ipsum, aut spinalis medulla, seu particulares nervi quidam à cerebro, vel spinali medulla exorti, aut deniq; ipsamet instrumenta in qualibet resolutione afficiantur. Si resolutio in instrumentis contingat, nihil mirum quod nervi duntaxat illis motū, & sensum deferentes obstructione ex lentis, ac crassis humoribus laborent, cerebro, & spinali medulla cū reliquis nervis ab eis propagatis nullam obstructionē patientibus, aut aliā quamvis affectionem, quæ sit in causa, quominus sensus, & motus ad alias partes trāsferatur. At si spinalis medulla adeo læsa fuerit, vt viæ intercludātur omnes, per quas ad nervos ex ea ortos vis sentiēdi, & mouendi transmittitur, vniuersum corpus infra caput resolutione afficietur: si verò spinalis medullæ dextra pars adeo fuerit obstructa, vt animalis facultas in eiusdē partis nervos transire non possit, dextri lateris resolutio cōtinget: quemadmodū & sinistri paralyfis erit, si sinistra obstructionē patiatur, aut aliquo alio modo intercludatur. At si cerebrū affectum sit, non tñ secundum se totum(quia apoplexia generaretur) sed secundum partem dextram, vel sinistram, inde

cogno-

Spinalis medulla, & cerebri eadem est substantia.

cognoscēs, quōd simul cum dextra parte corporis, vel sinistra, faciei quoque partes dextrę, vel sinistrae resoluntur, cerebro, & spinali medulla per cerebri consensum ea in parte læsionem patientibus. At si accadat quandam duntaxat determinatam partem resolutam esse, inuestigandum est unde nervos suscipiat: quod facillè cognoscēs, si in re anatomica fueris exercitatus: quemadmodum si spinalis medulla nō secundum eius initium, sed iuxta alias inferiores partes, atque vertebrae lædatur, statim intelligēs suppositas partes oblasas esse: si ingēs fuerit affectio, omnes: si exigua, & secundum partem, illas tantū læsas esse percipies, quæ ē directo suppositæ sunt. Quemadmodum autem id sit dignoscendum, passim inuenies apud Galenum, & ex eius doctrina intelligēs fieri nō posse, ut cerebri dextra pars, & nerui à dextra spinalis medullæ parte propagati affectionem patiantur in resolutione dextræ corporis medietatis, quin simul, & spinalis medullę dextra pars, à qua dicti nerui trahunt originem, laboret, & per quam ad eosdem sentien-

1. de causis
sympt. c. 5.
& 3. de loc.
affect. c. 10.

di, ac mouendi virtus defertur. Quinimo fieri potest, ut propter principij spinalis medullæ obstructionem, quæ uiam animalis facultatis intercludit, nerui, & inferiores partes sensu, & motu priuentur, ipsis tamen nullam particularem affectionem patientibus: quemadmodum oculi benè habentes uisione priuantur propter neruorum opticorum obstructionem, quæ intercludit uiam, per quam uisorijs spiritus transmitti solebat: sicque oculi in amissione uisus, & nerui, in perditione sensus, & motus, ex eo dicuntur laborare, quōd non transmittitur id, quod secundum naturæ legem transmitti debebat.

Quamobrem si in stupore totius lateris sinistri duplicem assignas affectum locum, cerebri nempè sinistram partem, & nervos eiusdem lateris, locum primario affectum cerebri sinistræ partem esse dices, quæ quodam modo obstructa est: nervos uero eiusdem lateris secundo affici necessario concedes, aut quia ad eos non peruenit ea animalis facultas, quæ secundum naturam peruenire solebat, aut quia (ut dicis) læsi, & infarcti sunt eadem materia crassa, atq; lenta, qua cerebrum ipsum affectum

fectum est, quæ ab ipso per spinam ad nervos fertur. At utroq; modo spinalem medullam affici necesse est, priusquam nervi ab ea propagati afficiantur: vel quia ad illam non transmittitur à cerebro ea sentiendi, ac mouendi facultas, quæ secundum naturam transmitti debebat, vel quia secundum sinistram eius partem repletur ea pituitosi humoris portione à cerebro delapsa, quæ sufficiens sit taliter sinistras vias animalis facultatis delatorias obstruere, ut stupor per vniuersum latus sinistrum sentiat. Quare sicut duplicem affectum locum assignas, ut triplicem constituas necesse erit. Qua enim ratione fieri poterit, ut cerebrum laboret frigidis, ac crassis humoribus, & similiter nervi ab spina producti infarcti eadem materia à cerebro delapsa, & spinalis medulla per quam transeunt prædicti humores illis non infarciatur, neque eius viæ intercludantur? An differens est eius substantia ab ea, quæ in nervis ex ea propagatis consideratur? aut minorem habet aptitudinē ad recipiendos, continendosq; crassos, ac lentos humores, quam nervi ab ea exortiti? Nemo sanè vel mediocriter in anatome exercitatus id proferet. Cum igitur affectus locus etiam sit spinalis medullæ initium, nemo, qui intelligat quæ sit deriuandi ratio, suadebit in occipite supra primam vertebra, in qua spinalis medullæ initium continetur, ignitum ferrum, aut causticum medicamentum esse applicandum, fontanellamq; formandā: id enim contradicit deriuationis naturæ, quæ per sanas partes affectis locis propinquas, non autem per læsas fit. Et hoc modo in stupore deriuando fluentes à cerebro humores, præcauemus ne in paralyſim, aut apoplexiam vertatur. Non. n. eadem remedia in stupore (cum mitior sit affectus) desiderantur, quæ in paralyſi, metienda enim sunt pro ratione magnitudinis morbi, aliaq; methodo factus iam morbus, alia verò fiens curari debet. Hæc dicta sufficiant pro rationum nostrarū defensione, quibus tuæ epistolæ responsum fuiſſe exiſtimo, ac verè monstratam sententiam nostram, cui subscribere debetis, qui se verum Hippocratis, & Galeni sectatorem profitetur. Vale.

ANTONIVS ALVAREZ

ILLVSTRI VIRO PETRO TVRRIO BVR-

GENSIS CIVITATIS SENATORI DI-

gnissimo plurimam exoptat salutem,
ac felicitatem.

CONSILIUM SECUNDVM

De Podagra praeservatione, atque curatione.

IAM ET SI mei in te amoris, & tuae erga me benivolentiae summa studia sic tibi, ac caeteris omnibus sint explorata, ut apertiori testimonio non indigeant, volui tamen, ut clariori splendore luceant, leuatus aliquantisper varijs, & corporis, & animi molestijs, saluti tuae consulturus calamo manum ad mouere, ac remedia summam, victusq; rationem conscribere, quibus articulari morbo, ingentibusq; dolorum cruciatibus possis praemuniri. Et quanquam prosperam incolumitatem non ausim tibi polliceri, quod vis huius aegritudinis ad intima penetrans difficulter, egregiq; diuellatur, permulcenditamen doloris refrigeria hinc inde per doctissimos authores dispersa collegi accuratè, quae dolenti opem ferant, & mei semper in te amoris testimonium praestent. Has ergo nostras lucubrationes accipe, euolue, ac perlege, quas saluti tuae consulturus sollicitè conscripsi, existimaq; tantam in me regnare gratitudinem, ut ne uerbis quidem, sed opere (ubi res postulet) gratissimum me fore certò cognoscas.

Affectiones internarum partium cum in imo corpore latent, difficilè cognoscuntur, ideoq; exercitatum ratione virum, ac natura prudentem desiderant: quae verò externas partes occupant cum sensui subijciantur, haud egre percipi possunt, praesertim si articulos obfuderint: est autem articulus naturalis ossium structura, siue cohaerentia. Cum igitur fluxio humoris per omnes aequaliter articulos dispergitur, aut plurimos inua-

dit

dit,articularem morbum generat, ortum habentem ex eorum dem articulorum imbecillitate, ac humorum influxu: quando verò ad inferiores partes fluxio facta est, ita vt pedis articulos repleat, tale vitium podagra nominatur, quod plerunque incipit ex vno pedis articulo, & paulatim ad genua procedit, progrediturq; in alios temporis diuturnitate. Quod autem malū omnibus, aut plurimis articulis accidit, arthritidis, vel articularis morbus est: hoc in vno, si iuxta coxendicem, schiaticum, si in manibus, chiragram, si verò in pedibus, podagram (vt diximus) nominare consueuimus. Qui omnes morbi genere idē sunt, affectis duntaxat locis differentibus, eadēq; in omnibus est doloris ratio, qui sequitur tum ad inaequalem intemperiem ipsius articulationis, & partium circumiacentium, tum etiam, & præcipue ad earundem extensionem, seu continui solutionem. Hæc est igitur in genere articularis morbi essētia, de qua in particulari (quantum ad te attinet) sermo fiet.

Articularis morbus quis sit.

Podagra.

Schiaticus morbus.

Chiragra.

Vexaris igitur vir egregie articulari morbo, maximeq; podagra è sanguine pituitæ naturam participāte, qui per angustos iūcturarum sinus, flauæ bilis stimulo, celerrimè penetrat, & nervos distendens ingentes dolores, ac cruciatus, maximaq; partium inflammationes concitat, & ab excrementorum cōgerie partes aliquas, præsertim genua, ita labefactat, vt crurum motus vix proferre possis. Is itaq; morbus cū verustate, inueterataq; consuetudine radicitus euelli non possit, leniendus, demulcendusq; est, dandaque opera vt ope nostra auxilijs propositis, & si non aboleri, saltem leuari possit. Primū omnium id dicam, cū annum agas quadragesimum quintū, placidoque, ac miti ingenio sis, iracundiæ minimè tenax, facili cogitato cuncta maturans, nō obesus, non gracilis, verū solida carne ad pinguedinem propensa compactus, sub rubentibus in albore membris, perpetuaq; vultus hilaritate cum grauitate serenus conspiceris: ijs omnibus indicijs, aliorumque multorum accessione, te calidē, & humidæ esse tēperaturæ subaquo si sanguinis dominationi obnoxia iudicarem: cuius cognitio plurimum facit, tum ad victus rationem constituendam, tum

T etiam

etiam ad conuenientia remedia venanda.

*Viuenti ra-
tio.*

Cum igitur sanitatis conseruandæ, ac recuperandæ, primas sibi partes vindicauerit viuendi ratio, ab ipsa in primis auspicabor. Quæ talis esse debet, vt vno, aut altero obsonij genere contentus, & eodem tenuissimè premanso, adijciales mēsas fugias: non ieiunium, sed abstinentia prodest, neq; inedia, neque crapula commendatur: Expetitis dapibus, potuque nunquam explearis. Cibus continenter nullo interuallo sumendus est, dimidiabit esum congrua potio candenti ferro sepius indito concinnata. A vino prorsus abstinere oportet, aut si vetriculus exposcit, rubro tenui, quàm crasso potius vtendum, eadem aqua valde diluto: reprobatur album ob faciliorem in membra transitum. Ad hæc, quæcunque pituitam vbertim gignunt edulia cauebis, quæq; viribus, actiue gelida sunt, ingēs enim frigiditas iuncturas, & artus discruciat. Quæcunque præterea corpus inflammant, vitanda, vt aromata, vinum potens cuiuscunque generis, maximè flauum, aut album. Porrum itē, cēpam, allium, nasturtium, raphanum, & id genus effugies: betam similiter, cucurbitam, lactucam, cucumerem, eo quòd aquosum gignunt sanguinem. Atque simili causa vniuersis penè nucibus, & pomis abstinuisse expedit: quanquam malum cydonium, pomorum, pyrorumq; meliora genera, vbi opporuno igne assentur, secunda mensa gratissima sint, & liberè cōcedi possint. Mala aurantia, mala item punica moderato vsu haud noxia sunt. Adde aridas ficus, atque vuas concedi, quibus virentibus interdictum est. Reprobamus etiam quæ lotiū mouent, nempe feniculum, apium, petroselinum, ciminum, anisum, pastinacam, asparagum, brassicam, cicer, phaseolum, & id genus reliqua, atque eorum ius cula, & decocta: quoniā referatis meatibus sua vi præcipientes in iuncturarum rimas humores propellunt, contra, astringentia, & non nihil refrigerantia nutrimenta opitulantur: qualia milium, panicum, oriza, lens, & herba acetosa. Inimicus est caseus omnis, maximeque vetustus. Quæ facile concoquuntur alimenta laudantur, sicut gallinacea oua recenter nata, quæ facili coctio-

netre

netremula, forbiliaue sunt: hæc etiam omphacij conditura, & butyro exiguo concinnata non nocent, acidi enim, stipticique liquores opportunè subueniunt, quales malorum citrangelorum, punicorum, cydoniorum, agrestæ, & limonũ, quibus fercula, dapes, obsonia, æstiuo præsertim tempore, ad temperasse prodest. Acetum iuncturis obest, nervos enim exulcerat, atque distorquet, vnde ipsius cauendi præcipua cura sit. Obest pisciũ pene genus omne demptis saxatilibus, & molli carne præditis: crassioris etiam, & viscidæ carnis alimentum, vt iuillæ, ac bubulæ, quod crassum, uiscidum, & concoctu difficile sit: hædulina, ac gallinacæ commendantur, & siluestrium quadrupedum capreoli, lepores, atque iuniores cuniculi. In uolucrum genere cõfert maximè perdix, phasianus, turtur. Montium item aues his, quæ in planitie degunt, incoluiores. Aquaticæ contra, infestæ sunt omnes: semper enim sicciore humidoribus præferuntur, velut affata elixis. Panis ex tritico, congruo feruento recenter confectus, ac probè coctus, conueniens est, opportuno sale adiecto: qui enim nimius est, inflammat, desiccaturque intemperanter. Cænæ interdixere expedit, nisi velis fructu aliquo saccharo condito, & moderata portione corpus reficere: quod si lautiores cenam aliquando assumpseris, mane euomere curabis, aut clysteris beneficio ventrem mouebis. Veneris vsus quantum fieri possit vitandus. Immodice etiam animi affectiones, quales sunt mærores, tristitiæ, sollicitudines, atque curæ, quoniam vires corporis enervant, maximè vitandæ. Somnus septem horis absoluendus, noctuque præcipuè, cum interdiu dormire nocuũ fit: & vna, aut duabus horis ab assumpta cœna esto peruigil, nõ enim statim post assumptum cibum somnus cõducibilis est. Moderatum pedum exercitiũ confert, immoderatum nocet, præsertim si longum sit iter, & viarum asperitas, vel solis, per quod fit gressus, inæqualitas: quamobrè calceamentorũ quoque ratione habere expedit, ne pedes arctius vrgen do premantur. Ad hæc, frigidiores regiones fugiendæ. Ieiunus præterea exerceberis, & eques potius, quàm pedes, tuncque potissimum, cum aduentare malũ non reformides,

Venus.

Animi perturbationes

Somnus.

Exercitium

Aer frigidus vitandus.

tempore enim accessionis exercitium vitandum est. Neque fricare pedes, aut abluere quouis tempore salutiferum existimo, nisi velis lutum, & excrementorum crassitiem detergere, decocto rosarum, absinthij, balaustrarum, myrthi, nireum eupressi, corticum malorum punicorum, cisti, & salis, quo leniter pedes lauandi sunt, & plantarum sordes cultello radende. Scapulas item, humeros, & totum superius corpus exercere, ac moderate perfricare, vbi malum membra istæc non occupat, conducibile est. Aer ficcus deligendus; quamobrem iuxta paludes, lacus, stagna, & humentia loca vitam agere, periculosum est: neque in ima domo, sed superioribus eius partibus habitandum. Humentes lunæ radios, & caligantem nebulam vitare oportet; laxant enim iuncturas, & ob id in illas facilius confluunt excrementa, his igitur, quæ ad debitam victus rationem attinent sic propositis, proximum est de remedijs, quæ morbi accessionem præcauere possint, verba facere.

*Sanguinis
missio.*

Aduentante vere priusquam mali fiat accessio, sanguinem mittere expedit ad uncias sex incisa in dextro brachio vena basilica, (pridie tamen communi clystere aluo soluta) quam iterare in sinistro brachio licebit, nisi virium adsit imbecillitas. Nam, & si huiusmodi fluxionibus circa articulos sæpius fueris tentatus, & ideo timor sit plus noxæ; quam auxilij ex sanguinis deductione prouenire posse, tamen mittendum esse cōsulerem, ob eam, quam ipsius sanguinis ex propria natura gignis copiam, non solum vacuationis, sed etiam præseruationis gratia. A venæsectione purgationem moliri expedit: verum ante purgan-

Præparatio

tium medicamentorum exhibitionem ea tribuenda sunt, quæ vim habeant attenuandi, nam sic præparati succi ad purgationem magis idonei redduntur: præparabuntur autem si per aliquot dies uncias tres syrupsus è succo rosarum, atque granatorum, cum totidem vncijs decocti cinamomi, anisi, & florum cordialium dilutas assumas quolibet mane. Quibus iam præparatis,

Purgatio.

purgans medicamentum præbeatur ex decocto trium dracmarum myrobalanorum chebulorum, & diſarum rhabbarbari, & agarici præparati, in quo, per colū transſiſſo, dissoluatur vncie

tres

tres fyrupi ex pluribus infusionibus rosarum perficari cum semuncia diacarthami. Intermissio aliquo tempore, venter (ubi res postuler) molliendus est decocto drachmarum duarum corticum myrobalanorum chebulatorum, in quo uncia tres fyrupi ex pluribus infusionibus rosarum rubearum sint dissoluta: hæc autem non bis, aut ter, sed sæpius repetenda sunt, ubi usus urgeat.

Cæterum cum non solum præsentem salutem præservare, & à morbo præcauere, sed amissam restituere curemus, hoc in primis commendo, ut primo statim doloris aduentu tenuissimo victu utaris, veluti est amyli, aut farinæ hordei pulticula, vel milij, seu panici forbitiuncula: quæ enim maioris sunt nutrimenti, & sanguinem abundè generant, abijcienda. Fluxionis præterea ratio habenda est, & quantum fieri possit reprimenda: quod fiet misso sanguine è directo partis dolentis, exhibitisque remedijs alium soluentibus, & postea applicitis repercutientibus, non enim licet repellere humores, nisi prius corpus euacuetur: repellimus autem frigidis, & astringentibus, ut occlusis meatibus difficilius humores confluant. Expediit enim affectas partes à principio usque ad vigorem refrigerare, & corroborare, atque mitiores reddere, ne propter immodicum ardorem, atque dolorem magis fluxionibus tententur. Ad hoc autem præstantissimum est rosaceum oleum, si quorum lutea ei admisceas, vini etiam, aut aceti momento addito ex Alexandri, & Pauli testimonio. Herbarum etiam admoueantur, quæ infundandi, atque astringendi vim habeant, præsertim virides, velut sunt, semperuium, lactuca, solanum, portulaca, feris, polygonum, rosarum folia, rumex acutus, atriplex, plátago, umbilicus veneris, violarum flores, & reliqua eiusmodi: hæc enim dolores, qui in accessionibus fiunt, abunde lenire possunt, adhuc etiã magis, si paucæ farinæ hordaceæ vnum de prædictis, aut duo admisceantur: & ne siccescat medicamentum utile erit etiam rosaceum oleum cataplasmati adijcere, quod frigidum admoueatur, muteturque crebrius. Vel mica panis posca imbuta adhibeatur, aut hordeacea farina cum rosaceo accommodetur. At si semen psilij in aqua feruenti maceretur, & diligen-

Curatio morbi præsentis.

Repellens.

Torporē inducentia.

*Liberalior
vsus narcotico-
rum no-
cet.
Somnum cō-
ciliantia.*

Discutiētia.

ter subigatur, viscosumq; fiat, & hordaceę farine permisceatur, mirum in modū dolores mitigat, & ardores, ac feruores dolorum extinguit, partesq; affectas ad bonam perducit temperiē testimoniō Alexandri, Aetij, & Pauli, quorum etiam est sentētia, vbi magnus adeò dolor vrgeat, vt egrotātes ferre nequeāt, his quę torporem inducant remedijs esse vtēdum, qualia sunt cicuta, papauer, hyoscyamus, seu mādragorę folia, vel eadem folia contusa, ac lenigata, cum ouorum luteis, ac rosaceo permista. Est etiam optimum Pauli medicamentum, quod recipit micam panis posca maceratam, cum succo semperuiui, portulacę, ac solani, & palmularum carne, ac papaueris semine pari portione, adiectis ouorum rostorum luteis, atq; rosaceo, quodolentes partes delinendę sunt: si verò dolor vehementiūs affligat, opium, & crocum pari portione cū lacte trita, & cerato rosaceo excepta, linteoloq; infarcta imponenda: hoc tñ cum premeditatione faciendum, liberaliorq; horum medicamentorum vsus cauendus, neq; diutiūs eisdem insistendum, quā vt intensioris doloris vehementiam duntaxat leniant: quo tēpore ea quoq; quę somnum conciliant, exhibenda, veluti lactuca & papaueris semen cū lacte amigdalino, seu syrupus de papauere. Hęc inter initia infestantibus doloribus molienda sunt, deinde verò omissis astringentibus, discutientibus magis, atq; exsiccantibus vtendū. Apra autem, erunt vbi mediocris dolor adfuerit, cupressi folia, & nuces, vino cocta simul cum cyperi radicibus, & rhamni folijs, admittis adipe suillo recenti, oleo rosaceo, & modica cera, quibus, commodē addi possunt brassicę folia, & apiij, atq; conizę, ex Alexandri, & Pauli autoritate. Postea bubulum stercus cum hordacea farina in aqua mulsa coctum prōdest: similiter & caprillus fimus cū hordacea farina in posca coctus Paulo teste. Altheę etiam folia cocta, trita, tū per se, tum cum polline, vel hordacea farina, leniter. n. discutit, & exsiccant. Amarici item coma, arthemisia, abrotoni folia, pulegium, sampsuchus, brassica, serpyllum, feniculum, sisymbriū, mentha, ac reliqua huiusmodi cum pane, seu farina sēnugręci, erui, aut lolij, ac recēti adipe suillo, oleoq; irino, seu nardino

pro cataplasmate imponuntur. Quod si hæc nō profuerint, fo- Fotus.
tibus, seu liquoribus torrentis ritu ab alto proiectis tentandum
erit, proficere: sunt autem hi, chamemeli, meliloti, fenugreci,
centauri, aliarumq; similium herbarū u decocto: nonnullis cap
paris decoctum fuit auxiliū. Verū omnibus præstat efficacia,
ex Alexandri, ac Pauli autoritate, thymum, origanum, satu-
reia, & calamintha in aceto acerrimo decocta, & ubi herbe pro
bè fuerint decoctæ, tunc eodem aceto adhuc calido affectæ par-
tes sepius, & frequenter super infundēde sunt. At ubi dolor his
mitior euaserit, eis uti expedit medicamentis, quæ non solum
summā cutim infestantia, sed etiam in alto fixa calefacere, & di-
scutere queant: id autem efficit medicamentum, quod recipit
adipis suilli veteris, & butyri, cuiuslibet vnc. j. olei veteris, vel
nardini vnc. ij. cremoris seminis lini, & fenugreci singulorum
drac. iij. ammoniaci, & galbani in aceto macerati singulorum
drac. iij. croci drac. se. cere quantum fatis sit pro conficiendo
cerato. Item & hoc præstantissimum est, quod recipit castorei,
thuris sing. drac. j. s. medullæ ceruinæ, & adipis anseris sing. dra.
iij. olei anethi, & nardini sing. vnc. ij. s. bdelij, & galbani in ace-
to macerati, ac dissoluti sing. drac. iij. farinæ seminis lini, & fa-
nugreci sing. drac. s. cum cere sufficienti quantitate. Laudatur
etiam medicamentum, quod constat ex croco, descriptum ab Ca. 26. li. 12
Aetio. Hoc etiam tempore naturalia balnea discutiendi, atq;
exsiccandi vi prædita magnò opere conferunt, qualia sunt nitro-
sa, & aluminosa, quæ circa oppidum vocatum de Arnedillo re-
periuntur, desiccant enim, & calefaciunt, ac nervos emolliunt,
& dolores mitigant. Nō etiam est abs re aqua marina, lixiuius,
vel vino astringēte affectos articulos lauare post inflammationis
remissionem, aut in eisdem herbas discutiendi, atq; exsic-
candi vi præditas decoquere, & postea uti ad prædictam lauatio-
nem. Hæc remedia vir egregie pro curando articulari morbo,
quo vexaris, ex grauissimis medicinæ doctoribus potui collige-
re, quibus si vtaris, spero, quod aut morbum minuēt, aut te in
pristinam salutem reducent, quam Deus Optimus Maximus in-
tegram, atque felicissimam tibi præstet. Vale.

ANTONII ALVAREZ

PRO CVRANDA ILLVSTRI VIRGINE BVR-

GENSI MESENTERII OBSTRVCTIO-

ne, & faciei rubore laborante.

CONSILIVM TERTIVM.



DUAB in Illustri virgine considerantur agri-
tudines, vna obstructio quidem est cū no-
tatu digna duritie per totum mesēterium
ex crudis, crassis, & viscidis humoribus in
ipso paulatim coaceruatis oborta, quorū
tenuiori parte resoluta, & crassiori remanē-
te, dicta obstructio generatur, quæ à tangē-
te statim sentitur cum manifesta quadam pulsatione, dictorū
autem humorum pars cum sanguine in vteri vasa delapsa ea si-
militer obstruit, quo fit, vt per solitos menses diminutē expur-
getur: altera verō egritudo, qua afficitur, paræ quædam pu-
stulæ sunt granorum effigiem referentes, in facie cū ipsius ru-
bore obortæ, quæ pulcherrimum prædictæ virginis vultum ita
deformant, vt præcipuam curationis diligentiam circa dictam
affectionem postulauerit, cuius generandæ crediderim in cau-
sa fuisse obstructiones, quæ non permittunt natium hepatis,
& venarum calorem refrigerari, quo fit vt plus debito inflam-
metur, eleuans in faciem prædictorum humorum vapores præ-
ternaturali calore affectos, qui ab ea, tãquam ab imbecilli par-
te recepti, simul cum parte sanguinis sibi nutrimentum præstā-
tis, per poros delicatioris cutis foras pelluntur, & in pustulas mi-
nutiones, atq; rubentes conuertuntur, faciemque eodem co-
lore afficiunt, & ex eisdem vaporibus caput sepiissime percon-
sensus dolore tentatur. Et licet plurimæ reperiuntur feminae,
quæ cum obstructionibus laborent, simili faciei malo non cor-
ripiantur, eo quòd obstructio immediata illius causa non est,
quia tamen in egrotante, de qua fit sermo, simul cum calida
iecoris

iecoris intemperie reperitur, quę inmoderatum generat calorem, sanguinemq; reddit subtiliorem, & ardentiorē, nō parum adiuuat prædictam sanguinis inflammationem, secūdum cuius intensiōem, aut remissionem cōtingit magis, vel minus faciei cutim alterari, & prædicto rubore cū pustulis affici, quę postea ob acrem sanguinis, reliquorumq; humorum qualitatem, aliquando in faniem, & ulcerationem prorumpunt.

Huiusmodi faciei malum & si in curandi methodo propriā, ac particularem exposcat animaduersiōem, quia tamen cum dictis obstructionibus coniungitur, & complicatur, in utranque affectionem curandi ratio dirigi debet, præcipuē tamen in principio ad iecoris inflammationem, quę magis vrget, alterius cura non neeglecta: quod fiet remedijs, quę ipsum iecur refrigerare, & corroborare valeant,

Quantum igitur attinet ad viuendi modum, curari in primis debet conuenienti victus ratione, vtendo alimentis optimi succi, quę vim habeant partim refrigerandi, partimq; incindendi, & aperiendi, vt sunt tenerę gallinæ, & gallinarum pulli, aut perdicum; vel alię carnes optimi nutrimenti elixę cum lactuca, cichorea, herba acetosa, radice petrosilini, & nigris ciceribus: ius autem prima mensa assumet, & in cæna eisdē herbis decoctis vbi poterit, addito pauco oleo, & aceto cū saccharo, & carne pulli, gallinę, aut perdicis assa, vel elixa, vel prisana ex decocto hordei mundi, atq; contracti, posteaq; contusi, & expressi, addito sufficienti saccharo, ita vt amigdalati formā representet. Terminabit prandium, atque cænam malum pyrum assatum, vel cytonium cum saccharo, aut eorundem caro saccharo confecta. Fugaces fructus omnes sunt fugiendi: sit pro potu aqua cum hordeo mundo, & radice petrosilini decocta. A vino omnino abstinendum, nisi ob ventriculi imbecillitatem eo vti expediat, tuncque album tenue, ac valde dilutum conueniet. Aer in quo degit ad frigiditatem, & humiditatem vergat, quare æstate talis arte preparetur moderata irrigatio: ne aq̃e supra solum domicilij, in quo frequentius extiterit, quod solis calori non sit expositum. Somnus sit moderato lar-

- Exercitium** gior, quoniā immodicę vigilię, sicut & immoderatū exercitiū, & celeriter factū, noxam inferunt, quamobrem quies magis cōmendatur. Ira, metus, tristitia, maror, & reliquę animę passiones vitandę. Venter in reddendis excrementis sit obediens, & ubi res postulauerit laxandus est clysteribus molliētibus ex decocto maluarum, parietarię, altheę, violarum, hordei, prunorum, atque passularum, additis olei violati vnc. iij. pulpę cassię vnc. vj. & sacchari vnc. ij.
- Animi perturbationes** Quia uerō obstructio ex frigidis, crassis, ac uiscosis sit humoribus, qui calida, abstergentia, & extenuantia remedia postulant, quibus fluidi fiant, & ad expurgationē apti: immodicus uerō hepatis calor, & biliosus sanguis ab eo generatus, & ad superiora tendens, atq; faciei rubōrem inducens, ē contra, frigida medicamenta, atq; corroborantia desiderant, ideo in curatione utriq; affectioni prospiciendum, magisq; consiliū curantis ad eā, quę magis vrget, inflammationem dirigēdum. Erunt igitur syrupi dictos humores preparātes frigide, atq; incisorie facultatis, quales sunt ex succo cichorii, & duarum radicū sine aceto, cum decocto radicū cichorii, petroselini, hordei, quatuor feminum frigidorum maiorū, acetosę, & portulacę, quibus per aliquot dies uti expedit, donec humores expurgandi probē cōcocti sint. Interim uerō ut hepatis calor temperetur, & ea, quę desideratur sanguinis fluentis vacuatio, & reuulsio fiat, optimū erit sufficienter sanguinē mittere ē dextri brachij, basilica semel, & iterū pro redundantię ratione, p̄sertim quod per menses diminutē euacuatur, & florens ætas, atque vires egrotantis venesectioni nō contradicunt. Post debitam coctionem, atq; humorum preparationem noxi humores, maximeq; biliosi, sunt expurgandi manna, vel cassia, aut diapruno simplici cum syrupo ē nouē infusionibus rosarum persicarū, dissolutis in infusione tamarindorum, myrobalanorum citrinorum, & rhabarbari, est. n. rhabarbarum familiare hepati medicamentum: quia uerō p̄stātissima hæc femina illud abhorret ex propria natura, alijs propositis uti poterit, quoniā temperata cum sint, calorem iecori, aut venis non inducent, quibus per interualla

Nulla vti expedit, ne agregent humores; qui ad leſas particulas
magis ſuant. Corpore vniuerſo expurgato, quoniā mēſes di-
minutē ſuūt, prope tēpus, quo ſuere ſolent, ſecāda eſt ex talo
vena, vt fiat euacuatio per uenam vtero propinquiorem, & re-
uulſio ab hepate, & à capite per diſtantiore: quia verò oportet
bar primas venęſectiones fieri ex baſilica dextri cubiti ob maio-
rem fibrarū rectitudinem, & communionē cum iecore, fiet ter-
tia hæc ſanguinis miſſio ex ſiniſtro crure, ob maniſteſtiorē dire-
ctionem, quam habēt venę ſiniſtri lateris cū liene, qui ſeculen-
tū, ac nigrum ſanguinē in ſiniſtras, ac inferiores partes magis,
quā in dextas deponit. Ad reuulſionem etiam, atq; tractionē
humorum ad infimas partes cucurbitulę citra ſcarificationem
femoribus applicite, & crurum frictiones, lotiones, ac ligaturę
maximē conueniunt. Poſt vniuerſales euacuationes hepar re-
frigerandū eſt, quod fiet, ſi quolibet mane ſumat vnc. viij. cre-
moris priſanę conſecti ex hordeo, cortice mūdato, & quatuor
ſeminibus maioribus inſrigidantibus probè excorticatis, & ra-
dicibus cichorij, addito ſufficienti ſaccharo; ſi iecur etiam in-
ungatur vnguento refrigerante Galeni equali ſantalini parte,
addito cichorij ſucco, oleo de cucurbita, & pauxillo aceto roſa-
ceo, & poſt vnctionē linteam ſuperponatur, quod ſuccis cicho-
rij, nenupharis, portulacę, abſinthij, aqua roſarū, & pauco ac-
eto roſacco cōmiſtis, madefactum ſit: quo tēpore doſum vnguē-
to refrigerate Galeni inungendū, artificialibuſq; balneis aque
dulcis vtendū, in qua violę, nenuphar, hordeū, ſcariola, lactu-
ca, ſaliciſ folia, bugloſſum, & ſimiles herbę inſrigidātes deco-
ctę ſint. Poſt balneum ſumat tabellam ex conſectione diamar-
garitonis frigidi, de ſuperq; bibat vncias ſex aquę cichorij, &
portulacę, vel feri lactis caprini. Loco balnei etiā profunt eua-
porationes per vteri vias receptę ex decocto maluarū, altheę,
violarum, hordei, & ſorum camemeli, & inguinum, ac partiū
circumiacentiū inunctiones vnguento conſecto ex olei amig-
dalarum dulciū, atq; amararū, & de cucurbita ſing. vnc. ij. axū-
gę gallinę, & anſeris, atq; butyri vaccini recentis ſing. drac. iij.
ladani depurati drac. iij. cum cere ſufficienti quantitate.

*Venaſectio
ex talo, di-
minutę ſuē-
ribus menſi-
bus, conue-
nit.*

*Cucurbitu-
la.*

*Hepar refri-
gerantia.*

Inunctio.

Balnea.

*Euaporatio-
nes.*

Abstergen-

tis.

Post hæc, humores iam fluxi, & in læsa faciei parte contenti abstergēdi, discutiendiq; sunt, medicamentis vim discussoriā, atque absterforiam habentibus, quæ etiam in principio aliquo modo fluētē adhuc humorem repercutiant: quod fiet lacte muliebri, aut caprino, vel emulsione quatuor seminum frigidorum maiorum, & seminis papaueris, si linteum his madetum supra læsam cutim imponatur, & post remissionem inflammationis vnguento citrino pustulæ, & rubræ maculæ inungantur, aut vtatur aqua confecta ex aceti albi, & acris libra semisse, litargyri albi vnc. s. bene commistis, & postea per ellychniū ab vno vase in aliud destillata, vel ea, quæ recipit aquæ fontanæ lib. s. salis ammoniaci vnc. iij, quod per noctem in eadem aqua infusum sit, deinde fit destillatio per ellychnium ab vno vase in aliud. Prædictæ aquæ in vasis vitreis seruātur, & postea vtriusque aquæ duabus guttis mistis sæpius facies lauanda, est enim remedium efficacissimum pro delēdō illius rubore, ac quibusvis maculis. Ad idem etiam prodest aqua, quæ fit ex carne pinguioris gallinæ minutim incisa, & vnc. ij. sacchari albi, chrysocolle vnc. j. destillatis in balneo Mariæ per vitreum vas. Cōfert præterea mistura quædam medicamentorum abstergentium (quæ ab hispanis, muda dicitur) si ea noctu facies illinatur, & summo mane aqua destillatitia ex radice libij albi, & raphani lauetur: sit autem ex amigdalorum amararum, radice lilij albi, & raphani sing. vnc. j. cum mellis sufficienti quantitate donec opiata formam referat. Est & aqua experimento comprobata ad delendas maculas, ruborem, & paruos faciei tumores, vel pustulas, quæ iam vlcerationem suscipiunt, eximiam habens vim, quæ fit ex tribus pugillis florum fabarum, & vnc. j. stercoreis columbini, cum vnc. iij. aceti albi acerrimi, & quatuor aquæ vitæ, cum sanguine leporis ad pondus omnium, ex quibus cōmistis, per vas vitreum in balneo mariæ prædictæ aquæ destillatio probè efficitur. Ad idem valet alia aqua confecta ex lib. s. florum fabarum, terebenthinæ abietis decies lotæ, & aloes optimi sing. vnc. j. lactis caprini lib. j. omnibus mistis, & per vitreū vas in balneo mariæ destillatis, cui iam ab igne semotè addi de-

bent.

bent chryfocolle (quam boracem vocant) vnc. ij. caphura electissime vnc. j. quibus sapissime aqua mouenda est. Alia aqua eiusdem facultatis extrahitur ex cucurbita vna sine cortice in plurimas partes diuifa, & duodecim albuminibus ouorum receptum, & chryfocolle, ac sacchari candefacti sing. vnc. j. lactis caprini lib. s. terebentinæ abietis decies lotæ vnc. ij. quibus mistis, ac destillatis per uitreum uas in balneo marie perficitur dicta aqua. Oleū ex myrrha extractum maximè conducit ad omnes faciei maculas detergendas, fit autem myrrha in puluerem redacta, & in vase terreo ac uitriato posita, ac sepius iuxta ignē in eodem uase mota, posteaq; per linteum expressa, quemadmodum amigdalarum, aut sesami oleum extrahi solet.

Consulto tot aquarum abstergentium genera proposui, vt omnes paratæ sint pro ægotantis auxilio, vt autem poterit continuatim eis, quibus maius senserit iuuamentum, & temperatioribus, quando circa faciem intensior sentiat inflammationis: semper autem in earum usu obseruanda indicationes sunt, quas morbi tempora postularerint.

Quando nec uniuersalioribus dictis remedijs, neq; particularibus auxilijs, seu medicamentis tam interiùs sumptis, quam exteriùs applicitis prædicta faciei rubedo cum pustulis nō fuerit abolita, aut prædicta aqua nihil profecerint, tunc conueniet ad vehementiora transire, quæ uim habeant ciendi menses, à principio non vehemēter calidis, qualia sunt maiorana, & polij decoctum in aqua mulsa, vel dictarum herbarum puluis tenuissimus cum aqua mulsa sumptus: quod si uehemētius mouentibus uti expediat, proderit maximè puluis ex sabina, & dictamno tenuissimè præparatus, & eadem mulsa exhibitus, præsertim quando prope est tempus solite mensium purgationis, si ante aduentum, simul utatur fomentis aperientibus, & unctionibus circa pubis ossa, & totam uteri regionem, aut balneo ex decocto herbarū, quæ calidæ, atq; aperietis uirtutis sint præditæ, quales sunt artemisia, maiorana, polium montanum, pulegiū, saturcia, ferpyllum, hyssopus, camemelum, meliliorū, apium, petroselinum, feniculum, ruscus, pastinaca, eryngiū, & alia:

*Menses con
citantia.*

alię similes. Ad idem valet, octo diebus ante mensium tempus quolibet mane sumere vnc. viij. iuris pulli, cum quo semina faniculi, cimini, cari, dauci, & nigra cicera sint decocta. Vel decoctum artemisie, radicis helenij, & feminis apij, atq; petroselini, cum mellis sufficienti pondere. Prodest quoq; magnopere continuatus vsus tabellarũ ex cassie lignę, seminis feniculi, & dauci sing. drac. s, feminis melonis, & cucumeris sing. vnc. s, cũ sacchari dissoluti in aqua destillatitia capillorum veneris sufficienti quantitate pro tabellis conficiendis, quibus ieiuno ventriculo vtendũ cum aqua mulsa, vel destillatitia ex adianto. Idẽ præstant, vehementius tñ, trocisci de myrrha pōdere vnius drachmę quolibet mane sumpti cum aqua mulsa, vel capillorum veneris (quo tẽpore vngi quoq; debet inferior venter, ac mesenterium unguento ex deoppilatiuo succorum cum oleo capparũ, succo radicis bryonie, & rubię, ac cera confecto) & uti balneis artificialibus, & infussionibus ex decocto herbarum calidiorũ, vt ex sabina, artemisia, camemelo, polio, calamintha, ruta, & similibus. Ex quibus etiã parari poterũt sacculi, & actu calidi, atq; albo uino uetustiori roresacti super inguina, & pubis ossa imponedi, quę partes postea inungendę sunt unguẽto ex olei irini, & lilij albi sing. vnc. j. capparum, & amigdalarum amararum sing. vnc. s, succi rute, sabine, & artemisie, sing. drac. iij. cũ cera composito. Ad idem præstant pessaria uteri ceruici applicita ex his, quę trahendi, euocandi; menses uim habeant, composita, quorũ descriptionẽ prætermitto, quia eorum vsum uirgines abhorrent. Quando dictis remedijs menses statutis temporibus liberalius fluant, faciei tamen rubor, & pustulę non desistant, tunc uti expediet fetone circa ultimas colli uertebras, per quem humores ad faciem fluentes euacuentur, & diuertantur, curandumq; est, ut multo tempore sit apertus. Quod si huiusmodi auxilium renuat, eius loco in dextri humeri conuenienti parte cauterium ignitum applicandum, fontanella. fontanellaque formanda, per quam dicti humores simul euacuentur, & diuertantur. Paxit Deus ut prosperẽ, atque feliciter res cedat.

ILLVSTRISSIMO,

PARITERQ; DOCTISSIMO

D. IOANNI FERNANDES DE

Velasco, Comiti de Haro.



ANTONIVS ALVAREZ S. P. D.



V M INTERME, & doctissimum medicum, atque philosophiæ antiquum professorem Bernardinum longum de elementis mundi, quæ sensu percipiuntur, sermo incidisset, & te præsentem (princeps illustrissime, qui nostra ætate, ingenio, & literarum splendore singulari vales) meam de eorundem impuritate, ac vera per aliorum missionem com

positione, sententiam proposuissem, quam ille tua eruditione neque dignam, neque satis exploratam, probatamque iudicasset, imo contentiosè disputans eadem nostra vocata elementa, quibus utimur, verè esse simplicia, & impermixta protulisset: ad eundem tandem epistolam scribere decreui, qua nostram comprobavi sententiam plurimis, & gravissimorum virorum auctoritatibus, & rationibus: ille uerò suam volens tueri, alteram ad me misit, aduersus quam rescribere non dubitavi. Cùm verò aliqui studiosi medici, atque verè philosophiæ amatores nostras epistolas perlegissent, easque typis mandare postulassent, eis obtemperare omnino renuissem, nisi tuo patrocínio tuto commissem, cui præter familiæ genus inclytum, atque maiorum gloriam, fortunæque, & animi doctes, etiam in re philosophica summum studium, & acre iudicium inest, quo non censuram tuam (quam maxime formido) sed patrocinium potius aduersus caullantes (si qui forte sunt)

expe.

experiri uellem. Siquidem hæc aliquibus non probari, & fortasse non nimis docta, aut exculta videri non dubito: si tamen id, qualecunque sit opusculum, tuo graui, & firmo iudicio dignum efficias, detractorum calumnias non timebo. Reproben enim indocti quantum velint, dummodò tu nostram, & si exiguam, operam probes, & meum erga re animum syncerum, fidemque, & sedulum obsequium cognoscas: quod si (ut spero) efficias, ad maiora perficienda animum excitabis. Vale princeps illustrissime totius nostræ Hispaniæ decus, & ornamentum.



ANTO-

ANTONIUS ALVAREZ

EXCELLENTI VIRO IOANNI

BERNARDINO LONGO MEDICO,

atq; Philosopho eruditissimo. S. P. D.

EPISTOLA QUINTA.

PROBATVR ELEMENTA MVNDI,

qua sensu percipiuntur, verè mista esse.



TSI AVDACIAE, aut potius demen-
tiæ summæ posset tribui, cum tanto vi-
ro, & in re philosophica adeò versato
coram illustrissimo principe Comite de
Haro omni doctrinæ genere literatissi-
mo de impuritate, atq; permissione mû-
di elementorum sermonē fecisse, & ad-
uersus viri adeò eruditi sententiam eo-
rundem quodlibet vera, & propriè di-

cta mistione commisceri, contentiosius disputasse, id tamē so-
latij reliquum est, quòd de certamine cū antiquo philosophiæ
professore possim gloriari. Afferuisti elementa istec mundi, et si
pura non sint, tamen nullatenus permista, saltem vera mistio-
ne, dici posse, sed impropria duntaxat per iuxta positionem.

Quod quantum deuiet à rei veritate paucis ostendam, si prius
demonstrauero ex Galeni mente, elementa, quæ sensu perci-
piuntur, verè esse mista. Quod libro de elementis pronuncia-
uit, dicēs nullum syncerum in corpore humano apparere ele-
mentum, neq; aliquam particulam assumere nos posse quan-
tumuis minimam, in qua elementorum aliquod, vnum, purū,
atq; alteri impermistum inspiciatur. Et subiungit, non solum
in animalium corporibus terram synceram, atque impermi-
stam non reperiri, sed neque in mundo talem posse ostendere:
nam quamcumque ipsius portionem assumpseris, statim hæc:

*Elementa
quæ sensu p-
cipiuntur, mi-
sta sunt.*

& calorem, & humiditatem, & substantiam aeream participat. Deinde refert. Quare si quæris in animalibus terram, talem potes reperire quidem etiam in mundo: impermistam autem, & integram, & solam, neque in illo facile inueneris, sicuti nec aquam synceram omnis mistionis expertem, nec ignem, nec aerem: hæc enim omnia sunt adulterata, atque alteri naturæ diuersæ commista, & secundum magis, & minus simul coniunguntur: verum in hac mistione, his, qui mentem habent, elementi exuberantis forma deprehenditur. Quibus utiq; verbis Galenus monstrat, elemēta inter se vera mistione permisceri. Sed iam rationibus agamus. Si vera mistio miscibilium alteratorum unio dicitur, citra dubium elementa pura, & simplicia verè miscentur, & cōstituunt isthæc mundi elemēta: quæ iam non elementorum, sed mistorum potius nomen merentur: vocantur verò elementa respectu aliarum rerum naturalium, quæ ab ipsis constituuntur, quoniam isthorum facta collatione simplicia sunt, cum tamen re uera sint permista. Quod ex eo manifestum est, quia coniuncta purissima elementa verè miscibilia sunt, & suis qualitatibus contrarijs inuicem alterantur, atque uniuntur, & constituunt elementum impurum, quod permistum re uera, & propriè ego nuncupauim. Non negabis enim purissima elementa esse miscibilia sua natura, & coniuncta inter se uniri, & adinuicem alterari, & sic verè commisceri, & constituere elementa isthæc mundi impura, & commista, comprehendique à vera quidditate, & definitione mistionis, quæ miscibilium alteratorum unio dicitur: quæ autem alterantur, contraria sunt, & mutuo pugnant. Nō enim aqua aquæ misceri dicitur, neque vinum vino, quia similia sunt: licet enim quoad substantiam misceri, & uniri videantur, nullam subeunt mutationem, nec vires amittunt, aut suæ qualitates remittuntur: quia nullam inter se habent contrarietatem; res autem, quæ miscentur, contrariantur, & contrarijs qualitatibus inter se pugnant, & alterantur: quæ admodum syncera, & pura elementa, quæ ratione pugnantia verè inter se misceri dicentur: præsertim cum habeant corpora

Quid sit mistio.

Res quæ miscentur contrariantur.

pora ad miftionem idonea; facile enim diuiduntur in minutiffimas portiones, & inter fe vniuntur, veraque ex illa vnione miftio perficitur. Verùm illud confiderare oportet in vera miftione, quæ mifcentur ita debere contrariari, vt non fit eorum tam inæqualis contrarietas, quòd debilius à fortiori, & valentiori vincatur, & superetur, adeò vt in contrarij naturam vertatur: tunc enim non miftio, fed generatio fieret. Nō enim dicimus vnciam vnā vini mille vntijs aquæ commifceri, neque lignum igni, aut alimentum corpori mifcetur: quoniam vinum in tam diminuta portione vincitur ab ingenti aquæ quantitate, & in illius naturam conuertitur, ea, quam antea retinebat, amiffa: & lignum in ignem mutatur propter maiorem ipfius vim, & alimentum amittit propriam substantiam superatum à nostro corpore, in cuius naturam conuertitur: & sic hæ omnes omnimodæ mutationes generationes sunt, eo quòd vnum contrariorum omnino corrumpitur, & superatur; quod in miftione non contingit, in qua mifcibilia remanent eo modo, vt vnum alterum non corrumpat. Sic igitur quatuor elementa puriffima, & simpliciffima cum sint, *In miftione non corrumpuntur mifcibilia.* mifceri dicuntur, & constituere ea, quæ composita, & mifta sunt vocata elementa, de quibus est noſtra diſputatio, nihilq; in eis ad veræ miftionis naturam deest. Quatuor enim puriffima elementa ſimplici ſuo eſſe confiderata diuiduntur in minimas partes, talique ordine inter ſe iunguntur, & componuntur, vt iam miftum vocatum elementum conſtituant, cuius quæuis portio perceptibilis ſenſu non reperitur, quin in ipſa ſint quatuor portiunculæ quatuor elementorum, & in illarum quauis elementum retineat ſuam formam talem, & tam integram, qualem obtinebat ante miftionem: eò quòd ſubſtantia non recipiunt intenſionem, aut remiſſionem. Ex quo maniſteſtiſſimè ſequitur, quòd elementorum ſubſtantia in miftione non mifcentur ad inuicem, & ſe penetrant vſque ad minutiores particulas, quoniam natura non fert corporum penetrationem: qualitates eorundem ſunt, quæ totæ, aliæ alijs *In miftione, elementorū* mifcentur, & confunduntur tali modo, vt per totam compo-

*qualitates
sūt, quę om-
nino miscen-
tur, & con-
funduntur,
non substan-
tia.*

fiti magnitudinem fundantur, & mutua pugnancia, sua adin-
uicem contrarietate tandem per sui confusionem, & recipro-
cam actionem, & passionem resultat, & insurgit certum simi-
lare genus temperamenti per vniuersam misti substantiam,
tuncque integra qualitatū mistio perficitur, & elementa ma-
nent sic commista, & vnita, vt pro diuersitate misturæ, & tem-
peramenti, quod ex illa confurgit, modò ignis, modò aer,
nunc verò terra, aut aqua generetur, quæ sunt isthac mundi
composita, & mista elementa: quorum vnumquodque ex mo-
do mistionis assimilatur sua substantia, & qualitatibus, illi pu-
rissimo elemento, & simplicissimo, cum quo maius habuerit
commertium. Inde est quod ignis hic noster igni, & aer aeri,
similiter aqua aquæ, & terra terræ, simplicissimis elementis, &
purissimis respondeant, eaque imitentur: & si differant ma-
ximè ab eis, quòd simplicissima sunt, & impermista: hæc verò
mundi elementa nostra, mista, & composita dicantur, licet ra-
tione habita ad ea mista, quæ ex illis componuntur, simplicia
nuncupari possint: quemadmodum partes similes nostri cor-
poris respectu earum, quæ instrumentariæ sunt, simplices
dicuntur, cùm tamen componantur ex semine, & rursus se-
men ex sanguine, & alijs humoribus in eo contentis. Quod
etiam Plato in Philebo innuere videtur, dicens vnumquodq;
apud nos existentium elementorum exiguum, ac vile esse, nec
villo modo syncerum, nec vim natura sua dignam ferens. Id-
ipsum refert Marfilius Ficinus de mente eiusdem Platonis suo
compendio in Timeum, asserens elementa infra lunam in vnâ
molem esse compacta, & ignem esse soliditatis terrenæ parti-
cipem, ne ob tenuissimam, mobilissimamque naturam con-
tinuò dispergatur: terram quoque per se torpentem ignis
confortio actionem, vigoremque nancisci. & subiungit, quod
si extrema miscentur elementa, nihil mirum quòd media me-
dijs, extremisque misceantur. Et Aristoteles secundo libro de
ortu, & interitu, textu vigesimo, apertè docet, hæc elementa
esse mixta; inquit enim. Non est autem ignis, & aer, & vnum
quodque prædictorum, simplex, sed mistum; & ait, non vo-

*Fol. 89. ad
finem.*

cari ignem, sed igneum, aereum, non aerem, perinde ac denominationis fiat ab elemento in misto dominante. Manet igitur probatum isthac mundi elementa, quæ sensu percipiuntur, verè esse mista, & non impropriè per iuxta positionem, quem admodum tu asserebas: vt contingit in aceruo tritici, in quo grana granis iuxta ponuntur, per iuxta positionem enim non vniuntur; at elementa cum permiscentur, faciunt cōtinuum. Idque ex eo patet, quòd si à terra elemento impuro, & aquæ permisto, velis aquam separare, & remouere, nūquam efficies, quin simul cum terra aquam auferas. Abunde satis probatum est, elemēta isthac nostra verè esse mista, quod pollicitus sum demonstrare. Spero te virum alioquin doctissimum nostræ sententiæ subscripturum, equumque promissum pro huius quæstionis de elementis elucidatione libenter missurum. Vale, & me in eorum numero reputa, qui tibi sunt deditissimi.



EXCELLENTI VIRO

ANTONIO ALVAREZ

PHILOSOPHO, AC MEDICO

DIGNISSIMO.



IOANNES BERNARDINVS LONGVS S.P.D.



NON EST profectò quòd dementiæ, vel teme-
 ritatis quidpiã tibi ascribere possim, quin po-
 tius summæ humanitatis multum, maximeq;
 præstantiæ in nostris disciplinis, cum à rebus
 ita grauissimis, qualia sunt objecta, quæ mihi
 per epistolam opponis, me indignum philo-
 phum salutare volueris: cui scias iucundissimum fecisse, & vt
 nihil supra quàm gratissimum. Attamen si responsionem ego
 nō antea fecerim, accusari aliqua ex parte nō debeo, ea enim
 occurrit statim, cum alia mihi opus non esset, quæ meã de ele-
 mentis sententiam tueretur, nisi ea semper, quam improbare
 putas, quæ ue misionem veram à falsa, & per abusionem dicta
 seiungit. Sed profitendi, vnaque medendi munus, quo deti-
 neor, fecit, vt eam literis mandare hucusq; distulerim. Assere-
 bam etenim, cum primùm apud illustrissimum Principem Co-
 mitem de Haro nata inter nos fuisset disceptatio, quòd elemē-
 ta in proprijs locis simplicissima sint corpora, vereque mistio-
 nis nihil contineant: in illud (pace tua) per epistolam ita de-
 monstratum nō esse video, vt nulla potius ex parte probatum
 esse videatur. Quid enim vnquam demonstrare potest aucto-
 ritas? eaque præferim Galeni primo de elementis, quæ adeò
 permista, & impura in citatis à te verbis appellat, vt post pau-
 ca eodem in loco, de iisdem elementis audacter protendendum
 esse concludat, terram, ignem, aquam, & aerem prima esse,
 communiaq; rerum omnium elementa, cum ipsa sint inter ea
 corpo-

corpora, quę rerum vniuersitate comprehenduntur, omniumq; prima, atq; simplicissima, vsque adeo, vt alia deinde omnia, stirpes inquam, & animalia ex his sint concreta, & subdit. Atq; Hippocrates libro de natura humana non solum inquit oïum, quę in mundo continentur esse elemēta, sed etiam primus ipse qualitates eorum definiuit, per quas inter se agere, & pati possunt. Ex quibus palam vnicuiq; fit, ea apud Galenū prima esse, ac omnium simplicissima, quę superius impura, & permista posuerat: quasi impuritas illa corporis simplicitatem non amoueant, neque primitatem. Imo si Galeni mens eo in loco recte perpendatur, nihil aliud voluisse patebit, quàm demonstrare, nullum omnino elementum ab alio ita seorsum reperiri posse, vt vnum alterius naturam minimè sapiat: quod quidē falsum esset, si simplicia quędam elementa existerent, præter illa, quę impura, & aliquo pacto permista sunt. Si verò dicat fortasse quis, illa reperiri, insensibilia tamen esse; hoc abhorret vniuersa peripateticorum schola, quę iam multoties ab Aristotele accepit, sed præferim primo de generatione, & corruptione, insensibile nullum esse naturale corpus. Vltraque petendum esset vbi nam ea sint, & necessariò aut locum non habere fatendum esset, quod Aristoteles redarguit quarto libro de physica auscultatione, aut infra cælum esse, sed locū hunc occupant elementa ista quatuor, quę inuicem alterantur, permistaq; ponuntur. Pro veritate igitur nostra Galenum habemus, dum non aliò sua vergit oratio, quàm vt doceat hæc mundi elementa nunquam reperiri posse, nisi adinuicem permista, ea tamen vnione, quę corporis simplicitatem, atq; primitatem manere facit, eaq; propter in altero capite (vt loca taceam innumera) subdit, elementum illud esse, quod immistum est, & cuiusque missionis expers. Auctoritates deinde Platonis, & Ficini, quę non tanti facio, vt veluti Platonem, cæterosque auctores audire vellem, concludunt quidem, impura esse mundi elementa, & non syncera, mista tamen ab alijs prioribus, atque simplicioribus nūquam asseuerant. Sed omissis auctoritatibus ad rationes accedamus, à quibus demonstrari aliquid prætendi posset,

posset. Tota ratiocinatio vnica dūtaxat ratione complectitur, quæ præter miltionis definitionem duo supponere videtur ambo probanda: commisceri scilicet illa simplicissima elementa, vt mista hæc elementa mundi partes efficiantur. Sed hoc esse impossibile docuit primū Empedocles, qui per inimicitias esse elementa dicebat, atque seruari, per commistionem, confusionemq; illorum chaos esse, mundumque destrui. Probandum etenim potius erat, elementa isthac mista esse, & à simplicium miltione prouenire, & elementa illa purissima dari, à quibus hæc mista dependant. Præterea ad quid à purissimis hæc impura ponere? si hæc ipsa ideo impura sunt, vt inter se inuicē agendo, & patiēdo, vno corrupto aliud generetur: itaque se inuicem continuefaciant, acseruent, ob quod vnum penes aliud natura digessit. Ad illud verò non vera commistio requirebatur, nisi sola per contactum vnio, qua, merito contrariarum qualitatum agendo, & patiēdo ita transmutantur, vt victum in uincētis naturam conuertatur: hocq; genitum, non mistum appellatur. Quamuis igitur ex elementis elemēta prouenire concedam, atque elementa miscibilia esse: non propterea sequitur, ergo elementa ab elementis per commistionem eueniunt. Ex elementis enim elementa fiunt, nō miltione, sed actione reciproca. Porro miltio, vnio quidem est miscibilium, idest, eorum, quæ actu facile miscentur: non tamen eorū, quæ misceri possunt, non tamen miscentur. Quare & si misceri elementa possint, dum animalia, stirpesque formantur, non tamen miscentur, dum inter se inuicem generantur, & fiunt. Quod quidem secundū partes ipsorum intelligendum est, secundū Aristotelis doctrinam: quoniam elementa secundū se tota neque generantur, neque intereunt, vt cōcluditur tertio libro cœli, & mundi. Dum miscentur elementa, tot entium genera fiunt, tantusque numerus indiuiduorum: sed per simplicem, mutuamque actionem, & passionem, in suis locis, quæ solo contactu quodam efficitur, vnum solummodò, quod vincit, remanet, alio destructo, quod vincitur: & huius gratia effecta est vicissitudo temporum à prima latione proueniens, cui

cui mundus hic inferior contiguus est, ut rectè gubernari possit, ut vno vicissim elemento intensiori facto, remittatur alterum, & ex parte corrumpatur. Quæ tandem de mixtione differis, doctissima sunt, & ab Aristotele sumpta, quod scilicet, contraria illam efficiant, eaque in proportionem quadam, & gradu, non corrupta: sed aduertas quod nec omnino integra, sed manentia in esse, quod castigatum Philoponus, Auerroes refractum appellat, dum in minutissimas partes diuisa confunduntur. Et alia quæ addis, & si miscibilia monstrent esse elementa: nunquam tamen concludent misceri simplicia elementa, ut hæc mixta fiant, & impura: cum hæc eadem (ut dixi) sint, quæ inter se inuicem transmutatis usque ad materiam communem, fiunt, atque seruantur: non enim alium generationis ipsorum modum posuit Aristoteles eodem tertio libro cœli, dū inquit concludens, ea non ex corpore fieri, nec ex non corpore, sed ex se inuicem. Quod autem ipse non alia nouerit elementa præter ista quatuor, patet ex discursu libri de cœlo, dum quinque tantum esse corpora simplicia proposuit, cœlum scilicet, & quatuor elementa, quibus vniuersus ornatur mundus. Duosque insuper motus simplices rectos posuit, à mediò, & ad medium: ignemque, & aerem à medio moueri, aquam verò, & terram ad medium. Extrema elementa sunt ignis, & terra: media aer, & aqua. Sicque loca hæc à mixtis per te elementis si occupantur, quis quæso locus erit simplicissimorum? Elementorum insuper sufficientia per quatuor combinationes qualitatum primarum inuenta est, quod si ea simplicia essent, & mixta, plures combinationes, aut alias exigent. Et licet secundo in libro de generatione, & corruptione dicat, syncera esse extrema, ignem, & terram, media verò mixta magis, aquam, & aerem, hoc non ob aliud fieri putandum est, quàm quoniam media magis pati possunt, atque alterari, & ideo mixta: contra ea quæ syncera dicuntur. Amplius, si ibidem qualitates assignans elementorū unicuique, inquit, terra sicci magis, quàm frigidi, aqua autem frigidi magis, quàm humidi: aer humidi magis, quàm calidi, ignis verò, calidi magis, quàm sicci, scandalum

dalum propterea quis accipiat de verbo magis, quod contrarij
 admistionem significare videtur, legat Alexandrum super pri-
 mo meteororum commentario suo decimo tertio, dum statuit
 per magis, primò intelligendum esse: est enim vna cuique ele-
 mentorum qualitas prima, & essentialis forma, altera vt oppo-
 sitio quædam. Deniq; si plura quam ista quatuor essent elemē-
 ta, compositiones plures imaginari oporteret ab ijs, quas recē-
 sivit Aristoteles secundo de partibus animalū, addenda enim
 esset post primam, quæ est elementorum ex primis virtutibus;
 primaq; materia, altera, quam tu ponis mistorum elementor-
 um à simplicibus; quod noluit philosophus, qui post eam sub-
 dit, secundam esse similiarium partium ab elementis. Igitur
 absq; ratione multiplicarentur entia, & absq; necessitate, si mi-
 sta hæc esse mundi elementa ponantur: non enim mista sunt,
 sed sua natura simplicissima, ad inuicem tamen per mutuam
 actionem impurificata, quod mistionem non addit, neque vl-
 teriorem compositionē naturę ipsorum: sed solummodò præ-
 sentiam alterius rei in ipsis, quę aut simultas, aut additio quę-
 dam, aut vniuersaliter vnio appellanda est. Non enim omne,
 quod cum alio reperitur, statim illi mistum esse fatendum est,
 sed aut simul cum eo, aut ei contiguum, aut continuum, aut
 in illo, aut ex cōsequenti, vt declarat Aristoteles quinto libro
 de physica auscultatione: quę omnia per abusionem quandam
 admista nuncupamus. Quare elementorum partes ad inuicem
 simul esse dicendum est, dum eodem loco adsunt trāsmutatio-
 nem quærentes mutuo contactu. Quod si mistum esse quis cō-
 tentiosius voluerit disputare, si in re ipsa conueniamus, par-
 uifacio nomina, quæ sunt vnicuiq; ad placitum. Ego (vir eru-
 ditissime) ex his sum qui Aristoteli obrépero, qui præcipit mul-
 tories, non derelinquendum esse sensum propter rationem: ne
 forte in hac præsertim re deridendus essem, si de elementis, nō
 prout Hippocrates, sensibilibiter, & vt ad medicinam conferūt,
 intelligere vellē, iurē etenim inquit Galenus libro de optima
 secta deridendos medicos esse, qui de rebus sensui euidētibus,
 sententiam, non sensibus, sed ratione aliqua ferre conantur,

vt Asclepiades, & ceteri. Quis enim non videt aquam, aerem, terram, ignem, modò vna, modo alia ratione commutata vicissim? ignis, & suprema aeris plaga, ab exhalationum, & vaporum presentia vertuntur in ardores, cometas, trabes, curretia sydera, & id genus, aer in nubes, pluuias, rores, in caloré, in frigus, aquas, hasce falsas, hasce dulces, has dulcedinis expertes, has ceruleas, has nigras videmus, sicuti terram, aut arenosam, aut salebrosam, aut bituminosam, aut ferream, & alias quamplures, ea pati vicissitudines. Hoc autem fit, non ex eorū naturis, sed ex fatali ordine mundi, qui vt seruari possit, continuas mutationes elementorum exigit. Alterantur enim elementa, quia contigua, alterantur, quia subdita coelo, alterantur ob vapores, & exhalationes, alterantur à mistorum corruptione, vt patet in pestilentijs, quas igne fugandas precipit

Hippocrates, alterantur denique à sole, & planetis, qui accessu, & recessu, motu, ac lumine varias permuta-

tiones in illis efficiunt. His volo responsum

fuisse, & meam de elementis sententiam

verè monstratam. Cui debet se Peripateticus subscribere. Vale, boni

in his, & omnibus erga te

animi mei non im-

memor.



EXCELLENTI VIRO

IO: BERNARDINO LONGO

medico, atq; philosopho clarissimo.

ANTONIVS ALVAREZ S. P. D.

EPISTOLA SEXTA.

IMPROBANTUR RATIONES BERNARDINI

*longi, quibus nititur suam confirmare sententiam de simplici-
tate elementorum mundi, quæ sensu percipiuntur.*

ERGRATAE mihi fuere tuæ literæ omni bona doctrina refertæ, quibus adhuc conaris tuam de simplicitate elementorum mundi, quæ sensu percipiuntur, tueri sententiam, adeo ut nullatenus permista vera mixtione dici posse existimes, tametsi & auctoritatibus, & rationibus verè mixta esse, à nobis (ut opinor) fuerit comprobatū. Quod ut clarius innotescat, conveniamus in his, quæ coram Illustrissimo principe Comite de Haro, oborta de hac re disputatione, fuere concessa, elementa nempe proprijs in locis simplicissima esse corpora, verèque mixtionis nihil continere; de quibus nostra non fuit disceptatio: quis enim negabit, talia ex propria natura esse? à nobis tamen percipi nemo concedet. At nos de elementis, quæ sensu percipiuntur, sermonem facimus, eaque verè mixta esse asserimus vera mixtione primorum elementorum, quæ simplicia, pura, & suapte natura impermixta sunt, & à nostro sensu non percepta. Ridiculum enim esset, & demeritæ proximum existimare, synceras nusquam haberi elementorum naturas: nā quæ apud nos extant, tametsi impura, & verè permista dicantur, & sint, syncera tamē alicubi esse necesse est quæ principia sunt, & veluti fontes à quibus ista fluxerunt. Hæc enim norma, hæc regula, hæc præscriptio naturæ, ut omnia
ordine

ordine quàm optimo ducat, & disponat: atqui optimum erat, & ornatissimum, impura ex puris, & permista ex impermixtis quibusdam manare. Potuit autem natura, & decuit sic effecere, vt simplicissima corpora statim quòd composuisset, mutua fuorum corporum, & qualitatum confusione alia mista corpora illico constituere, pro varia ipsorum mitione: quæ sunt ista improprie vocata elementa à nobis sensu percepta, cum tamè simplicia, quæ ipsorum compositionem, & mitionem ingrediuntur, quemadmodum & materia prima, & forma, sensui nostro non percipiantur. Non igitur valet hæc ratio, non percipit sensus, ergo nullibi sunt: cum prima materia, & similiter forma, & ipsa prima, & simplicissima elementa, in mistis vocatis elementis verè sint, & contineantur, licet ea sensus nequeat comprehendere. Hæc autem mista, & quæ apud nos extant, vocata elementa, & si vera elementa non sint, quia tamè ijs proxime accedunt, à quibus olim manarunt, par vtroque ratio censetur. Et de his nostra est controuersia, eaque Galeni auctoritate (qui plurimū apud me, & peritissimos quosque medicos, ac philosophos valet) permista, & impura primo de elementis comprobaui: quod etiam in numeris alijs in locis asseruit. Neque enim triticum, & hordeum, & singula legumina, aut herbe, vel fructus, quæ ex terra procreantur, ex terra purissima, syncerissima, & siccissima gignuntur, vt ipse inquit, nisi sit aliquo humore permista. Nihil enim simplici elemento nutriri, vt neque nasci potest: stirpes siquidem, quæ prodierunt è terra, non illine omnia traxerunt, nisi ipsa fuisset humore perfusa: vnde ars agriculturæ naturæ imitatrix, vbi terra ultra modum ambientis calore fuerit exsiccata, deductiones riuorum, & agrorum irrigationes adacta necessitate cogitauit. Atqui si puram aquam terræ conspergas, nihil aliud quàm lutum efficies alendis stirpibus ineptum, atque minimè accommodatum: singula autem legumina, vel arborum fructus, haudquaquam lutum sunt, sed aerem, & ignem etiam participant, quæ per se tota inuicem temperantur. In terra igitur, quæ à nobis percipitur, si congruum gignendis, & nutriendis leguminibus

nutris

1. de elemē-
tis cap. 5.

nutrimentum, fructibus ue est futurum, crassioribus prædictis terræ, & aquæ naturis, duas reliquas contrarias, aeris, & ignis inferi est necesse, atque temperari. Sic nec pisces alit aqua syn-
cera, nisi, quæ terræ, aeris, & ignis simul est particeps. Nec ob id sibi contradicit Galenus, qui isthæc mundi elementa, quæ sensu percipiuntur, citatis à me verbis permista, & impura nuncupat, cum ipsemet paulò infra, terram, ignem, aquam, & aerem, prima esse, & simplicissima, communiaq; rerum omnium elementa profiteatur, ex quibus reliqua omnia componuntur: cum duplicia intelligat elementa, alia quidem elementata dicta, quæ à puris, & simplicissimis procedunt, alia verò simplicissima, & pura, quæ nullam admittunt mistionem, & verè elementa sunt, terram inquam, aquam, ignem, & aerem, in sua natura considerata, sine hoc quod à nobis percipiatur, de quibus Hippocrates dixit in progressu sui operis de hominis natura, omnium, quæ in mundo sunt, verè esse elementa, & in ea tandem omnia resolui, & finire ad idem, vnde vnumquodque fuit constitutum. Et Galenus in principio commentarij eiusdem libri, verum elementum in aliud elementum nō posse diuidi, affirmat: veluti apud grammaticos, simplices, ac primæ literę, non diuiduntur in alias more syllabarum: huius enim syllabæ, mo, diuisionem facere possumus in literam m, & o, quæ sua elementa sunt: rursus, verò, litera, o, quia elementum est syllabæ, diuidi non potest amplius, cum simplicissimum, & purissimum sit. Ad hunc modum corporum generationi, ac corruptioni obnoxiorum, quatuor censentur elementa purissima, aer, ignis, terra, & aqua, quoniam vnumquodq; ipforum, in plures species amplius haud secari potest. Omnia enim genita fiunt ex calido, frigido, humido, & sicco, siquidem clarum est vnumquodque horū genitum esse ex quatuor primis, quæ facta denominatione à qualitatibus, humidum, & siccum, & calidum, & frigidum nuncupamus, propria autem nomina substantiæ ipforum sunt, ignis, vel aqua, vel aer, vel terra. Perspicuum est enim (vt Galenus refert) quod vocat Hippocrates elementum, à qualitatibus simplicibus, & immi-

immistis: quando summa caliditas est in igne: quomodo & humiditas in aere: frigiditas autem in aqua: siccitas verò extrema vnà cum densitate, & frigore, in terra. Hæc enim elementa summas habent, & impermixtas qualitates, ex quibus mutuo temperatis omnia media corpora generantur, & miscentur, quæ à vincente, non verò propriè, appellantur tum calida, tum frigida, tum humida, tum sicca. Qua ratione manifestum est, alia propria, & perfectissima appellari ab Hippocrate, Galeno, Aristotele, alijsque peritissimis medicis, atque philosophiæ præceptoribus, elementa, quæ impermixta, & simplicissima sunt, & à nobis sensu non percèpta: alia verò impropriè sic nuncupari, nempe permixta, & impura, vt sunt ignis, aer, terra, & aqua, quæ à nostro sensu percipiuntur, & potius elementati, quàm elementi, nomē merentur: dum enim resoluuntur, in vera, & propria elementa resolui debēt, quia verè mista sunt: licet elementa etiam nuncupentur respectu rerum magis mistarum, quæ ab ipsis componuntur, & quia magis accedunt ad primorum elementorum naturam, quemadmodum prima epistola exposuimus, & clariùs demonstrat Galenus commentario citati libri de hominis natura, dicens, elementalìa corpora ex se inuicem nutriri, quia exactum elementum potius mente concipitur, quàm de per se reperiatur, & existat: quod verò fere idem illi est, vnum quoddam est eorum, quæ subsunt vocata elementa. Si enim mente conceperis, aquam euadere exquisitè humidam, frigidamque, iam iam desinet esse aqua, illico enim gelascet, ac sistetur, neque amplius fluere: & si terram pariter mente conceperis prorsus siccam & frigidam esse, eiusmodi corpus durius erit adamantē: & si euadat talis, generatio stirpium cessabit: cessante verò ipsa, corrumpetur animantium alimentum, & si ipsum corrumpatur, animantia prorsus peribunt. Si igitur elementum siccum, frigidumq; , non absolute, sed secundum exuperantiam intelligatur, & terra quidem in mundo dicitur esse siccum, & frigidum corpus, & humidum aqua, imo & ipse ignis non nihil substantiæ aeris participat, quemadmodum, & fumosa:

quini-

quinimo certum est, quòd & is ad sui nutritionem indiget humore: id quod indicant lucernarum flammæ. Desine igitur dicere, impuritatem illam corporis huiusmodi simplicitatem, atque puritatem non amouere. Neque abhorret, aut refragatur nostræ sententiæ vniuersa (vt dicis) peripateticorū schola, quæ ab Aristotele primo de generatione recepit, insensibile nullum esse naturale corpus: nam neque ipse negauit, neque nos negamus simplicissima, & purissima elementa suapte natura sensibilia esse corpora, quæ tamen ex parte nostra potius mente cōcipiuntur in sua puritate, quàm vt sensu percipi possint. Neque cogimur fateri locum non habere, esset enim id contradicere non modo Aristoteli quarto libro de physica auscultatione à te citato, verùm vniuersam philosophiā destrueret: imo ingenuè cōcedimus, & locum habere, & infra cœlum esse, à nostro tamen sensu posse percipi negamus; cum mundi vniuersitati conueniret, vt conseruari posset, statim quod genita fuere elementa purissima, & simplicissima, inter se inuicē commisceri, ita vt vnum reperiri à nobis non possit, quin alijs sit commistum. Et hoc modo composita hæc nostra, & impura, atque commista vocata elementa, ignis nempe, aer, aqua, & terra, alia purissima, & simplicissima, cum quibus maius habent commercium, representant, & æmulantur, & in quouis eorum reperiuntur purissima elementa, quæ ipso eorum compositionem, & mixturem ingrediuntur. Vt in terra, quam degimus, & elementum vocamus, simul cum ipso elemento terreo purissimo, & simplicissimo, existit aer simplicissimus, & ignis similiter, atque aqua, & ex his mutuo commistis fit nostrum mistum terreum vocatum elementum, aut potius elementatum. Idem de reliquis dicendum, quæ mista, & impura sunt elementa: & improbè imperares in quo vis horum seorsum aquā, vel ignem, vel terrā, vel aerem in sua puritate, & simplicitate ostendere, simile enim esset, ac si peteres, (vt Galenus inquit) in tetrastapharmaco medicamento, siue ceram, siue picem, siue adipem, siue resinam seorsum demonstrari: nam & si ostendere nequeam, non ob id negandum ipsum ex hisce compositum esse.

*Commenta-
rio libri de
natura hu-
mana.*

esse. Habent igitur locum syncera elementa eundem cum impuris, & non synceris vocatis elementis. Quod si contendas, violenter contineri, dandumque esse locato proprium secundum suam naturam locum: fatebimur naturam potuisse mundi elementa seorsum purissima, vti & cœlum collocare, quid igitur illa esse prohibet, si esse possunt? Ad vniuersi medium, terra simplex esset collocanda, grauissima, siccissima, & omnis humoris expers, & ignis leuissimus, ardentissimusque, ad cœli concaua interioremque faciem, medijs autem spacijs interiecta (aer nempe, & aqua) eo in loco, purissima, & simplicissima essent seruanda, quo extremorum confusione minimè misceri possent: quia tamen omnia adinuicem miscentur, & temperantur in his mistis, & improprie dictis elementis, inde est quod Galenus, purissimum elementum potius mente concipi, quàm reperiri, affirmet: & Plato, atque Ficinus eius interpretes (quem tu non tanti facis) impura, & non syncera elementa isthac esse asseruerant: quorum æmulari exopto negligentiam, potiusquam eorum, qui tux sententiæ inuectores, aut sectatores sunt, eximiam diligentiam. Si eorum enim auctoritates (vt fateris) concludunt, impura esse mundi elementa, & non syncera: mista etiam ab alijs prioribus, ac simplicibus necessariò concludent. Vinum enim purum, & syncerum verè, & proprie appellamus, cum nihil suæ naturæ contrarium illi commiscetur: impurum verò, & non syncerum, cum aquæ, alteriue liquori permistum est: & puram omnes medici bilem vocant, atq; synceram, quæ alteri humori est impermixta, impuram verò, atq; notham, quæ alterius humoris simul est particeps: similiter & quodcunque nostrorum elementorum per aliorum mixturem impurum fit. Et eam ob causam cum Gale *Cap. 2.* nus libro de ptissana optimam eligens aquam ad ptissanæ præparationem, eam talem esse affirmet, quæ substantia, gustu, olfactu, & colore probatur, ita vt nullam alienam qualitatem præseferat, scilicet vt neque dulcis, nec salsa, non acida, non aeris, nō male olens, aut putrida existat, vel omnino aliquam adscititiam qualitatem possideat, sed omnis penitus expers sit

Z quali.

qualitatis aduentitiæ, aut mistionis cuiusvis rei, quæ gustu, aut olfactu deprehendi possit, tandem subiungit natura sua non esse synceram, quemadmodum nec ullum quidem aliud ex sensibilibus hisce elementis. Quibus utiq; verbis satis manifestum est, Galenum voluisse nostram hanc aquam, quantumvis purissimam, & alienæ qualitatis expertem, sua natura synceram non esse, quia alijs elementis permixta est, cum subiungat, talem aquam frigidam, & humidam, ac propriè aquam merito nuncupari: eam verò, quæ mistione alicuius alterius extrinsecæ, aut substantiæ, aut qualitatis, fuerit adulterata (qualis est bituminosa, sulphurea, nitrosa, aut aluminosa) tantum à propria aquæ natura recedere, quantum fuerit adulterata. Propria igitur aquæ nostræ natura, cum mixturæ aliorum elementorum sit particeps (etiam si non extrinsecè alterius substantiæ, aut qualitatis) merito impura, haud syncera, & permixta dicitur. Eademq; est ratio de reliquis elementis: si enim aqua, extrinsecæ qualitatis, aut substantiæ expertis, adhuc impura, & minime syncera est, ergo intrinsicæ substantiæ aliorum elementorum, & qualitatis mistione, impura, & permixta dicetur. Quod enim purissima dentur elementa, ac simplicissima illa, quæ mente potius comprehenduntur, quam sensu, ita apertè comprobavit Aristoteles in libro de generatione, & corruptione, ut demonstratione alia opus non sit: esse verò natura sua miscibilia, ex his quæ eodẽ libro de mistione pertractauit, manifestum est. Habent enim corpora ad mistionem idonea, cum, & facile comminui, & comminuta, misceri, & per se tota adinuicem suis contrarijs qualitibus alterari, & contemperari possint, & tandem uniri: & eodem authore, nihil aliud mistio est, quàm miscibilium alteratorum unio. Si igitur fateris, (ut omnes philosophi in confesso habent) omnia mundi mista ex quatuor simplicissimis elementis inter se commistis fieri, necessario concedas oportet, nostram hanc aquam, terram, aerem, & ignem, quæ mista esse comprobavi, verè ex quatuor simplicissimis elementis commisceri, & fieri, imo facilius, & immediatius, quàm reliqua mista corpora, quæ cum composita sint, magis à

diētis

dictis simplicissimis elementis distāt. Neq; ob id necessarię sunt plures qualitatū combinationes, quā quatuor illę compatibiles ab Aristotele propositę, cū per has resultent quatuor prima, & simplicissima elementa, & postea ex his per variā commistionem fiant omnia mundi mista, inter quę reputātur aer, aqua, ignis, & terra, quę cū immediatius ex purissimis conficiantur elementis, magis reliquis simplicia dicuntur, & purorum referunt magis naturam, cum quibus in modo mistionis maius habet commercium, & familiaritatem: & hinc est quod illis purorum, & impermistorum nomina imposita sint, licet permista, ut reliqua alia, quę sub coelo sunt, à nostro sensu deprehendantur. Vera, & purissima, atq; simplicissima elementa ex elementis veris, & purissimis, secundum partem (ut dicis) fiunt, merito contrariarum qualitatū, cū ita inter se mutuo agunt, & patiuntur, ut victum, in vincentis naturam transmutetur: id autem proprię generatio est, & non mistio. Dicentur verò eadem elementa misceri, & verè mistum aliquod corpus constituere, quando inter se secundum minimas partes comminuta, coniuncta, unita, & mutua suarum qualitatū actione, & passione temperata remanent, sine hoc quod aliud ab alio vincatur, & superetur, & in contrarij naturam transmutetur: quomodo in theriaca, quę compositum, & mistum est medicamentum, simplicia, quę ipsius mistionem ingrediuntur, ita servantur, ut alterum ab altero non superetur, & vincatur: quinimo in minimas partes comminuta, coniuncta, & unita, ac mutua suarum qualitatū actione, & passione temperata, verè miscentur, & resultat mistum medicamentū theriaca dictum. Par est in simplicium elementorum mistione ratio, dum isthęc mista vocata elementa constituunt, quę elementata potius dicuntur, & sunt, ne elementi nominis æquiuocatione deinceps capiaris. Fateris mistionem, unionem quidem esse miscibilium, id est, eorum, quę actu facillè miscentur, non autem eorum, quę misceri possunt, non tamen miscentur: subiungis deinde, & si misceri elementa possint, dum animalia, stirpesq; formantur, non tamen misceri dum inuicem generantur, & sunt:

quasi dicas, in stirpium, animaliumq; formatione, quæ maxime distant ab elementorum natura, misceri quidem elemēta, in aqua verò nostræ, aeris, terræ, aut ignis constitutione, quæ magis ad illorum naturam accedunt, non misceri. Eadē igitur elementa, eadem ratione sumpta, & considerata, misceri, & nō misceri dicentur: quod implicat cōtradictionem. Alia enim est ratio, dum inuicem generantur, & fiunt secundum ipsorū partes purissima elementa, alia verò, dum commiscentur inter se ad constitutionem alterius rei à quouis eorum diuersæ, vt est quoduis elementorum, quæ improprie, & per quandam similitudinē elementa nuncupamus. Sed dicis adhuc isthæc non mista esse, immo natura sua simplicissima, ad inuicem tñ per actionem mutuam impurificata: quod mitionē non addit, sed præsentiam duntaxat alterius rei in ipsis, quæ aut simultas, aut additio quædam, aut vnio est. In quo maxime tanti philosophi lapsus admiror, qui dum mitionem elementorum in quouis vocato nostro elemēto vis subterfugere, eorum coniunctionē, modò simultatem, seu contiguitatem, modò vnitatem appellas: & tandem concludis, elementorum partes in aqua, aut terræ (quam voco) mitione, esse contiguas, quoniam earum vltima sunt simul, dum in eodem loco adsunt, mutuo contactu, transmutationem (vt dicis) quærentes, essent igitur separabiles, quæ enim simul sunt separari possunt, quia earum vltima non faciunt vnum: & hoc modo in aqua nostra pars elementi terrei separaretur vbi velis, similiter & pars ignei, & aerei, quod fieri non posse demonstraui Galenus, & sensus ipse manifestè docet: nunquam enim fiet, vt ab aqua aerem, terram, ignemue amoueas. Satiùs igitur foret, si alteram, quam proposuisti, partem concluderes, quoniā magis ad veritatem accedit, dicens, in aqua reliquas elementorum partes vnitas reperiri, & sic vnā aquam constitui ex pluribus elemētorum partibus vnitis. Sed adhuc vnitas hæc non sufficit, nisi per exactam comminutionē dictarum partium, & mutuam alterationem, vnio, & attemperatio fiat. Et sic naturale corpus, quoda quam nuncupamus, & sensu percipimus, vnum quoddam est præter quatuor, ex ipsis
tamen

*Commenta-
rio libri de
natura hu-
mana.*

tamen compositum, & commistum: veluti medicamentum tetrapharmacum, quod neq; ceram, neq; resinam, neq; picem; neq; adipem, sed quid aliud vnum præter hæc ex omnibus attemperatum dicimus. Nec huic sententiæ refragatur Empedocles à te citatus, qui de purissimis, & simplicissimis, & impermixtis loquens elementis, per inimicitias esse, atq; seruari dicebat, cum ipsemet (vt Galenus refert) naturam compositorum corporum (qualia sunt aqua, & reliqua vocata elementa, quæ sensu percipiuntur) ex quatuor elementis immutabilibus, atq; primis consistare opinetur, ad eundem modum inuicem admixtis, ac si quis, ubi leuigauerit exactè, ac redegerit in pollinem æruginem, & chalcitim, & cadmiã, & misit, ita misceret, vt non liceat aliquod ipsorum sine alio tractare. Non enim video cur purissima elementa in stirpium, animaliumue corpore quouis constitutendo, vniri, ac misceri possint, in aquæ verò nostræ, aut terræ corporibus, neq; possint, neq; valeant? Fateor ex elementis simplicissimis simplicissima fieri elementa secundum partes, non mixtione, sed actione reciproca, quando victum in uincens naturam conuertitur, & tunc genita, non mixta dicuntur: si verò eadem elementa, cum sua natura miscibilia sint, ita misceantur, vt eorum nullum alterum conuincat, & in se conuertat, proculdubio mixtum corpus constituent, quale est aqua, aut terra: quoniam seruatur ipsa elementa, & nullum eorum perit, immo mutua actione, & passione attemperantur, & ex illis mixtum resultat. Quod & si alia ratione, vt dictum est, aqua, & terra elementa nuncupantur, non ob id desinunt verè mixta esse. Alia quamplurima (vir doctissime) ex Aristotelis, Hippocratis, & Galeni mente in tua epistola proposuisti, quæ, cum nostræ non contradicant sententiæ, libenter admittimus: cui subscripturos spero omnes, qui illorum veram sequuntur doctrinam. Vale, & quæ scripta sunt, syn-cero, atq; beneuolo animo, quo te diligo, recipias.

*Commenta
rio libri de
natura hu-
mana.*

ANTONIUS ALVAREZ

EXCELLENTI VIRO IOANNI

BERNARDINO LONGO PHILOSOPHO,

atque medico præstantissimo. S. P. D.

EPISTOLA SEPTIMA.

ANIMALEM FACULTATEM EX CEREBRO,

tanquam è suo fonte, per nervos ab eo propagatos, vitalem ex corde per arterias, naturalem verò ex iecore per venas in omnes corporis partes distribui.



V M præfente Illuſtriſſimo Comite de Haro incidiffet ſermo de principe animæ facultate, eamq; in corde reſidere, ſicut & uaturalem, atq; vitalem cū Ariſtotele aſſeruiffes, laude potiùs (Bernardine doctiſſime) quàm vitio te dignum putauì, quòd vt antiquus philoſophi interpres, nō modò in Neapolitano gymnaſio, verùm & coram tanto principe, eximioq; verè philoſophiæ amatore, hac in re illius ſententiam tueri voluiſſes, affirmàs omnes dictas facultates cor ipſum pro domicilio habere, & ab eo venas, arterias, atq; nervos principium ſumere, per quæ, velut per canales quosdam, reliquis noſtri corporis partibus impartiùtur. Cæterum vt doctiſſimum medicum, & in Galeni doctrina maximè verſatum non potui non accuſare, quòd tenaciter adeò Ariſtoteliſ ſententiæ adhe-reas, vt Galeni, omniumq; ferè medicorum contempnas, qui in hepate præcipuè naturalem facultatem inefſe, ab eoque venas ortum ducere, vitalem verò in corde, vnde etiam arterias generari, animale autem in cerebro, ex quo nervos quoq; trahere originem affirmant. Quia tamen Ariſtoteliſ, & tuæ ſententiæ examen longiorem poſtulabat diſputationem, conſultò

præ-

prætermisimus, simul polliciti, scriptis me Galeni, atq; medicorum ferè omnium sententiã defensurum, & Aristotelis, atq; tuam impugnaturum: te contra, Galeni decretum, ac eorum; qui illius sequuntur sententiam accusaturum: & pro Aristotelis doctrina, vt philosophus, & medicus, propugnaturum. Ne autem incufer, quòd dictam disputationem diutius distulerim, sumam nostri muneris principium à vitali facultate, cuius origo, non modò ex Aristotelis, sed ex communi omnium philosophorum, ac medicorum sententia, cor est. Quemadmodum enim in animali duę considerantur facultates, quarũ altera naturalis, altera animalis dicitur: sic etiam tertia reperitur vitalis nuncupata: quam animali etiam inesse inde colligitur, quòd perpetuo, & constanti motu cordis, & arteriarum moueatur, cuius assiduitate continua spirituum vitaliũ in animali procreatio fit. Is autem continuus motus facultatis animalis actione fieri nequit, cuius motus voluntarius est, & tandem defatigatus ingrauescit, donec intermittatur, & quiescat per temporis interuallum: motus autem cordis, & arteriarum neq; in animalis potestate est, neque eius imperio obediens, quinimo sic continuatur citra vllam intermissionem, vt quauis violenta causa superueniente interrumpi nequeat. Multominus dictus continuus cordis, & arteriarum motus à naturali facultate gubernatur, quæ corporis nutritioni preest, & adeò manifestos motus, atq; euidentes in animali, vel planta ostendere nequit. Neq; natiuus calor eorum motuum author est, cum enim simplex qualitas sit, motus efficiens causa esse non potest: si enim fuisset, idem cum nostra natura esset. Est igitur in vitali calore cordis certa facultas huius continui motus effectrix, vitalis nuncupata, multis differens à naturali, & animali. Omnes enim hæ tres facultates inter se differunt,

Vitalis facultas.

Facultas animalis, naturalis et vitalis, realiter distinguuntur.

Animalis facultas deficit re-

liquis nō laboratibus. talis, quę in eis sunt: carent tamen sensu deficiente sensitiua. Similiter ægritudine dicta Lethargus, sensus, & motus torpore animal afficitur, totaq; animę sensitiuę virtus stupida fit, reliquis intactis permanentibus. Quando verò pars aliqua cōuulsione laborat, sensu, & motu destituitur, facultatē naturali, atq; virali bene habentibus, quę non permittunt partem ipsam marcescere. Sic igitur multis modis sensitiua virtus, aut minuitur, aut deserit partē cui inerat, reliquis nullam offensam recipientibus. Pari modo contingit naturalē facultatem ledi, reliquas verò incolumes permanere. In his enim, qui atrophia laborant, nutriendi facultas patitur lēSIONem ex nutritionis errore, sensitiua; ac virali sanis existentibus. Quinimo aliquādo euenit, alicuius particulę nutritionem, & sensum deperdi, vita permanēte, cū consumpto humido omnino exsiccatur: tunc enim quę remanet vitalis facultas partem conseruat, prohibetq; ne sic labefactata tandem putrefactione vitę contraria omnino dissipetur, ac pereat. Vitalis enim virtutis actio nō cōtendit, vt alimentum corpori pręstet, seu vt sensibilia sentiat, sed ad vitam potius conseruandam, atque tuendam.

Virtus vitalis leditur alijs illēsis. Simili ratione vitalis facultas leditur reliquis nihil patientibus. Cū enim quis pestifera febre laborat, & cordis dolore, vomitionibus, atque animi deliquiis affligitur, ita vt pulsus debilis, & in imo latitans vix percipiatur, nemo dubitabit vitalē cordis facultatem malē esse affectam, reliquis aut nullam, aut minimam, & ferē insensibilem lēSIONem patientibus. Quemadmodum enim alia morborum genera alias facultates inuadūt, sic pestilens morbus in vitalem virtutem irruit, eamq; debellat & vincit. Et hoc modo, quęlibet dictarum trium facultatū potest laborare, alijs aut nihil, aut parum patientibus. Quod quidem a me dictum est, vt iam intelligas harum quamuis suū locum, & domicilium ab alijs distans, & longē differens obtinere. Nulla enim virtus animę corpori ligatę sine auxilio instrumenti operatur, ideoque quando animę instrumentum, vel sedes, & domicilium malē afficitur, eius quoq; facultatē malē habere necesse est, ipsiusq; actionem impediri. Vnde sequitur, si secun-

si secundum Aristotelis, & Auicennæ doctrinam (quam, ut verissimam, aduersus Galeni, & peritissimorum medicorum sententiam, insequeris) cor sedes est, & domicilium trium omnium animæ facultatum, eas ex æquo pati, illo patiente necesse esse. Contrarium tamen euenire videmus, siquidem in febribus perstiteris, & alijs ex venenosorum genere morbis, vitalis cordis facultas (ut diximus) malè habet, naturali, atque animali, absque notatu digna læsione suo fungentibus munere. Quamobrem manifestè sequitur prædictas tres facultates non solum essentia, sed locis etiam differre, & separari. Cum itaque in eadem sede esse nequeant, oportebit inuenire cuiusque proprium locum, & domicilium: quod facile fiet, si operationes, & effectus cuiusvis earum singulatim perpendamus: conspicientes enim cibaria, quæ ingeruntur, in ventriculum descendere, ibique primam recipere elaborationem, deinde verò per meseraicas venas (quæ nullum cum corde habet commercium) ab hepate trahi, suaque virtute concoqui, & tandem in sanguinis naturam conuerri corporis substantiæ nutriendæ idoneam, statim intelligimus hepar naturalis facultatis iure optimo sedem esse. Pari modo cerebrum animalis facultatis propriam esse domum ex eo deduci potest, quod somno comprehensum, & ligatum, exteriores sensus comprehendit, & ligat, adeò ut à consueto sentiendi, & mouendi munere fere desistant: à somni autem vinculis dissolutum exteriores sensus soluit, & ab eodem carcere vendicat, qui tempore vigiliæ surgunt, & consuetis actionibus se exercent. Quo fit ut apertè colligamus, cerebrum externorum sensuum esse commune principium: in eo igitur principem animæ facultatem sentiendi, & mouendi contineri est necessarium.

At cor sedem esse vitalis facultatis ex eo manifestum est, quod dormiente animali continuo agitur motu, nunquam nec momento quidem quiescens, aut à suo munere desistens, eiusque motu arteriæ moueantur, suoque vitali calore omnes totius corporis partes vitam succipiant. Id autem clariùs euadet, si perpendamus, animalis quoduis genus naturalem, & nutriendam facultatem habere communem cum plantis, licet maiori

3. de partibus animalium ca. 4. & Auic. sen. prima primi de Urina 6. c. 1

Tres animæ facultates locis differunt.

Hepar sedes est facultatis naturalis.

Aa cum

*Naturalis
facultas in
animalibus
perfectior
& dignior
quàm in plan-
tis.*

cum dignitate, & perfectione in animali reperiatur. Quandoquidem plantę exugunt è terra impurum, sibi tamen conuenientem, ac familiarem succum, eoque statim nutriuntur animal verò non prius à cibarijs nutrimentum succipit, quàm plurimis transmutationibus sit præparatum. Hac ratione olera, fructus, panis, caro, & similia, prius quàm alimentũ animali præstent, plurimas subeunt mutationes, donec in sanguinẽ conuertantur, & is rursus in corporis substantiam. Quarcum in animalibus tot modis fiant coctiones, quibus alimentum eam acquirit perfectionem, quam in plantis (quę facili, & præpta coctione, & rudi conuersione nutriuntur) acquirere nequit eam ob causam necessum fuit in animalibus nutritionem fieri perfectiore, ac præstantiore naturali virtute, quàm in plantis aut ex eo, quod in illis perfectioris generis sit, aut (quod magis credendum) quia aliunde maiorem suscipit vim. Cuius rei gratia,

*Cor perfectis
daturat ani-
malibus fuit
concessum.*

cor, non plantis, sed perfectis animalibus fuit concessum ut influxu sui caloris, atq; viuificantis virtutis, in vniuersas totius corporis partes (maximè verò in hepar, & cerebrũ) naturalis facultas maiorem vim succipiat. At plantę solũ naturę opus viuunt, vnãq; nutritiuam virtutem obtinent natiuo calore illi, velut materia quædã, subiecto, & per vniuersam plantę substantiam diffuso, fulcitam. Qui non faciliẽ effluit: velut ostendũ auulsi, aut incisi ab arboribus rami, qui aut per aliquod tẽpori interuallũ vita fruuntur, aut alijs arboribus implantati vitam resumere, & fructus producere valent. Eodem modo natiuus calor in imperfectis, & ex eaguibus animalibus, per eorum corpora diffusus, reperitur: qualia sunt ea quę conchis obducuntur, & sine villo progressiuo motu scopulis adherentia, à loco suo non mouentur: similiter & quę ab vna in aliam partem locali motu, atque voluntario progrediuntur, velut formicę apes, & omne genus insectilium, cuius partes incisas, & separatas moueri videmus. Isthec autem animalia omnia cum, qui habent paruum suę vitę calorem per vniuersum corpus æquidisseminatum, possident: & nulla eius sedes cordi collata reperitur, à qua, sicut ab scaturiente fonte, fiat in alias partes influ-

xus. Si enim fieret, nec prædictorum animalium partes incisæ viuerent, nec moueri possent: vt contingit in perfectorum animalium partibus, quæ cum incisæ, & separatæ sint, statim moriuntur. Quod euident argumentum est, non ex se, neque ex suo proprio calore (vt plantæ & earū partes) viuere: sed aliunde adueniente, qui ultra propriam, & innatam, atque naturalem hepatis facultatem, aliam vitalem nuncupatam à corde, velut à propria sede, & domicilio, per totum animalis corpus defert. Hæc eadem vitalis facultas auxilium animali præstat, suppeditans materiam, & pabulum, vnde animalis spiritus generetur, & influens suam vitalem vim, cuius ope ad peragendas suas actiones excitetur, qua deficiente imbecilles, tardæ, & ociosæ forent. Cuius rei gratia eo modo, quo hepar principium est, & sedes naturalis facultatis, & cerebrum animalis, sic decuit cor vitalis virtutis originem, & domicilium constituere. Manifestum siquidem est, cerebro vehementer conculso, atque compresso, sensum & motum statim amitti, & ob varias, quas patitur ægritudines, animal apoplecticum, epilepticum, melancholicum, aut phreneticum fieri, vel alijs corripimalis, quibus cum afficiatur, motus, & sensus, & præcipuè imaginandi, ratiocinandi, atque memorandi actiones impediuntur, & tandem medemur remedijs cerebro applicitis, tâquam principio, origini, atque fonti vnde animalis facultas manat. Pari modo hepate laborante, difficulter nutritur corpus, modò siccitate, & marcore cōsumptum, modò corrupto humore rumefactum, ad cuius medelam hepatis remedia applicantur, vt naturali, atque nutritiua virtute roborata, cuius est principiū, & origo, in naturalem statum reducatur. Similis est ratio quādo quis animi deliquio, vel subito viriū lapsu afficitur, tunc. n. cordi remedia conueniunt, tanquā membro in quo residet vitalis facultas, quæ præcipuè in dicta affectione patitur, qua deficiente, reliquæ lege confortij in defectum trahuntur. Concluditur igitur ex proprijs actionibus, & curandi modo, naturalem, ac nutritiuam facultatem in hepate, animale, seu sensitiuam in cerebro, vitalem verò in corde sedem habere.

*Cor vitalis
facultatis
origo.*

Namq; si omnium facultatum (vt dicis) principium, & propriū domicilium est cor, cū malè habent, ipsi (vt peritū decet medicum) tanquam illarum fonti, & origini remedia applicares, & ab aliorum doctissimorum virorum sententia, qui medicam artem exercent, in curandi methodo deuiares, sicque phrenitide laboranti oxyrrhodium cordi, non cerebro imponeres. Similiter atrophia affecto, cordi, non hepati remedia applicares: quod tamen nunquam fecisse in dictis passionibus, medici, qui vnā tecum ægrotantium curam habuerunt, attestantur. Præterea si vias, atque canales ad dictas facultates deferendas deseruientes velis animaduertere, inuenies profectò venas ad naturalem facultatem, neruos ad animalem, arterias ad vitalem esse destinatas. Cum verò animæ pars, atque eius virtus ibi debeat collocari, vnde suum oritur instrumentum, eiusq; viæ nascuntur, & deriuantur, & apertissimum sit venas ab hepate, neruos à cerebro, arterias à corde oriri, manifestissimū itidem erit, iecur naturalis facultatis, cerebrum animalis, & cor vitalis esse sedem. Quemadmodum enim in arboribus, & omni plantarum genere rami maiores minorum principia sunt, & truncus, qui omnium maximus est, ad inferiora suas propellit radices, ad superiora verò in ramos diuiditur, qui rursus in minores partiuntur, & illi in alios minutiores, quousque in minutissimos deuentum sit, & ex communi omnium sententia truncus in plātis principium est facultatis naturalis, quæ à terra alimentum trahit, & in reliquas partes distribuit: pari ratione venari possumus, quod sit venarum, neruorum, & artierarum principium. Videmus enim cauam venam, qua parte cordis dextrum ventriculum ingreditur, minorem habere amplitudinem, quā dum egreditur à gibba hepatis regione: vnde intelligitur primam venarum originem ab hepate esse. Quod confirmat vena portæ à caua sede exorta, quæ in diuersas partes protensa in plurimas venarum propagines partitur, quarū quædam in ventriculum, quædam in omentum, quædam verò in mesenterium inferuntur: cum quibus cor nullum habet commercium. Sic igitur plantarum exemplo, sicut media pars in-

*Vena oriun-
tur ab hepa-
te.*

*Vena portæ
à caua ieco-
ris sede ex-
oritur.*

ter truncos, & radices existens, truncorum, & ramorum principium est, ita iecur venarum principium cēseri debet. Ex quo intelligi potest eam partem, quam in plantis Aristoteles cordi comparauit, rectius hepati, quā cordi assimilari, in qua residet naturalis virtus similis ei, quæ in hepate sedem habet.

Eisdem rationibus ostenditur, nervos non à corde, sed à cerebro potius habere ortum. Si enim cerebri substantiam, & ituram confideres, & eam, quæ in nervis est, mente perpēdas, statim eos à cerebro trahere originem comprehendes: cum orta suis principijs similia sint, & appareat cerebri substantiam cum septem paribus nervorum ab ea propagatis, & cum spinali medulla, ac nervis ab ea exortis, maximam habere similitudinem, & eiusdem substantiæ esse: nisi quod nervi velut rami ab ea producti, & vsq; in ultimam corporis superficiē extensi, propter itineris longitudinem, & locorum, per quæ transeunt, siccitatem, duriores, ac solidiores fiunt. Similiter per dissectionem constat spinalē medullam à cerebri posteriori parte oriri, & in sui principio ampliorem esse, paulatimque imminui, quò magis ab eo distat, ab eaque, velut ab arboris trunco, vtraque partē plurimos adeò manifestè oriri nervos, vt nemo sensus compos negare possit, omnes à cerebri substantia, vel immediate, vel interuentu spinalis medullæ, ortum habere.

At arterias à cordis sinistro vetriculo oriri notius est, quā vt probatione indigeat, cum sensus ostendat magnam arteriā inde esse ortam, quæ velut truncus quiddam in plurimas partitur arterias per vniuersum corpus difeminatas, vitalemque vim deferentes. Et licet dictæ tres facultates substantia, subiecto, & loco seiunctæ sint, postquam in vno, eodemque corpore vniuntur, non omnino ab eo separantur: taliter enim ligatę reperiuntur, & eo modo adinuicem sibi famulantur, vt earum quęlibet sine aliarum ope in animali persistere non possit. Licet enim (vt diximus) cōtingat in aliqua corporis parte animale perire facultatem, naturali, & vitali integris permanentibus, aut simul pereuntibus naturali, & animali, vitalem remanere: non inde sequitur in vniuerso animali id fieri posse,

Nervi oriuntur à cerebro.

Arterie oriuntur à corde.

Nullarum animæ facultatum sine aliarum ope in animale persistere valet.

quod dum viuit, necessario nutriri, & sentire opus est. Vitalis facultas reliquas perficit, & viuificat, & à naturali mutua ope alitur, ab animali verò motu pectoris, & pulmonum refrigeratur. Animali reliquæ materiam præstant, vitalis verò per arterias diffusa seruat, & auget naturalem. Quo fit, vt omnes insolubili quoddam concentu sibi corresponsdeant, ita vt vna in vniuerso animali sine aliarum ope persistere nequeat, quinimo aliqua pereunte reliquæ pereunt. Quoniam verò varias, & separatas sedes habent, ex quarum læsione calor, spiritus, & facultatum substantiæ offendentur, fieri potest quòd aliqua facultatum paruam patiatur læsionem, reliquis illæsis permanentibus, quæ si diutius perseueret, & augeatur, lege consortij alijs communis fit, donec tandem omnes dissipatæ, & victæ intereant. Quod tali ordine contingit, vt post eam, quæ primario est affecta, sequatur, quæ cum illa maiorem habet connexionem, atque familiaritatem, & vltimò, quæ minorem. Sicq; post animalis facultatis læsionem statim vitalis in passionem ducitur, & post eam naturalis. Quando verò primò vitalis patitur, eam animalis sequitur, cui non modò materiam, sed viuificantem vim præstiterat, post quam naturalis in affectionem trahitur. At cum primario naturalis virtus læditur, statim in compassionem ducit animalem, & vltimò vitalem. Ratio enim, & experiètia docent, quemadmodum in paruis affectionibus aliqua facultatum læditur reliquis illæsis, sic in magnis eam primum perire, quæ primò afficitur, neq; omnes eodem in tempore interire, licet paulò post finiantur.

*Nutritiua
facultas or-
tus ordine
prior est re-
liquis.*

Quantum attinet ad ortus ordinem, nutritiua facultas prima est, deinde vitalis, & vltima animalis. Principatus verò primas tenet animalis facultas, deinde vitalis, vltimò naturalis, quæ ignobilior est, propterea quod communis fit plantis, quæ respectu animalium viles sunt. At vitalis influens virtus animalibus solum conceditur, quorum naturalem facultatem perficit, cuiusque actionibus integritatem, vim atque firmitudinem præstat: quamobrem naturali præstantiorem esse nemo dubitat. Animali verò inferiorem meritò reputari inde constat

constat, quòd eius causa genita fuerit, & in eam, tanquam in finem, simul cum naturali facultate dirigatur. Præterquam quòd sentire, mouere, ratio cinari, contemplari, sapienter vivere, officia sunt animalis facultatis altioris ordinis, & dignitatis, quàm simpliciter viuere: sicque eorum effectiua virtus inter reliquas virtutes principatum tenet, & membrum, quod eius domicilium est, inter reliqua principalia primatum sibi vendicat.

facultas reliquis dignior.

At ordine necessitatis, respectu actionum dictarum facultatum vitalis primum obtinet locum, quoniam non modò animali materiam præbet, sed eam simul, & naturalem suscitatur, perficit, & tuetur, ad partes, quæ nutriuntur, sensuque, atque motu participant, vitalem spiritum, atque vim transmittens. Naturales enim, atque animales facultates, quibus vitalis concurret, & communis est, vitali deficiente, statim deficiunt, non è contra. Quamobrem respectu actionum vitæ, vitalis facultas reliquis præstantior reputatur. Sunt igitur in animali tria præcipua membra, in quibus, tanquam in proprijs domicilijs, præcipuæ tres diuersi generis facultates resident, quibus animal gubernatur: altera quidem in cerebro, quam animalem, altera in corde, quam vitalem, & tertia in iecore, quam naturalem nuncupamus: & si vnicum duntaxat principale membrum cor esse cum Aristotele affirmes.

Necessitatis ordine vitalis facultas præstantior reliquis.

Sed iam argumenta, quibus vt existimo, illius, ac tuam cõprobare sententiam credis, singulatim perpendamus, vt his dissolutis, veritas Galeni & Platonis (quam insequimur) magis elucescat. Primum autem, quod proponi solet, tale est. Vbiunque fieri potest, principium vnum esse quàm plura melius est, at à corde tres præcipuæ facultates, quibus animal gubernatur, fluunt, igitur illarum est vnum principium, & vnicum duntaxat membrum præcipuum. Huius autè argumentationis maiorem quidem concedimus, minorem verò, qua asseritur à corde tres præcipuas facultates oriri, omnino negamus: quoniam superius satis probatum est, naturalem à iecore, animalem verò à cerebro ortum ducere, & eam ob causam hepar, & cerebrum inter præcipua membra reputari, & connumerari.

3. de partib⁹ animalium cap. 4.

Sed

Sed instabis, hac ratione sequi, cerebrum magis nobile esse quàm cor, quod tanquam principalissimum, & nobilissimum in medio corporis natura collocauit, & tot propugnaculis muniuit. Et nos etiam cerebri principatum, & maiorem dignitatē nō negamus, quòd in eo resideat princeps animę facultas, præterquam quòd ab externis iniurijs, tenui, atq; crassā meninge, & durissimis capitis ossibus, atq; exteriori membrana pericraneum nuncupata, & pilosa cute, non minus quàm cor defenditur. In elatiori autem atque nobiliori loco collocatur, quia decentius erat sublimem virtutē potius in sublimi, & excelsō loco (qui caput est) quàm in sede media collocari. Est & aliud argumentum, quod in hunc modum posses proponere. In eo nē se membro coniectari licet virtutē residere, à quo instrumenta deferentia illam virtutem originem ducunt, sed ex corde nō solum oriuntur arteriæ, sed etiā venę, & nerui, per quæ omnes virtutes fluunt, cor igitur omnium virtutū locus, & principiū erit. Maior nota est, minorē verò inde probabis (& primò quidē de venarum ortu) quòd in illo membro sit prima venarum radix, & origo, in quo venę ipsæ finiuntur, at vena caua intrat dextrum cordis ventriculū, & in ipsum finitur, in corde igitur est prima radix, & origo venarum. Cæterum argumentatio non valet, non enim ex eo venæ ex aliqua parte oriuntur, quia in illam finiantur, cum plurimæ terminentur incutim, quæ ab illa originem non traxerunt: sed inde potius oriuntur, vnde principium delationis sanguinis est in vniuersas corporis partes. Et licet vena caua intret dextrum cordis ventriculū, & in illius finiatur cavitatem, non ex eo sequitur inde per eandē venam, tanquam ex trunco per multos ramos, sanguinem in corpus transmittere. Quoniam vt diximus qua parte ingreditur cordis ventriculū vena caua, non eam habet amplitudinem, quam dum egreditur à gibba iecoris parte: quamobrem in introitu, vel exitu cordis non potest reputari truncus venarum: Præterquam quòd sanguis in cordis ventriculo existens fere totus permeat per septum quoddam in sinistrum, vbi percolatus, & purior effectus elaboratur, & per magnam arteriā in om.

in omnes corporis partes transmittitur. Non posset autem dexter cordis ventriculus tantam sanguinis copiam procreare, quæ posset sufficere pro intromittenda sufficienti ipsius quantitate in sinistrum ventriculum, & pro alia extramittenda per omnes venas ad partium sufficiens nutrimentum.

Sed age, fingamus sanguinem (vt dicis) in corde oriri, & per venam cauam in corpus transmitti: id autem fiet quia dicta vena per totam cordis substantiam disseminatur, ita vt primò in maiores portiones, deinde in minores, & ille rursus in alias miniores diuidantur, donec deuectum sit ad minutissimas, quibus mediantibus fiat tractio sanguinis ex omnibus cordis partibus vsq; in venam cauam, per quam postea in vniuersum corpus distribuatur: at ex anatome constat nullam fieri vene caue in cordis substantiam distributionem postquam ingressa est dextrum illius ventriculum, nõ igitur trahit sanguinem à corde, sed potius defert ab hepate in illius dextrum sinum, qui per se ptum percolatus in sinistrum fit materia apta generando sanguini, & spiritui vitali, qui postea per magnam arteriam ex ipso cordis sinistro sinu ortam in omnes corporis partes fluit. Adde quòd fœtuū, qui vtero gerūtur, dissectio manifestè ostendit, sanguinem ex iecore ad cor mitti, non ex corde ad iecur. Recipiunt enim alimentum fœtus ex materno sanguine per vmbilicum, in quem subeunt vena vna, & arterie due: vena recta tendit in hepar, priusquam deueniat ad cor, & arterie inferuntur in cor, antequam iecur attingant, ergo hæc constructio ostendit venas ex iecore, & arterias ex corde ortum ducere. Quod si his rationibus cōiunctus concedas sanguinem quidem in hepate generari, imperfectum tamen, & alendo corpori minime accommodatum, eumq; cordi præparare, quemadmodū illi præparat ventriculus chylum: vt fatearis etiā est necesse, eas partes, quæ recipiunt sanguinem à vena caua pro sui nutrimento antequam ingrediatur dextrum cordis ventriculum, non verè nutriri, quod maximum foret inconueniens. Præterea vt ventriculus chilo, ita etiam hepar sanguine, quem conficit, nutritur, & quod superest in alias partes per venas transmittit,

quibus commodum sit nurrimentum: quinimo ex hoc sanguine, antequam ingrediatur dextrum cordis ventriculum, alitur cor ipsum per venam exortam à vena caua, quæ per extimam cordis superficiem in modum coronæ diuisa progreditur, & substantiæ ipsius nutrimentum præstat.

At de ortu neruorum, quod etiam à corde procedant inde argumentaberis, quia cordis substantia crassa est, ac dura, & plurimis neruis intertexta, ideoq; neruos ipsos à corde exortos duritiem ostendere, cum orta attestentur suis principijs: cerebrum verò quia mollescit, neruorū principium esse non posse. Cæterum eadem ratione quisq; intelliget, neruos à cerebro ortum ducere, quia sua natura molles sunt: quod ostendūt septem neruorum paria, quæ in suo exortu mollissima apparēt, & dum parū à cerebro distāt: at qui longo tramite à cerebro sunt separati, nihil mirum quòd maiorem acquirāt duritiem, exsiccati à locorum per quæ transeunt calore. Præterquā quòd ex anatome cōstat nullos neruos à corde oriri, neq; in ipso reperiri, præter paruulum quendam à sinistro sexti paris neruo depromptum, & in cordis basim pertinentem, qui inibi mox in soboles capillorum modo gracillimas consumitur.

Sed instabis adhuc omnes virtutes à corde vt à prima radice, & fonte procedere, manifestari tamē in alijs membris, sicq; animalem facultatem in corde tanquam in radice esse, per cerebrum autem, & neruos manifestari: quemadmodum ex Galeni sententia videndi facultas in cerebro est tanquam in primo fonte, elucet verò in oculis, vt in instrumentis ad videndum accommodatis.

Ratio tamen hæc non conuincit, quia si animalis virtus manifestaretur (vt ais) in cerebro, & in corde esset velut in radice, cerebro obstrueto corpus non redderetur immobile, & sensus expers, quia remanet sentiendi, ac mouendi facultas in sua radice: videmus tamen obstrueto cerebro, omnes animalis partes sensu, & motu priuari, origo igitur facultatis sentiendi, & mouendi in cerebro est, non autem in corde. Præsertim cum obstrueto corde, aut intercisis, vel cōclusis vijs à corde ad cerebrum

Cæterum cum neque ut philosophus, aut medicus cor animalis facultatis principium esse, & proprium eius domicilium convincere possis, forsân ut theologus, ad theologiam velut ad sacram anchoram confugiens, id principium animæ facultatis domicilium statuere contendes, cum sacrâ literâ in corde cogitationes esse profiteantur. At ego, nō ut theologus, sed ut philosophus, atque medicus dicērem, materialiter principem animæ facultatem à corde procedere, quoniam spiritus vitalis à corde exortus, & in cerebrum ductus, materia fit animalis spiritus in cerebro procreati, à quo præcipua animalis facultas ratiocinandi, imaginandi, atque cogitandi fluere dicitur.

Platonis, atque Galeni decretum confirmans, in-
terimque expectans rationes à te conscriptas,

amore profe-
quere.

100-443887-100

EXCELLENTI VIRO

IOANNI ANTONIO PISANO

MEDICINÆ IN NEAPOLITANA

SCHOLA PROFESSORI.

ANTONIVS ALVAREZ. S. P. D.

Quod certissimum sit lienem crassiori nutriri sanguine, quàm hepar, si sanguinem melancholicum, quo lien nutritur, ad sanguinem, quo alitur hepar, conferatur: quòdque à vitrea pituita dysenteriam generari impossibile sit.

EPISTOLA OCTAVA.



ADMIROR fanè, Pisane doctissime, quod per multos annos magna cum discipulorum frequentia, & tuæ doctrinæ admiratione medicam artē edocens, medicinæ studiosis sanguinem, quo aliter lien, tenuiorem esse eo, quo hepar nutritur, asserueris; & quod maius est, coram Illustrissimo Comite de Haro, præsentè Ioanne Bernardino Longo philosopho, atque medico egregio, id ipsum ex Galeni mente ausus sis affirmare, cum nullibi id clarè proferat, neque medicis, aut philosophicis rationibus comprobari possit. Certissimum siquidē est, sanguinem in hepate, tanquam in officina quadam, generari, & à nativo eius calore concoqui, dumque perfectè concoctus est, probèque in sanguinis substantiam transmutatus, suæ concoctionis duplex recrementū (vti in vini, omniq; alia concoctione fieri cernimus) obtinere: vnum quidē crassius, quod veluti fæx sanguinis, & lutum censetur, atraque bilis nuncupatur, & tanquam crassum, & iecori inutile recrementū, per portæ venam in lienem ablegatum; alterū verò tenuius, & veluti flos

flos vini habetur, eo quod veluti spuma quædam in sanguinis superficie fluitat, flauaq; bilis dicitur, quam meatus, per iecoris substantiam digesti, in se allicientes, & simul collecti in vnũ meatum desinentes, per iecoris cauum in bilis vesiculam deponunt. Lien itaq; inutile, & crassius iecoris excrementum, tanquam sibi vtile, & familiare ad se allicit, atq; in sui nutrimentũ conuertit, & quam eius portionem sibi adaptare nequit, partim in ventriculum eructat, partim verò per inferiora in sedis venas deponit. Ex dictis, quæ Galeni quidem sunt, & à te ne- ^{4. de usupar.} ^{cap 3. & 4} gari nõ possunt, manifestum est, sanguinem, quo iecur alitur, esse probè concoctum, depuratum, & defæcatum à suis excrementis, fæculentum verò sanguinem, qui ab illa concoctione residet, & veluti sanguinis fæx est, quo lienis caro lutofo sanguini similis nutritur, crassiorem esse. Sanguis igitur ille melancholicus, quo lien alitur, multo crassior est eo sanguine, quo iecur nutritur. Præterea quemadmodum ea, quæ concoquuntur, coctione separant duo excrementa, alterum tenuius, alterum verò crassius, ipsis concoctis rebus in mediocritate inter tenue, & crassum remanentibus, sic sanguis, vbi probè concoctus est, bilim tenuius suæ coctionis excrementum, & melancholicum succum, tãquam crassius à se ablegat; sanguis igitur concoctus, cum in mediocritate consistat, respectu suorum excrementorum modò crassius, modò tenuis dicitur, crassius quidem si ad bilim tenuiorem, tenuis uerò si ad succum melancholicum, crassumq; conferatur, huiusmodi autem lutofo, melancholicoq; sanguine, qui coctionis prædictæ excrementum est, nutritur lien, hepar uerò eo, qui coctus est, & in mediocritate ab excrementis repurgatus persistit, manifestò igitur concluditur, hepar tenuiori sanguine, quàm lien, nutriri, falsumque esse, & à uera medicine, ac philosophiæ cognitione alienum, li-
nem à tenuiori sanguine ali, si ad sanguinem, quo hepar nutritur, conferatur. Idq; ex eo manifestum magis est, quoniam excrementum illud esse dicatur Galeno 1. de fæcul. naturalib⁹ ^{Quid sit ex-}
hac ergo, ratione melancholicus sanguis, cum actione ab hepate ^{crementum.}
de ali-

de alimento seruatur, hepatis excrementum erit, nō tenuius, quia tale est flaua bilis, erit igitur crassius, at hoc crasso sanguine, lutofo, ac melancholico nutritur lien, necessariò ergo alimentum à crassiori sanguine, quàm hepar, suscipit, quod non solum ex lienis nutriti nigro colore patefit, ex quo melancholicum sanguinem nutrientem coniectamur, non autem floridum, qualis ex florido, & rubro hepatis colore manifestatur, sed etiam ex crassa lienis substantia crasso, & lutofo sanguini, quo nutritur, simili: ideoque Galenus dixit, optimo consilio splenem manifestè laxum, ac rarum fuisse constitutum, ad trahendum enim à longinquo succum crassum aptius hoc fuit, neque merus erat, ne quid sanguinis sequeretur, neque enim statim antequam conficeretur, concoqueretur, aut mutaretur, erat melancholicum excrementum excreturus, vt renes lotiū, sed diutissimè retenturus, alteraturus, & alimentum sibi ipsi facturus. Adde succum melancholicum, sanguinis, vt diximus, crassum recrementum esse, tale autem nutrimentum est lienī, nutritur igitur lien crassiori sanguine, quàm hepar. Dictæ autem lienis nutritionis ex crasso concoctionis iecoris recremento potissima ratio est, quia crassum illum sanguinem, & recrementum concoquit, non enim nutrire potens est, quod concoqui non valet: si igitur concoquit, sibi apponit, & in sui substantiam transmutat, eamque ob causam Galenus affirmavit, lienem alijs non indiguisse vasis, quæ sanguinem ab hepate deferrent pro sui nutritione, quemadmodum vtraque vesica, in quibus nulla excrementorum erat futura coctio; non enim vesica fellis bile, neque altera vesica sero, nutrirī possunt, quia dicta excrementa concoquere nequeunt, ideoque ea infecta dimittunt, & alijs indiguerūt vasis, quæ sanguinem deferrent illis alimentum præstiturum. Nulli igitur iam dubium esse debet, lienem crassiori nutriri sanguine, quàm iecur; ideoque Galenus iuxta exempli similitudinem de concoctione vini, distribuendum à ventriculo ad hepar chilum à visceris caliditate, velut vinum ipsum musteum feruere, concoqui, alterari in sanguinis boni generationem dixit, in ebullitione autem hac

5. de usu
par. c. 7.

4. de usu
par. c. 3.

hac ex ipsis excrementis, quod foeculentum quidem est, ac crassum, subsidere, innatare verò quod tenue est, ac leue, & veluti spumam quandam in sanguinis superficie fluitare, postea-que hepar in fellis vesicam deponere, sicut crassum, limosum, & ponderosum melancholicum excrementum in lienem, à quo etiam, tanquam sibi familiare nutrimentum, attrahitur. Postquam igitur qui apparatus in hepate chimus, hoc est, humor ad nutrimentum animalis idoneus, prædicta duo excrementa deposuit, & ab innata caliditate coctionem exactam est adeptus, ruber iam, & purus ad gibbas partes hepatis ascendit, ignis in humido diuini portionem ab eodem deterfam colore præseferens, vt Plato dicebat. Tandem vt ad vltimam metam questionem hanc perducamus, consideranda sunt Galeni verba quæ de visu part: à te citata, quæ errandi occasionem tibi præbuerunt, cum enim demonstrasset splenem instrumentum quoddam Cap. 15. esse, quod purgat limosos, crassos, & melancholicos succos in hepate genitos, quos per vas venosum trahit, & tractos non protinus in ventriculū excernit, sed prius per multum otium conficit, atq; immutat, vtens ad hanc actionem potissimū arterijs, vt motus earū assiduitate, & innata caliditatis, quæ ipsis à corde affluit, confici, frāgi, mutari, atq; alterari possit crassities transumptorū ab hepate ad splenem succorum, tandem subiūgit. Quicquid igitur eorum in succū huic visceri maximè cōuenientem translatum fuerit, alimētum id spleni efficitur, quod autem ab ea, quæ in splene fit, elaboratione excederit, nec in sanguinis tenuis, ac vtilis speciem transmutari potuerit, omninoq; inutile fuerit ad nutriendum, hoc ad ventriculū per alium quēdam venosum stomachum splen eructat, vtilitatem, & ipsam quandam haud contemnendam præstituram. Ex his ru colligis, splenem tenuiori sanguine nutrirī, quā nutriatur hepar. Verum non video quā id ratione sequi possit, licet enim Galenus dixerit, ex crassis iecoris excrementis, quod solum in tenuioris sanguinis, ac vtilis speciei transmutari valet, splenis nutrimentū fore, non sequitur, splenem tenuiori nutrirī sanguinē, quā hepar, vt asseruisti, sed deducitur optimē, ali tenuiori parte

*Lib. 4. de vs.
par. c. 15.*

parte sanguinis lutosi, & melancholici, quem iecur in splenē, tanquam crassum, & ponderosum excrementum ablegauerat. Sed dices, paulò infra Galenum tuam sententiam proposuisse, dum asserit, splenis corpus, quia tantò rarius hepate sit, quātò est crassius pulmone, meritò ex tenuiori parte sanguinis nutrirī: at hoc non est affirmare splenem nutrirī tenuiori sanguine, quàm hepar, vt proposueras, sed potius ali tenuiori parte sanguinis melancholici, & crassi, raritas enim plenis ostendit nutritionem ex parte tenuiori, & subtiliori sanguinis melancholici vltèrius elaborata, & confecta, relicta crassiori: dēfitas verò hepatis demonstrat fieri ex rubicūdo, ac defæcato, & puro sanguine, integro, & ea crassitie, qua, qui superabundat ex iecoris nutritione, in cauam venam expellitur. Hoc autem non tollit nutrirī hepar sanguine tenuiori, si sanguinem hepatis cum lienis melancholico sanguine comparere velis; præsertim quod eodem Galeno auctore, corporis splenis compositionem rarā, ac laxam instar spongię cuiusdam ex eo fuisse ait, quod succos crassos faciliè trahat, & excipiat, quorum tenuiori parte alitur, vt eam raritatem, & laxitatem ad dictum munus perficiendum obseruet. Dictam nostram interpretationem clavis verbis paulò inferius subiungit Galenus dicens. Qui nanq; attrahitur ad splenem sanguis crassior est eo, qui est in hepate, at quia elaboratus ab arterijs, quę illic sunt, atq; etiam venis multo densiorem tunicā habentibus, quàm quę sunt in hepate, non affatim, neq; crassus sanguis carni splenis, sed subtilis, & paulatim mittitur. Vides ne quo pacto Galenus dicat ali splenē tenuiori parte sanguinis melancholici, ac crassi vltèrius elaborati? nō igitur asseruit, vt protulisti, ali tenuiori sanguine, quā hepar. Sed adhuc contendes verè Galenum protulisse sanguinē, quo lien nutritur, tenuiorē esse eo, quo alitur hepar, quoniā dum quarto de vsu par. in calce cap. 15. comparisonem faceret trium viscerum, quæ nutriuntur, eorum nutritionem sic se habere inquit. Hepar quidem ex rubicundo, & crasso sanguine, splen autem ex subtili, sed nigro, pulmo ex elaborato ad vnguē, flauo, subtili spirituofo, ac puro sumit alimentum. Quæ quidem Galeni

leni auctoritas manifestissimè videtur tuæ fauere sententiæ: verum si quæ ab eo supra, & infra dicta sunt, nō conuenientibus oculis velis perpendere, veram eorum verborum interpretationem consequeris; clarum enim est, vt supra idem Galenus inquit, hepar benigno simul, & crasso nutriri sanguine, quia dum expurgatus est ab vtraque bile, tenui. s. & crassa, in medio critate consistit, & talis, qualis remanet, nec omnino crassus, nec tenuis, alimentum est iecori, quod non minus à tenuiori, quàm crassiori parte ipsius sanguinis iam defæcati nutrimentum suscipit, ideoque Galenus inquit, hepar ex rubicundo, & crasso sanguine alimentum capere, at splenem ex subtili, sed nigro ali, ideo dixit, non quia nutriatur ex toto sanguine melancholico, ac crasso, hac enim ratione non ex subtili, sed crasso potius nutriretur, effectq; manifesta in ipsius dictis contradiçtio, sed quoniam nutritur parte tenuiori ipsius sanguinis melancholici, quemadmodum, cū inter nos hæc oriretur controuerfia, fuimus interpretati. Et adhuc hæc tenuior pars feculentri, ac melancholici sanguinis, & si vltcrius elaboraretur, & conficeretur ab innata caliditate spiritus arteriarum per splenis corpus diffusarum, multoq; tenuior redderetur, proculdubio crassior erit iudicanda, quàm totus sanguis in hepate confectus, purificatus, ac contentus. Huius autē rei potissima causa assignari potest, quòd tenuior illa pars sanguinis feculentri, ac melancholici, qua lien nutritur, excrementū quidem est sanguinis defæcati in hepate contenti, nō tenuius, quia esset bilis, ergo crassius, adhuc igitur illa pars tenuior sanguinis melancholici crassior erit dicenda, quàm totus sanguis purificatus in hepate contentus. Dices elaboratione tenuiorem reddi, & reduci ad mediocritatem, aut ad maiorem tenuitatem, quàm sanguis hepatis obtinere videatur. Si ad mediocritatem reduci-
tur, de nouo fiet sanguis, & nutriretur tunc lien sanguine, nō autem melancholico excremento, si verò excedit sanguinis mediocritatem, fiet bilis, qua quidem splen nutriri non valet. Cū igitur neq; per vltcriorem elaborationem fieri possit melancholicus succus, aut sanguis, aut bilis, reliquum est, vt in sua

natura consistat, sed ex natura sua habet quod sit excrementum crassum sanguinis hepatis, semper ergo erit crassior sanguine depurato hepatis, ut proposuimus. Si igitur totus sanguis hepatis cum toto sanguine melancholico lienis conferatur, erit crassior melancholicus sanguis, si verò pars tenuior eiusdem sanguinis hepatis cum parte tenuiori sanguinis melancholici, etià pars illa sanguinis hepatis erit magis tenuis, quam tenuior sanguinis melancholici splenis, at si utraq; pars, & tenuis, & crassa sanguinis hepatis, cum sola parte tenuiori sanguinis melancholici, quæ lien nutritur, conferatur, nil mirum quod videatur crassitudine superare partem tenuiorem humoris melancholici, præsertim si cordis calore per arterias diffuso crassities retundatur, atq; magis elaboretur ad lienis nutritionem, & hac ratione Galenus cum consideraret iecur ipsum nutriri simul crassa, & tenui substantia sanguinis in eo elaborati, splenem verò solum tenuiori parte sanguinis melancholici ulterius confecti, dixit, nutriri splenem subtili sanguine, id est, tenuiori parte sanguinis melancholici, accipiens ibi totum pro parte; sed non ex eo sequitur nutriri tenuiori sanguine, quam nutriatur hepar, cum alibi sæpius significauerit splenem nutriri crassiori sanguine, quam hepar, ubi utriusq; alimentum, quo viscera hæc nutriuntur comparatio fit: non enim de compositione med. secundum loc. inquit, splenem celerimè indurari, sanguine nimirum in venis ipsius indurato, & ob crassitudinem neque excerni, neque discuti facile potè; quamobrem opus habere affirmat pharmacis citra manifestam caliditatem, ne vehementius incrassescat sanguis crassus in ipso obduratus. Si igitur sanguis crassus in liene continetur, & ab ipso alimentum suscipit, non nutritur quidem tenuiori sanguine, quam hepar. Quod etiam confirmat 6. de patient. loco agens de lienis, & hepatis affectibus his verbis. Quum itaque splen multa habeat accidentia cum hepate communia, re differre videtur, nisi quod quædam magis, quædam verò minus alterutri euenire solent. Nam quod ad coloris rationem pertinet, uniuersum corpus, ubi splen imbecillitate affectus est, magis nigricare vi-

Cap. 2.

Cap. 1.

re vi-

re videtur, nam hoc ei natura officium dedit, ut melancholicum sanguinem ad se attrahat, quo ipsum aliam demonstratum est. Quid clarius dici potest, quam facta comparatione affectuum, qui in utroque viscere gigni solent, in maioris, minorisue ratione differre dicatur, in imbecillitate enim lienis, splem magis nigricare videtur propter melancholicum humorem, quo ipsum aliam demonstrauerat. Et libro de attrahibile c. 6. de liene agens inquit. Sed & huius quoque visceris gustus, licet elixi, acerbum quidpiam habere videtur, minimèque iecori simile; his igitur adducti veterum tum philosophorum, tum medicorum optimates purgari iecur à liene pronunciarunt, cum ad se quicquid in sanguine limosum est trahat; tale autem id est, ut dixi, qualis in vino fax; in oleo amurca: at acerbus gustus lienis melancholicum humorem à iecore relegatum, quo lien ipse nutritur ostendit, gratus verò iecoris sapor sanguinem purum, & defecatum, quo ipsum iecur alitur manifestat, concluditur igitur lienem crassiori nutriri sanguine, quam hepar. Tandem Gal. *Cap. 16.* 13. meth. litem nostram dirimit, aperte ostendens iecur tenuiori sanguine nutriri, quam splen, dum inquit. Quippe iecinoris substantia scirrhis maximè opportuna est, utpote quæ naturaliter lutosum quidpiam continet, veluti medicus quidam nostri temporis per iocum dixit: lienis verò rarior substantia, quam iecinoris est, ceterum crebrius scirrhosis vitijs affligitur, propter nutrimenti, quo utitur, speciem, monstratum namque est, quòd crasso nutriatur sanguine, qui velut limus purioris est, facillimèq; nigra bilis efficitur, ideoq; etiam ipsum melancholicum, siue atrum appellamus excrementum. Si igitur crassus sanguis lienis limus est purioris sanguinis, qui in iecore continetur, quomodo sanguinem limosum, quo lien nutritur, tenuiorem non limoso sanguine, & puriori, quo iecur alitur, ausus es pronunciare? Certum igitur est lienem nullatenus nutriri tenuiori sanguine, quam hepar, est enim hoc, & veritati, & Galeni doctrinæ consonum.

Non minus etiam in admirationem ducor, quòd dum idem Illustrissimus Princeps, post assumptum medicamentum ex cas-

1. prorrh.
com. ult. &
2 d. diff. feb.
cap. 6.
Li. 2. de loc.
patien. c. 5.

sia, propter morbosum apparatus, fluentibus mordacibus humoribus ad intestina, laboraret eorum exulceratione, dixeris, dysenteriam illam non ex biliosis humoribus, sed ex pituitosis potius vitreæ pituitæ speciem referentibus ortum duxisse; & in hanc sententiam adductus fuisti, quoniam dictos humores simul cum cruentis excretionibus videbas excerni, & non apparebant à principio biliosi, quorum erosione intestinorum ulceratio posset concitari; cumq; ego prædixissem statim subsequuturos biliosos humores, quorum mordaci, & erodenti qualitati malum prædictum, tanquam in suam causam, esset referendum, ut ipse exitus demonstravit (statim enim egressit biliosa multa, atque cruenta) neque fieri posse, ut ex humore pituitoso, atque vitreo corrosio, & ulceratio fieret, cum sit humor frigidissimus, potiusque concitare debuisset ingentissimos dolores, ac cruciatus, quales Galenus de se ipso fatetur passum esse, & iniecto oleo rutaceo, eiectione vitrea pituita dolores, quibus veluti terebro videbatur perforari, fuisse sedatos: tandem ut rationes has effugeres, dictam pituitam, non quatenus vitrea, sed quâ falsedinem per immoderatum calorem assumpsit, dicti mali causam extitisse asseruisti, attribuens eam hac ratione calori præter naturam, & acquisito in vitrea pituita, non autem naturali eius frigiditati. Ceterum, rogo, qui fieri potuit, ut pituita vitrea in intestinis contenta, antequam ob nimium calorem partem ipsius aqueam absumentem, & vsta quodammodo terrea (quod aquæ maris evenire solet) falsedinem sumpsisset, interim dum frigidissimus humor erat, vehementissimos dolores non concitaret? cum autem nullos notatu dignos antea pateretur, manifestè sequitur, excretionem illâ mucosam non fuisse vitreum humorem in intestinis contentum, ac proinde nec falsum ab eo generatum, ut asserueras. Adde quòd in intestinorum tunicis natura frigidis non tantus potuit adesse calor præter naturam, ut immodico suo excessu ex frigidissimo, acidoq; humore, ita cito calidissimum, falsumq; procrearet: sed demus id fieri posse, iam ille humor falsus nullatenus vitreus appellari poterit, cum alteram multò diuersam à vitrea pituita acce-

acceperit naturam, atque speciem; quamobrem si falsus humor dictam intestinorum ulcerationem concitauit, non erat vitreus nominandus, præsertim cum Galenus nullibi vitream pituitam dysenterię causam fuisse pronunciauerit. Quare cum dysenteria illa leuis esset, primum quidem intestinorum mucus apparuit expulsus simul cum adipe intus illis adherescēte, & exiguo cruore perfusus, hunc autem humorem existimare vitream fuisse pituitam, & dicti mali causam extitisse, à vera ratione causarum dysenterię longè alienum est, cum humor ille, & adeps intus adherescens secundum naturam in intestinis contineatur, qui ab erodentibus humoribus motus, atque proprio loco diuulsus, postea per secessum nature vi expellitur, quem non multò post sequi solet calidus, & erodens humor dysenteriam concitans, qualem conspeximus. Hęc pauca veritatis studio motus volui ad te mittere, quę, vir eximie, æquo animo accipito, meque mutuò diligito.



EXCELLENTI VIRO CAESARI SCANNAPECORI.

ANTONIUS ALVAREZ S. P. D.

EPISTOLA NONA.

Responsio ad dubia in examine libri proposita.



REGI vir doctissime breuem tuam epistolam ad Excellentissimum Proregem Neapolis missam, qua nostram primam epistolarum, & consiliorum medicinalium partem tuo examini commissam comprobas, & tanquàm vtilem, non modo medicis, sed & philosophis, commendas. Gratulor equidem quòd operis auctoritatem augeas, & multo magis quòd priuatim, quæ præ se aliquam ferre difficultatem inter legendū tibi visa sunt, animaduertas: inter quæ ea est sententia, qua ex Galeni mente morborum acutiem, non solum in motus celeritate, sed in periculo consistere quinta depulsione aduersus Saluum probare cōtendo: quod ex Archigenis, non autē ex Hippocratis, aut Galeni intētionē, probē deductum existimas, citans Galenum secundo de diebus decretorijs capite duodecimo, & tertio eiusdem capite vltimo, dum inquit, Archigenem multis nominibus, & diuersis fore laudandum, quòd acutum morbum eum esse dixerit, cui motus velox, & cito pericula adueniunt, æquū esse existimans breues alios morbos nec acutos, nec diuturnos appellari posse, aut deberi: quemadmodum paruas, & à periculo remotas febres, quas non esse diuturnas nemo ignorat, & si ab acutorum natura recesserint. Ego vir egregie ingenuè fateor, ex Archigenis mente Galenum isthac pronunciasse, verum non ob id sequitur eum non eiusdem fuisse sententiæ: si enim ex eo laudandum fore Archigenem dixit, quòd acutum morbum ex velocitate motus, & periculo iudicauerit, procul dubio

dubio iam eius sententiam tanquam verissimam suscipit, & amplectitur, alioquin Archigenem non laudibus hanc ob causam afficeret, sed aduersus ipsum irrueret, dictamque sententiam impugnaret: tantum autem abest ut id alicubi efficiat, ut manifestissime ex propria mente, nulla Archigenis facta mentione, tertio prognosticorum textu decimo. morbum acutum cum magnitudine quadam, ac continuitate febris intellexerit, existimās si ita non sit, quāquam circa decimumquartum soluatur diem, aut etiam citius, eiusdem appellationis non esse; & secundo aphorismorum cōmento decimo nono inquit, acutos morbos præter id quod celeriter iudicantur, statim & magnitudinem habere, febresque diarias, quas græci ephemerās vocant, licet cito finiantur, non tamen acutos morbos nominari: & secundo aphorismorum vigesimo tertio dixit, acutos morbos magnos esse, & ad suum vigorem celeriter properare: si igitur magni sunt, proculdubio erunt cum periculo. Non ergo ex Galeni, aut Hippocratis mente sola velocitas sine periculo acutum constituet morbum; præsertim quod ex Hippocratis sententia tertio de diebus decretorijs capite ultimo, a te citato, Galenus inquit, morbum acutum cum febre continua euenientem esse periculosum, si verò fuerit sine febre, propter magnitudinem etiam est periculosus, ut liquidò patet quinta aphorismorum sectione aphorismo trigesimo dum inquit, sic & si absque febre aliquis alius morbus acutus fiat, velut morbus comitialis, morbus atronitus, conuulsio, distentio, propter magnitudinem morbi, & acutiem, impossibile est laborem euadere. Ex hisce Galeni locis adductis, nemini non clarissimum est, Galenum nunquā morbi acuti meminisse, quin velocitatis magnitudinem, periculumque adiunxerit. Sed iam sententia hæc clariùs clucescet, si brevis, & longi morbi, & velocis, ac tardi naturam perpendamus; nanque ex philosophia accepimus in motu isthæc considerari, rem mouentem, mobile, terminum à quo incipit motus, & in quem terminatur, & spaciū, seu iterstitium per quod transit mobile: quod si spaciū breue fuerit, ab eo brevis dicetur morbus, quia breue spaciū breui perit

Sola velocitas non constituit acutum morbum.

transit

Breues, et longi morbi ab spacio, quod pertrāseunt, tales dicuntur.

Morbus velox, aut tardus à motu talis dicitur

Non est idē brevis morbus, & velox, & longus, ac tardus.

6. phys. c. 2. Quæ sit causa celeritatis motus.

7. phys. cap. ult.

transit tempore, morbi enim motus à termino à quo proficiscitur, usque ad terminum ad quem, tempore mensuratur, tempus enim numerus motus secundum prius, & posterius ab Aristotele describitur: si verò spacium longum fuerit, ab eo longus denominabitur morbus, quia dum id pertransit, longum consumit tempus. Brevis igitur, aut longus morbus, ab spacio, quod breue, aut longum est, & breui, aut longo pertransitur tempore, dici solet: sic iter breue nūcupamus, quòd breue spacium continet, breuique tempore pertransitur, longum verò, quòd longum obtinet, & longo tempore perficitur. Aliter morbus velox, aut tardus dici solet respectu motus, quo mouetur, si enim spacium, quod transire debet, veloci pertranseat motu, breuique tempore percurrat, morbus velox nuncupabitur, & tantò velocior, quantò velociori, breuiorque tempore pertrāserit: cum verò perscriptum spacium, & statutum pro longo morbo, tardo motu pertransit, tardus tunc appellabitur morbus, & tantò tardior, quantò tardiori, longiorique tempore commorabitur in pertranseundo spacio. Non igitur idem est brevis morbus, & velox, aut longus, & tardus, quam nunquam reperiatur velox, quin sit brevis, & tardus, quin longus existat: proindeque Aristoteles aliquid moueri celerius dixit, quòd prius mutatur, lentius verò, quòd tardius, celeritatem autem in motu tribuit, aut valentiori causæ mouēti, aut minori resistentiæ mobilis, aut vtrique: meritò enim fit, ut quòd maiori vi, aut cum minori resistentia, vel simul maiori virtute, & minori resistentia mutatur, plus mutetur, & citius, celeriusque ad finem properet, ut si quis magnum lapidem loco mouere velit, tantò tardius mouere incipiet, quantò facultatem habuerit debiliorem, & lapis grauior extiterit, & motu minus mutabitur, quia non tantum facta mutatio, sed ipsum etiā mutari recipit magis, & minus, illud autem magis, minusue in ipso mutari, velocitas est, aut tarditas. Rursus Aristoteles docet, motionē quamuis tantò esse velociorem, quātò id, quòd mouetur, minus resistit, si causa mouens est eadem, aut æqualis: aut quantò virtus mouens maior est, si quòd resistit est idē,

aut

aut æquale, vnde æqualia mobilia, ab æqualibus facultatibus æqua moueri celeritate necesse esse affirmat. Hęc dicta sunt, vt facilius discrimen inter breuem, & longum morbum, celerem, & tardum, percipi possit, quantumq; differat celeritas à breuitate, & tarditas à longitudine in morbis, non enim eandē notionem obtinent, licet inter se confusa, & pro eodem accipi videantur: siquidē velox tardo, breuis longo oppositus est. Omnis ergo acutus morbus (vt Galenus refert tertio de diebus decretorijs capite vltimo à te citato) planē exigui temporis morbus est, & omnis diuturnus necessariò tardus: nō tamen si breuis temporis, acutus statim est: neq; si tardus, longi tēporis. Verum non ex dictis Galeni verbis colligitur, satis esse solam velocitatem motus in morbis, ad hoc vt acuti dici debeant, nam si ita esset, ephemera febris, & exquisita tertiana, quia motus habent celeritatem, & cito ad suum finem properāt, acuti morbi essent, & si periculo vacent, magnitudinemq; non habeant. Dices ephemeram, & exquisitam tertianam, morbos esse breues, non veloces, quasi non adsit facultas vicens, & minor resistētia ex parte mobilis in ephemera, & exquisita tertiana, quorū gratia velox illis cōtingat motus? Sed demus quod breues sint morbi respectu parui spacij transeundi, nō tamen sint veloces: pro breui quidem ephemera signabis spacium, quod pertrāsiri debeat in viginti quatuor horis, & pro exquisita tertiana, quod septem periodis terminetur: si igitur ephemerę spacium pertrāsitur in sex, octoue horis, exquisitę autē tertianę in tribus, aut quinq; periodis, proculdubio cum motus celeritate mouebuntur, nunquam tamen acuti morbi dicentur, quia ex natura sua, semper periculo carent. Nō igitur in sola motus celeritate morbi consistit acuties, nisi magnitudinem habeat coniunctam, à qua periculum imminere necesse est: celeritas enim, & magnitudo acuti morbi naturam complent, eamq; ob causam Galenus laudat Archigenem quod non solum tēporibus solis, nūdis, sed motu, & natura magis acutum, & nō acutum morbum appellauerit. Explicans autem inferiùs ex eiusdē Archigenis mente quo pacto morbi aliqui ab acutorum natura recedant, acutum morbum eum appellasse refert, cui motus est velox, &

Dd subito

2. de diebus
decretorijs
cap. 12.

*Duplex est
acuti mor-
bi natura.*

subitò pericula adueniunt. Quemadmodum enim animal, & rationale, hominem constituunt, vnoq; deficiente tota hominis natura corrumpitur: pari modo acutum morbum complent velocitas motus, & periculum, quod si alterutrum deficiat, acutus morbus non erit: similiter ea ratione, qua animal, & rationale, seiunctim considerata, naturæ quædã sunt, de homineq; dicuntur, quia copulata unam hominis naturam constituunt: eadem ratione velocitas motus, & magnitudo, si sepe ratim perpendantur, naturæ dicentur, quia ex illis coniunctis acuti morbi natura cõflatur. Duplex igitur acuti morbi natura est, vna quidem in specie, quæ ex velocitate, & periculo constat, & ad conuertentiam cum acuto morbo dicitur, ualet enim mutua consequentia, si acutus morbus est, velox, & periculosus erit, velè contrario, si est velox, & periculosus, vt acutus sit necesse est: altera verò natura in genere consideratur, quæ cum acuto morbo, etiam si illi conueniat, non conuertitur, non. n. sequitur, si morbus est velox tantum, aut si solum est periculosus, quòd sit acutus, quia potest aliquis morbus habere velocitatẽ sine magnitudine, aut magnitudinem, & periculum sine uelocitate, & talis nunquam acutus erit, habebit tamen unam, aut alteram acuti morbi naturam. Vnde Galenus citato loco ostendit, quãtùm pleriq; medici hac in re ea, quæ conueniunt, ignorèt, putãtes acutum vocari morbum de quo celeriter iudicium est: contrarium huius diuturnum. At veritas inquit non ita se habet, quoniam est morbus breui tempore cõprehensus, non tamen omnino acutus: vnde colligitur quòd quadã ex parte erit acutus, nempe secundum velocitatem, & breuitatem, quæ est una acuti morbi natura, secundum quam ex motus specie generatim acutus nuncupatur, deficit tamen altera natura illi coniuncta, videlicet magnitudo, secundum quã etiam acutus morbus dicitur: specificè verò secundum ambas naturas coniunctas, & copulatas, nempe, secundum uelocitatem, & magnitudinem, acutus morbus semper ad Galeni, & Hippocratis mentem erit nuncupandus, talisq; propter magnitudinis naturam periculo nunquam uacabit, eamq; ob causam Galenus secundo lib. aphorismorum commento decimo nono, acutos morbos, præter id quòd

id quod celeriter iudicantur, statim, & magnitudinem habere dixit. Neq; huic sententiæ cōtradiciunt Hippocratis verba primo de morb. vulg. com. 3. tex. 3. vbi acutissimos morbos, maximos, grauiissimos, ac præ ceteris omnibus lethales in cōtinua febre esse, dicit, & Galeni similiter, dum exponit, acutissimos ab Hippocrate nuncupari morbos, qui paucō tempore decernūt: maximos, ualidissimos, grauiissimos, qui cū periculo sunt coniūcti: quod in genere accipiendū est, non in specifica ratione acuti morbi ex duabus naturis cōflati, ex velocitate nempe motus & ex magnitudine, seu periculo: qui tantō erit periculosior, & præ ceteris oībus magis lethalis, quātō fuerit acutior in motus celeritate, & in magnitudine maiore habuerit uim, quorū gratia intra quatuor dies, aut etiā citius, ægrotans in interitū ducitur. Neq; ob id continuas aliquas febres ab acutarum natura Hippocrates eximendas censet, quod nō ita citissimè terminētur, tantamq; habeāt magnitudinem, atq; uehementiā, quantum exacte peracuti morbi obtinere vidētur, si enim intra decimum quartū terminētur diem (qui terminus vltimus pro acutis morbis ab Hippocrate constituitur) nomen, & ratio acuti morbi illis conueniet æquē, ac acutissimis morbis, omnes enim nominātur acuti, & omnes magni sunt, & in motu ueloces, hæc autem erat ratio morbi acuti, quod cito terminetur, magnitudinemq; , atq; periculū habeat: quod autē unus acutus alio uelocior, & magnitudine maior sit morbus, speciē acuti uariare non facit, magis enim, & minus speciem non variāt, ut omnes asserunt philosophi. Si quidem non minus fluius est qui stricis limitib; cōtinetur, moderatamq; aquæ quātitatem deserit, quā, qui in magnos, dilatatosq; prorrūpit alueos, licet vnus alio maior sit, magisq; fluat. Sunt igitur, ut dixi, acuti morbi nō tantū ueloces, sed etiā magni, & magnitudine periculosi: quod cōfirmat Hippoc. lib. de victus ratione in morb. acutis, com. 1. tex. 8. cuius hæc sunt verba. Maxime autem medicū laudauero, qui in morbis acutis, ui quorū plurimi hoīum enecātur (secus quā ceteri) in melius procedat, & enumerans morbos acutos, eos esse inquit, quos priusci nominatim perstrinxerūt, tales aut sunt, pleuritis, peripneumonia, phrenitis, lethargus, caufus, &

*Periculum
in morbis
ex magnitu-
dine pcedit.*

4. meth. c. 6

*Magn' mor-
bus non est
necessario a-
cutus*

*Securissime,
et sine peri-
culo febres
nō sunt acu-
te.*

quicūq; alij hos cōsequuntur morbi, quorū febres prorsus cōti-
nue interficiunt. Ecce quo pacto acuti morbi periculosi sint: pe-
riculum autē ex magnitudine procedit, nō ex velocitate: nā ex
velocitate motus habēt quōd cito ad finē properent, ex magni-
tudine verò, quōd cum periculo procedant: siue enim morbus
magnus sit propter partis pręstantiam, vel ob prauam, pestife-
ramq; humoris qualitatem, seu ob affectus magnitudinē (qui
tres modi magnitudinis morbi à Galeno proponūtur) semper
periculum inferre necesse est. Ob id enim magni morbi magna
expostulant remedia, quia ab eorū ui periculum imminet, quā
sapius natura, nisi magnis iuuetur auxilijs, vincere non valet.
Ex quibus manifestum sit, acutum morbum esse magnum, nō
tamen magnum morbum necessario fore acutum, potest enim
esse tardus cum magnitudine, & periculo. Neque Hippocratis
verba tertio prognosticorum, tex. secundo, vbi de acutis mor-
bis sermo sit, prædictę sententię de acutorum morborum essen-
tia vlla ratione repugnant, cum dicit. Simplicissimę enim fe-
bres, ac signis firmatę securissimis, quarto die, aut citius desi-
nunt: deterrimę verò, ac signis affligentibus difficillimis, quar-
to die, aut citius interimunt: neq; quōd Galenus in enarratio-
ne exponit, eidem sententię cōtradicit, nēpē Hippocratem
febres vocasse simplicissimas, tanquā dixerit placidissimas, atq;
mitissimas, haudquaquam maleficas, & quoties securitatis in-
dicia extiterunt, vltra primum quaternarium non procedere,
sed aut quarto die, aut citius desinere: pari modo maleficas
quoq; febres, & cum inditijs exitiosis factas, quarto die, aut ci-
tius interimere, quoniā in dictis locis Hippocrates, & Galenus
voluerunt ostendere, quę in cōtinuis febribus sint securissimę,
benemorigerate, & omnino periculo vacātes, & quę maleficę,
pernitiosę, maximęq; periculosę, ac lethales: verū nō ex eo-
rū dictis cōcluditur, verē acutissimas eas reputasse febres, quę
securissimę, & sine vllō periculo sunt, licet breuissimę sint, cele-
riterq; in finem tendant, tales enim non minū quam epheme-
rę febres, breues, & veloces, non autem acutę sunt: quę verò
ē contrario maleficę, cum inditijs exitiosis factę, non solum
periculosissimę, & lethales existunt, sed velocissimo etiam
motu

motu in perniciem tendunt: & licet vtraq. febris in motus velocitate sit acuta, in altera acuti morbi natura maximè distat, vna enim omnino periculo vacat, altera periculosissima, & lethalis existit. Quamobrem simplicissima febres, & signis firmatæ securissimis, etiam si veloces sint, cum magnitudine, periculoq; careant, verè, non modò acutissimi, sed neque acuti quidem morbi dicuntur. Quanquam enim in prognosticorum libris agat Hippocrates præcipuè de morbis acutis, agit etiam de breuibus, & longis, vt probè intelligantur, qui acuti sint morbi, & quo pacto de illis iudicium ferèdum sit, & quoniam cum acutis aliquod habent còmertium, aut ex illis consistunt. Hoc modo de aqua intercutim egit Hippocrates secùdo prognosticorum textu primo, & de morbo diutino cum vrina tenui, ac rufa iudicium detulit eodem libro textu 31. & Galenus in còmento de exquisita tertiana sermonè fecit, quæ non inter acutos, sed potius inter breues morbos connumeràda est: inquit enim pleròq; mirabundos sæpe numero eius prælagium, vaticinium quoddam credidisse, vt febre detentum quartana post quintum decimum diem iudicatum fuisse prædixisset, & tamè prædictionem per tertianam non demirarentur, cum in vtrisque ratio communis sit, vt enim per febres continuas numeramus omnes deinceps dies in præsentionem futuræ iudicationis: ita per intermittentes, adnotationes: vt quod per continuas septimus dies valet, id per intermittentes septima circuitio præster, ob idq; exquisitam tertianam septem circuitibus, non diebus septem iudicari dicit: quin etiam quod dies quartus à principio numeranti aduersus septimum est, id quartam circuitionem aduersus septimam circuitionem esse affirmat.

Secundum quod consideratione dignum existimas, id est, quod tertia depulsione proposui, totius nempe victus rationè in vnoquoq; morbo à duabus intentionibus sumi, videlicet, ab ægotantis viribus, & à morbi constitutione, eiusq; vigore, cum Galenus prima aphorismorum sectione, aphorismo 12. tres ad perfectam, absolutamq; victus rationem instituendam intentiones proponat, ex viribus ægotantis, ex morbi con-

stitutione, & vigore, & ex particularibus accessionibus. Cui du-
 bio satisfaciam, si prius in memoriam reuocem, quę ab eodem
 Galeno in enarratione septimi, octauī, noni, & decimi apho-
 rismi dicta sunt, ex Hippocratis enim doctrina colligit, genera-
 lem totius victus rationem in vnoquoque morbo à duabus su-
 mi intentionibus, ex futuro totius morbi vigore, & ex viribus
 ægrotantis: quod confirmat in commento vndecimi aphorif-
 mi, dum inquit, Hippocratem totius victus rationem in vno-
 quoq; morbo à duabus intentionibus iussisse sumere, ex futu-
 ro totius morbi vigore, & ex viribus ægrotantis: nemini autem
 dubiū est generatim in vnoquoq; morbo id proposuisse, sicq;
 tempora vniuersalia morborum si considerentur ita vt, ex illis
 quis futurus sit morbi status colligatur, & pariter vires mensu-
 rentur respectu longioris, aut breuioris status futuri, quę cum
 tali victus ratione possint sufficere vsq; ad summum morbi vi-
 gorem, debita victus ratio tunc ex duabus perficietur intentio-
 nibus, vt Hippocrates, & Galenus innuere videntur locis cita-
 tis. Ego autem, vir eruditissime, sermonem faciebam de debi-
 ta victus ratione, quam, cōsiderato totius morbi vigore, & vir-
 tute ægrotantis, nullo habito respectu ad particularia accessio-
 num tempora, venari medici solent, sequutus Hippocratem,
 & Galenum prædictis locis: at si cum vniuersalibus morbi tem-
 poribus cōnumeres etiam particularia accessionum tempora,
 ita ut, qua hora tutius cibandus æger sit, velis prænoscere, tūc
 optimē cum Galeno tres, ut dicis, erunt ad perfectam, absolu-
 tamq; victus rationem instituendam intentiones, ex viribus
 ægrotantis, ex morbi constitutione, eiusq; vigore, & ex parti-
 cularibus accessionibus. Nisi. n. hæc sit vera Galeni, nostręque
 sententię expositio, sanē in ipsius dictis manifesta esset contra-
 dictio: sicq; Galenus agens de vniuersalibus totius morbi tem-
 porib⁹ in enarratione octauī aphorismi inquit. Hęc igitur tibi
 fit vna indicatio sumpta ex morbi tēporibus ad victus formā,
 altera verò à viribus ægrotantis, quam in sequenti docet apho-
 rismo. & ex ipsius comento in vndecimum aphorismum ma-
 nifestius quod diximus non diuersum esse ab Hippocratis sen-
 tentia

*Quomodo
 debita victus
 ratio ex dua-
 bus sumatur
 intentioni-
 bus, & quā
 de ad tres re-
 feratur.*

tentia quisq; colliget, dum inquit. Si quæ prius ab eo, nēpē ab Hippocrate, dicta fuerunt de victus ratione, ad memoriā reuocemus: eorum, quæ nunc dicuntur, utilitas erit manifestior. Quæ autem prius dicta fuerunt, hæc sunt: totius victus figuram ad duas respiciens intētionēs faciebat, quarum altera erat vis ægrotantis, altera, constitutio morbi, deinde addit. Particula res autem ciborum oblationes ex accessionibus particularibus coniecturabatur: quod Galenus animaduertens, coniungens cōsiderationem particularium ciborum oblationum ex accessionibus particularibus cum cognitione temporum vniuersalium, & vniuersalis status morbi, infert eam sententiam, quam considerandam præcipis, his verbis. Cum igitur tres essent intētionēs ad perfectam, & absolutam victus rationem constituendam, primaq; ex viribus ægrotantis, secunda ex morbi constitutione, tertia præter has, ex particularibus accessionibus sumeretur. Quæ quidē Galeni verba nostrę sententię non contradicunt, præterquam quod Hippocrates duodecimo aphorismo non inquit, circuituum successiua incrementa, siue quotidie, siue alternis diebus, siue per maiora intervalla fiant, consideranda esse ad particulares ciborum oblationes, sed ad cognoscendum an morbi vniuersalis status propinquus futurus sit, vel longius distet, ut eius ratione habita mensuremus victū, quo possit ad illud usq; virtus perdurare: ideoq. Galenus inferiūs inquit. Nos quidem cum statim prima die febrium quartanarū initia sepe cognouissēmus, non spectata secūda accessione, formam victus ab initio constituimus, tanquam ad morbum, qui longo post tempore ad suum vigorem foret peruēturus, idem in quotidiana, & tertiana fecimus, tempus futuri uigoris in vtriusq; secundū proprium terminū metientes: quare hac ratione particulares accessiones faciunt ad cognitionem vniuersalis status morbi, & sub illa includuntur, respectu cuius, forma victus, quæ seruari debeat, statuenda est, licet etiam ad horam exhibendi particulares ciborum oblationes eligendæ, considerandę sint. Tria igitur cum sint capita, quibus victus ratio comprehenditur, quantitas ciborū, qualitas, & utendi modus:

ad duo

ad duo quidem priora capita ex accessionibus nullā habemus utilitatem, ad tertium verò, id est ad vtendi modum, ex accessionibus aliquid sumere possumus, vt Gal. refert 1. aph. cō. 19.

Tertium, quod nō mediocrem habere difficultatem credis, ea est sententia, qua septima depulsione versus finem affirmo, de his, quę rarò eueniunt haberi scientiam, eque ac de his, quę frequenter fiunt, quando quidem per mathematicas demonstrationes in verā cognitionem eclipsis solis, & lunę, & si rarò contingant, deuenimus: pariq. modo de quintanis, septimanis, ac nonanis febribus, & si rarò visę fuerint, veram doctrinā non esse prætermittendam: secus tibi videri animaduertens, quòd alia ratio sit rarò contingentium si fuerint coelestia, & si sint sublunaria, hæc. n. casu fieri, vel fortuna existimas, quorū scientia non habetur authore Arist. 1. posteriorum, & 2. de physica auscultatione. Cū verò perlegissem caput quintum secūdi libri physicorū, vbi ex professo de casu, & fortuna sermo fit, quantum ex illa lectione potui percipere, quia causę per accidens sunt, rarò eueniunt, & infinitę dicuntur, illarumque scientia tradi non potest: non tamen quando causa rarò euenit, si de per se alicuius effectus est causa, talis effectus casum, aut fortunam causam esse statuendum est; neq; quia rarò eueniat, eius scientiam haberi nō posse vlla ratione credendum: si

Effectus à causa essentiali, & de per se prouenientis scientia datur.

enim effectus de per se à causa essentiali, & de per se proueniat, etiamsi rarò fiat, cum causa non sit infinita, neq; incognita, eius scientiam haberi necesse est, sicq; per mathematicas demonstrationes veram eclipsis solis, ac lunę rationem, & si rarò contingant, percipimus. Neq; differens est ratio rarò euenientiu, quando sunt coelestia, aut sublunaria, dummodo vtraq; à causa de per se, non ex accidenti, fiant: ideoq; dixi. Pari modo & si quintanę, septimanę, aut nonanę febres rarò visę fuerint, non ob id de illis veram doctrinam prætermittendam fore, cū de per se, & essentialiter ex eodem humore, quo quartana generentur, in minori tamen quantitate: æque. n. essentialis causa est melancholicus humor quartanę, ac quintanę febris, nec quia rariùs quintana eueniat, ideo casu, vel fortuna successisse dicendum est.

Dum

Dum Salui sententiā x. depulsione nō esse recipiendā contēdo, qua existimauit, in Anaxionis morbo plenitudinis à principio extitisse signa, Hippocratemq; ea cognouisse ex eo, quod non tantū octauo die, sed in primis etiā egritudinis diebus venā Anaxionis fecerit, fecisse tñ mentionē de venesectione octauī diei, quia nō erat consuetū fieri illa die, alias verò venę incisiones, quas fieri iusserat Anaxioni ante octauū, tanquam quid notū, & consuetū subticuisse: dumq; Galenū nullibi id sic exposuisse referā, considerāda illius verba mones tertio de morbis vulgaribus, cōmentario 1. textu 3. in historia Pythionis, vbi videtur eandem, quam Saluus expositionē protulisse. Verū vt dubitationi satisfaciam, animaduertēda sunt quę Galenus pposuit tertio de morbis vulgaribus, cōmentario 3. textu 79. in historia Anaxionis, quo loco inquit, in hoc vno ægrorum, 1. & 3. lib. de scriptorum, de sanguinis missione Hippocraté fecisse mentionē, non vt solo, cui sanguinē misisset, sed vt octauo die solo; quibus verbis ostendit ideo venesectionis octauī diei in Anaxione memiaisse, quia medici illius tēporis quasi lege certa vltra quartum diem venam non secabāt, ideoq; si octauo die Anaxioni sanguinem misit, credendū censet in alijs ægris sanguinis missionē requirentibus, 2. 3. & 4. die, auxilio hoc vsum fuisse, licet in eorū historijs tale remediū reticuerit. Ego sanē vir egregie assequi nō possum, quo pacto ex Galeni dictis colligi possit, Hippocraté Anaxioni pleuritide laborātī sanguinem misisse primis egritudinis diebus, quia octauo die sanguinē miserit, nam licet in aliorum ægrotantiū morbis, qui postulabāt venesectionem, sanguinē extraxerit primis diebus, & tanquā notū huiusmodi subticuerit remediū, non ex eo sequitur Galenū credidisse, Anaxioni ante octauū diem sanguinem missum fuisse: & eo magis quod dixerit citato loco, Anaxionē hunc crudissima conflari pleuritide ex crassis, lentisq; humoribus, vñ decimoq; die cæpisse expuere, quod principij coctionis inditium fuit, & in lōgo adeo morbo cū tanta humorum cruditate, potius Galenus venesectionē primis diebus damnaasset, quā vt vllaratione Hippocraté Anaxioni ante octauum diem sanguinē misisse credidisset, præsertim cū Hippocrates dixerit, octauo die, quo missus Anaxioni sanguis fuit, multū vt debebat fluxisse: non aut multū fluere

*Probatur
Gale. non
credidisse
Anaxioni
ante octa-
uum sāgui-
nē missum
fuisse.*

permittere

permitteret, si primis ægritudinis diebus sanguinē misisset, quia vires propter primarias sanguinis euacuationes necessario essēt labefactæ, nō possentq; octauo die ferre multā sanguinis detractionem: & eo magis, quod vires crudis, crassis, ac frigidis humoribus, quales in primis diebus ægritudinis Anaxionis reperiēbatur, lacescitæ, & diminutæ, tātā sanguinis euacuationem ferre non valerent; quibus. n. crudorum humorum copia accumulata est, viriū robur nō adest Gal. referēte lib. de cur. rat. per sang. miss. c. 9. Ob has igitur rationes Galenus nō asseruit, Hippocratē Anaxioni ante octauum diem sanguinem extraxisse. Secus quidē existimat in historia Pythionis 3. de morb. vulg. com. 1. tex. 3. qui primo diē capit laborare cum manuum tremore, febre acuta, & delirio, secundo verò, cuncta fuerunt exacerbata; quamobrē cum ingens esset morbus, à causaq; nō leui, primis diebus sanguinis missione vltum fuisse Hippocratē profert, & si in ipsius scriptis nō appareat eā ascribere. Et in cōprobationem adducit eundē Hippocratem lib. 3. de morb. vulga. com. 3. tex. 79. vbi de Anaxione in hunc modum scripsit. Octauo die cubitum secui: multum vt debebat fluēbat; vnde Galenus infert, si octauo die sanguinē illi detrahit, multo sanē prioribus diebus in ægritudinib⁹, quæ tali presidio indigerent, magis venesectione vltum fuisse credendū est. Etenim in Anaxionis historia vt rarū scripsit, octauo die missum illi fuisse sanguinē, & sanguinis missione ante diem octauum in pythione, alijsq; ægris grauitē laborātibus, vt consuetā præterijt. Hanc autē fuisse Galeni sententiā ex eo cōstat, quod paulo inferius dixerit, magnis infestātibus morbis, si vires p̄miserint, Hippocratē venesectione vti, cūmq; in libris de morb. vulga. ex tot egrotis solum Anaxioni 8. diē sanguinē missum fuisse, p̄ferat, nihil aliud excogitari posse, quā quod alijs ægris nō præteritū fuerit hoc remediū: in enarratione verò vt clarū prætermisum fuerit. Nō igitur ex Galeni dictis hic, aut alibi Saluus eā potuit colligere opinionē, qua existimat, Anaxioni nō solum octauo die, sed & primis ante octauum, Hippocratem sanguinem detraxisse. Quintum, quod proponis, authoritas est Galeni lib. 13. meth. c. 16. vbi affirmat lienē crasso nutriri sanguine, cū tñ epist. 2. à nigro, & tenui sanguine alimentū suscipere referā. Verum si, q̄ eo in loco scripsi, p̄pendas, Galeni

Galenī dictis nō repugnare intelliges: nō. n. nego lienis substantiā, crassā cū sit, crasso etiā nutriri sāguine, sed affirmo illi⁹ crassioris, & melancholici sāguinis tenuiorē, & defecatiōē partē attrahere, cōcoquere, & tandē assimilare. Nutritur itaq. lien crasso sāguine respectu illius, q. hepatis substantiā alit, nigro verō, & tenui, respectu crassioris, & magis feculenti, quē tanq. inutile, post attractā tenuiorē ipsius partē, ad vētriculū, & intestina p. dedicata vasa rejicit, & expellit. Ultimo tandē aduertis, 2. de temp. c. 6. & lib. art. med. c. 4. Gal. dixisse, iecur bilioso excremento duplici via expurgari, cū tñ aduersus Iulii Iasolinū id oīno negauerim. Quidē ex-

Lien tenuior parte melancholici sanguinis nutritur.

Epiſt. 2.

plicatione indiget, nāq. aliter duplex illa via pponit a Gal. citatis locis, quā à Iulio describat, q. asseruit, secundū Gal. mētē iecur bilioso excremento duplici via purgari, tenuiori, ac puro, p. bilis vesi-

Biliosum excrementum aliquādo duplici via quo modo expurgetur.

cā, & fellis vocata vasa ab ea pducta: crassiori verō, atq. p. misso, p. amplū vas ab hepate ortū, & duodeno intestino implarātū. Hanc duplicē viā à viro illo anatomes peritissimo inuentā, aut potius somniatā, à Galeno nusquā conscriptam asserui; non enim vas illud amplū, quod recta à iecore in duodenū descēdere ait, expurgādē crassioris, & pręternaturalis bilis gratia, si quē in hepate generetur, necessarium fuit, aut vnquā oculatissimi anatomes professores, id etiā diligenter indagātes inuenerunt, quēadmodum ibi fasius diximus, sed ob eā causam negandū minimē est, duplici alia via biliosum excrementum aliqn expurgari, vt Gal. proposuit locis à te citatis. Etenim 2. de temp. c. 6. asserit, meatū illum quo iecur bilē in ventrē euomit, alijs geminū, alijs vnicū, ac plurimū quidē vnicū hunc esse in duodenū intestinum insertum: vel si geminus meatus sit, maiorē in intestino, minorē in fundo ventriculi paulō supra pylorō esse, sed tñ in paucissimis superiorē partem maiorē, inferiorē minorē reperiri. Ceterū quibus est maior, his in ventrē non exiguū bilis effundi, quē euomēda ante cibos sit, alioquin ledunt oīno. Quibus verō vnicus est meatus, totā bilē cōfluere in ieiunū. Et lib. art. med. ait vidisse pituitosum bilē quotidie vomentē, inspectisq. alui excrementis, in qbus minimū bilis erat, cōfectura affectus est, eū meatū, qui biliosū egurgitat humorē, minimū eiusdem partē ad imū ventriculi locū, quē greci piloron, iostiarū vocant, effundere, idq. in quibusdā aīalibus manifestis-

sime

sime apparere. Quib⁹ utiq; verbis manifestū est, vt plurimū, vnicū esse meatū, seu vnicā viam, per quā iecur à bilioso expurgat^r recremento, cū debitē à natura mēbra fabrefacta fuerint, q̃a verò vt plurimū probē cōstructa sunt, inde est quod fere sēp vnus reperiāt^r meatus, per quē secundū naturē institutū debitē biliosus euacuetur humor: at q̃a aliqñ, & si raro, alia inuenitur etiā via per q̃ iecur in vētriculi fundū biliosum excrementū emittit (vt cōtingit homini pituitoso, quē Galen⁹ refert quotidie pallidā euomuisse bilē) manifestū est non secundū naturalem, & cōsuetam humani corporis constitutionē id euenire, neq; pro debita naturē lege, q̃ ventriculū ad recipiendum, nō ad vomendū fabricauit: vnde merito qui quotidie bilē vomebat infelix à natura fuit, quod amarissimū humorē singulis diebus euomuisset, quodq; vētricus mūnera exercuisset eius naturē cōtraria. Quapropter cū humanū corpus secundū naturē legē, & debitā ipsius cōpositionē fabrefactū est, ipsius iecur vnica via à bilioso humore expurgatur p̃ fellis vocata vasa, quē in meatū vnum ieiuno intestino inplantatū terminatur, biliosumq; recremētum expellunt: eāq; ob causā cū debitē humana corpora cōposita sunt, & secundū naturē institutum, vniuersali doctrina iecur à bilioso excremento simplici, nō autē duplici, expurgari via asserui, quē in ieiunū tendit intestinū: id autē non excludit particulatim posse cōtingere quod aliq; reperiatur hō, cuius iecur magis expurgetur bilioso excremento per aliā viā, seu meatum prēter cōem hominis cōpositionem fabrefactū, & à iecore in vētriculi fundū permeantē, cuius gratia quotidie bilē euomat, taliq; euētū infelix à natura dicatur. Verū duas illas vias à Iasolino inuētas, p̃ quas biliosum recremētum cōmuniter euacuari dicit, tenuius p̃ fellis vocata vasa, & meatū ieiuno implātatum, crassius verò, p̃ magnum, priuatūq; meatū à iecore exortē, & in intestina recto tramite deductū (licet ex Galeno eas referat) nō modò ex Galeni dictis colligi posse negauim⁹, sed impossibile etiā fore (cū aīans naturē opere regitur) quod ī humano corpore reperiri possint, multis rōnibus comprobauimus. Hęc scripsi peritissime vir pro respōsione dubiorū, quē interlegēdū opus nostrū subtilissimē, doctissimēq; annotasti, caq;, vt spero, beneuolo aīo suscipies, meq; tibi deuinctissimum cognosces.

DEFENSIONES
ANTONII
ALVAREZ.

PRO IOANNE ALTIMARO
in Salvi Sclani Apologiam.

QVOD EA, QVAE DIXIT ALTIMARVS
pro patris defensione contra Saluum, verissima
sint, & in oppositum adducta nihil
concludant.



IOANNI ALTIMARO

MEDICO DOCTISSIMO.

ANTONIUS ALVAREZ. S.P.D.



I magistris plurimum debere discipulos receptum est Ioannes peritisime, magis profecto parenti simul, et magistro, à quo et naturale esse, quod habes & doctrinam accepisti, merito te debuisse fateri necesse est, alioquin erga parentem, & magistrum ingratius videreris: presertim si illius dogmata ab Hippocratis, & Galeni fonte exhausta contemni, & aduersus illa calumnias iactari patereris. Quam nota ut effugeres, Saluo Sclano, viro alioquin doctissimo, in suis ad Hippocratis primū aphorismorum librum commentarijs aliquot opiniones Donati Antonij patris tui, atq; magistri à peritisimis nostræ ætatis medicis receptas impugnanti, respondere decreuisti, doctè aded, ut parentis doctrina defensorem alium nō desideret. Ego verò quia Donatum Antonium doctissimum virum magnifacio, quem præstantissimi medici tanquam verissimum Hippocratis, & Galeni sectatorem uenerantur, quam illi debeo gratitudinē

Ec 2 præ-

præstare uolui, pro illius doctrina, nec non præceptoris mei Christophori à vega medici omnibus numeris absolutissimi, aliorumq; doctissimorum virorū, quos Saluus redarguere ausus est, confirmatione, aliquot eiusdem salui sententiarū depulsiones scribens, quas in lucē dare distuli, donec ad manus perueniret apologia, quam aduersus te, & parentem, typis mandauerat. Quæ perlecta, eo animi candore motus, quo decet ueritatis amatores, diutius me continere non potui, quin responsiones pro tua, ac parentis doctrina scriberem, quas ad te mittere decreui ante quàm in lucem prodeant, ut & nostram ergate, & patrē beneuolentiam cognoscas, & si quid ab Hippocratis, et Galeni dogmatibus alienum tibi uideatur, animadueritas. Vale.



A D

CLARISSIMUM VIRVM
ANTONIUM ALVAREZPHILOSOPHVM, ET MEDICVM PRAE-
stantissimum in Parthenopæo Regno Archiatrum.

IOANNES ALTIMARVS S. D.



GNOMI ex literis tuis, & ingenuū ani-
mum, & liberale tuum ingenium, qui
virtutis tantum studio illectus, & patris
mei memoriā, & meā quæcūq; est in re
medica facultatē tuendā suscepisti; pro
quo ne dum candido officio, sed singu-
lari erga nos merito immortalē habeo.

semperq; habebo gratiam, & si unquā
parem referendi nanciscar occasionē, grati animi specimē præ-
melaturum recipio. Agerem tecum de suscepto negotio fufius,
nisi res ipsa adeo clarē omnibus innotesceret, vt ad eam con-
nuere non candidi, sed liuidi sit animi. Scio te, cæterosq; admira-
ri, qui graui, prudentiq; iudicio vtūtur, quid ita feroculus, atq;
in me vel plusquā subiratus Saluus insurrexerit, & in sua
Apologia acriter inuectus me tantopere conatus sit perstringe-
re, vir & bonarum artium eruditus, & in re medica inter prima-
rios nō postremus, & meus hactenus semper amicus. An illud
ægrē tulit, quod quas patris mei sententias ipse studuerit euer-
tere, ego nixus sim substinere? & quod ipse in viro tam graui, &
in omni doctorum virorum. memoria tam celebri ausus est re-
probare, Ego qui sū & patris, & præceptoris, & quod in hac re
maius est, veritatis studiosus, & obseruator, studuerim defende-
re? & in his ipsis, quibus illum arguit, ipsum redarguere? præci-
puisq; (ni fallor) rationibus in eum retorquere? & quā ipse sub
Elenchis, fallaciq; verborum inuolucro nixus est studio contra
dicen-

dicendi veritatem obtegere, ego dilucidis argumentis, clarisq; demonstrationibus conatus sum detegere, & fallaciarum nebulas discutere pro mea, & patris autoritate tuenda? sed ait me id egisse petulantissime. Cedo, quod in mea epistola verbum prolatum est petulantius? aut quomodo differendo, & arguendo agi potuit modestius, & amicius? sed admirari subest hominis inconstantiam, qui cum in suis commentarijs Altimarū præceptorem appellet, nunc illud impudenter neget, scilicet aut verecundia ductus, aut parum grati animi notam cupiens effugere. Sed frustra conatur, est. n. adhuc in plurimorum virorum viuentium memoria adeo fixum se ab Altimaro semper protectum, & ab aduersariorum oppugnatione summa ope, & autoritate defensum, vt licet id ex eius memoria liuor deleuerit, ex aliorum tamen mente, qui hæc nouerunt, euelli nō possit. Sed esset vel obliuio, vel neglecta gratitudo vtcunq; ferenda (licet beneficiorum obliuio, vel minus grata recordatio nō mediocris sit labes, in grauib; præsertim, & eruditis viris) verum illud ferri nullo modo potest, quod in eo oppugnando, qui ipsum defenderit, illis ipsis utatur propugnatoribus, qui ipsum subuertere conati sunt, & à quorum potentia nisi ab Altimari ope, & auxilio defensus esset, fuisset omnino ad ima deturbatus, & hi, qui tum in Saluo oppugnando conspirauerāt, nūc in mortuum grassantes Saluum ipsum protegant, & sui præferant adiutores, ne dicā authores. Sed mittamus plura de eo conqueri, ne longius quàm propositum est progrediatur oratio. Illuc redeo, non possum non plurimum lætari, te virum, & doctrina, autoritateq; grauem, & eloquentia, eruditioneq; præstantē huiusmodi patrociniij munus obisse, emerget enim ex inde veritas, & Altimari patris decus à cæteris oppugnātib; erit deinceps omnino tutum; tua deinde laus nullo claudetur termino; tuumq; nomen, quod est in vtraq; Hesperia celeberrimum, ob humani corporis sectionem tam acuratè perquisitam, tamq; perfectè acquisitam, vt qui in ea demonstrāda illud præstes, quod ante hac præstitit nemo, cum idem doceas, idem disseces, idem minutissima quæq; manu tua inuestiges, idemq;

idemq; summa industria, & dexteritate ob oculos omnium manifestissima proponas, mirificam in hac disciplina consequens laudem, erit deinceps multo celebrius, ob hanc veritatis, eiusq; affectuum tutelam tam candidè susceptam, validissimèq; ab aduersariorum iniurijs vindictam, & si vt incepisti proborum virorum, probatorumq; authorum patrocinium suscipere, ac ab impugnantium incurfu, iniuriq; vindicare, perexeris, ad tantam laudis, honorisq; gloriam peruades, vt nedum in Parthenopæo regno Archiatri dignitate, quam ob tuam summam probitatem, eximiamq; doctrinam nunc obtines, sed in tota terrarum orbe, inter omnia disciplinarum, artiumq; eruditos viros, principe loco doctissimorum consensu dignus iudicaberis. Illud superest, vt te quoad fieri potest enixius rogè, vt depulsionum tuarum libellum, quem ad extremum calcem iâ peruenisse perferens, quamprimum edas, tum vt tuæ peritiæ, eruditionisq; præclarius specimen prodeat, tum vt aliqui mediocris ingenij, & eruditionis viri, qui alacritate, vel imprudentia magis, ad vanos subeundos labores incitantur, obrepere desinant, & à scribendo deterreantur. Vale.



SALVO SCLANO

MEDICO PRAESTANTISSIMO

*Antonius Alvarez Salutem plurimam
exoptat.*

EPISTOLA DECIMA.



VM in publicum essem daturus aliquot depulsiões tuarum rationum, quibus in commentarijs primi aphorismorum libri peritissimorum virorū verissimas sententias oppugnare contendis, volui tamē Salve doctissime, defensiones tuorum decretorum iam iam in lucem prodeuntes prius & spectasse, & perlegisse, vt si quid noui in apologia aduersus peritissimum Ioannem Altimarum inuenissem, quo eius patris Donati Antonij viri de remedica bene meriti decreta depelli possent, nō modò id fuisset amplexus, sed ab opere destituissem, teque gloria dignissimum iudicassem, quòd tuo ingenio nouam totius artis medicæ diuisionem in indicatiuam, curatiuam, & salubrem inuenisses, ipsamque artem amplificasses non minus dicta partitione, quàm ea sententia, qua existimas in indicatione sumpta à virtute, ex parte indicātis aliquid nocens, sicut in indicatione à morbo, depromi. Quod à nemine, quod sciam (te vno dempto) hactenus fuit expositū, quē admodum neque particulares circuitū causas ad contractæ putredinis conditionem reducendas fore. Neq; minori laude esses efferendus, dum Altimarum damnas afferentem in Anaxione pleuritide laborante ideo Hippocratem venæsectionem vsq; ad octauum diem distulisse, quia sperauit solis fomentis affectū curari posse, si inde sequi Hippocratem de ignorātia redargui

dargui clare monstrasses: aut dum ante humorum coctionem in morborum principijs ab expurganti medicamēto cauendū esse cum Hippocrate, dummodo non turgcant, cōtendis, si sub rurgētiae nomine materiam multā, seu malignā, vel crassā, quę ad princeps mouetur membrum, contineri neutiūquam asseruisses. Cum autem nullę inuentę sint nouę rationes, neq; validiora in apologia deprehēdantur argūmenta, quibus prędictas tuas opiniones firmare, & Altimari, aliorumq; grauiſſimorum medicorum, pro quibus oppugnare decreueram, depellere videaris, animum magis excitasti meū non modō ad id, quod subieram munus perficiendum, & pro illorum veritate decertandum, sed ad respondendum argumentis contra Ioannem Altimarum propositis, vt parentis, aliorumq; probatissimorum virorum doctrina magis elucescat. Accipe igitur æquo animo nostras, quę sequuntur, defensiones, intelligitoq; satius multō fore, atque laudabilius, doctissimum virum verissimis conuinci rationibus, quā suas opiniones in contrarium adductas intemperanter tueri.

QVOD ARTIS MEDICAE DIVISIO AB ALTIMARO PROPOSITA IN DIGNITIONEM, PRÆNOTIONEM, ATQUE CURATIONEM RECTE TRADITA SIT.

DEFENSIO PRIMA.



IN primā nostra depulſione latē expoſuimus peritiſſimę Saluę, vniuerſam medicinę artē optimē ab Altimaro, & doctiſſimo præceptore noſtro Chriſtophoro à vega fuiſſe diuiſam in primas, atque generaliſſimas eius partes, indicatiuā, prognostiā, & curatiuā: quāmobrem traditas eo in loco rationes in dictę ſententię cōfirmationem de nouo repetere opus non erit, quādoquidem noſtrum eſt inſtitutū duntaxat oſtendere, argūmenta à Ioanne Altimaro pro patris defenſione propoſita veriſſima eſſe, di-

Ff Etamq;

*Ars medici-
ca nō est di-
uidēda in in-
dicatiuā, ſa-
lubrē, et cu-
ratiuā.*

Com. I.

Etamq; artis medicę diuisionem non modò confirmare, ſed à te propoſitam in indicatiuā, ſalubrem, & curatiuā, omni-
no deſtruere, tanquam à primā artis diuiſione valde alienam.
Quod ex adducto Galeni loco, com. i. in librum Hippocratis
de ratione victus manifeſtum ſit, dum inquit. Qui ergo om-
nia, quæ ad medicinam ſpectant commoda, ea, vel ad digno-
tionem, vel prænotionem, vel curationem eſſe dixerit, virtute
idem dicit: curatio ſiquidem per ſe à medicis exercetur, digno-
tio verò, & prænotio, propter curationem. Ex quibus Galeni
verbis apertè conſtat, ex parte ſinis totius artis medicę, qui ſa-
nitas eſt, artem ipſam generaliffimā ſui diuiſione rectè diuidi
in dignoſcituiam, prognostiā, & curatiuā. Si enim omnia,
quæ ad medicinam ſpectant commoda ad dignotionem, præ-
notationem, & curationem referri debent, tanquam ad partes
medicinę per quas id, quod commodum eſt humano corpori,
acquiritur, nempe ſanitas ipſa, quæ artis ſinis eſt, ſanè optima
ratione generaliffimę totius artis partes, quæ à fine petuntur,
dignotio, prænotio, & curatio erunt exiſtimandę. Siquidem
dum Galenus omnia medicinę cōmoda, quæ in finem dirigun-
tur, ad eas refert, omnes etiam iſtas tres partes artis generalif-
ſimas ab ipſo fine depromptas, neq; plures, aut pauciores con-
ſtituit. Nanq; cū omnia includat commoda, nulla alia deſi-
deratur pars, neque illarum trium aliqua ſuperabūdat. Adde,
quòd totius artis ſcopus ſanitas eſt, ſinis verò eius conſecutio:
conſequimur autem ſanitatē per dignotionem, prænotationē,
atque curationem, ſunt igitur dignotio, prænotio, & curatio,
generaliffimę artis partes, quæ à fine depromuntur. Neque in-
inconuenit quòd curatio per ſe à medicis exerceatur, quia im-
mediatius attingit finē, dignotio verò, atq; prænotio propter
curationem, quia mediante curatione in finem tendūt: oportet enim qui velit curare, & notabilis efficitur remedio. uti, af-
fectum curandum cognoscere, & futurum euentum præuide-
re: ſicque dignotio, & prænotio de neceſſitate in his, quæ ad cu-
rationem idonea ſunt, continentur, ut idem Galenus author
eſt: reſpiciunt igitur eūdem finem, cuius reſpectu totius artis
medicę

*1. de viſi-
tat. in acu-
tis com. 3.*

medicæ generalissimæ partes vnâ cum curatiua recensentur. Quod autem eiusmodi diuisio leges optimæ diuisionis contineat, norunt qui prima logices rudimenta sunt adepti, intel- quas hæc potissima censetur, quod membra diuidentia æque totum compleant diuisum, ita vt superabundās quid, aut de- ficiens in eis non comprehendatur, sicque ex membris diuide- ribus ad diuisum, & ex diuiso ad membra diuidentia mutua va- leat consequentia. Nam si totius medicinæ generalissimas par- tes, quæ à fine ipso petuntur, consideres, alias nullas præter di- gnotionem, prænotionē, & curationem inuenies; in his enim tota ars medica continetur, quæ mediatē, uel immediatē in morbi ablationem, seu in sanitatis consecutionem dirigitur, & dictæ partes vniuersam artem, quæ diuisum est dictæ diuisio- nis, constituunt, & cōplent, à quo ad partes valet mutua con- sequentia: si enim medica ars est, necessario dignoscitiua, pro- gnostica, & curatiua erunt; vel è contrario, si dignoscitiua pro- gnostica, & curatiua sunt, ars medica vt fit necesse est. Et id est quod dixit Galenus, omnia, quæ ad medicinam spectant, cō- moda, ea, vel ad dignotionem, vel prænotionem, aut curatio- nem, tanquam ad generalissimas eius partes referenda fore: vbi medicinam generali nomine pro vniuersa arte accipit, nō particulatim pro medicatiua, seu curatiua tantum, vt tu existi- mas, dicens eo in loco Galenum de parte curatiua agere, & de hac etiam loqui Hippocratem in libri principio. Quod nulla- tenus ex eorum dictis colligi posse omnes intelligent, qui accu- ratè illorum scripta citatis locis perlegerint: nō enim quia Ga- lenus dixerit curationem per se à medicis exerceri, dignotio- nem verò, & prænotionem propter curationem, benè conclu- ditur, quod dignotio, & prænotio non sunt ad artis finem, & ex consequenti neque in totius artis partium numero; quæ à fine petuntur, connumerandæ. Non enim ibi Galenus exclu- dit à fine dignotionem, & prænotionem; quia dixerit à medi- co exerceri propter curationem: & si enim curatio immédia- tius attingat finem, & dignotio, atque prænotio propter cura- tionem, non ob id desinunt etiam in finem tanquam media

*Diuisio ar-
tis medica
in indicati-
uā, prognos-
tica, & cu-
ratiuam, le-
ges optimæ
diuisionis
continet.*

*Com. 1. lib.
Hip. de uis.
rat. com. 1.
generali no-
mine vni-
uersa medi-
cina ars sub
medicigno-
mine corine-
tur, & intel-
ligitur.*

*Dignotio, et
prænotio nō
excluduntur
ab artis me-
dice fine.*

dirigi. Nisi enim curatio morbum auferret, neque ea, quæ ad curationem pertinent, id efficierent, quia autem auferit, etiã media ad dictum finem consequendum aliquid præstabant. Neque quia Galenus dixerit, artificis scopum nõ esse nihil prætermittere eorũ, quæ a plebe cognosci possunt, sed omnia scribere, quæ ad curationem idonea sunt, & ad finem artis conferunt, benè colligitur de parte artis curatiua loqui: quinimo eadem verba ostendunt ipsum agere de tribus dictis partibus, cum dignotio, & prænotio ad curationem conferant. Idq; manifestè declarat Galenus dum inferius inquit, cõiecturas, quæ tum ad dignotionem, tum ad prænotationem conferunt, non esse prætermittendas, cum de necessitate in his, quæ ad curationem idonea sunt, hæc contineantur. Non igitur dicto loco agit Galenus de sola artis parte, quæ curatiua nuncupatur: licet enim hæc immediatius respiciat finem, dignotio etiã, & prænotio ad eundẽ finem properat; ideoq; Galenus parũ infra dixit, neminem finem artis dignotionem, vel prænotationem, sicuti curationem asseuerare, curatio enim (non quæ fit, sed quæ iam facta est) morbi sublatio est, & dum fit, immediatius respicit artis finem, nempe morbi sublationem, quàm dignotio, vel prænotio, quæ ad curationem conferunt, & propter curationem finem attingunt. Sic enim verba illa Galeni interpretanda sunt; ex quibus minimè quod existimas sequi potest, Galenum nempe de sola parte curatiua eo in loco sermonem facere: quinimo de dignoscitiua, & prognostica agens, non ita immediatè in finem tendere, quemadmodum curatiua, eo in loco demonstrat. Non igitur licet admirari quòd Ioannes Altimarus locum exponens dixerit, partem curatiuam respectu finis, quem immediatius respicit, à medico principaliter esse intentam: dignoscitiuam verò, & prognosticam, nõ æquè exerceri, sed propter curationem, consonant enim hæc cum Galeni dictis. Si igitur consideres totius artis medicæ partes generalissimas, quatenus finem mediatè, vel immediatè respiciunt, proculdubio tres dictas totius artis medicæ partes, quæ à fine peruntur, inuenies: si autem immediatè finem attingen-

Tres genera-
lissima ar-
tis partes à
fine media-
tè, vel imme-
diatè veni-
unt.

tes

tes venarīs, tunc vnā tantum esse medicatiuā reperies, quā generali nomine correctricem Galenus nuncupat: quæ rursus si magna, & notatu digna vitia corrigit, medicatiua: si verò parua, & quæ sensum effugiant, salubris nuncupatur. Quamobrem malè colligis, duas esse genericas, & vniuersales totius artis medicæ partes à fine depromptas, curatiuam, & salubrem, cum in genere vna tantum sit curatiua, quæ sanitatem inducit; idque duobus efficit modis, vel curando affectum sensibilibiter operationes lædentem, vel præseruando ne fiat, refarciendo, & in naturalem habitum reducendo quicquid minimum deperditum est, vel prohibendo ne labatur. Et hinc fit, quod generatilis illa pars, quæ correctiua, seu curatiua dicitur, in curatiuam (quæ nomine generis gaudet, quia non est particulare nomen quod illi imponi possit) & in salubrem diuidatur, ita vt verum sit dicere ab inferiori ad superius, est salubris, igitur curatiua. Et quemadmodum curatiua dum iam facta est, morbi sublatio dicitur, finisque nuncupatur, & interim dum fit, in morbi sublationem tendit: sic salubris morbi imminētis sublatio vocatur, quando suum perficit opus, & interim dum operatur, in imminētis morbi sublationem tendit, sanitatem conseruans ne omnino labatur, & decidat. Et licet vario operandi modo salubris, & curatiua procedere videantur, in eundem profectō finem properant: nisi enim vnus, & idem vtriusque finis esset, sed duo extitissent, duæ essent artes medicatiuæ, quia verò ab omnibus vnus censetur finis, vna proculdubio erit ars medicatrix, seu curatrix, quæ & curatiuam, & salubrem comprehendat, & vna generalissima totius artis medicæ pars erit ab ipso fine deprompta: cum verò dignotio, & prænotio, in eundem finem properent, licet non ita immediatè ac curatiua, hinc duæ aliæ emergunt ex eodem fine generalissimæ artis partes. Quare meritò prima generalissimaq; diuisione ars ipsa in dignoscitiuam, prognosticam, & curatiuam, tanquam in vniuersaliores sui partes, distributa est; quod comprobant omnia Galeni loca in Altimari opinionis confirmationem adducta, quorum sententiās dum in tuæ corroboratio per-

Curatiua, et salubrē medicinam nō esse, generalissimas artis partes.

Salubris, & curatiua in eundem finem tendunt.

retor-

i. de ra. uict.
com. 1. et 17
de usu part.
et 1. metho.
& in lib. de
medici offi-
cina, & 6.
de loc. pati.
cap. 5.

retorquere studes, non modò obscuras, verùm Galeno ipsi imponis dictis locis de sola parte curatiua agere, non animaduertens quòd hac ratione dignotio, & prænatio sub curatiua continerentur, ab eaque non essent distinctæ partes, sicque superflue à te addita fuisset altera generalissima artis pars dignoscitiua, seu indicatiua nuncupata, sub qua prognosticam contineri existimas, & omnibus dictis locis sub curatiua Galenum dictas duas partes comprehendere credis. Quod quàm alienū sit ab illius mente iudicent medici omnes, qui eius doctrinam interpretatur: nullus tamen iudex esse poterit, cum aduersus omnes tuam tueri opinionem contendas. Quamobrem te iudicem in propria re cōstituamus; & nisi prius tuæ sententiæ amor te decipiat, si dialecticæ finem consideres (qui nihil est aliud, quàm verum à falso distinguere) inuenies ab ipso fine tres eius partes primas, & vniuersales venari, definitiuam, diuisiuam, & argumentatiuam; quarum, & si argumentatio immediatius finem respiciat, definitio verò, & diuisio mediatè, & propter ipsam argumentationem, non ob id desinunt esse generales ipsius dialectices partes. Et naturalis philosophiæ similiter ex fine primæ, vniuersalesque reperiuntur partes, quæ omnes, & si æquè finem non attingant, atque respiciant, sed aliæ mediatius, aliæ verò immediatius, omnes tamen in finem ordinantur, & à fine depromuntur. Par est ratio de medicinæ artis partibus, indicatiua, prognostica, atque curatiua, quæ omnes in sanitatem, tanquam in finem properant, & si curatiua immediatius finem attingat. Miraris quòd Ioannes Altimarus dignotionē, & prænotionem non esse partes significatiuæ dixerit, sed potius generales artis medicæ partes simul cum curatiuā, in quas vniuersa ars tanquā in primas diuidatur, quòdque non fuerit animaduertens, licet dignotio, & prænatio sint partes omninò distinctæ, in quadam tamen natura communi cōuenire, quatenus scilicet diagnosticæ, & prognosticæ communia signa sunt, & communis signi natura illis inest, signum id esse dicens, quod aliquid significat, et declarat, eoq; cognito aliud, quod ignotū erat, deprehenditur, sēsui nāq; sese

fese offerens in rei obscuræ cognitionem nos ducit: sicq; cum eadem illis communis signi natura conueniat, concludere intendis hac ratione dignotionem, & prænotationem idem esse, vnamque generalem medicæ artis partem constituere, quam significatiuam dicimus. Cæterum nō est cur in admirationem ob id ducaris, quoniam neque Altimarus vnquam negauit, in communi signi natura diagnosticam, & prognosticam conuenire, neque (& si id fateatur) sequitur diagnosticā, & prognosticam vnam medicinæ partem constituere. Licet enim in generica signi ratione conueniant, quatenus signo vtuntur, in specifica tamen signorum natura differunt: alia enim est specifica ratio signi, quā dignoscitiuum est, ab ea, quā prognosticum nuncupatur: genericè enim signi natura vniuersæ medicinæ arti competit, omnibusque eius partibus, dignoscitiuum verò signum sic conuenit dignoscitiuæ, vt quā dignoscitiuū est, prognosticum esse non possit: & prognosticum signum sic parti prognosticæ proprium est, vt nunquam dignoscitiuæ conueniat. Neq; ex eo quod Hippocrates prænotationē extendat ad præsentia, & præterita, quemadmodum & dignotionem, sequitur idem esse prænotationem, & dignotionē: dignotio enim præsentium, & præteritorū est, quatenus visa sunt; prænotio, verò præter hoc quod futurorum est, etiam circa præsentia, & præterita versatur, quæ tamen à prænoscente visa nō fuerint: sicq; differens est ratio dignotionis, à prænotationis ratione. Neq; contrarium probat Galeni auctoritas in primo commentario libri omnino genuini de medica officina, vbi nomine significatiuæ partis videtur comprehendere dignotionem, & prænotationem, dum ex aliorum iuniorum medicorum sententia nomen hoc usurparum fuisse asserit, tāquam commune ad dignotionem, atq; prænotationem: viderat enim probè Altimarus dictam sententiam, & communi signi natura dignoscitiuam, & prognosticam medicinæ partem conuenire intellexerat: non tamē ob id sequitur prognosticam, atque curatiuam sub descriptiuam, quam significatiuam iuniores vocant, tanq; sub generali medicinæ parte contineri, sed tanquā sub generali signi ratione, quam

*Licet in cō-
signi natura
diagnostica
et prognosti-
ca medicinæ
pars conue-
niant, in spe-
cificatamen
signorū na-
tura diffe-
runt.*

I. prog. te. 2.

*Dignotio, et
prænotio nō
sunt idem.*

quàm signorum descriptiua medicina continet, & signa in cōmuni complectitur, quibus non solum morborum differentie dignoscuntur, sed etiam quæ faciunt ad præfagia. Nos tamen non venamur generales medicine partes, quatenus generali signi natura, sed ab artis ipsius sine petuntur, cuius respectu probè vniuersa ars medica in indicatiuam, prognosticam, & curatiuam diuiditur. Si enim totum à te citatum commentum perlegisses, in calce diuisionem prædictam ab Altimaro de arte medica assignatam, ueram, germanam, & ex Galeni fonte exhaustam iudicasses, dum dicit, Merito ergo Hippocrates iussit, vt morborum dignotiones, quas recentiores *σημειώσεις*, idest, significationes, seu notiones appellant, ex similibus, & dissimilibus consideratione sumamus ante alia artis opera: quæ uidelicet & præcognitione, & curatione fiunt. Quid clarius quàm ex hoc loco à Galeno medicinā in tres principalissimas partes diuidi, dignoscitiuam (quam libeat etiam significatiuā dicere) prognosticam, atque curatiuam? constat enim ex eiusdem sententia præcognitionem per se medicine partem constituere, quæ sub indicatiua non comprehendatur. Sed adhuc cōtendis quæ ab Altimaro dicta sunt de artis medicine diuisione in indicatiuam, prognosticam, & curatiuam, à Galeni doctrina aliena esse, cum primo de sanitate tuenda vniuersam artē medicam in curatiuam, & salubrem diuideret, dicens. Cum vna sit ars, quæ corpori hominis tuendo dicata sit, eius primæ, ac maxime partes sunt duæ, quarum alteram sanitatis tuendæ, alteram morbi profligandi facultatem appelles: ex quibus verbis colligis, totam eo in loco artem diuidi, salubremq; , atq; curatiuam primas, & maximas artis partes esse, non autem partis particulas. Verum si Galeni dicta perpendisses, Altimari diuisionem non damnasses: non enim citato loco vniuersa ars medica, sed vna eius pars curatiua diuiditur, ea enim vna est ars, quæ corpori hominis tuendo fuit dicata, cuius primæ, & maxime partes sunt duæ, quarum altera sanitatis tuendæ, altera vero morbi profligandi facultas existit, utroq; enim modo curatiua medicine artis pars procedit, salubri parte sanitatē præsentem seruans,

1. de sanita-
tuen. in prin-
cipio vna
pars medici-
næ curatiua
in salubrē,
& curatiuā
diuiditur,
non autem
tota ars.

seruans, & curatiua amissam restituens. Neq; ex eo quod Galenus dixerit vnā esse artem, quæ corpori hominis tuendo dicata sit, sequitur de vniuersa arte medica loquutum fuisse, nā hac ratione diminuta esset diuisio, cum non cōprehendat partem dignoscitiuam, & prognosticam, quæ sub vniuersa arte medica continentur; quod inconueniens nō sequitur, si de artis parte curatiua diuisio intelligatur, quæ ars etiam vt suum genus nominatur, & hæc vna cū sit, duas primas, ac maximas partes obtinet, salubrem, & curatiuam, quæ nomine generis gaudet, cum nullum aliud sit aptum nomen, quo possit nominari. Curatiua igitur, & salubris tertiam artis medicæ partem curatiuam etiam nominatam diuidunt, illiusq; nō autem totius artis, membra sunt diuidentia; cumq; vna præcipua lex sit optimæ diuisionis, vt diuidentia membra totum diuisum cōplectantur, eam maxime obseruant; pars enim salubris, & curatiua, totam partem curatiuam, quæ totius artis medicæ tertia pars recensetur, cōprehendunt; hanc enim partem, quæ diuisum est prædictæ diuisionis, probè Altimarus cum Galeno correctricem appellauit, quæ dum magna vitia corrigit, correctiua, dum verò parua, sensumque subterfugientia, salubris dicitur; & sic constituuntur duo ista membra diuidentia, quæ totam artem correctricem corpori hominis tuendo dicatam tanquam vnā ex tribus generalissimis totius artis medicæ partē complent. Et licet Galenus dicat salubris, & curatiuæ diuersa esse officia, siquidem illi tueri, huic immutare statum corporis est propositum, quia tamē vtriusq; scopus vnus sanitas est, finisq; vnus, nempe eius consecutio, & si ad sanitatem obtinendam, atque seruandam contrarijs officijs procedamus, nō ob id sequitur salubrem, & curatiuam sub parte medicinæ, quæ curatrix, vel correctrix dicitur, non contineri, vna enim est sanitas, quæ etiam vna medicinæ parte correctrice, seu curatrice acquiritur, licet modi acquisitionis multiplices sint. Quod verò in dubium vertis ex Galeni mente, cur sub nomine medicatiuæ comprehendatur salubris, cū ars medica sic nominetur, quia sanat morbos, & cum eodem Galeno respondes, primo fuisse

*Li. ad Thras.
cap. 40.*

*1. de sanita.
tuen. c. 1. li.
ces diuersa
sunt officia
salubris, &
curatiuæ, nō
tamen est di
uersus finis.*

institutam curatiuam, quia magis vrgebat, postea verò maiori otio salubrem additam, & inuentam, & totam artem curatiuā, quatenus in has duas partes diuiditur, à parte primò inuenta nomen sumpsisse, vnde infero, questionem prædictam de vniuersa arte non autem de artis parte, fuisse propositam, ideoq; dixisse à prima constituta parte, vt vniuersa ars corporis gubernatrix diceretur effectum esse. Profectò tale dubium multò aliter explicandum venit, quàm tu exponis, quinimo si perpendas Galeni verba, ex ipsis colliges responsionem pro Altimari defensione, dum inquit huiusce rei causam fuisse, quoniam cū prima totius artis pars curatiua quod & maximè vrgeret, constituta sit, deinde per multum otium conseruatiua, salubrisq; vocata ei adiecta fuerit, totā artem à præcipua magis parte denominari contingit: quod idem est ac si dixisset (vt sonāt eius verba) primā totius artis partem curatiuam propter urgentem morbum inuentam fuisse, vt eius beneficio morbus depelleretur, sanitasque, tanquam exoptatus finis, acquiriretur: tamen quia non tantum morbum depellere satis erat ad perfectè finem consequendum, sed oportebat sanitatem ipsam firmiorem reddere, bonumque corporis habitum, in quo consistit, conseruare, ne cōtinuo fluore decidat, maiori otio primæ totius artis parti medicatiuæ nuncupatæ adiecta fuit salubris, non tanquam ab ea parte differens genus, cum eiusdem cum illa rationis sit, & solum maioris, minorisque ratione differāt, quatenus maiora, minoraue vitia corrigunt: hincq; fit totam artem curatiuam (quæ prima totius artis medicæ pars est) cū in curatiuam, & salubrem partiatur, à præcipua eius parte primò inuenta denominari, quemadmodum & in alijs plerisque fieri assolet, ideoq; à prima constituta parte, vt & ipsa tota corporis gubernatrix ars medicina, ipse verò artis professor medicus nominaretur tempore procedēte effectum est. Quamobrè nō solum quispiam interrogatus cuiusnam artis salubris pars sit, aptè respondebit curatiuæ partis esse partem, sed medicinæ etiam respondere poterit: latius nanq; fuso, & amplificato vocabulo Hippocrates, alijque suæ tempestatis doctissimi viri pro medi-

*Ga. uerba li.
ad Thr. c. 26
multo aliter
explicanda,
quā à Saluo
exponitur:
similiter, &
lib. ad Thr.
cap. 40.*

medicina non solum partem curatiuam, seu medicatiuam intellexerunt, sed integram humani corporis artem significarunt, cuius, cum ars curatiua pars dicatur, ipsius artis curatiue duas maximas partes cognouerunt, curatricem scilicet, atque salubrem. Quibus verbis Galenus non significauit totius artis medicæ duas maximas partes esse curatiuam, & salubrem; cum alibi tres statuerit: sed duntaxat partis medicatiuæ; quæ etiam ars ut vniuersa medicina facultas nuncupatur, & in dictis duabus maximas partes curatiuam, & salubrem probe diuiditur. Sic etiam intelligenda sunt verba Galeni libro ad Thrasibulum dum inquit, in arte corporis præside, si quis eam partiens inuenire partes querat, agros curantem medicatiuam, sanis consulentem salubrem appellabit: non enim in genere tota ars medica diuiditur, sed in specie ea ratione, qua diuisa fuit primo de sanitate tuenda, ut latius prima depulsione monstrauiamus. Quæ verò traduntur à Galeno libro ad Thrasibulum non probant totam artem medicatiuam in genere diuidi in curatiuam, & salubrem, sed totam artem curatiuam in specie, prout vna est ex tribus partibus artis medicæ, quæ eundem cum alijs, siue respicit sanitatem nempe, licet immediatius quam pars diagnosticatiua, aut prognostica illum respiciat. Quod si dictis rationibus non conuinceris, conuincaris saltem communi dialecticorum regula, qua dicitur, Quando alterum de altero prædicatur ut de subiecto, quæcunq; de prædicato illius dicuntur, omnia etiam de subiecto dici oportere, ut si homo dicitur de Petro, & animal de homine, animal quoq; de Petro dici debet, & verum erit dicere, Petrus est animal: pari modo, si medicina de parte medicatiua, ut pars est artis medicæ, dicitur, & pars medicatiua de salubri, procuidubio ut medicina de salubri quoq; dicatur necesse est, sicq; optima ratione salubris ars medicina dicitur, & artifex eam exercens medicus nuncupabitur, prout in genere ab vniuersa arte nuncupari solet. Non est præterea quod Altimarum damnes, quia medicina partes, notionem, prænotionem, & curationem vocauerit, sepius enim actionem pro facultate, & facultatem pro actione accipimus, & dum modo

Pro medicina non solum pars medicatiua, sed integra humani corporis ars intelligitur.

cap. 40.

cap. 4.

cap. 3.

In arte prædicamentis, cap. 5.

Actio pro facultate, et facultas pro actione sæpius accipitur.

res intelligatur, hoc, vel illo nomine nuncupetur nihil refert, ut sapissime Galenus proclamat. Cum verò reliqua in primo apologiæ capite proposita nihil aduersus Altimari rationes cōcludant, aut pro tuæ opinionis defensione faciant, ea confutare opus non erit; satis. n. est, in prima depulsione veram totius artis medicæ partitionem in indicatiuam, prognosticam, & curatiuam cōprobasse; nunc verò pro Ioannis Altimari verissimarū rationum defensione hæc scripsisse. Neq; disputare expedit ytrum alia loca citata pro tuæ diuisionis cōprobatione sint Galeni empiricum agentis, vel in libro spurio proposita, cum plurimæ illius authoritates à nobis fuerint adductæ, quæ passim in proprijs libris, in quibus rationalē agit medicū, reperiūtur, ex quibus vera colligitur diuisio totius artis medicæ in primas, generalissimasq; eius partes, quæ à fine artis petūtur, diagnosticā nēpē, prognosticā, atq; curatiuā, quæ rursus in alias inferiores medicinæ partes diuidūtur, ut curatiua in salubrē, & curatiuā, & hæ in alias, donec ad vltimas, quæ amplius diuidi nequeūt, deuentum sit.

QVOD IN INDICATIONE SYMPTA A VIRTUTE non sit ex parte indicantis aliquid nocens, sicut in indicatione à morbo.

DEFENSIO SECUNDA.



Patribus à Galeno indicationis assignatis descriptionibus primam in genere omnibus indicationibus cōuenire quinta depulsione diximus, eamq; agendorum insinuationem Galenum vocare, aliterq; in specie indicationē describere per contrarietatem, cū eam esse comprehensionem iuuantis simul cum cōprehensione nocentis aduenientem sine obseruatione, ac ratiocinio affirmauit, à morboq; sumi huiusmodi indicationem exposuit: quemadmodum & eam, quæ à virtute sumitur, per aliā in specie indicationem ab ipso descriptam, dum eam tunc demum esse asserit, qñ rebus percipiendis simul quod confert percipitur absq; obseruatione.

2. Meth. c. 7
et li. de opt.
fest. cap. 11.

Citato loco.

uatione, & ratiocinio: quę cū diffusę à nobis fuerint expōsitā noua explicatione nō indigent. Ex rationibus autē illic propo-
tis facīle intelliges, in indicatione sumpta à virtute nullatenus
ex parte indicātis aliquid nocens reperiri posse: cū. n. virtus
sit, quę indicat, si in ea aliquid nocens esset, eius, quod nocens
est, ablationem indicaret, sicq; indicatio, quę à virtute sumitur,
confunderetur cum ea, quę à morbo expetitur: quod quā ab-
surdum sit, oēs norunt, qui intellexerunt morbū sui ablationē,
virtutē verò sui custodiam postulare. Quāobrem miror Salue-
doctissime, quòd tuę sententię ad eò sis addictus, vt non modò
eā tueri totis viribus contendās, sed in Ioannem Altimarū pro-
patris doctrina pugnante calumnias iactes, cuius verissimas ra-
tiones potius amplectēdas, quā damnandas existimo, ideoq;
eas iā tueri aggredior. Primum illi imponis, non modò circa
tuā, sed circa parentis de indicatione positionē fuisse deceptū,
eāq; ob causam neutrā intellexisse. Videamus igitur quo pacto
tuā positionē non perceperit, cū aperte dicas in viriū indicatio-
ne aliqd nocens reperiri, quā positionē vt falsam redarguit: pa-
ter verò in viriū indicatione nihil noxium inueniri affirmat,
ideoq; eius sententiā non solū amplectitur, sed verissimis rōni-
bus, & Galeni autoritatibus cōprobat, quarum genuinū sen-
sum retorques. Et vt ordine, quę à Ioāne Altimaro in tuę de in-
dicatione doctrinę cōsutatione dicta sunt, examinemus, hinc
initium sumamus. Eum redarguis, quòd definitionē indicatio-
nis à Galeno 2. methodi traditam (dum inquit esse agendorū
insinuationem) non definitionem rei, sed potius quid nomen
indicationis importet, explicatē esse dixerit. Quòd definitio-
ne non sit, ex eo constat, quia per genus, & differentiā non tradi-
tū esse autē descriptionē nominis magis, quā rei, ex Galeno col-
ligitur, dum per aliud nomen, quid indicationis vocabulū im-
portet, exponit, quādo emphasim ipsam indicationem vocat,
emphasim enim apud gręcos significat apud latinos alicuius rei
representationē, seu insinuationē, aut simulacrum, ut probē ex
Budeo in tuis cōmentarijs docuisti. Nō negagis pfectō logice
descriptionē quid nominis appellari, qñ logicā & ratiocināle

*In indicatio-
ne à virtute
nihil noxiū
ex parte in-
dicantis re-
periri.*

cap. 7

*Cum indica-
tio dī agen-
dorum insi-
nuatio, de-
scriptio est
nominis po-
tius: quā rei.*
Fol. 123.

fien-

cap. 7

scientiã, vel artẽ esse dicimus, à verbo enim græco, logos, quod sermonem latinè importat, fermocionalis illa nũcupatur; quare descriptio illa nominis, non rei proculdubio erit: pari modo emphasis græcè, latinè idem quod insinuatio, vel representatio eorum, quę agenda sunt, significat, ideoq; descriptio etiam erit quid nomẽ importet explicans: sicq; in genere indicatio nihil est aliud, quàm agendorum insinuatio, vel representatio. Quare merito Ioannes Altimarus pro patre respondens teipsum redarguit, quòd de indicatione edisserens eam accipias descriptionem, quę potius nominis significationem, quàm rei naturam explicat, quam notam vt subterfugias, in apologia fateris quidem indicationis descriptionem secundo methodi à Galeno fuisse assignatã sumpta occasione à nominis ethymologia, ceterum non solum significare quid nomen importet, sed etiã rem per nomen significatam; quasi nomina aliquando res nõ significare intellexisses. Quod quidem absurdissimũ esset, nulum enim nomen est, quod rebus ipsis impositum non fuerit; quia enim res ad disputationem ducere non possumus, nominibus vtimur loco rerum. Quare malè concludis ex hoc, quod nomen indicationis rem significet, non modò Argenterium, Valeriolam, Vegam, aliosq; doctissimos medicos, verum Galenũ ipsum eã descriptionẽ, quã ex vocabuli ethymologia hauriri concessisti, potius quid rei, quàm quid nominis existimasse: quasi non intellexissent quantum discriminis inter nominis, & rei descriptionem dialecticę professores assignare soleant. Neq; oportebat tot paginas implere ex his, quę in commentarijs à te antea dicta fuerant de indicatione, vt quę, neq; doctissimi viri, neq; Galenus ipse vnquam somniarunt, demonstrares: nunquam enim ex illorum doctrina colligere poteris agendorum insinuationem, seu representationem, realem descriptionem esse indicationis, sed tantum significare quid nomen importet: cum autem nomen rem significet, etiam ipsius nominis explicatio rem significabit, verum illius rei per nomen significatę nunquam veram quiditatem, & essentiam acquies, nisi per realem, & essentialẽ descriptionem, seu diuisionem
eam

eam adipiscaris: multum igitur differt nominis, aut rei descriptionē nominare. Neq; quia Galenus dixerit, ad inueniendū aliquid per indicationem ex rei natura exordiri oportere, sequitur quod prædicta descriptio indicationis sit rei, & nō nominis, non enim dixit ab indicationis, sed ab ipsius rei indicātis natura incipiendum esse. Etenim humanum corpus circa quod medica ars versatur, à medico consideratur quatenus sanitate, aut morbo fruatur, sanitatis igitur, & morbi natura perpendi debet, intelligereq; oportet sanitatem esse symmetriam siue debitam, & secundum naturam totius humani corporis constitutionem, vel inculpatæ actionis causam: morbum verò esse ametriam, vel causam vitiatæ actionis, aut humani corporis præter naturam constitutionem, per omnia enim morbus sanitati opponitur, quare erunt amborum cōtrariæ rationes, cōtrariæq; naturæ: cumq; sanitatis natura proficiens sit, morbi natura erit nocens, sanitas igitur postulat sui conseruationem, quia est secundum naturam: morbus verò indicabit sui ablationem, quia est præter naturam: ideoq; incipientes à rei indicātis natura ea cognita facili negotio quod sequēs est (postulatum nempe) comprehendemus, atq; indicatione inueniemus. Non igitur Galenus sic dicto loco agit de indicationis natura, vt colligi possit, descriptionem indicationis ibi traditam rei esse explicationem, quanquam nemo sit, qui neget nomina imposita fuisse ad res significandas. Attamen deueniendo ad explicationem descriptionum indicationis, quæ traduntur à Galeno libro de optima secta, primam, qua inquit esse comprehensionem iuuantis simul cum comprehensione nocentis aduenientem sine obseruatione, aut ratiocinio, cum secunda coincidere dicis, quæ tum demum esse indicationem asserit, quando rebus percipiendis simul, quod confert, percipitur, ambasque ex parte rei indicantis aliquid noxium significare, comprehendereq; non solum indicationem, quæ à morbo, sed etiam eam, quæ à viribus sumitur, in qua ex parte virium nocens reperiri affirmas. Has tuas positiones Ioannes Altimarus efficacissimis rationibus confutauit, & nos etiā in nostris de-

2. Method. c. 2

Sanitas quid sit.

Morbus qd sit.

cap. 11.

De puls. c. 5.

pulsio.

depulsionibus quantum à veritate deuiant, abunde disputauimus: nunc autem argumentis in earum confirmationem traditis pro Altimaro satisfacere intendimus. Primo autem animaduertis Galenū undecimo capite libri de optima secta nihil aliud intendere, quàm ea, quæ superius dicta fuerant de indicatione, experientia, & analogismo, docere, dum inquit. Quomodo itaq; ex indicatione vtile percipiatur supra propositum est, in præsentia verò dictorum cuiusq; descriptionem explicabimus; sicq; incipiens ab indicatione, eius definitionem ex prædictis concludere asseris, dum inquit. Est igitur indicatio iuuantis comprehensio simul cum comprehensione nocentis adueniens sine obseruatione, aut ratiocinio. Sed quorsum istæ ex Galeno proposuisti? aut ad quid, quæ ab eo de indicatione, obseruatione, & analogismo capite decimo fusè dicta sunt, transcripsisti? Respondes id factum fuisse, vt ex dictis percipiamus rationem, qua vtilia ex indicatione capiuntur, non esse aliam, quàm quòd sumatur à nocente tanquam ab indicante, ex quo vtile eius contrariū postulatur: vnde inferis, nō solum in indicatione à morbo, sed in ea, quæ à virtute sumitur, Galenum voluisse semper ex parte indicantis noxium reperiri, & ratione contrarietatis vtile indicari. Cæterum errandi, & male inferendi occasionem præbuere Galeni verba non probè intellecta: non enim ex eo, quòd Galenus monstrauerit, & supra exposuerit, quomodo ex indicatione vtile semper percipiatur, sequitur re indicantem semper nocentem fore, siquidem ex re indicante proficiente, vel nocente, quod proficiuum est mōstratur, & ob oculos ponitur; ideoq; Galenus ipse superiùs sæpius monuit; in indicationibus semper ab indicantis natura exordiri oportere, & ab illa, quod expediens futurum sit, inuenire: cum verò in corpore humano sanitas, & ægritudo indicantia sint, eorū naturæ perpendendæ, & ab ipsis quod expediens sit inueniendum: at quia sanitas, & ægritudo contraria sunt, si sanitas est secundum naturam, erit ægritudo præternaturam, quod autē secundū naturam est, proficiuū proculdubio erit, & quod præter naturā, noxium. Habemus igitur sanitatē esse proficientē, quæ

*Explicatur
Galenus li.
de opt. sect.
c. 11. de indi
cationibus.*

quæ est vna ex rebus indicantibus, hæc autem expostulat quod proficuum est, nempe sui cōseruationem. Ergo in indicatione, quæ sumitur à sanitate tanquam à re indicante, nunquam nocens reperitur, & per consequens neque in indicatione à virtute, quam tu eandem esse cum indicatione à sanitate omnino fateris. Vides igitur quomodo Galenus ex parte rei indicatæ semper quod vtile est percipi affirmauerit, non tamen ex eius dictis sequitur rem indicantē semper nocentē necessariò fore, cum sanitas, quæ etiam vt morbus indicans res est, semper proficiat: à morbo igitur quæ nocens est, indicatur sui ablatio, quæ vtilis res est: & à sanitate, vel virtute quæ vtilis est, monstratur sui cōseruatio, quam etiam vtilem esse nemo est qui ignoret. Hanc autem fuisse Galeni sententiam declarant verba eius à te adducta, per quæ intendis probare, nocens in sanitate, & viribus, quemadmodum & in morbo reperiri, dū ponit exemplū indicationis à similitudine animantium ratione carentium, quæ æstum, algorem, semelque omnia nocere valentia, quoad fieri potest, vitare conātur, simul eo, quod iuuat, sese offerente. Paxillo enim inquit, aut aliquo alio in membrum defixo, nullus cogitatione præmissa reuellit. Quod quidē exemplū potius indicationem à morbo, quàm à sanitate depromptam ostendit: dictis enim verbis Galenus monstrat animantia, dū nimio æstu labefactantur, & à proprio, & quod secundum eorum naturam est temperamento dilabuntur propter causam extrinsecus occurrentem, quæ solis feruor est, ac nimius ab eo procedens calor, non minus conari ipsum nocētem calorem vitare, simul eo, quod iuuat, sese offerente, nempe loco vmbroso, & frigido, quo calorem nimium, qui illis est præter naturam, expellant, quàm vbi paxillo in membrum defixo nulla præmissa cogitatione reuellunt. His autem verbis tua bona pace non offēdit, in indicatione à sanitate, vel viribus, nocens contineri, nunquam enim à sanitate quæ sanitas, aut à viribus quæ vires, quicquam noxiū in animalibus consideratur, ratione cuius utile comprehendatur: sed ab eo, quod in illis est præternaturam, nempe à nimio calore, cum per frigus temperantur, vel à

*In indicatio-
nibus non
semper res
indicans est
nocens.*

*Lib. de opt.
sect. cap. 10.*

nimio frigore, cum per calorem à quo iuuamentū suscipiunt; sunt enim contraria, quæ mutuo in se agunt, & patiuntur, animantiumq; corporibus modò vtilia, modò inutilia deprehenduntur, dum vel illa reducant ad debitam, & secundum naturam temperiem, vel ab ea recedere faciunt, aliamq; præter naturam inducunt. At quia sanitas, & vires cum optima temperie seruantur, & custodiuntur, quæ illis propria, & similis est, inde fit, vt ab illis sumatur indicatio. Ex dictis sequitur primā descriptionem ei conuenire indicationi, quæ à morbo sumitur, velut à nocente, quod indicat sui ablationem, tanquam quid iuuans: cum autem sub ea contineri non possit ea indicatio, quæ a sanitate, vel viribus venatur, aliam subiungit descriptionem, vel viribus propriam (vt in nostris depulsiōibus cōprobauimus) seu vtriq; indicationi communem, vt Altimarus exposuit: Ea autem tunc demum est, quando rebus percipiendis simul quod confert absq; ostensione, & obseruatione percipitur. Hanc enim descriptionem communem esse tū his, quæ indicant sui ablationem, tum his, quæ sui custodiam exposcūt, asserit Altimarus, dicens cum indicantibus (quod Galenū intelligere inquit per res percipiendas) simul & quod confert, percipi, nempe ipsum postulatū, & quæsitū; quoniam cognita natura, seu essentia rei indicantis, modò morbus, aut sanitas sit, confestim percipitur id, quod confert, tam si conferat pro sublatione eius, quod præter naturam est, quam pro tutela, & conseruatione eius, quod secundum naturā existit. Hanc patris expositionem confirmauit Ioannes Altimarus auctoritate Galeni libro nono de medendi methodo, quo in loco asserit, vires vnum semper indicare, nempe sui custodiam: quod cōmune, & ægris, & sanis esse primo de ratione victus asseruit: vires enim prima sui indicatione quomodocunq; se habeant in omnibus corporibus quomodolibet affectis, vnum perpetuò, nempe sui conseruationem exposcūt. Quod confirmauit Galenus primo de elementis, vbi de virium robore loquens dicit. Quod verò deperditur nequaquam per oppositam qualitatem reparatur, cum opus sit, vt id, quod reparatur, sit priori, deperditæq;

Depuls. 5.

Lib. de med.
den. febr.
parti prima
fol. 743.

cap. 15.

Com. 44.

cap. 7.

ditæq; substantiæ quam simillimum, siquidem in illius locū reficiendum est in animante, atq; hoc ipsum, nutriri inquam corpora, ex quadam nimirum substantia sit illi simili, quæ prius fuerat euacuata. Quod si in sanis, & ægris semper vires postulant sui custodiam, in viribus nihil noxium, & præter naturam cōtinebitur: si enim quid contineretur, sui ablationem proculdubio postulasset. Tu verò vt clarissimas has rationes subterfugas, relicta rei cognitione ad nominum explicationem te cōfers; nihil enim refert, siue in secunda descriptione indicationis dicatur tunc esse indicationem, quando rebus percipiendis, seu quando percipiendo res, simul & quod confert percipitur; idem enim vtroq; modo significatur per præsens temp⁹, & futurum. Si enim dicas indicationem esse, quādo rebus percipiendis (idest in sua natura, à qua indicatio sumitur, cognoscendis) simul cum cognitione naturæ, quod confert percipitur, nempe vtile, quod postuletur per indicationem, rectè dixeris: non enim ante quā rei indicantis natura cognoscatur, vtile, quod ab illius cognitione uenari debet, deprehenditur, sed quando cognita est, simul quod ab ea postuletur sit manifestum. Sicq; in rerum naturis futuro tempore cognoscendis intelligit Galenus (vt Altimarus exponit) dum cognoscuntur, simul cum cognitione utile, quod postuletur, deprehendi: quod idem protinus intelligitur, si participium *καταλαμβάνουσιν* à uerbo *καταλαμβάνω* deductum, sit præsentis temporis, & interpretetur, quod sit indicatio, quando percipiendo res, vel dum percipientibus res, simul occurrit, & percipitur quod cōfert, quocunq; enim modo græcæ linguæ peritissimi viri, quos consului sit, id interpretentur de futuro, vel de præsentī, vera erit Altimari dictæ descriptionis expositio, quam cum prima coincide re est impossibile, quæ solū indicationem à morbo sumptam exponit, in qua ex parte morbi indicantis aliquid nocens reperitur: secus autem res habet in indicatione à viribus, in quibus dum corpora sana sunt, vel ægra, nunquam aliquid nocens reperiri posse ex Galeni mente comprobauimus. Et licet Altimari expositio ostendar, descriptionem secundam indicationis

2. Meth. c. 7. communem esse ei, quæ à morbo, & ei etiam, quæ à virtute sumitur (quod tu libenter fateris) quia tamen Galenus genericam, & communem tradiderat, cum indicationem esse agēdorum insinuationem profiteretur, & in specie indicationē à morbo sumptam proposuerat per contrarietatem, quando dixit, Lib. de opr. sect. cap. 11. indicationem esse comprehensionem iuuantis simul cum comprehensione nocentis adueniētem sine obseruatione, & ratio- cinio, & fuisset superfluum nouam aliam assignare communē descriptionem vtriq; indicationi, ideo tertiam indicationis descriptionem non communem, sed propriam indicationi, quæ à viribus sumitur, in quinta nostra depulsione per similitudinem esse diximus. Cum enim indicatio tunc dicitur esse, quando rebus percipiēdis simul quod confert percipitur, clarè monstratur dictam descriptionem esse solum indicationis à virtute sumptæ: nam si res percipiendæ, id est per indicationem acquirēdæ (quæ sunt ipsa postulata, seu quæ sita) perpetuò vtilis sunt, & cum illis, simul quod confert percipitur, nempe ipsum indicans, proculdubio dicta descriptio propria erit indicationi, quæ à viribus sumitur, quoniam nullum est indicans vtile, & proficiens nisi ipsa virtus, aut sanitas, sicq; indicatum, seu postulatam, quod vtile est, per similitudinem infert ipsum indicans, nempe virtutem, quæ vtilis etiam existit. Hæc autem expositio consonat, & rei veritati, & literæ contextui, tollitque omnem ambiguitatem: cum enim contextus literæ de futuro tempore proferatur, dum per eum significatur, tūc demum esse indicationem, quando rebus percipiendis simul quod confert percipitur, per res percipiendas per indicationem probè intelliguntur postulata, seu indicata, quæ indicantur, & per ipsam indicationem percipiuntur, ideoque vtilia semper sunt, & ex eorum vtilitate, quia per similitudinem, non autem per contrarietatem postulatur, sequitur, & simul percipitur quod ipsum indicans vtile etiam erit: sed nō potest esse vtile aliquod indicans, nisi quod est secundum naturam, quod autem secundum naturam est, sanitas, vel virtus est, ergo dictæ indicationis descriptio eius dūtaxat erit, quæ à sanitate, vel virtute sumitur,

non

non autē eius, quæ à morbo venatur. Sed dices ex Galeno loco citato, quod ex rei natura exordiri, atq; ab ea, quod sequēs sit citra experiētiā inuenire, id est indicatione inuenire; quare viderur in indicatione semper incipiendū à natura indicantis, vt ab ea, quod indicatum, vel postularum est, elici possit: nō autem à natura indicati, quæ præsupponit naturam indicantis, sicq; aduersus nostram positionē concludes, fieri non posse, vt à natura indicati, quod semper vtile, & proficiens est, ipsum indicans nō modò vt vtile, sed neq; vt indicans cognoscatur. Cui dubio tibi ipsi satisfacies, si in memoriā reuoces simile, & dissimile relatiua ab Aristotele vocari, simile enim ad simile, & dissimile ad dissimile respectum dicunt, & ille respectus vnus rei similis ad aliam rem simile dicitur relatio, quæ habet fundamentum in re à qua incipit, & terminum in re in quam terminatur: quemadmodum in relatione patris ad filium, dū relatio procedit à patre, dicitur pater fundamentum relationis, & filius terminus in quem terminatur, & finitur ipsa relatio, totus autem ille respectus à fundamento in terminum relatio nuncupatur. Par est ratio in indicatione, quæ incipit à re indicante tanquam à suo fundamento, & terminatur in rem indicatam tanquam in terminum, & totus ille respectus à re indicante vsque in indicatam indicatio nuncupatur: & qua ratione relatio illa inter patrem, & filium, dum incipit à patre, & finitur in filium, habet patrem pro fundamento, & filium pro termino, dum verò eademmet relatio incipit à filio, & terminatur in patrem, habet pro fundamento filium, & pro termino patrem, sumpta similitudine à via, quæ nos ducit à Thebis ad Athenas, quæ eadem cum sit, diuersis modis considerata, quod modò est illius ptincipium proticiscenti à Thebis ad Athenas, fit finis redeunti ad Athenas ab Thebas: eademmet ratione in indicatione sumpta à viribus tanquam à re indicante, in earum conseruationem, vt in rem indicatā, quia per similia procedit, vires erunt fundamentum ipsius indicationis, & earum cōseruatio erit terminus, & ille respectus

In præd. c. de relati.

Relatio quæ dicitur.

viribus

*Lib. de opt.
sect. cap. 11.*

*Ex Arist. li.
præd. c. 4.*

virium ad conseruationem erit indicatio ipsa, qui quidem respectus, seu indicatio, dum procedit à viribus tãquam à re indicante, & terminatur in conseruationem tanquam in rem indicatam, habet vires pro fundamento, & cõseruationem pro termino: dum verò procedit à conseruatione in vires, habebit cõseruationem pro fundamento, & vires pro termino, sicq; eadẽ mer vires diuersis rationibus, & fundamentum, & terminus esse poterunt; fundamentum autem indicationis est res indicãs, termin⁹ verò res indicata, vires igitur in eadẽ indicatione diuersis rationibus, & indicans, & indicatum esse possunt. Quare dum in descriptione secunda Galenus dicit, indicationẽ esse quando rebus percipiendis simul quod cõfert percipitur, probẽ interpretati sumus descripsisse indicationem à viribus, quæ vt diximus, quidam respectus est inter vires, & conseruationẽ, & dum consideratur vt procedit à virtute, & finitur in cõseruationem, virtus erit indicans, & conseruatio indicatum: dũ verò perpenditur vt profluit à conseruatione, & terminatur in virtutem, conseruatio, quæ antea erat indicatũ, vel postulatũ, fiet indicans, seu postulans. Et hoc modo accipitur in dicta descriptione, dum in rebus percipiendis, seu per indicationẽ acquirendis (quæ vtilia semper esse omnibus manifestũ est) simul & quod confert percipitur, nempe virtus, quæ est res indicans illam vtilitatem, eademq; interim dum indicatur à conseruatione, fit res indicata. Cũ enim relatiua dicantur ad conuertentiam, mutuò sese inferunt, sicq; virtus cũ sit quid secundũ naturam simile conseruationi, infert statim conseruationem sibi similem per indicationem, velut per quadam relationem, & respectum vnus rei similis ad aliam rem similem: & cõseruatio similiter cũ sit quid secundũ naturam virtuti simile, seu sanitati conseruandẽ, infert statim sanitatem, vel virtutem conseruandam, quæ etiam secundũ naturam, & conferens res est. Recte igitur erit indicatio virtuti conueniens, quãdo in rebus vtilibus per indicationẽ acquirẽdis simul id, quod confert, & vtile est, percipitur; Quod per similitudinẽ fieri necesse est, alioquin res indicata, quæ semper proficiens est, nunquam

quam indicaret quod secundum naturam, & proficiens etiam existit: secus autem contingere videmus, nam si vice versa accipias sublationem ut rem indicantem, & morbum ut rem indicatam (in reatiuis enim id fieri cōtingit) proculdubio iam sublatio morbi erit quid cōferens, & vtile, ac secundum naturā, quæ infert postulatū, nempe morbum, qui est quid nocens, & præter naturam, per contrarietatem auferendum, & sic, modò sublatio morbi fit res indicans, modò vero indicata, semper indicationi à morbo (quæ est velut relatio quædam) conuenit esse comprehensionē iuuantis simul cum comprehensione nocentis, quia est inter extrema contraria, quorum alterum est præter naturam, nempe morbus: alterum verò secundum naturam, morbi scilicet sublatio. Pari ratione modò sanitas, vel uirtus fit res indicans, modò uerò fit res indicata, semper indicationi à sanitate, vel virtute (quæ etiam relatio quædam est) conuenit esse comprehensionem vnius rei iuuantis simul cum comprehensione alterius etiam rei iuuantis, quia fit inter extrema similia, quæ ambo sunt secundum naturam, & ex consequenti iuuantia. Virtus enim, secundum naturam est, quocunq; modò existat, & ideo iuuans eo modo, quo potest, nullaq; ratione nocens: & conseruatio similiter est secundum naturam, & iuuans, quare cum illa relatio, seu indicatio, perpetuò versetur inter extrema iuuantia, semper in rebus per illam indicationē percipiendis quod confert, & vtile est, percipitur, tam ex parte rei indicātis, quàm ex parte rei indicatæ. Manifestum igitur est dictam indicationis descriptionem ei conuenire, quæ à sanitate, vel viribus sumitur, falsumq; esse (ut profers) indicationem semper sumi à nocente tanquam ab indicante, quod indicat iuuans, & vtile, velut contrarium faciendum, id enim verum esse in indicatione à morbo, quæ procedit per contrarietatem, nemo ambigit, at in ea, quæ per similia, & secundum naturam sunt, progreditur, nullus concedet. Indicatio enim semper vtile ostendit, quod quidem indicatur aliquando à nocente, ut cum à morbo indicatur eius ablatio; aliquando verò à p. officiente, quando à viribus sua indicatur conseruatio: non igitur

*In apolog.
fol. 12.*

*Indicatio &
per ostendit
quod vtile
est.*

igitur bene colligis, ab indicatione quavis vtile capi ratione contrarietatis. Licet enim animantia ratione carentia dū sana sunt, vitare intendant nimium ætū, algorem, omniaq; eis nocere valentia, quod naturæ suæ contraria sint, non ob id sequitur, in tali indicatione progressum fieri à re indicante tāquam à nocēte, in rem indicatam tanquam in iuuantē, nanq; talium animalium natura, & debitum temperamentum, quod iuuans, & vtile illis est, indicat etiam vtile, nempe absentia immoderati caloris, aut frigoris sibi contrarij, non enim indicat suum contrarium perquirendum, sed potius vitandū, atq; fugiendū. Adde aliud esse deperditum refarciri, aliud verò virtutem conseruari, substantia enim deperdita postulat renouari, & præter modum adaucta remoueri, cū medicina sit appositio, & ablatio auctore Hippocrate libro de flatib⁹, appositio verò, & ablatio in contrarietate consistunt, cum à debito modo recedunt, & considerantur vt quid præter naturā sunt, quæ postulāt reductionem in id, quod secundū naturā est. At vires, quæ in humano corpore reperiūtur, modò optima fruatur sanitate, modò ægritudine laboret, nunquam sui ablationē postulant, non igitur indicatio, quæ ab illis sumitur, tanquam à nocentibus unquam proficiscitur. Quanquam enim subiectū in quo vires fundantur, cū morbum patiatur, aut substantiæ propriæ ab innato calore consumptionem, consumitur, & labefactatur, atq; eius rei gratia vt ea, quæ insitus calor continuo depascitur, quā fieri possit proximè restituantur, organa nutritioni multifariam famulantia obtineamus, sicut per multas paginas ex Galeno, & Hippocrate deduxisti, cibisq; desideretur, vt commutatus in locum deperditæ substantiæ reponatur, deperditioque, atque alteratio subiecti morbus quidam sit, atq; nocens: non ob id tamen sequi quisquam fatebitur, à viribus in tali substantia, & subiecto consistentibus, tanquam ab indicantibus aliquod noxium, proficisci: nanque in quouis subiecto sano, vel ægro reperiuntur, semper vt proficientes considerantur, & vtile perpetuò, nempe sui conseruationem indicabunt, subiectum verò labefactatum, & consumptum postulat

labit per contraria sui reparationem, continet enim quid novum, & ideo utile per indicationem exposcit. Eamq; ob causam dicebat Hippocrates, qui crescunt plurimum habent calidi innati, plurimo igitur egent alimento, quia plurimum diffuit ex eorum substantia, alioquin corpus absimitur, calidum enim non inueniens in quod agat alimentum, ut carniū, ac membrorum substantiam consumat, necesse est. Quamobrem cum in continuo fluxu corporis substantia existat, ut continuo etiam reparetur oportet; ratione igitur substantiæ, seu subiecti dissipati, & quid nocivum, atque præter naturam patientis, reparatio, & appositio novæ substantiæ, tanquam utilis, in locum eius, quæ deperdita fuit, per indicationem postulat: at vires, quæ in dicto subiecto consistunt, & si pro subiecti dissipatione, & consumptione minuantur, quæ vires sunt, semper, ut quid proficuum, & secundum naturam, considerantur, & in indicatione, quæ ab eis sumitur, nunquā à nocente in utile progredimur, sed ab utili indicatæ utile indicatum perquiritur: deceptus igitur es dum indicationem à morbo cum indicatione à viribus confundis. Sed examinemus iam Altimari hypotheses, quas improbare contendis: prima autem est, cum de indicationum descriptione verba facimus, eas solum considerari, quæ primæ sunt, in quibus homines ratione utentes ab alijs animalibus ratione carentibus nihil differunt: secunda verò, quoniam Galenus indicationem describit, de prima intelligendâ fore, qua citra observationem, aut ratiocinium acquiritur, secundæ namque, ac teritiæ postea diuisua methodo, & artificiosa coniectura per rationationem deprehenduntur. Has autem suppositiones ex Galeni mente propositas fuisse abunde comprobauimus, ita ut nemo vel mediocriter in Galeni doctrina versatus eas refragari possit. Licet enim animaduertas, dum assignauit Galenus descriptionem indicationis libro de optima secta, voluisse, non solum indicationem esse comprehensionem quâdam vniuersalem iuuantis cum comprehensione nocentis, sed ad particularia descendens, animalia ratione carentia neque paxillum infixum extraxisse, neque æstum, aut algorem vitasse vlla ratione, aut

1. aph. sect.
aph. 15.

2. meth. c. 7.

cap. 11.

*In ante præ
dicamentis.*

obseruatione præmissa, sed à singulis eorum naturis edocta id fecisse: & proinde asseris, indicationis definitionem nō solum quod omnibus commune, & vniuersale est, explicare, sed omnes sub se particulares indicationes includere, quoniam particularia in vniuersalibus continentur: non tamen ex his aliquid aduersus dictas Altimari suppositiones concludis; siquidem non negat, neque quispiam vnquam negauit, definitiones, seu descriptiones genericas, atq; primas, particularibus, & specialissimis conuenire per traditam ab Aristotele doctrinam dialectices tyronibus notam, dum inquit. Quando alterum de altero prædicatur vt de subiecto, quæcunq; de prædicato illius dicuntur, omnia etiam, & de subiecto dici oportere, vt si animal dicitur de homine, & corpus sensibile de animali, & animatum corpus de sensibili corpore, & substantia, vt supremum genus, de animato corpore, proculdubio & substantia de homine dicetur, definitioq; substantiæ homini, quæ substantia participat, conueniet. Par etiam ratio est de generica descriptione indicationis, quæ cū de alijs particularibus indicationibus diuisiua methodo acquisitis dicatur, illasq; cōprehendat, illis etiam conueniet, quæ indicationes sunt, sicq; ratiocinium, aut obseruationem non comprehendent. At præter superiorum definitiones, quæ inferioribus conueniunt in generica ratione, aliæ particulares, & specificæ inferioribus insunt, quæ illis propriæ sunt, & à superiorum definitionibus valdè differunt, licet enim homo, quæ animal est, animalis finitione gaudet, & substantia animata sensibilis nuncupatur, quæ tamen tale animal, nempe rationale, aliter quàm in animalis communi natura consideratur. Eadem est de particularibus indicationibus ratio, quæ enim indicationes sunt, illis generica indicationis ratio cōuenit, quæ verò tales indicationes, in sua specifica ratione ratiociniū, & obseruationem desiderant. Quæ deinceps à Ioanne Altimaro in patris sententiæ confirmationem dicta sunt, & ad Galeni mētem adducta, notiora sūt, quàm vt explicatione, aut corroboratione nostra indigeāt, & admiror maximè salue, yri alioquin doctissime, quod in re-

in rebus clarissimis, atque verissimis tot comprehendere errores existimes, ut à quo incipiendum sit, dubium te referas. Inde autem auspicaris, quod Galenus primo de tuenda valetudine explicans causas corpus nostrum lædentes, atque corrumpentes, quarum ratione causis cōseruantibus indigemus, aliquas nobis esse congenitas dixerit, quas vitare nequimus, à generationis nostræ primordijs exortas: etenim innatum calidum naturale, & insitum nobis cum sit, continuo nostram substantiam depascitur, unde inferis, in re naturali, nobisque congenita nocens reperiri, & non in re omnino præter naturam, ut Altimarus opinabatur. Cuius opinionem si (ut optimum medicum, atque philosophum decet) sine animi liuore consideres, tanquam verissimam ut fatearis necesse erit: non enim calorem natium, quæ vitæ nostræ, & omnium naturalium actionum instrumentum est, inter causas præter naturales reputat, sed quatenus ex accidenti dissipat, & consumit nostram substantiam. Cum enim homo incrementum suscipere debeat, à suæ generationis principio ut calore abundaret necessum fuit, qui in materiam agens humidam eam extenderet, & ex natura sua calor interim dum operatur, necessario debet materiam in quam agit, resolvere, & consumere, tanquam eiusdem caloris pabulum, idque secundum naturam existens tali agit modo, ut calor ille præter naturalis iudicandus non sit, cum suam symmetriam, ac debitam commensurationem non excedat, & sic materia diluens secundum naturam, reparatur simili nutrimento, & ille calor non ut nocens, sed ut proficiens, & utilis tunc consideratur, qui potius sui cōseruationem, quam ablationem postulat, & materiam, in qua continetur, reparatio per similia tunc demum perficitur, quia ipsa materia, in qua ille calor continetur, etiam si aliquam patiatursuæ substantiæ evaporationem, secundum naturam remanet, nec ob id præter naturam reddita est, ideoque simili substantia continuo reparatur. Attamen ubi nativus ille calor naturalem suam non observat symmetriam, sed à debito modo recedit, in igneamque naturam conuertitur, augeturque, & febrilis calor fit, tunc præter

*Quaratione
nativus calor
dicatur
præter natu-
ram.*

naturam iudicatur, morbusq; erit, qui vt nocens sui postulat ablationem, quoniam suas naturales nō perficit operationes, sed præter hoc quòd immoderatiùs dissipat substantiam, quàm vt alimento exhibito possit refarciri, calorem vigentem, nimiamq; siccitatem membris inducit, quæ contrarijs qualitatibus semoueri, mederiq; postulant. Eamq; ob causam vbi utrūque desideratur, & deperditæ substantiæ restauratio, & qualitatis præternaturalis semotio, alimento vtimur, quod etiam medicamenti vires obtineat, sicq; vtrunque præstet, & substantiæ reparationē per similia, & qualitatis præternaturalis amotionem per contraria. Vides igitur qua ratione idē calor nunc naturalis appelletur, dum naturales edit operationes, & debitam obtinet symmetriam, nunc verò præter naturam dicitur, quando nimirum à debito modo recedit, & præter naturales actiones efficit: quoniā verò non solum deperditur substantia, quando calor natius secundum naturam se habet, sed etiam quæ remanet, sicciior euadit, ideo quæ de nouo per alimentum simile generatur, non solum in locum deperditæ apponitur, sed sua humiditate humectationem præstat talem, qualis pro substantiæ præexistentis natura desideratur, qua mediante præseruatur, ne in nimiam siccitatē inducatur: cum enim affectus adeò paruus est, vt sensum effugiat, sola præseruatione curatur, quando verò adeò manifestus apparet, vt actiones lædat, iam tāquam morbus indicatur, & vt quid præternaturam, quod curatione, non autem præseruatione indiget. Licet igitur in præseruatione duæ sint necessariò causæ corrigentes, adiectio nempe substantiæ in locum deperditæ, seu dissolutæ, & alteratio, ratione qualitatis siccæ ab actione caloris, vel causarum extrinsecus alterantium inductæ, utrūque nutrimento simili substantiæ deperditæ perficitur, quod & in substantia, & in qualitate tale sit, qualis erat substantia deperdita, erat autem humida, quare & humidum vt sit alimētum, quod in illius locum reponitur, necesse est. Et quanquam siccitati in membro acquisitæ contrarietur, humiditati deperditæ substantiæ assimilatur, sicque per similia potius, quàm per

con.

contraria fit reparatio, & præseruatio: at verò cùm affectus magnus est operationes lædens, tunc vt præternaturalis omnino contrarijs remedijs abigitur. Tandem verum citra vllam dubitationem erit, quod Altimarus concludit, nocens in Galeni doctrina libro de optima secta idem esse, quod præternaturalis causa, dum inquit, cum nocentium notitia, simul & causarum agnitionem concurrere, nocentiumque cognitionem causarum esse comprehensionem; sicque si nocentia causæ præter naturam sunt, in virium præseruatione comprehendendi nequeunt, quæ primo, & per se alimoniam postulant, & per similia reparationem; quod verò præternaturam est, potius per contraria ablationem exposcit. Admiror sanè vir doctissime, quod tenaciter adeo tuæ adhæreas opinioni, vt argumentum concludens ex prædicto Galeni loco desumptum subterfugiens, affirmes, nocens à Galeno inibi non sumi pro eo, quod præternaturam est, quamuis dicat, quod nocentium cognitio causarum est comprehensio: si enim velis quæ à Galeno ibi dicuntur non conniuentibus oculis perspicere, inuenies sanè ipsum de suppressione, seu astrictione loquentem aduersus methodicos asseruisse, quæ supprimuntur, aut noxia esse, aut vtilia, aut neutra, si sint vtilia, ea excernere absurdum esse: si neutra, iam neque morbum esse constare. Dicendum igitur superesse, cùm retenta nocent, astrictiōem esse, quæ lædunt verò, causas, indeque fieri, vt ex causarum anticipata notitia astrictio comprehendatur. Nam vt astrictiōem adesse cognoscamus, suppressa nocere præsciendum est. Quid clarius dici potest, nocens esse præter naturam, & in morborum numero connumerari? nam si vt Galenus refert, quæ retinentur, sunt vtilia, ideo profecto vtilia erunt dicenda, quia secundum naturam sunt, nobisq; familiaria, eamque ob causam ea excernere absurdum esse: si verò sunt neutra, iam neque morbum esse constat, quoniam morbus quid præter naturam est sensibilibiter lædens operationes: neutrum verò intra sanitatis latitudinem continetur, ideoq; potius ad id, quod secundum naturam, quàm ad id quod præ-

præter naturam est, accedit: dicendum igitur, cum retenta nocent, à sufficienti enumeratione præter naturam esse. Quamobrem si in viribus præter naturam continetur, quæ ab eis sumitur indicatio per cōtraria procederet, sicque vires, quæ præter naturam sunt, demendas fore asserendum esset, & vna eademq; indicatio extitisset, quæ à morbo, & à viribus desumitur. Quod quàm absurdum sit, iudicent omnes, qui veram medicæ artis profitentur doctrinam.

PARTICULARIVM CIRCVITVVM CAVSAS AD
propriam cuiusq; humoris naturam, atq; substantiam, non autem ad contractæ putredinis conditionem esse referendas.

DEFENSIO TERTIA.



QUANDO QUIDEM in septima, atque octava depulsiōe sententiā tuam Salve doctissime de causis particularium circuituum exactè confutauimus, easq; ad cōtractæ putredinis cōditionem referri non posse, validissimis rationibus comprobauimus, nō opus erit, quæ alibi à nobis dicta sunt, denuo repetere: præsertim eū institutum nostrum sit, pro Ioannis Altimari sententiā pugnare, & argumentis à te propositis satisfacere. Vt autem ordine procedamus, quæ ab Altimaro pro patris defensione, tuæq; opinionis confutatione dicta sunt, in medium adducamus. Prima ratio hæc est, putredo, quæ putredo est, vnicam habet rationem, quæ substantiæ totius putrescentis corporis mutatio ad corruptelā ab externo calido definitur, ergo quæcūq; putredo cuiusuis humoris illa sit, in ratione putredinis eandem habebit definitionem, eundē igitur quæ putredo producet effectum, in quouis subiecto illa sit, atque deprehendatur: sicq; in bilioso, sanguineo, pituitoso, atque melancholico humore, semper mutatio erit totius putrescentis corporis ad corruptelam ab externo calore facta. Et hæc vera est putredinis

*Putredinis
 definitio.*

dinis conditio, quæ à sua essentiali definitione confurgit: Si igitur ad hanc conditionem particularium circuituum causæ referendæ sunt, idem erunt circuitus omnium putrescentium humorum, quoniam omnibus eadem est contractæ putredinis ratio, & ab illa fluens cōditio, quærè tertiani, quotidiani, & quartani circuitus idem prorsus erunt: at videmus esse diuersos, eadem igitur causa de per se plures de per se, atque diuersos producet effectus, quod omnis philosophorum schola abhorret. Tu verò rationem hanc ex eo nō concludere dicis, quod licet vna, & eadem sit putredinis natura, tamen alia putredo bilis, alia pituitæ, alia verò melancholici humoris dicenda sit, ideoq; ab illis putrescentibus diuersos posse prouenire effectus. Quod idem est, ac si dicas, animalis ratione, qua esse dicitur substantia animata sensibilis, diuersam esse in homine, equo, elephanto, & alijs animalium speciebus. Quod quidem absurdum est; quæ enim animalia sunt, conueniunt quidem inter sese genere, licet specifica ratione differant: alia enim est ratio specifica hominis, qua homo est, & alia equi, qua equus. Pars est ratio de putredine in genere, seu in communi, dicitur enim mutatio totius putrescentis corporis ad corruptelam ab extraneo calore: & similiter in particulari, quæ putrescit bilis, vel pituita, aut sanguis, seu melancholicus humor, erit etiam mutatio substantiæ dictorum humorum ad corruptionem ab externo calore facta: in ratione enim putrefactionis omnes isti humores conueniunt, licet inter se, quæ tales humores sunt, specifica ratione differant: alia enim est ratio bilis, quæ bilis est, à ratione sanguinis, vel pituitæ, aut melancholiæ, quæ sanguis, pituita, aut melancholia sunt. Non igitur à putredine bili euenit, quod de tertio in tertium moueatur, aut pituitæ, quotidie, melancholiæ verò, de quarto in quartum, sed à cuiusque humoris propria natura. Licet enim putridæ febres nō concitentur sine humorum putrefactione, putrefactio, quæ putrefactio nihil facit ad hanc, vel illam circuituum determinatam repetentiam, sed humorum, qui putrescunt, talis, vel talis natura, atq; substantia. In biliolo enim humore talis est natura

A cuiusque humoris propria natura euenit, moueri per circuitus determinatos.

natura, quæ facile incendatur, & citissimam, breuissimamque faciat accessionem, præparetque humorẽ, qui aggregatus tertio quoq; die denuo inflammetur, ac repetat: in melancholico verò talis deprehenditur, quæ difficilius inflammetur, diutiusq; perseveret, ægriusq; disponatur ad nouum incendium, ideoq; quarto quoq; die nouam moliatur accessionem: at in pituita talis consideratur natura, non in temperatura, quoniam frigida, & humida cum sit, & ambabus qualitatibus cum igne pugnans, difficulter accenditur, sed in consistentia, seu substantia, crassa, vel lenta, ac tenax existẽs, quæ accensa diutius detinetur, igneumq; seruat calorem, qui nouum humorẽ acruatum præparat ad incendium statim sequenti die subsequuturum, vnde fit, vt quotidie moueatur, quæ latius a nobis octaua depulsione fuere exposita. Non igitur in putredinis contracta conditione consistit particularium circuituum ratio, cum enim idem, quatenus idem semper sit natum facere idem, vt apud omnes philosophos receptum est, putredo eadem quatenus talis est, in quibusuis subiectis, etiam si diuersæ naturæ sint, eandem putrefactionem, seu corruptionem concitabit, neq; diuersitas subiectorum speciem putrefactionis mutabit. Non negamus putridos humores incendi, quod per putrefactionem sint ad incendium, & ad naturæ expulsionem parati, quod autem sic moueantur, vt per tertios biliosus, melancholicus verò per quartos concitet accessiones, & repetentias, à propria cuiusq; humoris natura fieri, vt fatearis necesse est. Vnde recte cõcludit Altimarus, si discrimen in putrefactis humoribus non reperitur in putrefactione, ad hoc vt differẽtes faciant repetentias, tale discrimen in propria natura humorum, in quibus putredo reperitur, perquirendum erit: si igitur in humoribus, non autem in putredine dissimilitudo adeit, dissimilitudo, & varietas circuituum in humorum, nõ autem in putredinis dissimilitudine collocanda erit. Confirmat dictam patris opinionem argumento validissimo, quod in apologia minimè à te dissolutum reperio, si enim, inquit, contracte putredinis diuersa conditio facit diuersas repetentias per

In putredinis contracta conditione nõ consistit particularium circuituum ratio.

circuitu.

circuitus, & pestiferæ febris conditio à nō pestifera valde differat, proculdubio pestilēs putrefactio humoris biliosi aliam repetentiam quā per tertios concitabit, cum non pestilens per tertios moveri soleat: at videmus biliosum humorem putrefactum venefica, aut non venefica conditione, moveri per tertios, motus igitur ille non putrefactionis conditioni, sed conditioni naturæ humoris biliosi, quā biliosus, est tribuendus. Huic argumento respondes, id fieri, quia in utriusque eadem est putrescentis humoris natura, putredinemque, licet recipiat magis, & minus, non variare humorem, ideoque siue vulgaris, siue pestilens contrahatur bilis putredo, circuitus formam non variari. Sed ruat Salve responsione iugulas, nanque contractæ putredinis quævis conditio secundum magis, & minus reperitur, putredinisque speciem non variat, ergo ubicunque reperitur putredo, & quibusvis conditionibus considerata, & in quibusvis humoribus constituta, atque collocata, speciem putredinis non mutabit, quare neque circuituum formam, quā putredo est, variabit; igitur illorum variatio non à contractæ putredinis conditione, sed à varia humorum natura procedet. Sic etiam, quod synocha febris ex putrescente sanguine cōtinua fiat, & non intermittens, nō ex eo evenit, quia sanguis sua humiditate, & caliditate præteris humoribus ad putrefactionem aptior sit, ut opinaris, sed quoniam, vel in omnibus, vel in maximis, æ principalioribus putrescit vas: nam si ob id, quod ad putrefactionē aptior sanguis sit, id evenisset, frequentius quā reliquæ febres synochus contigisset, sed videmus multo rarius evenire, non igitur propter aptitudinem, quam habet sanguis ad facilem putrefactionem, synochæ continuæ generantur, sed ex eo, quod in magnis vas, & cordi propinquis corrumpitur: quemadmodum, & biliosam continuam ob eandem causam fieri cernimus, quia videlicet bilis in magnis putrescat vas. Præterea, in sanguine non reperiri siccitatem illam, aut frigiditatem, quæ possit putredini repugnare affirmas, sed caliditatem, atque humiditatem tantum, quæ putredinem concitare valeant, in-

Nō generatur synocha continua ob aptitudinē sanguinis ad putrefactionem.

In expositione 12. aph. f. 163.

2 de crifib. cap. 6.

*In sanguine,
ut quarta
substantia à
reliquis hu-
moribus se-
parata, ne-
cessario sic-
citas, & fri-
giditas ad-
est.
Com 40.*

deque fieri, ut citius putrefiat; quare hac ratione sanguinem tunc accipis pro quarta substantia à reliquis humoribus separata. Si autem in ea non est siccitas, aut frigiditas, ut opinaris, neque etiam aderit mixtura aliorum humorum, à quibus dictæ qualitates effluere possint, quare sanguis ut syncerus à te consideratur humor. Quod in nuere videris ex Hippocrate primo libro de natura humana dicente, in anno interdum hyemem potissimum viribus pollere, interdum autem ver, aliquando æstatem, nonnunquam verò autumnum, in homineq; ad eundem modum contingere, in quo pituita interim quidem excellit, interim verò sanguis, interim bilis, flaua quidem primum, dein verò nigra; & Galenus etiam in commento, eodem modo in homine pituitam per hyemem superare dicit, succum quidem frigidum, humidumque, verè autem sanguinem calidum, & humidum, & in æstate bilem flauam, viribus siccam, calidamq;, autumno verò nigram, siccam, frigidamque, quemadmodum & autumnus ipse. Verum si perpendisses, quæ paulò superius à Galeno dicta sunt, in sanguine frigiditatem, & siccitatem reperiri non negasses, inquit enim, ipse nimirum sanguis, qui temperatissimus est, & apparet, talis dicitur esse, quia nihil in ipso eorum, quæ mutuò aduersantur, insigniter excedit: neque sanè calidum à frigido, neque frigidum à calido, neque humidum à sicco, neq; siccum ab humido superatur. Quoniam igitur sanguis ipse quatuor qualitatibus eget, humiditate, & siccitate, & caliditate, & frigiditate, obscurum nō est, quod & cæterorū succorum miscella egebit. Quamobrem temperatissimus sanguis nō nihil parriceps erit pituitæ, & bilis flauæ, nigræque. Sanguis igitur modò temperatissimus sit, modò in caliditate, & humiditate excellat, aliorum humorum mixtione conflare necesse est; neque unquā syncerus actu dari poterit, nisi mente tantum, ut quarta substantia à reliquis humoribus separata, comprehendatur, quemadmodum, & mundi elementa, quæ sensu percipiuntur, actu mixta cum sint, mente tantum simplicia esse posse considerantur, ut commento trigésimo octauo eiusdem

Sanguis syncerus mente, non re, reperitur.

libri Galenus refert. Adde quod sanguis quouis modo acceptus corpus quoddam compositum est, quare & ex quatuor elementis conflatum, continebit igitur quatuor elementorum qualitates, caliditatem nempe, & humiditatem, frigiditatem, atque siccitatem, sicque frigiditate, & siccitate putrefactioni resistere poterit. Conuictus igitur dictis rationibus immemor eorum, quæ in commentarijs tuis asseruisti, in apologia, te sanguinem intelligere pro tota massa sanguinea, quæ in vasis continetur, affirmas, vt Galenus explicat, libro nono methodi, sanguinemq; nuncupari ab humore maximè in dicta massa prædominante. Quamobrem sanguis temperatus, vel parum ad caliditatem, & humiditatem inclinans, habebit etiam frigiditatem, & siccitatem humido, & calido oppugnantes, quod tuæ sententiæ contradicere. Et vt à contradicitione te eripias, tandem in apologia fateris, quod licet in sanguine sint etiam vtraq; bilis, & pituita, simul cum suis qualitatibus, præuallere tamen humiditatem, & caliditatem tali modo, vt frigiditas, & siccitas obfcurentur, & superentur, remaneantque veluti in potentia. Responso certe est ratio philosopho indigna, cum in mistis corporibus ita elementorum qualitates in medio temperamento reperiantur, vt quæ illarum præualeat minimè deprehendantur, quando vero à medio temperamento parum declinant, præuallentes, & exuperantes magis in actione sua manifestantur, neq; oppugnare, & contra agere alię desunt, donec omnino succumbant, & simul cum earum interitu compositum pereat, præterquam quod ex cibis ingestis frigidioribus, & succioribus secundum exuperantiam, solet sanguis à natua sua temperie in contrariam sæpe conuerti, vt iam aliquando à prædominio magis melancholicus, atque terrenus dici debeat, tuncq; contrariæ qualitates, nempe frigiditas, atq; siccitas, manifestius apparebunt, & tamen eo tempore facili negotio putrescit, caloremq; extraneum admittit, & quartanam febrē concitat, quam ubi in sua debita temperie secundum exuperantiam caloris, & humiditatis confutit; ergo non ex eo quod calidior,

*Sup. 12. aph.
fol. 163.
Cap. 3. et li.
de plen. c. x.*

*Sup. 12. aph.
fol. 163.
Cap. 3. et li.
de plen. c. x.*

& humidior est sanguis, facilius putrescit, & continentem febrem concitat, procreatque: non enim à naturali calore, sed ab extraneo putrido perficitur putrida febris. Cum igitur in sanguine temperato, vel ad caliditatem, & humiditatem vergente, nativus calor contineatur, potius in humido perfectio nem, quam corruptionem excitabit, sicq; non omnia calida, humidaque prompta ad corruptionem erunt, sed ea duntaxat, quæ cum humiditate extraneum calorem admiserint. Neque ex eo redarguendus erat Ioannes Altimarus quòd sanguinem, vt quarta substantia est ab alijs humoribus distincta, ab Hippocrate, & Galeno temperatum, vel calidum, & humidum appellari dixerit, si enim daretur purus, ac syncerus sanguis alijs humoribus impermixtus, talis vtiq; esset: non tamen ob id negat massam sanguineam à prädominio sanguinem dici, sicque calorem, & humiditatem reliquos humores superare, quos simul cum sanguine in se continet. Non contemnenda etiam ratio est, qua Altimarus probat, non eo quòd facile putrescat sanguis, continentem febrem concitari sed quoniam in magnis putrescit vasis. Siquidem sanguis calidus, & humidus cum sit, in particularibus putrescens vasis, vel in aliquo loco inclusus, non synocham, sed tertianam efficit febrem, qui idem in magnis vasis putrefactus synocham concitabit. Quòd igitur continens febris sit, non a putredine sanguis habet, sed à loco, nempe à magnis vasis in quibus putrescit: nam si à putredine habuisset, non magis tertianam, quam synocham concitasset, etiam si ad hoc, vt putridam constituat febrem, necessarium sit talem humorem prius putrescere: quare sanguis dum putrescit, quia calidus, & humidus est, continentem febrem non generat, sed quoniam in magnis, & cordi propinquis putrescit vasis. Cum autem eiusmodi argumentum retorqueat, aduersus Donati Antonij positionem (qua tenet, ex propria humoris natura ipsius bilis proprium esse tertianum circuitum) ipsummet argumentum concludere respondes, ex eo quòd si sanguis in parte inflammata est eiusdè naturæ cum eo, qui in magnis vasis continetur, in magnis au-

Continens febris fit à sanguine, quia in magnis putrescit vasis non autem ex eo, quia facile putrescat sanguis.

tem vasis putrefactus concitat continentē febrem, quare non erit illi proprium à natura sua repetere per tertium. Ego tamen non inuenio vnde ratio hæc aduersus Altimarum quidpiam concludat, ex natura enim sua biliosus humor putrefactus habet, vt moueatur per tertios tam in intermittentibus, quam in continuis febribus, & æquali existente putrefactione sanguis in particularibus conclusus vasis, & in magnis, ac cordi propinquis, cum per putrefactionem maior ipsius portio, & subtilior in bilem conuertatur, tertianum perficit motum, sed præter hoc continuam constituit febrem, cum in magnis vasis putrefit. Quamobrem à loco magis amplo, & cordi propinquo continuitatem accepit, non à natura humoris biliosi, quæ tertianum motum perpetuò constituit, quemadmodum, & à melancholici humoris natura quartanus constituitur circuitus, & à pituitosi etiam natura quotidianus: continuitas verò à loco ampliori, & cordi propinquo illis euenit. Adde quòd Galenus secundo libro de crifibus agens de retribus synochis, quæ à putrefacto sanguine concitantur, inquit: Cum verò neque declinatio aliqua sensibilis fiat, semper verò à primo principio febris vsque ad crifim similis perueuerat, erit & hæc ex genere februm deurentium: ab iisdem verò acutie differt, & subiungit. Sufficit enim genus agnoscere, quòd scilicet biliosa fit, atque deurens, & peracuta. Ex quibus patet quòd sanguis fit biliosus interim dum putrefit, & tamen in magnis vasis constituit synocham febrem eodem tenore procedentem, seu paulatim accrescentem, aut paulatim decrefcentem sine vilo per tertios validiori motu, quæ acutie differt à febribus continuis omninò biliosis, quoniam cum adhuc sanguis putrescens suam retineat formam, & omninò in bilem conuersus non fit, non ita mordacem tactui, ac bilis ipsa, offert calorem, neque per tertios facit repetitionem, sicut continua omninò biliosa. Quamobrem à biliosi humoris natura, vbi putrefactus est, prouenit, quòd accendatur, & moueatur per tertios, continuitas verò, à loco amplo venarum ad cor pertingentium, atque pertinentium. Alia verò

*Continuitas
febris non à
natura hu-
moris, sed
à loco à
cordi propi-
quo sita.*

argu-

Cap. 4.

*Natura hu-
moris nō in
temperie so-
lūm, sed in-
consistentia,
seu substan-
tia conside-
ratur.*

argumenta, quæ aduersus particulares periodorū causas ab Altimaro assignatas proponis, nihil cōuincunt, semper enim eas refert præcipuè ad humorum propriam naturam, quæ docente Galeno tertio de temperamentis, non in temperie solum, sed in consistentia, seu substantia consideratur. Secundum igitur duplicem naturæ modum bilis facilius quàm reliqui humores accenditur, temperie enim calida, & sicca cū sit, citissimè in ignem mutatur, substantia verò tenuis existens, facili negotio ignem admittit: contra pituita frigida, & humida, ambabus qualitatibus cum igne pugnans difficilius vincitur, & superatur, in igneamque naturam mutatur: altera verò natura, quæ eius substantia, consistentiaq; est, crassa, lenta, atque tenax existens, cū iam accensa est, diutius igneum seruat calorem, & in causa est, vt aliam de nouo præparet cōgregatam pituitam ad nouum incendium statim, nempe sequenti die, subsequuturum, vnde fit, vt altera natura, quæ sua est substantia, atque consistentia, in qua magis ignis detinetur, & persistit, suoque præternaturali calore congestam pituitosam materiam, alioquin crassam, & lentam, tangens, & continuò disponens, facilius accendat, & singulis diebus inflammet, & moueat, non quæ crassa, lentaq; substantia est (nā hac ratione deberet superari à bilioso, ac tenui humore) sed quatenus propter crassitiem, ac lentorem, igneum, ac præter naturalem detinet calorem, qui nouam materiam præparat, & inflammat; quod biliosus humor incensus facere nequit, cū ob suam tenuitatem, & facilem euaporationem citissimè dissoluatur, nullumque caloris præternaturam suæ substantiæ in accessione inflammatae vestigium relinquat, quod nouum biliosum humorem congregatum tangens, disponat, & inflammet. Cæterum adhuc conaris hanc verissimam Altimari, imo Galeni ipsius doctrinam oppugnare, ex eo quòd, si aliquod in bilioso humore adesset igneum, & præter naturam ad nouū incendium disponens, quemadmodum in pituitoso humore cōtingit, accessio in biliosis citius, quàm in pituitosis febribus, reuerteretur, cuius oppositum experientia in biliosis cōtinuis mon-

monstrat, in quibus non deficit caliditas præter naturam, atq; putredo, quæ ad nouam putrefactionem, & incendium, biliofum humorem disponere valeat: videmus tamen bilem, siue intermittentem, siue continuam exciter febrem, semper tertianum seruare circuitum. Argumentum certè concluderet, nisi (quemadmodum in octaua depulsione exposuimus) maior distaretur, & euacuaretur copia biliosi humoris putrefacti, & inflammati in singulis accessionibus, quàm de nouo putrefiat, & accendatur diebus intermedijs, & maior similiter disponeretur secundo die, quàm eodem putrefiat, & comburatur. Vnde euenit quòd tertio quoq; die continua biliosa magis exacerbetur, & periodū per tertium, vt intermittens, representare videatur. Neq; mireris quòd Ioānes Altimarus dixerit, subiecti aptitudinem non parum in actione, & passione prestat, nō enim existimat maiorem ad incendium, & putrefactionem ex humoris natura habere aptitudinem humorem pituitosum, quàm habeat biliosus, id enim esset sibi ipsi, & parentis doctrinæ cōtradicere, sed quòd magis dispositus pituitosus sit humor à caloris præternaturalis magna portione in humore præteritæ accessionis remanente, qui suo contactu congregatū humore ad venturam accessionē, & putrefacit, & disponit ad nouum incendiū: tum quia calor præternaturam in humido cōcluso, & qui non transpiratur, agens, illum putrefacit, & dispositū reddit ad incendium, sicq; humor pituitosus, alioquin ob sui consistentiā, & frigidam qualitatē minùs aptus ad putrefactionē, & incendium, rōne immoderati caloris permanentis ex præterita accessione, illūq; vndiq; tangentis, reperitur citius dispositus, quàm biliosus humor, qui non tangitur à portione bilis incense, & putrefactæ in præcedēti accessione, quæ fuerunt tunc temporis omninō resolutæ, & non remanserunt. Adde quòd, vt Donatus Antonius refert ex Galeno 11. methodi, capite 4. & alibi sepius, proxima putredinis causa est prohibita transpiratio, quæ ex obstructione proficiscitur, obstructio aut magis ex crassis, pituitosisq; humoribus, quā ex biliosis sit, quare in illis prius naturalis calor in præter natura

Lib. de method. feb. ca.

42.

conuertetur, ob quod prius etiam in illos agit, tum putrefaciendo, tum ad incendium præparando: quemadmodum ignis prius disponit viridia ligna sibi approximata, & ad incendium præparat, quàm sicca, quæ adhuc non tangit, viridiaque ligna sic disposita (& si eo tempore ignis etiã sicca tangat) prius ob dispositionem, quam à calore præternaturam acceperunt, incenduntur, quàm quæ sicca sunt. Verùm ubi igne vtraque incensa sunt, sicca prius cremantur, & resoluuntur, quàm viridia, ideoque in viridibus, propter incendij alimētum, quod remanet, detinetur ignis, qui ligna viridia, quæ interim de nouo congregantur, tangens, prius disponit ad incendium nouum, & apta reddit, quàm sicca, quæ adhuc non attigerit. Et licet humorum crassities, tenuitas, multitudo, paucitas, acrimonia, corporis raritas, & virtutis robur, vel infirmitas, non faciant ad febris continuitatem, vel intermittentiã, sed ad longitudinem, vel breuitatem, anticipationem, vel postpositionem accessionis, continuatasque, vel intermissio ex putredinis loco proueniat, vt Galenus secundo de febrium differentia annotauit, quod etiam Altimarus nunquam negauit; calor tamen præter naturam, qui in longis pituitosi humoris putrefacti accessionibus remanet, suo contactu facit, vt nouus humor pituitosus in loco putredinis cõgregatus citissimè, & disponatur, & comburatur, quotidianaque accessiones concitet. Crassities igitur humoris de per se longam accessionis constituit moram, ex accidenti verò, quia in humore crasso detinetur calor igneus, & præter naturam, disponens, & comburens de nouo aggregatum humorem, causa est accessionis formæ, quæ quotidie fit, nullumque est inconueniens, quòd eadem causa vnum de per se, alium ex accidenti producat effectum. In quo igitur positio tua ab Altimari positione differt, redarguenda, in quo verò ab ea non dissentit, meritò laudanda.

QVOD ASSERERE HIPPOCRATEM DISTV-
 lisse venæ sectionem in Anaxionis pleuritide usq; ad octauum
 diē, quia sperauerit affectum solis fomentis curari posse,
 non sit ipsum de ignorantia redarguere.

DEFENSIO QVARTA.



VONIAM in decima depulsione, & octaua
 Epistola ad doctissimum Cæsarem conscri-
 pta tuas confutauimus rationes, quibus in
 commētarijs primi aphorismorum libri pro-
 bare contendis, Hippocratem in Anaxionis
 curatione pleuritide laborantis ante octa-
 uum diem venam secuisse, mōstrauimusq;

voluisse prius fomentis curationem tentare, idque potius
 prudentiæ, quàm ignorantia illi tribuendum fore: eam ob
 causam quæ alibi demonstrata sunt, nunc repetere absurdum
 fuisset, præsertim cum in apologia nihil noui afferas, quo tuâ
 roborare sententiam, Altimari verò destruere possis. Tamen
 vt pro Ioanne Altimaro satisfaciam, examinemus eas ratio-
 nes, quibus in apologia aduersus illum irruis. Primum enim
 adducis Galeni locum secundo de difficultate respirationis ca-
 pite octauo, in quo totius rei difficultatem cōsistere existimas,
 & probè quidem, quoniam ex eis quæ illo in capite à Galeno
 traduntur, optimè colligitur Hippocratem prudentissimum
 virum in Anaxionis pleuritide primis septem diebus fomen-
 tis vsum fuisse, octauo verò sanguinem misisse. Eo enim in lo-
 co dubitat, cur cum signorum pathognomonicorum syn-
 dromes, seu coacervatio (quæ signa in pleuritide quatuor
 sunt, febris nempe acuta, dolor, difficilis respiratio, & tussis,
 quibus positis ponitur pleuritis; & semotis semouetur) qua-
 tuor duntaxat dictis signis cōsisteret, Hippocrates verò in Ana-
 xione pleuritide laborante præter alia signa communia, quæ
 etiam commemorauit, solum tria, nempe febrem acutam, do-
 lorem, atque tussim proposuerit, difficilemque respirationem

prætermiserit? cui dubio satisfacit, dicens pleuriticis necessario accedere, & lateris dolorē, atq; hūc cum febre, & respirandi difficultatē, & tussim: neq; enim possibile est pleuriticū esse, cui non omnia hæc adsint. Deinde subiungit. Hippocrates itaque in proposito nunc ægroto Anaxione superuacuum existimauit scribere, quod omnino erat citra conscriptionem intelligibile. Febris enim acuta inquit, apprehēdit, & dextri lateris dolor continens, & tussiuir aridas, tussiculas videlicet. Per vnum itaq; sermonem, & quod cum pleuritide confictatus sit homo, & qualis hæc ipsa fuerit, ostensum est. Quādo verò spirandi difficultas necessario pleuritidem sequitur, de hac scribere reliquit, nec quod egrē spirauit hic homo dixit: si enim & de hac quicquā peregrinum, ac rarum, quod diceret, habuisset, non vtiq; tacuisset. Cum verò, velut verissimile est, consuetam speciem seruaret, rationabiliter eam reliquit. Quē admodum autem hæc reliquit, sic alia adscripsit, quæ neque necessario pleuriticis adsunt, neque contingenter, seu vt plurimum, neque ex dictis intelligi possunt: inquit enim, siticulosus, vigilans, vrinæ autem boni caloris, multæ, tenues, de inde inferens: sexta delirus, ad calefactoria verò nihil remittebatur: hæc autem omnia neq; necessario pleuriticis adsunt, neque contingenter, seu vt plurimum. Si verò & septimi diei audiuere enarrationem, adhuc manifestius cognoscere voluntatem viri: habet autem hoc modo. Septima dolorosa, febris enim se extendit, & dolores non remiserunt, tussisq; infestabant, ac difficulter respirans erat. Hic sanè difficilis respirationis mentionem fecit, cum hominem male affligi, collectionem faceret, inter alia etiam ipsam recensens, cum neque ea, quæ à principio ipsi conciderant, sedata essent, neq; remisissent, febres tamen, inquit, die septima se extendisse: vnde infert. Si ex affectionibus ipsum morbum constituentibus quatuor numero existentibus, tres quidem, dolor nempe, tussis, & difficilis respiratio eodem modo habentes permanent, quarta verò, videlicet febris, etiam peior redditur, omnibus manifestum est, quod homo illa die male habuit.

Quibus.

Quibus sane verbis dubitationi propositæ satisfaciunt, & Altimari opinionem quodam modo confirmant. Non enim ex eo, quod à principio Anaxion laborauerit morbo laterali, cui febris accedens continua fuit, & acuta, & dolor continens, rufis arida, & difficilis respiratio, sequitur eum plenitudine tali à principio laborasse, quæ exostularet venæsectionem ante octauum diem, neque id Galenus significare voluit, cum dixit. Non solum igitur quod febris fuit, sed etiam qualis nā, didicisti: acuta enim inquit, & non solum quod lateris dolor, sed etiam qualis, nempe continens, & non solum quod tussis, sed etiam quæ, & quales, nimirum aridæ, neque quicquam expuentes. Non negamus enim, quod maius quid est acuta febris cum additione, quam febris simpliciter dicta, continua enim febris, quæ morbum quemuis lateralem sequitur, ob continuitatem, & periculum acuta dicitur: intermittens verò cum periculo yacet, nunquam acutiem habet. Et licet morbus lateralis in Anaxione acutus fuerit, & febris similiter acuta, tamen acuties à die septima, qua inualuit febris, numeranda est, cuius respectu cum dolor fomentis non sedaretur, & sexta die ad calefactoria nihil remitteretur, septima verò dolor extitisset, quia febris se extendisset, ideo optima ratione octauo die sanguinem misit, quo tempore non sperauit, iam fomentis curari posse, & intellexit veram morbi acutiem à septima die, qua inualuit febris, incepisse. Si enim ita acutus ille fuisset morbus à principio, quemadmodum profers, intra decimum quartum diem esset terminandus, qui vltimus acutorum ab Hippocrate connumeratur, at in Anaxione inquit, vigesimo sudauit, febre liberatus est, à iudicio melius habuit; quare si vigesimo rectius habuit, & febre fuit liberatus, acuties incepit numerari à die septimo: nā si à principio pleuritidis numeraretur, in decimo quarto deberet iudicari. Diebus igitur, quos quietiores transegit, & febris non magis fuit adaucta, non connumeratis, optimè terminatus fuit morbus intra decimum quartum: sicut in Erasini historia laborantis acutissima febre, cuius terminus est quartus dies, quia primam

*Acuties
morbi in
Anaxione
à die 7. qua
morbus in-
ualuit, nu-
meranda.*

Li. 1. de mor.
vulg. cap. 3.
sgroto 8.

diem placidè, & cum quiete ruit, quatuor autem reliquis, & fortis morbus fuit, & in ipsis ad mortem iudicatus, quatuor tantum dies acutiei fuerunt numerati. Inquit enim Galenus, At Erasinus quanquam omnia grauiora haberet, ad diem tamen quintum mortem produxit, quod die primo mediocriter habuerit. Vnde est de eo sic scriptum ad verbum. Diem primum quietè transegit. Quintus itaque ab initio, quo decessit, non adnumerato primo, quartus efficitur. Eadem secundum proportionem ratio est de Anaxione, cui cepit febris inualecere die septimo, & ideo morbi acuties ab illo die connumerata, fuit finita vigesimo: & quia remanserunt reliquiae cruditatibus, redijt febris vigesimo septimo, tussijt, multa excreauit concocta, in vrina multa subsidebant alba, desijt fitire, dormiuit. Trigesimo quarto toto sudauit corpore, cessauit febris, in totum est iudicatus. Ex dictis igitur Hippocratis & Galeni, colligitur morbum lateralem Anaxionis à principio non fuisse verè acutum, quia ex humoribus crassis, viscosis, atque crudis constasset, quorum ratione in trigesimum quartum vsque fuit prorogatus, & ob maximam humorum cruditatem distulisse Hippocratem venesectionem, & in longo adeo morbo cum tanta cruditate potius Galenus venesectionem damnaasset in primis diebus, quam vt vlla ratione sibi persuasisset Hippocratem ante octauum diem Anaxioni sanguinem extraxisse. Præterea si primis diebus illi fuissent nota plenitudinis signa, ob eamque rationem auxilio per venesectionem vsus fuisset, reliquisset proculdubio fomenta, ex quibus iam non sperabat, aut morbum resolui, aut plenitudinis signa posse manifestari: quod minimè fecit, quia dixit Sexta delirus, ad calfactoria verò nihil remittebat, quare vsq; ad sextum diem sanguinem non misisse manifestum certè est, aut si missus fuisset bis, vel ter, vel quoties opus esset (vt credis) quia virtus ex præteritis euacuationibus valde labefactata extitisset, octauo die multum sanguinis ex vena fluere non permisisset: præsertim quod ob humorum crudorum accumulata copiam vires labefactarentur, vt Galenus libro de curandi ratione per sanguinis missio-

Ob crudos
humores vi-
res invalida-
si. 12.
Cap. 2.

nem

nem testatus est . Secundò examinandum proponis Galeni ^{Com. 3.}
locum , & historiam sexto epidemion propositam , & ab Al- ^{Com. 21.}
timaro ad suæ sententiæ confirmationem adductam , caue ta-
men ne dum in examine ex Galeni dictis eiusdem errata pate- ^{Lib. de curâ.}
fieri contendis , tua manifestetur . Cum enim Hippocrates pro ^{corp. maliis.}
posuisset priuatum exemplum de sanguine in pectus , & pul- ^{cap. 50.}
monem declinante , expedire inquit horum aliquibus sangui-
nem detrahi , quibus scilicet is copiosus est , & nondum infi-
gniter ad alterius humoris naturam conuersus : non detrahē-
dum autem (vt Galenus exponit) in quibus iam mutatus est .
Deinde impedimentum in cruenta expuentibus esse inquit tē-
pus anni , morbus lateralis , bilis . Quibus verbis significat ,
in sanguinis expuitione morbum lateralem impedimento
esse , quo minus sanguis mittendus sit , sicut etiam , & anni tē-
pus , & biliosus humor redundans . Et Galenus hanc senten-
tiam exponens , quòd propter anni tempus vitanda sit sangui-
nis missio , clarum esse dicit , nam valde calidus temporibus ,
qualia sunt prope canis ortū , à venę solutione cauemus , nec
non si valde biliosus hō sit . Verūm quod de laterali morbo di-
ctū est , tanquam dubiū proponens , vt dubitationi satisfaciat ,
subiungit hæc verba . Itaq; quod dicitur , tale quiddā esse vide- ^{Quo intelli-}
tur . Sanguineū spurum reiicientibus omnino , quātum ad hoc ^{gendum sit ,}
pertinet , secunda vena est , nisi propter laterale morbum tale ^{morbu late-}
reiicient , istis nanq; haud prius , vt sanguinē expuentibus ve- ^{rāle in crue-}
nā aperies , sed proprijs lateralis morbi regulis , & conditioni- ^{ta spuentib;}
bus medicaberis , per quas ita affectus vel sanguinem detrahe- ^{impedimen-}
mus , vel non . Vides qua ratione Gal. quē pro te adducis , cōtra ^{z in esse ad}
riā tuę assertioni sententiā proponat , quinimo ubicunq; vita- ^{sanguinem}
ri possit sanguinis missio , vitādam esse consulit ea methodo , ^{mittendum.}
quam Hipp. 2. de rat. viç. proposuit , prius calidis tomentis tē-
tādo si lateralis affectus dissolui posset , vt in Anaxione fecit ,
nā si id ex votis successisset , citra venę sectionem curatus fuis-
set , sin minus , in crescente affectione ad venę solutionem (vt fe-
cit) se cōtulisset . Neq; ob id de ignorantia redarguēdus venit ,
quia non intellexit hac ratione à principio plenitudinis si-

gna non extitisse, non enim aderant signa per quæ id intellexisset, donec sexta die capit delirare, septima verò, febris inualefcere, ideoque tentauit primis diebus, num fotibus curari posset, quod cū perficere non potuisset, & ex febris augmento septima die cognouisset iam plenitudinis signa adesse, morbumque sanguinis missionem postulare, ideo octauo die sanguinem misit, alioquin si percepisset quam dicis plenitudinem, atque necessitatem ad sanguinem mittendum, non vtique fomentis curationem aggredi tentasset, sed statim sanguinem misisset, curationeq; tentatiua, quæ potest ex votis succedere, & non succedere, cognita plenitudine, & morbi vehementia, non vsus fuisset, sed certissima potius curandi via per maiora auxilia venæsectionis, aut purgationis, curationem incepisset. Dixit igitur Galenus sanguinem expuentibus ob lateralem morbum ex Hippocratis sententia non esse secandam venam, vt sanguinis sputum reijcientibus, sed proprijs morbi lateralis regulis curationem perficiendam. Proprie autem regulæ sunt, in primis à fomentis auspicari, vbi aut certò speramus per dissoluentia, & per halitum digerentia remedia affectum curari posse, aut tentando, si curari non valeat, saltem per fomenta plenitudinis signa inualefcente morbo manifestentur, tuncque tentatiua curatione relicta ad sanguinis missionem, vel purgationem, prout morbus postulauerit, confugere possumus. Hac ratione ductus Galenus hominem morbo laterali laborantem cum sanguinis sputo citra venæsectionem liberauit, in quo talis erat habitus, atque vires, ut si sanguinem expuisset, quoniam morbi magnitudo vrgeret, ad faciendæ venæ auxilium accedere ausus esset: quod non fecit, quia morbus lateralis mitis admodum erat, & alijs remedijs curari poterat. Quòd si eo tempore, quo hominem illum curauit, febris fuisset adaucta, morbusque grauior apparuisset, quis dubitare poterit Galenum tunc venæsectionis auxilio opportunè uti posse? Quamobrè ex citata historia magis Altimari doctrina elucescit. Quod uerò Ioannes Altimarus dixit, Galenum nempe nullibi asseruisse Hippocraté Ana-

xioni

xioni sanguinem misisse ante octauum diem, uerissimum est, neque contrarium ex adducto à te loco tertio de morbis vulgaribus poterit comprobari. Secus enim existimat Galenus in historia Pythionis, qui primo die capit laborare cum manuum tremore, febre acuta, & delirio, secundo uerò cuncta fuerunt exacerbata, quamobrem cum grauissimus morbus esset, à grauique causa obortus, primis diebus Hippocratem uenefectione usum fuisse affirmat, & si eius scriptis non constet eam scribere: in Anaxione autem, quia accidentia non fuerunt exacerbata usque ad sextum diem, quo capit deliriū, & septimo inualuit febris, ideo ante octauum non protulit sanguinem misisse, ut latius explicauimus in epistola octaua, ad quam ueritatis studiosos remittimus, ne quæ alibi dicta sunt sepius repetantur. Ex dictis igitur concludere liceat, Hippocratem Anaxioni à principio sanguinem non misisse, quia quantum attinet ad artis præcepta, & ueram medendi rationem, primis diebus non uenefectione, sed alijs potiùs auxilijs uti expediebat.

Com. i. te. 3

QVOD SUE TURGENTIAE NOMINE NON

comprehendat Hippocrates humores omnes tenues acutiū
morbum concitantes, aut uenefica qualitate infe-
stantes, seu crassos multitudine grauantes,
& acutum, ac periculosum morbum
mouentes.

DEFENSIO QVINTA.



VODECIMA depulsione clarè monstraui
mus ex tenuibus humoribus acutum mor-
bum concitantibus illos tantum turgētes
fore appellandos, qui stare loco nequeūt,
& concitatori motu de loco ad locum mo-
uētur, sumpta similitudine ab animalibus
quæ ad coitum properant, quamobrē qui
uis alius humor tenuis, & si acutum morbum generet, atque

Qui humo-
res dicuntur
turgentes.

peri-

23. aph. pri
ma sect.24. aph. se-
cunda sect.

periculosum, si dicto modo de parte in partē non moueatur, turgens dicendus nō erit, eademq; ratione neq; in morbi principio per expurgans medicamentum euacuandus, donec maturefcat: cū autem rarò turgeant humores, rarò etiā acutos morbos concitabunt: quamobrem rarissimè in acutorū morborum principijs medicamento expurgante uti conueniet; quia rarissimè inter acutos, atque periculosos morbos reperiuntur, qui ex turgentibus humoribus cōcitetur. Si igitur (vt tua est sententia) sub turgentia nomine omnes acuti, ac periculosi morbi à quacunque materia procreati ab Hippocrate comprehenderentur, cū tales morbi sepius reperiuntur passim etiam turgentes humores, & non rarò (vt Hippocrates affirmavit) in humano corpore procrearentur, & sepe in acutis passionibus, nō rarò medicinis purgātibus vteremur. Quod eiusdem Hippocratis sententię repugnat, qui nō in omnium acutorum morborum principijs utendum esse medicamento expurgante asseruit, nisi eorum duntaxat, qui à turgentibus pendent humoribus, raroq; tales inueniri, quia etiā rarò humores turgent; cū multū differant celeriter moueri, & cū turgentia moueri: ideoque pestiferus humor qui fixus est, & assiduè de loco in locum non concitatur, etiā si sua qualitate venefica cor infestet, turgens minimè dicendus erit. Similiter crassus humor licet precipuum membrum infestet, aut maiori quantitate redundet, quā à natura conuinci possit, inter turgentes non erit connumerandus, neq; hac ratione per expurgans medicamentum euacuandus ante debitam ipsius coctionem. Non enim crassus, atq; crudus humor epilepsiam concitans per ventrem euacuatur à natura, quamobrem neq; ab arte eius imitatrice id vnquam fiet: similiter quando apoplexiā concitat, nunquam eo tempore natura tentat, nec valet copiā crassi, atq; crudi humoris cerebri ventriculos replentis per secessum euacuare, sed ad vicinas partes propellere curat, vt viæ animalis spiritus, quæ interclusæ erant, referentur. Quare neque illius humoris euacuationem ars per expurgans medicamentum tentare vnquam debet, nisi in dictis morbis pharma-

cis

cis vtamur gratia reuellendi illum humorem præcipuum mē-
brum occupantem, aut ad illū properantem, seu quandocun-
que humor est omnino putrefactus, atq; corruptus, & à natu-
ra alienus, ita vt à natura concoqui non possit: tunc n. natu-
ra ipsa, quem humorem concoquere nō valet, conatur expel-
lere, ideoq; tunc medicamento trahente adiuuanda. Non. n.
humor dicto modo corruptus crudus nominari potest, cruda
enim cōctionem admittunt, non autem omnino putrefacta,
& à natura destituta: quoniam Hippocrates solum cruda non
esse à principio morbi expurganda asseruit, quia cōctionē ad-
mittere valent: non negauit tamen, quæ omnino vitata sunt
à principio, & expurgari posse, & deberi: vt in alopecie cura-
tione, quæ ex humorū vitiatorum redundantia oboritur, Ga-
lenus facit. Et deniq; succos tenues, & aquosos, quales sunt hy-
dropem ascitem generantes, & alia quęcunq; aquea materia,
ideo purgandos à principio præcipit, quia concoqui non pos-
sunt magis quàm aqua ipsa. Quoniā uerò Hippocratis, ac Ga-
leni autoritatibus, quas pro corroboratione tuę sententię,
& Altimari confutatione, in tuis adducis commentarijs, & de
nouo in apologia proponis, 12. depuls. satisfecimus, & dicto-
rum uirorum mentem multò aliter interpretandam patefecim-
us, non est quòd de nouo uerbofius agamus. Quinimo con-
cludamus cum Ioanne Altimaro pro uera patris sententia pu-
gnante, uocabulum turgere pro uerissima, & quæ rarò cōtin-
git humorum turgētia ubiq; in Hippocratis, & Galeni doctri-
na accipiendum, neq; ad alium falsum, & somnium turgē-
tiæ modum ampliādum. Verū ut plurima incommoda, quæ
ex tua opinione sequūtur, uitare possis, nisi ea uera sit, quam
tradis expositio de uocabulo turgere, ut comprehendat mul-
tam materiam acutum morbum cōcitantem, seu venenosam,
aut ad principem particulam ruentem, Hippocratem, & Gale-
num tanquā diminutos meritò accusandos fore existimas,
qui tantum in humore turgente, qui velocissimo hac, & illac
concitatur motu, à principio vtendum esse expurgante medi-
camento dixerit: quod uirum cum illis tribuendum non sit,

*Pr 4. metho.
c. 6. asseruit
Gal.*

*4. de sanita.
tuen. c. 4.*

*1. de comp.
med. secur.
diu locos 6. 2.*

sub turgentia prædictos casus de materia multa, venenosa, & ad princeps membrum mota comprehendendos esse existimas, in quibus in morborum acutorum principiis purgatione uti cogimur: sicq; aphorismum Hippocratis integrum apparere, qui aliàs diminutus extitisset. Verùm præterquàm quòd dicta ratione ex materia multa, venenosa, aut ad princeps membrum fluente sæpe acuti morbi concitantur, sæpissimeq; turgens materia reperiretur (quòd est contra ipsum Hippocratem asserentem rarò turgentem materiam inueniri) adhuc & si turgentia non intelligatur, nisi de humoribus, qui de loco ad locum concitatori, & inordinato motu mouentur, ut verè intelligitur, non ob id sequitur Hippocratem, & Galenum fuisse diminutos. Nanq; aliquando in morbis à materia non turgente concitatis, utimur (ut 10. de puls. abunde exposuimus) in eorū principiis medicamento expurgante, quando ita corrupta, & à natura destituta est, ut nullam possit admittere coctionem, aut cum gratia reuulsionis alios humores in corpore redundantes purgatione euacuam⁹, ut successione ad id, quod euacuatur, quæ ad principem partem fluit, aut fluxa est materia, reuellatur. Quamobrem cum in apologia nihil noui afferas, cui in depulsione nostra responsum non sit, circa negotium adeò clarum, & à doctissimis quibusq; medicis receptum de explicatione turgentis, tuæq; sententiæ confutatione, non est quòd amplius tempus conteramus; præsertim quòd Galeni in Hippocrate explicationes ad tuæ opinionis corroborationem adeò retorques, ut nemo iam sit, qui ductus nuda veritate à nobis exposita, in quonam dictorum tuorum fallacia consistat, ignoret. Vnum tamen silentio præterire nequeo, quòd in fine apologiæ asseris, securè posse nos in quorumuis morborum acutorum principiis hac nostra tempestate faciliioribus, & benignioribus expurgantibus medicamentis uti, ut manna, cassia, rhabarbaro, saccharo violaceo, syrupo ex pluribus infusionib⁹ rosarum, & alijs similibus, quibus aut vetustiores medici carebāt, aut illorum purgandi facultatem ignorabant, ideoq; non præcedente coctione si talium medicamentorum benignitas, atque purgandi

gandi vis cognita illis fuisset, in di&orum morborum principiis talibus medicamentis vti non renuissent: sicq; consulis ex tua sententia, atq; secundum Fernelij doctrinam, & aliorum iuniorum, non solum in acutorum morborum principiis, qui periculosi sunt, sed eorum etiā, qui periculo vacant, dictis medicamentis benignioribus vti oportere, vt deonerata natura eo, quo veluti sarcina premebatur, facilius quod reliquum est, concoquere, & vincere possit. Verum non ob id quod medicamenta prædicta nobiliora sunt, & tutiora, rectè concluditur vtendum illis esse in acutorum morborum principiis, quò minori facta materia natura reddatur potètiior supra residuum: nam licet ex natura sua tutiora sint, quia tamē naturæ nostræ non tantum repugnant, quantum validiora, qualia sunt scamonium, & Peplion, non ob id propinanda sunt materia non concocta. Si enim quæ maiorem habent purgatricem uim, ut scamonium, crudos humores nō educunt, quia à natura retinentur interim dum eos concoquit, quomodo quæ minorem purgandi facultatem habent, vt manna, aut rhabarbarū, eosdem crudos euacuabunt? Ea igitur ratione, qua validiora medicamenta crudos humores euacuare nequeūt, multò minus debiliora eos euacuabunt: & sicut fortiora mouent, & nō euacuāt, ita etiam debiliora mouebunt citra vllam euacuationē, in hoc tantum differētia, quod benigniora minorem virium dissolutionem, corporisq; turbationem ex motu, quàm validiora efficient. Verum nō ex eo quod minus lædant, sequitur illis vtendum esse in morborum acutorum principiis ante humorum coctionem, debitamq; ad expulsiōem preparationē. At ubi humores cōcocti sunt, viēq; probè preparatē, fatemur ingenuē, maiori cum fiducia posse nos benignioribus vti medicamentis, quia minus calida sunt, minutq; nostrum corpus alterare valeant. Nullum est enim medicamentum adeo benignum Galeno auctore, quod citra noxam magnificè proficit, quò igitur fuerit benignius, minus lædet. Cum itaq; crudi humores, & si maxima quantitate redundant, ad motum pigri sint, & impacti partibus adhæreāt, quæ suo nativo calore illos

Medicamentis purgantibus benignioribus baud vitèdum crudis existentibus humoribus.

11. meth. cap. 14.

concoquere intendunt, & interim dum concoquantur, retinent, medicamentis trahentibus non cedant, nulla illorum portio euacuari poterit, interim dum crudi sunt; quamobrem cum eos minorare expurgans medicamentum non valeat, non verè de crudis humoribus verificari potest, quòd per expurgas medicamentum minoretur materia, eaque minori facta, natura supra residuum potentior euadat: nisi illud in crudis verificetur humoribus, qui turgent, & inordinatè de parte ad partem mouentur, medicamento enim trahente, & natura partium irritata expellente, illorum portio euacuari potest, minorataq; materia, quæ vt farcina premebat, fiet tunc natura potentior. Licet igitur Salue doctissime, in medicæ artis doctrina, vbi cum rei natura consentis, tibi plurimū tribuamus, tamen cum aliquando videamus rem multo aliter se habere, quàm in tuis commentarijs, & apologia scripseris, veritas eadem, cui magis addicti sumus, nos coegit à tuis opinionibus interdum recedere, & Altimari, nostriq; præceptoris Christophori à Vega, aliorumque peritissimorum virorum sententias amplecti, atque defendere, quod pietati potius, quàm contradicendi libidini, nobis tribuendum est.

F I N I S.

Imprimatur.

Honofrins de Porta Vic. Gen. Neap.

P. Bartholomæus Perez Theologus ex Societate Iesu vidit.

Errata maioris momenti ita corriges.

Pag.	Lin.		Pag.	Lin.	
25	16	ij, debet legi ijs.	79	20	phantasiam, phantasiā.
29	20	visitandi, visitandi.	88	3	quoque, quodque.
42	22	manifestum, manifestum.	89	32	digressionem, digressionē.
43	8	ino, in.	94	25	eruginosam, æruginosam.
43	9	quæ Brasauola, quæ à Bra-	96	12	sunt: sunt.
		sauolo.	96	27	quod, quod.
55	18	equum, equum.	110	29	labolantes, laborantes.
57	30	apellatur, appellantur.	112	1	pussularum, passularum.
62	3	doloris, dolores.	123	11	renelledi, reuclendi.
68	3	miaor, maior.	141	11	nurrimenti, nutrimenti.
70	10	faciendam, faciendum.	145	13	neglecta, neglecta.
73	23	adhibere, adhibere.	148	22	libij, libij.
75	25	cruda, cruda.	178	26	exanguibus, exanguibus.
76	31	inditium, iuditium.	185	1	corports, corporis.
76	34	biliffa, biliosa.	190	1	seruatur, secernatur.
79	16	conferentia, & tolle-	194	30	loco, loc.
		rantia.	265	17	calidus, calidi.



SERIES CHARTARVM.

† † † † ABCDEFGHIKLMNOPQRSTVXYZ.

AA BB CC DD EE FF GG HH II KK LL MM.

Omnia sunt integra folia, præter D d 3. quod est semifolium.



costo 3 41. —

